

甘肅府縣志輯

中國地理志

道光靖遠縣志(二)  
光緒打拉池縣丞志

甘肅府縣志輯 ①⑥

道光靖遠縣志(一)

光緒打拉池縣志

鳳凰出版社·上海書店·巴蜀書社

靖遠縣志卷之四

金陵陳之驪編次

鄉賢 武功 科甲 貢生 行伍 維途 地封 恩蔭 忠  
孝 節烈 義 流寓 隱逸 鄉耆 仙釋 塚墓

鄉賢

明

房加龍公以武科甲第起家值西蜀多故歿於王事崇祀

鄉賢

康熙鄉賢志

路瑛正德十六年閩本衛年荒運糧賑濟全活甚多解組  
歸祖厲河泛漲有摧城之勢公捐資疏通北入黃河通邑  
建廟立碑以報功崇祀鄉賢

康熙武功志

趙率教公以壬辰武闈聯捷官平遼將軍歿於王事諭祭

加贈崇祀鄉賢 康熙鄉賢志

國朝

王進寶公事業已詳武功本傳本衛為吳逆叛據官兵入  
剿公為言於將軍孫公保護甚力闔城士庶感恩報德建

立生祠崇祀鄉賢 康熙鄉賢志

潘澤溥性至孝友秉心仁慈居鄉樂施不倦傳家有令則  
故鎮綏將軍績著太常繼起者又復轟科挺甲一門光顯  
皆積善之徵也有司 題請奉

旨准祀鄉賢光照俎豆允協輿論云 康熙鄉賢志

潘育龍任陝西固原提督康熙己亥卒於官加贈太子少

保


賜葬祭諡襄勇崇祀鄉賢武功備載前志

乾隆續志

王用予奮威將軍王進寶長子隨父征剿吳逆授涼州總

兵官終養致仕崇祀鄉賢

乾隆續志



Handwritten text or markings along the right edge of the frame, possibly including the number '10' and other illegible characters.

武功

後漢

張繡祖厲人涼州金城人繡勝襲殺祖厲長時繡為縣吏  
伺殺勝邑人義之後仕魏官渡之役力戰有功累遷破羌

將軍 三國志本傳

宋

張遷壽會州人為宋元帥以戰功賜蟒衣金牌至今會甯  
有村名金牌張家 萬歷武功志

明

趙率教陝西靖虜衛人

康熙志

始祖源

趙光遠墓

順天府遵化

衛籍

康熙守參門  
趙相普志

矢志守邊授戶侯職聿來茲土衍及高

祖昇及祖汝義勇獲捷陞授揮帥祖繫父相普

趙光遠墓志

萬

歷間武舉

康熙武科志

嗣本衛指揮僉事進固原衛掌印升永

安守備

康熙字參志

妻薛氏路氏

康熙地封志

生五子長率性承世

襲懷遠將軍次卽率教

趙光遠墓志

萬歷壬辰武甲科聯捷

康熙

武甲科志

屢著戰功游陞山海關總兵再進右都督世廕本衛

千戶移鎮甯遠又移鎮錦州特加左都督天啟七年五月

馮城固守加太子少傅廕錦衣世襲千戶崇正元年八月

移鎮永平兼轄薊鎮八路踰月掛平遼將軍印再移至關

門明年



大清兵由大安口南下率教急赴援十一月四日戰於遵化

中流矢陣亡一軍皆沒帝聞痛悼賜恤典立祠奉祀

明史

王性善左所副千戶王大用孫原籍安慶府人萬曆二十四年襲祖職三十一年調補本衛鎮撫司陞大廟操守天啓三四年間河套松山諸部屢寇鎮番之邊外性善奉調同官兵征剿初同官兵破賊於井迭地方次同官兵破賊於大明沙阿落什地方四年同官兵破賊於蘆溝紅井子地方皆獲勝捷甘肅巡撫李若星奏聞敘功歷陞至副總兵崇正四年二月流賊王老虎犯莊浪性善同總兵曹文詔討平之四月神一魁餘黨紅軍友李都司杜三楊老柴

屯鎮遠將犯平涼巡撫檄性善扼之賊走慶陽適總兵曹文詔從鄜州間道與性善兵合五年三月大破賊於西濠斬首千餘級生擒杜三楊老柴賊屯張麻村性善擊之大捷追敗之咸寧關又敗之關上嶺追至隴安而還以功授甘肅總兵官崇正八年七月卒於官

補遺

### 國朝

趙光瑞字虹洲原籍遵化人弱冠卽以襲膺掌印本衛旋陞寧夏都司超授漢羌副將因世變家居事繼母王氏以孝聞

皇清革命聞光瑞世胄忠貞

特授副將協南安總鎮范公恢復武都戊子秉節洮陽適回  
逆犯順光瑞率親丁百餘騎撲滅無遺泐功隴上巳而河  
西回逆蜂起光瑞蕩平之己丑值山右變起倉卒光瑞爲  
先鋒帥官兵夜渡黃河與禁旅會合運籌決勝所至歸誠  
遂擢光瑞都督同知總兵興安未幾忽報逆寇數萬潛犯  
白土關光瑞率勁卒數百禦之奈衆寡莫敵六月二十九  
日寅時自引塵裾尾刺喉而絕

康熙武功志

王進寶字顯吾狀貌魁梧精騎射順治初從總督孟喬芳  
討叛回立功授守備李定國據滇黔從提督張勇進剿師  
次萬谿懸崖千仞進寶攀援直上搗其穴賊衆奔潰薦授

遊擊又以功擢洪水營叅將青海酋輸款乞住牧大草灘地進寶力持不可並議修治故單于城遂改名永固以進寶爲副將駐之番人畏伏無敢飲馬城窟者晉西寧總兵吳三桂反王輔臣亦叛陷蘭州進寶卽統兵抵黃河夜以皮囊暗渡連敗賊兵遂拔安定復金縣乘雪夜破臨洮復蘭州奏聞擢陝西提督鎮秦州隴右悉平晉奮威將軍賊犯寶雞復帥師進討命長子用予潛襲利橋遂取鳳縣抵武關又遣用予潛出關後夜半破關直趨漢中奪蜀朝天關拔廣元昭化渡浮橋徑抵保寧用予斬關而入僞帥王屏藩縊死吳之茂降蜀平

賜彤弓駿馬授用予爲四川松藩總兵尋改固原旣而蜀賊

復叛進寶復力疾馳赴平之卒

贈太子太保諡忠勇崇祀鄉賢

王氏功册

李守魁字斗菴左都督任延綏鎮波羅營副將從靖逆侯

征剿回寇後又從奮威將軍軍底定黔蜀屢立戰功

康熙武

功志

王用予字公安奮威將軍王進賢子從父征蜀屢立大功

任松藩固原涼州四鎮總兵以終養致仕

康熙武功志

潘育龍字飛天効力陝西督標從副將張自誠剿竹山房  
縣賊斬獲獨多攻白巖寨剿茅麓山餘寇功俱最賊旣平

吳三桂反秦隴地多陷育龍克復涇州斬賊首周養民等  
歷官至叅將時寧夏道阻育龍奉命偵探率數十人由紅  
河川與賊遇連戰七晝夜卒達寧夏復還報命從大將軍  
圖海討王輔臣屢戰皆捷恢復平涼興安斬僞遊擊李景  
才等降僞總兵王緒武三秦既定進剿蜀東復大竹渠縣  
等處乘勢進取雲南定曲靖擢肅州副將晉總兵在肅八  
年出師破敵者凡五捐俸修築邊牆及嘉峪關城樓番夷  
畏服康熙三十五年同振武將軍孫思克征噶爾旦戰於  
昭磨多忽飛礮中右頤貫耳後力戰不少衰賊大敗凱旋  
調天津戢士伍嚴緝捕勤訓練屢蒙

獎錫擢固原提督晉鎮綬將軍在任十八年卒

贈太子少保諡襄勇育龍所至恤軍愛民好文重士各處俱立生祠以祀雖年逾古稀日較射將士時發百矢精力愈加強壯人皆比之馬伏波云

潘氏家譜

姚寵分守山東萊州沿海遊擊家貧有勇略因回賊叛據南山偕姪詣營投充行伍時總制孟公榜示軍中有先登開門迎進官兵者重給賞敘功錄用寵不避矢石直抵城下自東北角砍殺無算即時報名給賞百金以守備敘用後屢立戰功優陞前職

康熙武功志

牛一麟 甘肅提標叅將先時衛城爲寇所據公從孫將

軍官丘 剿保護闔城秋毫不損梓里士民至今頌德不

衰 康熙

苟好文三藩之變隨奮威將軍恢復川蜀屢立戰功推授

浙江溫州府磐石營左都督管遊擊事以疾卒於官 康熙

志

房世淳字樸如武庠生少負奇志勇略過人吳逆之變從

征蜀黔後又從征噶爾且屢立戰功以軍功題叙任涼州

鎮標遊擊 康熙武功志

潘福字備五號若谷武庠生鎮綏將軍潘育龍長子少即

勇敢絕人隨振武將軍孫思克征噶爾且奮勇當先戮力



破賊以軍功授甘肅提標右營游擊

康熙武功志

宋可進雍正年間以京營叅將征剿樟子山圍七日夜一日三捷身受重傷屢立戰功歷官至甘州提督世襲阿達

哈哈番

乾隆續志

李述泌字鄴儒事繼母最孝由行五雍正元年出征西海進剿西藏七年出征巴里坤七載屢立戰功歷官至四川永寧協副將署肅州總兵終養致仕林下二十餘年鄉黨

推重之

乾隆續志

進士

國朝

潘祥字大千康熙壬午科第十三名舉人中壬辰科四十二名進士由翰林院庶吉士散館授檢討改授戶部廣西司郎中官四川順慶府知府鎮綏將軍次子性孝友雅不事華靡遇事沉毅有爲與人交虛懷善下毫無貴胃氣其爲文雄深渾健俯視一切所著詩古文詞並時藝專稿已刊行世

乾隆續志

關元儒乾隆乙卯科舉人中嘉慶壬戌科進士任河南新鄭縣知縣

欽加同知銜戊寅科鄉試同考官

縣册

白種岳嘉慶戊午科舉人中嘉慶乙丑科進士任雲南江

川縣知縣

縣册

舉人

明

李寧宏治乙卯科舉人官直隸鹽城縣知縣時有冒詐錦衣官者來縣寧不應錦衣反拜之寧曰彼先來拜必詐少頃復遣家僕來饋贄寧佯禮之給僕而得其情遂擒詐職者寘以法時稱明察後以持正不得郡守歡調四川彰明縣卽家居不出

康熙選舉志

王龍山字景瞻貢士聰子宏治甲子科第三名舉人學博思敏尤長於詞賦官浙江平湖縣知縣到任三日案驗吏

書舞文者寘之法一邑稱快後解組歸著有村居詩集行於世

康熙選舉志

陳紳衛指揮善子正德丁卯舉人時值歲饑卽捐牌坊銀以周貧困事母至孝因苦學成疾繼以母喪哀毀過節逾年而卒士林雅重之

王暄字二雪崇正己卯舉人癸未再上春官不第時值闖逆變亂暄夙負經濟練達時務謁大學士李建泰留談竟日井井有條卽奏聞欽賜進士給劄付數十張任其便宜討賊未就而卒

康熙選舉志

國朝

陳一貫字了一順治戊子舉人負性曠達家屢空誦讀不輟歷國子監武學教授衡文精鑒不爽尤博通異書忽一日謂從者曰試往看太和殿火否已而果然嘆曰吾其休矣時報陞戶部司務未任卒

康熙選舉志

潘胤字子淳號靜公援例固原州籍康熙辛卯舉人鎮綏將軍第五子寬厚謙遜自童子時已然讀書務明聖賢之理不屑以帖括見長時會元汪公士鋹衡其文早許爲大成器也年十八與弟禕同榜

潘禕字大中號坦齋康熙辛卯舉人鎮綏將軍第六子生具異稟讀書過目不忘七歲卽曉音韻人有神童之目年

十五與兄祜同登盧長吉榜官廣西思明府同知 康熙志

潘祺字鶴年鎮綏將軍第三子康熙甲午科六十二名舉

人 宋紹仁字元長乾隆庚午科二十九名舉人官陝西

同州府白水縣訓導後任階州學正 賈希适字容伯由

拔貢中乾隆乙酉科四十四名舉人任乾州學正 魏行

芳乾隆乙酉科北闈六十一名舉人寄居山海關臨榆縣

以上乾隆續志 陳爽乾隆丁酉科第三名舉人 李維寧嘉慶

庚申科舉人廣西試用知縣歷署平樂府通判富川懸知

縣改教職借補永壽縣訓導 楊得質嘉慶戊辰科舉人

官四川安縣知縣 王毓秀嘉慶庚午科舉人分發直隸

試用知縣 牛中選嘉慶癸酉科舉人分發直隸試用知縣借補三河縣縣丞 王家督道光戊子科舉人 戚維禮道光辛卯科舉人 何愈道光壬辰科舉人 以上縣冊

### 拔貢

明

王應鳳選拔直隸邯鄲縣主簿 焦光裕繼之子選拔河南臨漳縣縣丞 趙國仕選拔湖廣州判 陳宗器選拔任山西保德州知州 張璉字提封選拔 王國興字昌字選拔山東壽光縣丞署正篆闖逆變殉難題祀名宦 康

熙志

國朝

張烈字瞻日選拔曠達不羈少聰穎七歲能文有神童之目性復嗜飲大醉後則文思愈覺沛發至詩古書畫尤工妙一時云 路之岳選拔 吳之彬字龍藻選拔 牛輔

國選拔 王重仁字叔元康熙戊寅拔貢朝考入監監滿

撥分修道堂東吏 康熙志 趙孟英拔貢賦性孝友兼工詩

文倡修南山魁星樓 賈希适拔貢 王弼臣拔貢 乾隆續志

白種德乾隆丁酉拔貢 李榮梓乾隆己酉拔貢官西

寧縣教諭 盧鋌嘉慶辛酉拔貢 滕之麒嘉慶癸酉拔

貢 馮獻治道光乙酉拔貢 以上縣册



副貢

國朝

种廷璋字士莪康熙甲子科副榜幼穎敏特異為文卓有奇氣試輒冠軍甲子闈文已入彀及填榜當事者因其字多逾額遂已之工於駢語及詩古文詞行楷亦得衡山筆意士林珍焉子四人皆能世其家學

康熙志 邢蘭道光辛卯科副榜

縣册

恩歲貢

明

天順年葛正 高堅 員彪 張英浙江平陽縣丞折獄

平允邑俗婚姻多論財時有質成者英以禮諭服俗亦遂  
敦禮教焉 黎獻 路昂四川江安縣丞 劉生四川重  
慶府照磨 張溥 見隱逸 王聰四川成都府訓導爲人端  
方嚴教學行兼優誨士子咸依先正則範及考績復陞本  
府學正子龍山能繼其志云 張鑑四川吏目 高顯山  
西澤州訓導負性鯁直不屑隨俗俯仰與堂官弗諧甫三  
月卽歸 郭蒙直隸武清縣丞 路綸山西晉府審理正  
爲人剛果和平 劉果四川訓導  
宏治等年傅漢 王臣直隸大成縣教諭 房鎬敦禮尙  
義博古好學執喪悉遵文公家禮與金城彭幸菴友善常

以書寄慰稱爲知禮子恢孫鳳時皆能世其家學 馮禧  
字景福甘貧好學篤孝於親敦愛於弟雅重友誼與金城  
彭幸菴友善乃賦愛日軒在都門有盧溝別意册執喪盡  
禮或勸之仕曰吾之苦學爲不負吾親今親逝矣仕何爲  
因遁迹不出 馮鸞四川廣安州吏目 雷泰山西猗氏  
縣主簿 王禮四川榮昌縣主簿 房愷都指揮房恢之  
弟篤志力學三登乙榜士多就學焉時當事者延處西席  
不欲往以子弟就塾執贄焉乃納之及遊太學以才學見  
重於大司成任河南鄧州同知清介勵俗歸家惟圖書滿  
載而已

按房恢應作房懷守參志云多所建立卽指懷爲都指揮時事也忠志云鑑子二懷愷是愷實懷胞弟若恢則爲房錫子嘉靖貢生平定州學正未嘗爲都指揮也

路

闕名

四川縣丞

莫林廣東千戶所吏目

薛景山東莒

州訓導悃福無華訓士有科條課子有義方捐俸周恤貧士與金城諸名公友善以母憂歸家不出金城劉潭爲內外小像贊長子龍次子鳳 陳經善之子 劉杲四川訓

導

路統

白珍河南南鄭縣教諭子以正以清

正德年路紀河南孟縣縣丞 董鑑韓府教授平生節義

鯁直

杜容山西靈邱縣知縣

李諫河南河內縣丞

路緯河南杞縣縣丞 路瑞襲兄職子元勳 路瑤肅府  
典膳 路瑾 劉璽河南裕州訓導陞代府永平府兩任  
教授長於吟咏兼善謳歌

嘉靖年焦正山西浮山縣知縣前倅四川綿州不事苞苴  
不徇請託 李塗山西寧鄉縣教諭 李文 路塘南直  
隸徐州州判 張天敘山東臨清州提舉司正草冒役釐  
侵漁部司嘉其剛介兩大挑俱蒙優獎解組歸里人撰惠  
德篇以贈子儒宗 李鎮江西吉安府經歷陞本府通判  
卒於途 張宗義四川嘉定州訓導 高儒四川昭化縣  
主簿 劉侃雲南府照磨 房恢鎬之子山西平定州學

正 薛鳳景之子四川南江教諭前訓導陽曲不冠不見  
諸生多士有薛夫子之稱繼任洪洞又任南江諸生稱之  
亦如陽曲焉 高登字東山前任山西屯留主簿多惠政  
禮賢下士人不敢干以私督理潞河橋工出納錢穀數萬  
府俸同事欲染指登不從遂譖於上上不聽橋成遭母喪  
當道皆憫恤厚周邑人泣送有士懷清慎民慕豈弟之頌  
繼任四川大竹舊賦納松潘登建議憲司允貯綿州郡邑  
皆被節省薦陞保定幕以父老歸養時歲饑出資周濟隣  
里戚黨之待急者卒之日鄉人莫不哀惜 徐邦卿涼州  
訓導以憂歸里遂不出 何良南直蘇州府照磨 馮壽

山東齊東縣訓導陞山西萬全都司學訓導 傅瑤直隸  
南皮訓導陞寶坻縣教諭 陳邦寧四川夔州府照磨  
陳邦靖山東長山縣丞卒於官 焦濟正之子山西黎城  
縣主簿陞四川永川縣縣丞轉池州府經歷居官能幹守  
已不阿 王大有禮之孫四川江津縣丞淹貫經史篤志  
好學以文節治與時不宜及家居時七十有餘猶在紅山  
寺與諸生孫炳然等講論不輟 白以正河南懷慶府訓  
導卒於官 白以清四川潼川州訓導陞肅府教授 路  
璜直隸清源縣訓導 周濟時河南孟津訓導陞韓府教  
授隆慶年張賓陝西耀州訓導 楊振山西陵川縣訓導

高冠登之子初任山西浮山縣知縣潔已愛民甫七月以憂歸服闋因註誤降判解州議築池垣民受其利署篆猗氏民德之復署夏縣值大荒條議煮粥事宜饑民賴以全活又立慈幼局收撫棄嬰後因事左遷御史徐保留章上不果遂家居著述以自娛 陳大安河南孟津縣主簿遷秦府紀善 張儒宗陝西華亭縣教諭爲人篤實不事紛華 路元清璜之子標格秀拔數奇不售精於易學卒年僅四十有四士林惜之 南應吉山西曲沃訓導陞隴西教諭永昌教授復遷晉府紀善歸家未赴任 房鳳時恢之子莊浪衛訓導遷秦州學正陞韓府教授



萬歷啓正等年盧茂涼州訓導遷同官縣教諭以疾歸  
路鶚華亭縣教諭以疾歸 高甸儒之子四川汶川縣知  
縣 田加谷 薛尙志景之曾孫山西廣昌訓導 張惟  
一儒宗子 白師孔以正子 高民望河南商邱縣主簿  
董三策 丁文炳靜樂縣知縣 陳管 莫獻 張鑑  
王紳 路唐 徐邦彥 吳繼德改授本衛指揮 展  
驥足 來允升安塞縣訓導陞北直學正 來坤靈臺縣  
訓導陞狄道縣教諭 盧文蔚涼州訓導 李儒林 盧  
文輝 李柯 展東周 焦問明鄜州學正陞漢中教授  
薛啓哲延安鄜州學正轉郃陽教諭 陳順 李鐸

路鶴 趙志清 房述齡 鄒縣訓導 王思治 山西平陽府教授 問學字習之 鄆縣教諭 未到任卒於途 附葬於白水縣祖塋 盧洪 王之陞 字徵瀛 鄆縣教諭 善屬文 工詩賦 唐世魁 仇榮 張俊傑 常登第 李日昇 王炳智 樂於成就人材 出其門者多名士 以上康熙志

國朝

順治等年 魏希聖 字心孔 李惟昉 恩貢 房企齡 李冲霄 李嘉績 恩貢 陳宗圖 吳登岱 黑聲揚 延安 雒川訓導 李日昌 敦德行 生平足迹不履公庭 鄉里推重 賈董 杜鍾靈 字若寵 工於染翰 劉思忠 恩貢

康熙等年問所願字四可學子金縣訓導學必成誦卽終  
身不忘文章行誼俱見墓表 展譽美字在中朝邑訓導  
爲人性耿介家貧讀書寒暑不易設教師範甚嚴不以修  
儀爲念所得束修生徒有空乏者出以給之門下多以科  
貢顯及歿門人俱圖像爲文以誌德教不忘云 陳賡愈  
王恢統 黑聲達 王聰退讓溫和 房榜字開先  
王恢 路屆遠字文石幼孤母陳氏撫之成立文石曲盡  
子道具詳協鎮許紫侯祭文內 任調鼎字鹽梅坦易和  
平從無疾言遽色士皆悅服 趙率典字訓五 高桂字  
馥若有異秉工於文詞 姜永福 楊芳字馨若 許奮

翼 呂正音 李筠字凌雪陝西乾州訓導 賀福字以  
介 王用卿富平訓導 武儀字義人 楊世烈字奕鏞  
王時盛字其昌 高三聘桂子 吳棟字雪之 張鏡

字爾鑑

以上康熙志

康熙四十九年以後房世澐朝邑郃陽訓導 房世藩三

原訓導 張鎡 張武西鄉訓導 馮景驄 王養民盩

屋訓導 王爾銘

雍正各年馬秉慧恩貢 王可輔三原州導 宋可懷

常夢蘭 任友直 魏殿臣韓城訓導 李之麟 張能

弼 焦淋 雍之秀

乾隆各年李愈妍 王爾鎬 楊復恩貢 楊培楨 李  
莪鎮原訓導 宋幹 李鐸潛心易學閉戶二十餘載  
盧瑄 柴邦楹 王言良 朱宏謨 宋材 張心寶  
王世德恩貢 沈溥 張光義廩貢 李友梅 荀元輔  
白水縣訓導 劉作梅 李汾係侍衛李光輔子 馮鍾  
麟恩貢 李滄 吳國士恩貢任咸陽縣教諭 賀日仁  
房不祚係郃陽訓導世澗子 楊生治字鍾祥性至孝  
友篤學力行而艱於遇家居授徒於後進多所成就乾隆  
己亥鄉里欽其德望舉鄉飲大賓 馮司典 徐讀恩貢  
係徐宗周字文字子於康熙五十九年出征巴里坤應援

花海子帶一地方腿面帶鉛傷一處屢立戰功援功加守  
 備 李林係乾州訓導李筠孫四川永寧協副將李述泌  
 子任昌吉縣訓導 徐盡善 李洽官鞏昌府訓導 趙  
 君璣 以上乾  
隆續志 王說 范房 張可願 李宜塾 王廷  
 詔 王誠官鄜州教諭 王誼 王朝輔恩貢銓陝西鳳  
 翔縣教諭 樊璽 秦世奇 郭龍圖恩貢 武邦華  
 閻琪恩貢 劉海龍 聶文學  
 嘉慶各年王一夔 李景泰恩貢 訾承略 牛鍾秀恩  
 貢 賈中魁 柯英發 姚通顯 高文達 王家聲  
 劉如銘 白種金恩貢 魏鴻圖 李世麩 胡澤深由

廩貢銓榆林府懷遠縣訓導俸滿陞韓城縣教諭 秦屋

由廩貢官涇州訓導 馮積學 趙全倫 羅儒廩貢

韋東矩 武綱恩貢 李椿 杜鳳翔恩貢 王對廷恩

貢 師朱 魏鎮 張起槐 秦藍 呂興渭 滕成高

李炳元 蒙鳳岐 吳殿選

### 武進士

### 明

趙率教萬歷壬辰聯捷歿於王事諭祭九壇題祀鄉賢

房加龍萬歷壬辰歷任四川綦江縣參將歿於王事諭祭

題祀鄉賢 焦光祚天啟壬戌聯捷都司僉書管文縣守

備事 馮凌漢 崇正丁丑聯捷任肅州金佛寺都司 以上  
康熙志

### 國朝

郝冲漢 順治乙未科任山東任城衛守備 黨宗聖 順治  
乙未聯捷任綏德州守備 劉建伯 順治戊戌聯捷官侍  
衛後任陝西鎮番參將奉 旨以原任休致 竇五桂 字  
聯芳 順治戊戌官廣東香山縣遊擊 鄧國珍 順治戊戌  
官山東濟寧都司 樊述英 順治辛丑官江南徐州右營  
守備 路之嵩 順治辛丑官四川川北鎮守備 趙率 恕  
康熙庚戌聯捷 吳堃 字季旺 錫封子 康熙庚戌科官洮



州衛守備能詩畫 馬迅字冀空康熙乙丑科官貴州鎮  
遠思州右營遊擊 吳丕烈字彥長康熙辛未科官湖廣  
平溪衛守備 李愈隆字榮卿康熙庚辰聯捷官侍衛恩  
詔以文職誥封奉政大夫歷陞湖廣全省都司係廩生李  
光熙之父 盧圳字東泉康熙癸未聯捷任山西大同府  
小石口守備 李光輔字公卓康熙丙戌進士官侍衛以

上康熙志

馬元勳康熙癸巳鄉榜第七名戊戌會試第五十名 宋  
愛字體仁康熙庚子第三十三名雍正癸卯會試二甲三  
名由侍衛歷官至貴州提督 石廷顯字君榮雍正丙午

鄉試第七名癸丑會試第十七名歷官至山東文登協中  
軍都司 以上乾隆續志

武舉人

明

萬歷年趙時亨

吳廷宰

狄守用

房加恩

武毅

趙相普字雪菴本衛指揮遷永安堡守備 王偉官海刺

都守備

馮光耀官遼東錦州叅將

張國柱

楊鉞

趙光遠官漢羌總兵

趙率倫字進吾官遼東經略標下

副總兵

吳登俊

楊王庭

張英傑

劉大勳官本衛

鎮撫使

來獻書

張榮

白屋相

張元勳

王世卿

陳廣元 李棟材 秦可畏官固原西安州遊擊 常  
夢熊 李龍舟 王吉士官固原守備 馬天佑 王康  
馮凌霄 張俊秀 馮熊官山西泌州掌印守備 王  
之階

國朝

順治年馮健解元 裴祚昌 趙聖瑞官潼關衛守備  
吳之裔官雲南永昌府騰衝衛掌印守備 蕭三捷 陳  
廣熙 竇彪官紅城子守備 馮大威官揚州領運 畢  
世隆官福建福州府石營遊擊 白桓官江南江寧領運  
宋標麟 秦可道解元 包英官江南領運 武國俞

武士傑 陳賡元 徐州魁

康熙年馬騰遠 王翮官長沙衛掌印守備 段龍錦

王柱石 丁天命官山西陽方口守備 盧垌壬午科

馮亨 李曰實 王宏略都司僉事管永安堡守備事

白登庸官浙江台州衛領運 李膺辰署參將管寧夏洪

廣營守備事 王翊字贊皇 趙率恭 趙興隆都司僉

書管山西吉州營守備事 馮時雍 張鈇 葛世裔

化效 任廷選 馬速 王國柱 路一鳳解元字儀石

王貴德字虞賓 武振聲 劉允隆 李自馥 趙思

位 丁鑑 牛輔弼 韓邦佐 王師德 張默 鄭邦

輔 葉苾慶 楊紹景 王寵錫 王九官康熙己卯科

由把總署肅州下古城守備 白輔宸官神道嶺千總署

遊擊 以上康熙志

康熙各年趙興德字敬仲平遼將軍趙率教孫靖遠協副

將趙光大子 陳奇策 高象漢康熙庚子科官山西平

陽府城守營守備 王仁曾

雍正年李士會官安西營守備 許臣 王言敏甲辰科

官會寧縣把總 李淋 王廷彥 劉作舟 侯御邦

郭彥恪 陸廷楹

乾隆年杜逢春 党重文官興漢鎮千總 梁士魁甲子

科官直隸三河營都司 潘紹仁係鎮綏將軍潘育龍第

四孫官涇州營千總 武烈官洮州營千總出師西域候

補守備 梁攀龍官會寧把總出征金川陣亡廕一子

洪養鼇 陳紹虞 劉士品 梁得位 馬咳 靳顯

張作度 梁得任 石虎臣 王用材 任以甲 趙丕

猷係平遼將軍趙率教五世孫廩生趙君璣長子 李彬

係乾州訓導李筠孫四川永寧協副將李述泌次子 馬

建勳 隆乾續志 倪元仕乾隆丁酉科 馮培元乾隆丁酉科

歷任都司川楚陣亡廕子 李有德乾隆丁酉科 馬建

勤乾隆庚子科 雷攀雲乾隆庚子科 田種玉乾隆庚

子科 秦光珠乾隆癸卯科 劉養鵬乾隆丙午科 牛  
大知乾隆丙午科 陳九德乾隆丙午科 閔聯捷乾隆  
戊申科 陳繼舜乾隆戊申科 張宗咨乾隆巳酉科  
王育才乾隆壬子科 雒人龍乾隆戊午科 仇懷瑜乾  
隆甲寅科 胡文圳乾隆甲寅科 郭對揚乾隆甲寅科  
仇懷瑾乾隆甲寅科官西甯鎮中營遊擊 賈夢熊乾  
隆甲寅科 張魁乾隆甲寅科官陝西河州鎮千總 梁  
得銘乾隆甲寅科 蕭榮植嘉慶庚申科 李映元嘉慶  
甲子科 楊生魁嘉慶戊辰科 袁輔清嘉慶庚午科  
雒對揚嘉慶庚午科 梁萬年嘉慶庚午科 王鳳鳴嘉

馮攀桂嘉慶庚午科 陳申鍾嘉慶癸酉科

梁正志嘉慶戊寅科 梁正倫

嘉慶戊寅科 葉遇春嘉慶己卯科 張廷良道光辛巳

科 房占魁道光壬午科官陝西西固營千總 牛中英

道光壬午科 許登科道光壬午科 關得章道光乙酉

科 袁永清道光乙酉科 馮璋道光戊子科 仇占鼇

道光戊子科 牛中魁道光戊子科 馮占鼇道光戊子

科 牛謙道光辛卯科 滕毓英道光辛卯科 李鷹揚

道光壬辰科 牛坤道光壬辰科 滕映五道光壬辰科

縣册



行伍

宋

程俊會州人紹興初仕至中亮大夫康州防禦使權熙州  
蘭鞏路兵馬鈐轄隴右都護右都同統制軍馬使

康熙孝志

明

杜實正德間隨兄榮業太學時揀允錦衣衛將軍食千戶  
祿後子維廕錦衣衛校尉

康熙侍衛志

國朝

趙光遠任漢羌總兵官 趙光裕字芳洲官錦衣金吾將  
軍 哈進泰任碾伯遊擊 趙光大字容洲任蘆塘遊擊

王科任陝西固鎮西安州遊擊 景一清任浙江處州  
鎮標右營遊擊 胡永謐任山西河保營守備 劉奉誥  
任湖廣常德府副將 張文采任雲南陸涼衛掌印守備  
張有德字積菴任達州遊擊 高明興兩任守備 李  
邦棟四川成都府左營遊擊順治十八年征茅蘆山陣亡  
廢子 于可訓任肅州副將 化守登任福建閩安副將  
標下中軍遊擊 薛仕祥任江南京口守備 葉桂馥任  
山西平陽提標中營叅將 趙文魁任鞏昌城守營遊擊  
葉綦任江南坐省都司 雷起蛟署遊擊管江南操江  
奇兵營守備事 王進珍任固原城守營守備 王一爵

奮威將軍標下左都督管前營遊擊事 陳國棟以隨征  
川蜀功任蘆溝保守備 劉海以軍功左都督任貴州平  
遼協左營遊擊 王成智以軍功左都督任固原提標左  
營遊擊 葉忠任三眼井守備 王廷輔字三錫任陝西  
興安鎮陽平關參將 趙光榮字瀛洲康熙二十八年陞  
授延安府副將 魏相都督同知任四川遵義等處副將  
韓舊志闕名左都督任山東高唐營遊擊 白柱任涼州鎮  
前營遊擊從征噶爾旦以功授世襲拖沙喇哈番 王永  
基字金城係總兵王性善孫任廣西柳州提督 王台輔  
字三星科季子任四川永寧鎮守備 劉允恭武庠生建

伯長子任湖廣提標右營遊擊 趙雲蛟字霖浦少負英  
爽之氣以軍功歷任浙江湖州府副將署都督同知屢蒙  
獎賜 趙世印字君輔任廣東鎮標左營遊擊 翟起鳳  
字來儀任廣東鎮標後營遊擊 白漢傑任本衛中軍守  
備 李二保呂本姓字洵山任廣西協標左營遊擊 霍長  
修字全菴任下馬關營中軍守備 孟潮海字興宇任直  
隸大名協標右營守備 楊鳳任固原提標守備 王永  
禧任山東膠州營守備 楊生芳本姓葉係葉忠之子字茂芝任廣  
東協標右營守備 禹克俊字雄侯任蔚州城守營中軍  
守備 高躋雲直隸古北鎮協標潘家口守備 王夏宇

平字任山西張家口協標中軍守備 潘華鎮綏將軍育

龍子任甯夏前營守備

以上康熙志

潘之善字元長鎮綏將

軍育龍孫以昭磨多軍功

欽賜侍衛後征西口外屢立戰功歷官至固原提督 王心

字一哉係提督王永基子隨奮威將軍王進寶平巴蜀授

都司 于秀字俊齋出征西域屢立戰功歷官涼州鎮總

兵卒追贈提督 馮吉品由行伍揀選擺牙喇歷官至直

隸真定鎮總兵 趙光大字容州平遼將軍趙率教次子

歷官靖遠協副將 張君智由行伍進剿金川出征西域

屢立奇功斬級頗多歷官貴州無標遊擊兼攝遵義協副

將 王寵錫字龍章係廣西提督王永基孫由武舉任乾  
州千總出征西藏陣亡 斬林由行伍出征西域任山東  
充州總兵 張天福由行伍出征西域任卜隆吉爾營都  
司 李棻字莊隱由行伍出征西域受困和闐任文縣營  
都司兼攝陝甘督標前營遊擊 吳瑄由行伍出征西域  
歷官至甘州梨園堡都司 馬秉祥由行伍歷官雲南大  
理提標遊擊 馬秉鐸由行伍任雲南守備 李泰由行  
伍挑擺牙喇任山西隰州營守備 李基由行伍出征西  
域受困和闐復進剿大小金川奮勇爭先不避矢石帶傷  
四處任固原鎮八營守備 馮彙徵字連茹功加副將任

湖廣岳州水師營守備 蒙玉柱任北直真定府叅將

傅能任興漢鎮遊擊 馬忠相任陝西定邊協屬磚井守

備 劉三義由行伍任肅州鎮標中軍守備 雒進侯由

行伍葉爾羌戰功任西寧鎮標守備 牛洪鐸由千總

欽賜侍衛歷官湖廣龍泉營參將 以上乾隆續志 袁文彰由行伍

任西固營都司預保遊擊歷署潼關協副將 任種禮由

兵生任直隸馬水口營都司隨征川楚屢著戰功 王九

卿由行伍康熙四十二年官千總署靖遠協營中軍守備

盧映魁由行伍任陝西榆林鎮屬孤山堡都司 王子

騏字致千係都司王心孫廩生王家聲父以征葉爾羌功

授千總 劉鳳翥 出行伍官陝西西安鎮總兵 劉鳳翮  
 由行伍官下馬關守備 馮司徒 由行伍任固原提標左  
 營把總 仇懷瑛 由武生任陝西文縣營都司 王喜靜  
 甯協屬馬營監營千總 陳福甯 夏鎮千總 王佳才 固  
 原提屬千總

雜途

高可攀	由監生任江西 上高縣縣丞	李天喜	由伊犁吏滿銓湖 南瀏陽縣典史
曹大祥	由伊犁吏滿銓安 徽大餘嶺巡檢	張進朝	由伊犁吏滿銓江 西珠樹潭巡檢
靳文燧	由監生捐職通判署 安徽太平府同知	劉福	由伊犁吏滿銓四 川成都府司獄
劉達	由伊犁吏滿銓陝 西吳堡縣典史	關世藩	由監生任山東 歷城縣縣丞



關世相

由監生捐職知縣

劉芳

山東泰安府東平縣彭家集巡檢

劉翰

湖南岳州府巴陵縣典史

張玉麟

貴州思州府青溪縣典史

明地封

陳聚以孫善贈昭勇將軍妻張氏贈淑人

陳廣良以子善封昭勇將軍妻崔氏封淑人

陳善妻李氏葛氏俱封淑人

吳驥以曾孫瑛贈榮祿大夫妻李氏贈一品夫人

吳鐸以孫瑛贈榮祿大夫妻胡氏贈一品夫人

吳淮以子瑛贈榮祿大夫妻馬氏贈一品夫人

吳瑛妻王氏王氏俱贈一品夫人

趙汝以曾孫率教贈榮祿大夫妻邵氏贈一品夫人

趙鑾以孫率教贈榮祿大夫妻李氏張氏俱贈一品夫人

趙相普以子率教贈榮祿大夫妻薛氏路氏俱贈一品夫人

趙率教晉勳柱國榮祿大夫妻趙氏封一品夫人

熙康志

### 國朝

趙光瑞以子興隆贈榮祿大夫妻呂氏封一品夫人

趙興隆妻路氏封恭人

葉茂才以子綦贈金吾將軍妻王氏贈夫人

葉綦妻王氏贈夫人

王佐有以曾孫進寶贈榮祿大夫妻李氏贈一品夫人

王儒以孫進寶贈榮祿大夫妻余氏贈一品夫人

王尙禮以子進寶贈榮祿大夫妻王氏贈一品夫人

王進寶妻孫氏封一品夫人

王用予妻李氏封一品夫人

潘進亭以曾孫育龍贈榮祿大夫妻郭氏贈一品夫人

潘汝林以孫育龍贈榮祿大夫妻張氏贈一品夫人

潘澤溥以子育龍贈榮祿大夫妻閻氏贈一品夫人

潘育龍妻閻氏贈一品夫人

劉顯忠以孫建伯贈懷遠將軍妻党氏贈淑人

劉大勳以子建伯贈懷遠將軍妻吳氏贈淑人

劉建伯妻李氏楊氏俱贈淑人

李燦以孫應辰贈昭勇將軍妻吳氏贈淑人

李日新以子應辰贈昭勇將軍妻路氏贈淑人

李應辰妻路氏封淑人

劉可道以曾孫海贈榮祿大夫妻馮氏贈一品夫

劉孟夏以孫海贈榮祿大夫妻張氏贈一品夫人

劉尚信以子海贈榮祿大夫妻陳氏贈一品夫人

劉海妻趙氏贈一品夫人

馬騰遠以子迅封明威將軍妻陳氏贈恭人

馬迅妻張氏封恭人

白如玉以子漢傑贈明威將軍妻戚氏贈恭人

白漢傑妻王氏贈恭人

房嗣齡以孫世淳贈懷遠將軍妻閻氏贈淑人

房梓以子世淳贈懷遠將軍妻朱氏贈淑人

房世淳妻閻氏贈淑人

以上康熙志

王承武以子性善封光祿大夫妻徐氏封夫人

王性善妻白氏封夫人

王眞以子永基封榮祿大夫妻徐氏封夫人

王永基妻李氏封夫人

潘祥生母魏氏贈恭人

潘祥妻趙氏贈恭人

李振唐邑廩生以孫述泌贈驍騎將軍妻吳氏封夫人

李扶唐邑庠生以侄孫述泌贈驍騎將軍妻牛氏封夫人

李筠陝西乾州訓導以子述泌贈驍騎將軍妻張氏李氏俱封夫人

李述泌妻張氏線氏俱封夫人

梁建業以子士魁贈武德郎妻秦氏封宜人

梁士魁妻郭氏封宜人

梁士英以子攀龍贈奮武郎妻張氏贈孀人

李述賀以子棻贈武德郎妻拜氏封宜人

李棻妻趙氏趙氏俱封宜人

房楣以子世淳誥贈昭勇將軍妻李氏贈淑人

靳可達以子林封昭武大夫妻杜氏封恭人

以上乾隆續志

馮必達以子司徒封武信騎尉妻湯氏封孺人

馮司徒妻張氏封孺人

任廣道以子種禮封武德騎尉妻梁氏封宜人

任種基以弟種禮封武德騎尉妻王氏封宜人

任種禮妻馮氏封宜人

賈輔漢以子希适封修職郎妻丁氏封孺人

胡天初以子澤深封修職佐郎妻彭氏封孺人

袁自道以子文彰封昭武大夫妻李氏封恭人

袁文彰妻徐氏封恭人

張天福妻焦氏封淑人

馮培元妻張氏封恭人

張勣以孫魁封武略騎尉妻靳氏封安人

張世文以子魁封武略騎尉妻劉氏封安人

周傑以子進仁封奮武郎妻梁氏封孺人

楊大緒以子得質封文林郎妻郭氏封孺人

陳明吉以子福封武略騎尉妻劉氏封安人



陳福妻王氏封安人

關紹益以孫元儒封文林郎妻魏氏封孺人

關有倫以子元儒封奉政大夫妻張氏封宜人

關碩儒以弟元儒封奉政大夫妻王氏封宜人

關元儒妻高氏封宜人

汪世鼎以孫建福封武略騎尉妻樊氏封安人

汪治義以子建福封武略騎尉妻李氏封安人

李養輝以子維寧封修職郎妻張氏封孺人

張俊烈以子吉棟封修武校尉妻章氏封孺人

恩蔭

明

楊源由世襲指揮封戶侯 趙汝世襲指揮 趙鑾字梅

齋世襲指揮 趙率性世襲指揮同知授懷遠將軍 王

敏世襲左廳百戶血戰陣亡授武略將軍 王縉敏子世

襲左廳百戶 王性善字純吾世襲左所副千戶歷官至

甘肅總兵 乾隆續志

國朝

李曰秀世襲拖沙刺哈番 康熙武功志 王用賓以父奮威將

威軍王進寶功

欽賜侍衛 康熙衛志 王珏字子玉以祖奮威將軍王進寶功

欽賜侍衛授山東卽墨營參將

同上

王玠以祖奮威將軍

王進寶功

欽賞守備歷官寧國營參將

王正以祖奮威將軍王進寶

功

欽賞千總歷官固原提標後營遊擊

潘禔鎮綏將軍育龍

第四子康熙癸巳

萬壽恩廕候銓京職

潘紹周字省山鎮綏將軍育龍長孫

由世襲

欽賜二等侍衛授廣西柳慶協副將以征剿古州苗夷功歷

官至直隸古北口提督

潘紹武字繩祖鎮綏將軍育龍

第二孫由廕襲

欽賜侍衛 潘紹堯字升聞鎮綏將軍育龍第三孫四川順

慶府知府潘祥子以嫡堂兄潘紹周官總兵乾隆元年

恩廕肄業期滿奉

旨內用候補光祿寺署正 馮琦以胞伯馮吉品官總兵乾

隆元年

恩廕 潘忱字信夫鎮綏將軍育龍曾孫直隸古北口提督

潘紹周長子乾隆三十三年奉

旨賞給恩騎尉世襲罔替發甘肅督標學習 王永以五世

祖奮威將軍王進贊功世襲一等子爵任廣西提標遊擊

王承勳以六世祖奮威將軍王進寶功世襲一等子爵

任四川懋功協副將

以上乾隆續志

王覲垣以七世祖奮威將

軍王進寶功世襲一等子爵官神木協副將 王覲陞以

父王承勳官四川懋功協副將恩蔭從六品 王鏞以八

世祖奮威將軍王進寶功世襲一等子爵官乾清門侍衛

王鐸以父王覲垣官陝西神木協副將恩蔭從六品授

江西吉安衛千總 馮琛以父馮培元都司川楚陣亡世

襲雲騎尉 孔繼周以父孔順把總陣亡世襲雲騎尉

王茂箬以高祖王寵錫把總西藏陣亡世襲恩騎尉 雷

逢春以伯父雷喜把總金川陣亡世襲恩騎尉 梁國傑

以父梁攀龍把總金川陣亡世襲恩騎尉 仇永壽以父  
仇懷瑜武舉入伍川楚陣亡廕八品

## 明忠

房鑑衛指揮使貴之孫少孤淹通經史矜尚志節著有敬  
齋詩集一卷成化四年從征逆賊滿四率衆當先期欲吞  
噬歿於陣年二十七子二懷愷

李光啓字顯之衛指揮僉事英之子幼穎敏長魁梧嘉靖  
辛卯承襲以謀勇騎射著聞御史薦陞河州守備尋進固  
原遊擊御下過嚴爲羣小誣能庚戌嘗犯畿內搜羅戰將

督撫交薦起授神樞營遊擊尋進五軍營左參乙卯二月  
會宣府參將員缺衆謂要害地非光啓不可迺出補之到  
任月餘魯大舉入寇出戰衆寡不支遂被執怒罵不屈死  
之事聞嘉其忠烈贈都督同知立祠死所廕一子世襲正  
千戶年四十四福山郭宗臬爲撰墓誌云

### 國朝

白應舉廣州水師右營遊擊出沒海濤歷著勞績屢膺獎  
薦於康熙六年二月內應舉同肇慶參將單泰徵巡至三  
灶洋面見山上列有戰旗應舉同泰徵追賊奈賊勢猖獗  
泰徵畏縮退走應舉獨奮勇折衝孤力血戰身無完膚有

司哀其忠烈給以勘合令其子生員白受采扶櫬歸里後  
題請優恤奉

旨下部議敘未果其慷慨赴義見危授命有足風云 以上康

熙志

## 宋 孝

程俊會州人紹興初居河池之泥陽俊幼穉父母陷於靈  
夏稍長思父母每號泣不欲生日北向祈禱寢食俱廢夏  
人感動返其父併母邵氏俊乃日夕侍奉承順周至而又  
事族兄恭謹撫諸弟友愛贍母黨百餘口服食器用悉與



已同鄉里稱至孝焉仕至中亮大夫康州防禦使權熙州  
蘭鞏路兵馬鈐轄隴右都護右都同統制軍馬使紹興十  
年詔諸路州縣官精舉孝行卓異權主管延鄜路經略安  
撫都總管司公事兼知成州王彥奏俊孝行乞擢用仍賜  
旌表允之遂旌其閭

明

趙昇衛指揮少孤刻苦力學爲弟子員奉母至孝督學徐  
有儒林孝子之獎後嗣先職屢立戰功由百戶進指揮僉  
事宏治十年遇陣當先身被三刃孀母聞警因病卒昇至  
家哀慟悽悔過十一日與母相繼而亡鄉人推重焉

吳瑛衛指揮少孤母馬氏撫育及嗣職事母克承厥志以  
御史王公紳薦進固原守備不十年爲都督官旣顯俸資  
胥歸於母惟母分給爲諸弟完婚置產諸侄共食一堂一  
日母疾醫曰人肉可療瑛遂刺肉投粥母卽愈鄉人益重  
之官至榮祿大夫總兵榆林大同遼東

高文衛庠生父俊歿於陣家寒諸弟冲幼竭力事母承顏  
順志友愛諸弟爲之擇配置產業戚族不能婚葬悉捐助  
焉嘉靖七年赴中衛糴糧忽心惕卽馳歸果母病時弟武  
亦往河南經歲適至三日母卒鄉人咸稱至孝所感又常  
遇盜盜散遇魯魯避如是者不一愈爲儒林推重屢薦鄉

飲賓堅辭不出卒年八十有三

李尙賓衛增廣生孩提喪父性至孝事母朝夕定省稍長  
勤學不倦萬歷辛巳母終哀痛悲切七日不食繼母而亡  
少卿邢賜銀三兩以爲喪資贈一門節孝匾以旌其廬

### 國朝

葉聯科者衛之貧賤子也懦不能爲生計以供甘旨母王  
氏病久不起夜半嚙語曰梁上懸肉可煮以啖我病卽愈  
科度無財終不能得肉卽於是夜割左股間肉煮食之後  
二日王氏突起紅色漸次病愈人以爲至孝所感云

康熙

孝志

王守官平灘堡民幼失怙恃躬事祖父寶十餘年孝養備至祖故後哀毀骨立廬墓三年嘉慶三年以順孫

旌表建坊

陳琦本城民母馬氏早卒事父良善孝養無方家貧窶竭力作苦以供甘旨叔良謀早亡遺妻白氏子陳玠孤立無依琦曲體親心收養在家教玠成立與兄琦友愛父故後哀毀骨立廬墓終身嘉慶十四年以孝子

旌表建坊

黃元本城監生祖父琇衰老元終日侍側扶持以行父靈運中年多病元奉醫藥不懈每病劇元夜焚香告天願以

身代病輒痊可事繼母如生母嘉慶十九年以孝子

旌表建坊

以上縣冊

節婦

明

馬氏生員薛龍妻龍卒氏號泣幾絕不食者三日爲孀姑親鄰勸慰乃誓守撫孤歷六十年如一日時按院批獎有云始感夫子之義重故欲誓死以全節旣覺慈姑之恩深迺復更生以立孝是得天地剛大之氣而爲冰霜鐵石之操殊可嘉尚厥後紳士多有弔贈詩詞以異之 鄭氏總兵路瑛妻贈二品夫人無嗣堅守孤閨人罕見其面巡撫

侍御劉公給匾以旌其閭 薛氏李源妻夫死遺孀母幼  
孤氏事姑撫子守節四十餘年屢蒙巡按給賜米布絹綿  
又巡按侍御趙給賜銀兩以旌其志 劉氏指揮裴佐妻  
佐卒止遺一女甫週歲氏年二十四守節五十餘年內外  
無間言 雷氏杜世昌妻夫死杜門不出垢面蓬頭日事  
女紅以自活巡撫侍御給匾旌獎 于氏盧葦妻青年守  
節白首完貞有司奏題建坊旌表 閔氏三相妻青年苦  
節當崇正末年曾經有司題旌以值滄桑建坊不果至今  
猶爲輓惜 閻氏潘玉妻玉死氏年二十七遺孤潘月階  
時方五歲苦節撫育教讀成立後以援例授八品秩因氏

年老承歡朝夕不欲出仕有司題請旌表不果遂有親造  
其間給匾嘉嘆而去者人以爲節孝足稱云 黃氏張甲  
譔妻夫死氏年三十子三人赤貧難以度活茹荼堅守撫  
孤成立年六十四終 閻氏王可久妻可久卒氏年二十  
九子迪祥年方十歲家貧氏績毛織紉與子娶妻路氏不  
二載迪祥亦亡熒熒婆媳相依爲命幸天眷孝媳遺腹生  
男各曰天佑天佑生未週歲而路氏復亡氏晝夜號啼撫  
孫成人天佑年尙未冠傭力以養祖母士林以爲有李令  
伯祖孫慈孝之風

## 國朝

王氏封貞節一品夫人副將趙公率倫繼室總兵光瑞之  
繼母也年十六歸公光瑞甫三齡撫育不啻已出至年二  
十七遂失所大決志以殉爲家人防嚴且因遺孤尙幼獲  
免蓋其甚嫻女訓博通書史綽有歐母之風以故子孫多  
貴顯卒年七十三中丞慕公天顏爲誌其墓云 陳氏路  
守愆妻年二十七愈卒家貧晝夜績紡以奉雙親喪葬俱  
如禮教子屆氏遠讀書時值饑饉自咽糠粃以其食食子  
後氏面浮腫屆遠疑每食必欲與母俱母誑使先食屆遠  
堅不獨食氏遂泣下母子相抱而哭後屆遠遊太學曲盡  
孝道衛官師悉旋表其閭 王氏醫官周光榮妻榮卒氏



甘貧苦節教子祈遠成名有司給匾旌其閭曰母節子孝  
吳氏董大魁妻夫亡氏年二十八遺子威揚方五歲氏  
撫孤備嘗艱苦奉勇姑事葬俱如禮歷四代子孫壽七十  
二其節孝有足風云 杜氏生員侯天錫妻年二十七天  
錫卒號痛幾絕已而歎曰我死其如藐孤何於是備嘗艱  
苦撫訓四子皆已成立年七十一而終有司題請建坊旌  
表曰褒節顯貞 張氏生員盧潢妻夫亡氏年二十三苦  
志守節言笑不苟曲盡孝道有司題請建坊年七十八而  
終 李氏生員吳錫深妻夫死氏年二十六有子五人守  
節撫育成立有司給匾旌其閭曰茹藥撫孤至今子孫最

稱繁盛 閻氏房嗣齡妻夫亡氏年二十三遺孤房梓方  
在襁褓茹荼苦守撫育成立衛官師悉旌 表閻壽六十  
八而終子孫俱在顯貴 吳氏生員房妙齡妻夫亡氏年  
二十二撫育教子教讀成名壽六十六而終一門雙節妯  
娒無愧鄉人咸高其閭 白氏楊萬國妻貢生楊世烈之  
母也夫亡氏年二十有九矢志撫孤教讀成名年八十一  
而終 黑氏韓育妻夫死年二十三遺子甫離襁褓家貧  
無以度活氏每傭績以哺孤兒俾至成立年七十八而終  
趙氏郝卷才妻夫亡氏年三十苦志守節撫育二子成  
立年八十四而終 展氏營兵楊暢茂妻暢茂征川陣亡

時氏年二十八苦節撫孤子孫俱皆成立年今八十有四鄉黨咸服其有栢舟之操云 左氏蘆塘民傳良棟妻年二十七夫亡時舅姑俱在堂氏奉事曲盡孝道殯葬盡禮教子光俊入泮白首完節 劉氏王登元妻夫死氏年二十三遺孤道昌撫教完娶道昌復早逝遺孫五人氏又鞠育成人享年百有二歲孫曾成行人以爲節淑之報云 張氏營兵李國昇妻昇征川陣亡氏年十九甘守清貧事養舊姑殯葬以禮撫二孫成立享年七十有一 張氏田福妻福亡氏年二十九遺子田嘉茂方六齡氏奉舊姑以壽終教子入泮有司贈匾旌其閭享年七十三 陳氏竇

生桂妻夫亡氏年二十一遺二子俱幼貧無所依氏茹荼  
苦守拈毛線度活撫孤成立其節操更爲世所難能者  
蔣氏平灘堡民韋進正妻夫亡氏年二十七二子俱幼苦  
節撫育成人年今七十八孫男九人皆能孝養云 李氏  
平灘堡韋有倉妻夫亡氏年二十六遺二子次子尙在襁  
褓氏甘貧苦守年今七十長子成立次子業儒本堡紳士  
贈匾曰柏舟比節 雷氏景長泰妻夫死氏年二十九遺  
子景雲方在髫齡氏苦節守孤教誨成立孫化淳庠生年  
七十二而終 樊氏大廟堡武舉王挺妻夫死年二十七  
苦節四十餘年內外無閒言年七十四而終族侄生員王

養民時方穉齡有句挽之曰世母何賢淑貞操凜栢舟紅  
顏堅勁節白首潔清流矢志嚴霜肅素心盟月幽應邀褒  
國典彤管紀千秋 王氏劉佩璘妻夫死氏年二十七一  
子尚在髫齡氏以姑老子幼甘貧苦節三十餘年撫孤成  
立先後葬舅姑夫三喪如禮卒年六十有六得見曾孫焉  
李氏白化龍妻夫死年二十九二子俱幼甘貧堅守撫  
孤成立年今七十有二 楊氏趙光宗妻夫死年二十七  
遺一子幼穉家甚貧茹藥苦守撫孤成立年今七十健飯  
如常 席氏糜子灘民鄭治安妻夫亡氏年二十六持節  
事親遺腹生男苦志撫孤年今七十有一 王氏常碩妻

夫死年二十有八子三人家貧苦守撫孤成立鄰里鄉黨私旌其閭 薛氏雷輝乾妻夫亡年二十八遺二子俱幼苦節撫育成人年今七十有二 馮氏糜子灘民馬興妻夫亡氏年二十三遺一子苦志撫孤孝養舅姑其子年三十又亡孫僅八齡氏復撫育成人年今八十有二 占氏糜子灘民張成妻夫亡氏年十九生孩方三月苦志撫孤孝養舅姑年今七十三 楊氏糜子灘民韓有德妻夫亡氏年二十苦節事姑遺子方二齡撫育成立年今七十有七 張氏焦家小原民王天水妻夫亡氏年十八遺孤緒宗方一歲家貧苦守撫子成立氏今七十有五 馬氏陡

城保劉爵妻爵征川陣亡氏年十八並無子女甘貧苦守  
績毛自給誓不愧亡人於地下見年六十有三宗族鄉黨  
交口稱羨 侯氏房世康妻夫亡氏年二十八子二人次  
子係遺腹生氏茹荼撫育教娶成人年六十有二孫枝  
繁衍人咸以完節稱之 路氏劉映瑞妻夫亡氏年三十  
有子二人甘貧苦守撫孤成立長子公亮得食餼衛庠映  
瑞生而好善氏則節操著美誠一門之瑞應也 郭氏馮  
喜春妻夫亡氏年三十子五人家貧難以自給茹荼苦守  
撫孤成立年今六十有七 劉氏杜槐妻夫死氏年二十  
八遺腹生一子芝蘅堅志苦守撫孤成立事翁姑以孝聞

年今五十有六已髮白而齒落矣 王氏會寧縣生員王之藩女關川民陳謨妻謨卒氏年二十七子三人俱幼家貧苦守鄰有憐其饑寒勸之改醮者氏遂痛哭顛天咬指自矢撫二子務農一子業儒衛邑紳士俱贈匾額以爲不愧苦節云 王氏乾鹽池民張采妻孝廉龍山曾孫女也年二十二而采亡時堂上舅老失明氏奉侍維謹沒則苴麻盡哀撫孤成立苦節堪稱族鄰交羨 張氏關川民陳文耀妻夫亡氏年二十三事翁與繼姑敬養交至及終葬祭以禮撫孤三人娶媳生孫年今六十有五 葉氏武舉趙率秦妻秦亡氏年二十九無子撫侄趙光璧以繼秦祚



苦節三十餘年以壽終

以上康熙志

楊氏邑民常懷寶之妻

年二十一歲夫死遺腹三月家貧如洗善事翁姑喪葬盡禮阿伯逼嫁剪髮毀面者三苦志撫孤教子興家孫常中爲邑庠生守節六十餘載題旌崇祀節義 魏氏打刺赤秦良卿之妻遊府秦可畏孫媳生員秦杜昌之兒婦也夫亡氏二十六歲母家促之改醮氏卽引刀斷髮誓志守節孝事雙親教子義方迄今子孫繁衍無不遵守明訓 陳氏邑民劉滾之妻年二十六夫亡養孀姑撫幼子守節五十四載題旌崇祀節義 王氏邑民白作璽之妻年十八歲夫亡守節四十三載題旌崇祀節義 高氏邑民王起

乾之妻年十九夫亡家道貧寒力作以事翁姑子王桐乾

隆十三年出征金川陣亡守節五十餘載蘭州府知府歐

陽永綺高其節旌其閭曰苦節奇行 裴氏邑民柴繼屏

之妻年二十夫亡孝事翁姑撫子成人守節現年七十五

歲蘭州府知府歐陽永綺高其節旌其閭曰節孝隄風

王氏邑民葉泌英之妻奮威將軍王進寶之孫女年十九

夫亡遺孤甫三月亦亡矢志守節舅姑年老隻身仰事備

歷艱辛親戚勸其再醮則剪髮刺面以明志以夫從子葉

修德承嗣嚴加督責名列膠庠守節五十餘載現年七十

有四旌其閭曰筠節松齡 劉氏邑廩生房作翰之妻年

二十五夫亡苦志撫孤守節四十餘載現年六十八歲  
姚氏邑生員劉從仁之妻年二十五夫亡孝事翁姑俱登  
上壽教子劉健統名列膠庠守節四十餘年 霍氏廩生  
何名世之妻年十八夫亡事孀姑至孝苦節四十餘載衛  
主劉鼎盛高其節表其閭曰節孝雙全 吳氏監生李光  
烈之妻年二十九夫亡子監生李俊年二十九又故是時  
氏上事老姑下撫弱孫守節四十餘載教孫李世元名列  
膠庠縣主姚棻旌其閭曰勁節可風 呂氏邑民徐鳴璠  
之妻年二十三夫亡守節至六十餘載廳尊邱爲表其閭  
曰節並松筠子徐綱身列國學孫徐復勤曾孫徐琴俱列

膠庠 吳氏都司王心之妻年二十夫亡苦節守志五十餘載邑宰旌其閭曰節孝流芳 王氏邑民秦鎮西之妻年二十三夫亡長子世爵方三歲次子世隆僅數月氏矢志撫孤守節四十餘年天相吉人卒能家道興隆次子世隆名噪辟雍鄉閭咸稱重焉 武氏蘆塘民化鴻遠之妻年十九夫亡並無子女誓死不再嫁老事翁姑苦節五十餘載 李氏廩生武述陸之妻年二十三夫亡晝績夜紡教子成名其次子武邦華食廩餼名噪膠庠苦節三十餘年 焦氏党寒士妻党丕揚之母年十八守寡撫孤丕揚甫二歲次子遺腹生苦志守節官長士民贈匾額以旌其

節 馬氏打刺赤民屈林之妻夫亡氏年二十二歲事翁姑曲盡其禮遺姑尙在襁褓氏茹藥飲水終身不移其志年七十二而終守節五十餘載 張氏打刺赤民李宰順之妻順幼失明氏總無含怨情狀年二十五夫亡奉事翁姑勤慎端詳現年七十有二 戴氏邑民黃帝卿之妻年二十四夫亡遺子琇甫四歲矢志撫孤卒興家道守節四十餘載長孫靈運名列成均 房氏訾信人之妻年二十四歲夫亡孝事雙親矢志撫孤苦節四十餘載 張氏邑民孟福相之妻于歸時年十六奉事翁姑無不如禮二十九歲夫亡雙親在堂遺子孟喆甫六歲家道寒微親戚憐

其窮困勸其再醮者氏卽以厲言拒之卒能殯葬高堂延  
師教子孟喩名列膠庠現年七十歲 吳氏邑吏考職正  
九品王涵之妻十六歲于歸三十歲夫亡氏號泣氣絕者  
數次因念姑老無依三子俱幼飲水茹藥誓無他志苦節  
五十載現年八十歲 以上乾隆續志 王氏生員來好學之妻二  
十五歲守節撫養雙孤順治十年氏年七十五歲旌表至  
八十五歲卒 徐氏劉光琮之妻十六于歸二十九夫亡  
守節三十六載 訾氏楊存儒之妻十九于歸二十六夫  
亡守節四十七載 石氏焦璋之妻十六于歸二十六夫  
亡守節五十載 師氏童生趙國璽之妻十八于歸二十

四夫亡守節三十七載 吳氏宋品之妻十七于歸二十  
九夫亡孝事孀姑撫孤成立守節三十七載 張氏生員  
焦穎之妻十七于歸二十九夫亡守節四十載 吳氏郭  
應貴之妻十五于歸二十五夫亡守節五十一載 杜氏  
李若芝之妻十六于歸二十八夫亡守節五十載 楊氏  
陣亡募兵張可權之妻十八于歸二十九夫亡盡孝盡禮  
矢志撫孤守節二十二載 張氏焦育聰之妻十八于歸  
三十二夫故守節二十五載 王氏王得祿之妻十七于  
歸二十六夫故守節三十六載 王氏張維翰之妻二十  
于歸二十五夫故守節五十六載 馮氏胡有得之妻十

八于歸十九夫故守節五十三載 趙氏孟敏之妻十八  
于歸二十六夫故守節三十七載 白氏劉朝維之妻十  
七于歸二十夫故守節三十二載 姚氏劉建統之妻十  
八于歸二十七夫故守節三十八載 杜氏高科之妻十  
六于歸二十六夫故守節三十四載 章氏張譽之妻十  
九于歸二十六夫故守節四十四載 候氏黑有璉之妻  
十七于歸二十六夫故苦志守節竭力養親守節三十五  
載 董氏劉宜浩之妻十八于歸二十三夫故守節三十  
四載 葛氏生員任士錦之妻十八于歸二十八夫故守  
節四十二載 田氏劉如楓之妻十六于歸二十九夫故



貧餒自甘操履不變守節三十三載 閔氏趙龍之妻十  
四于歸二十四夫故守節四十六載 閔氏高岱之妻十  
五于歸二十五夫故守節四十二載 杜氏李發斌之妻  
十六于歸二十七夫故守節三十三載 李氏黃浩之妻  
十六于歸二十六夫故守節四十七載 荀氏童生葉起  
蔚之妻十九于歸二十七夫故守節三十五載 陳氏李  
名靖之妻十六于歸二十二夫故守節五十三載 吳氏  
鄭邦盈之妻十七于歸二十九夫故守節五十六載 羅  
氏蒔成全之妻十六于歸二十七夫故守節三十五載  
咎氏呂璉之妻十六于歸二十九夫故守節三十五載

師氏劉應琪之妻十七于歸二十夫故守節五十載 楊  
氏劉霞之妻十五于歸二十九夫故守身鬻子備受辛勤  
守節三十三載 吳氏畢達之妻十八于歸二十七夫故  
守節三十四載 黃氏姚三級之妻之十于歸二十一夫  
故孝親撫子不負所天守節四十二載 楊氏馮尚友之  
妻十七于歸二十九夫故守節三十九載 吳氏劉偉之  
妻十七于歸二十七夫故孝養老親勤撫弱子守節四十  
載 賀氏陳禮之妻十六于歸二十九夫故奉親撫子艱  
苦備至守節五十二載 張氏蘇啓貴之妻十五于歸二  
十七夫故矢志養親備嘗辛苦守節四十二載 張氏監

生呂作義之妻十七于歸二十九夫故守節五十九載  
楊氏李世爵之妻十六于歸二十九夫故孝親撫孤守節  
三十六載 任氏監生李敷穰之妻二十八歲夫亡氏守  
桓舟節孝事雙親代盡子職教養藐孤以母兼師撫子養  
韓早歲馳譽膠庠氏守節三十六載 張氏生員李養韓  
之妻二十九歲夫亡氏上奉孀姑曲盡孝道下撫弱息教  
養備至守節三十八載子維寧於嘉慶庚申舉於鄉借補  
永壽縣訓導氏榮膺地封焉 李氏王廷翰之妻十五于  
歸二十夫故守節四十九載 曹氏王廷祐之妻十七于  
歸二十七夫故奉親撫子艱苦備至守節四十一載 吳

氏童生楊京倉之妻十五于歸二十七夫故守節四十二  
載 石氏張守儒之妻十五于歸十九夫故守節四十五  
載 張氏王一滿之妻十七于歸二十五夫故守節五十  
八載 薊氏蘇友悌之妻十五于歸二十三夫故守節三  
十一載 房氏張忠之妻十六于歸二十七夫故奉養孀  
姑艱苦備嘗守節三十六載 丁氏魏天祐之妻十九于  
歸二十八夫故守節三十四載 來氏彭自福之妻十四  
于歸二十八夫故守節四十一載 師氏童生劉續功之  
妻十六于歸十九夫故守節三十六載 葉氏高鉞之妻  
十四于歸二十五夫故守節四十載 趙氏武生王夢熊

之妻十九于歸二十九夫故守節三十四載 詹氏李榮  
貞之妻十九于歸二十七夫故守節四十九載 楊氏生  
員王樹槐之妻二十于歸二十一夫故守節三十六載  
來氏禮生許兆鵬之妻十六于歸二十七夫故守節四十  
五載 常氏武舉牛大知之妻十七于歸二十六夫故孝  
親慈孤矢志不渝守節三十三載 張氏吏員師維翰之  
妻十六于歸二十八夫故守節三十一載 雷氏蘇魁之  
妻十六于歸二十一夫故守節四十一載 馬氏楊保之  
妻十五于歸十八夫故守節三十三載 王氏胡文燦之  
妻十五于歸二十四夫故守節五十八載 張氏牛中驛

之妻十六于歸二十三夫故守節五十四載 師氏張得  
法之妻十八于歸二十六夫故冰霜自持撫子入泮守節  
三十七載 牛氏單秦查之妻十五于歸二十七夫故守  
節三十三載 武氏王世守之妻十六于歸二十六夫故  
守節三十三載 房氏張俊華之妻十八于歸二十四夫  
故節操堅貞孝親教子歿年三十六歲守節一十三載  
王氏常可輔之妻十四于歸二十七夫故守節三十一載  
馬氏李公雪之妻十七于歸二十歲夫故守節四十七  
載 李氏金世泰之妻十七于歸二十七夫故守節四十  
三載 張氏路登秀之妻十五于歸二十八夫故守節三

十三載 任氏邑民郭家榮之妻二十六歲守節歷三十  
四年現年六十歲 陳氏邑民陳嘉麟之妻二十二歲守  
節歷三十二年現年五十四歲 以上  
縣册 王氏邑民吳詔舟  
之妻二十五歲守節歷四十三年六十八歲卒 賈氏邑  
民白暖之妻二十八歲守節歷三十五年六十三歲卒  
吳氏邑民楊叢玉之妻七十歲守節撫孤成立艱苦備嘗  
守節四十三載 李氏邑民李莊德之妻二十八歲夫故  
歷盡饑寒卒無變志守節三十五年 閔氏邑民蘇緒漢  
之妻三十六歲守節歷四十七年學政張公岳崧賜匾曰  
貞壽可嘉 白氏故民張有福之妻十七歲于歸二十五

歲夫故遺腹生子修時家道寒迫氏以鍼指度日上事孀  
姑曲盡孝道撫子修成立守節四十六載備歷艱辛鄉里  
重之 吳氏營兵賈鵬會之妻鵬會川楚陣亡時氏年二  
十一歲遺子賈偉甫二歲氏矢志撫孤守節三十八載  
教子成立現年五十九歲 楊氏邑民吳映舉之妻乾隆  
四十年夫故時氏年二十八歲家極貧寒親族勸之再醮  
氏自斷手指誓不改嫁茹蘖撫孤守節五十二載艱苦備  
嘗於道光六年卒 李氏劉家寨故民李庭之妻於乾隆  
十八年夫故時氏年二十三歲守節四十餘年撫子光祖  
成立於乾隆六十年卒 馬氏劉家井故民王秉秀之妻



於乾隆三十一年夫故時氏年二十歲守節四十餘年撫子逢達成立於嘉慶十一年卒 周氏劉家寨故民樊其德之妻於嘉慶五年夫故時氏年二十歲守節三十餘載撫子輔璽成立於道光十一年卒 唐氏劉家寨故民周俊秀之妻於嘉慶二年夫故時氏年二十一歲矢志撫孤守節三十六載現年五十八歲

### 烈女

明

張氏許聘衛生員陳加賓未于歸賓死悲泣數日不食父母慰以富室聘之應曰既許陳家又許誰家遂自縊

田氏許聘衛生員張廷表因貧未得于歸聞表死悲飲欲  
奔喪父母阻之抑鬱數日不食而死鄉人重之時處饑饉  
且寒微未聞於上

康熙志

### 烈婦

王氏邑學生秦述古妻述古病故氏於是日自刎死有司  
嘉其貞烈題請建坊旌表

韓氏李成茂妻氏方歸寧茂以經摧錢糧受刑自縊房中  
氏聞卽刎頸母家有司題請建坊旌獎

董氏乾鹽池操守官呂升陽之母大廟沙金坪靖難將軍  
呂夢麒妻也崇正十六年升陽年十八襲職時官橋堡賊

李標田自仁破城氏罵賊不屈賊欲剝其衣厲聲曰殺我  
任爾剝去賊遂殺之計氏殉節之年距其夫靖難之日天  
啟六年先後共一十七載夫妻之死如同一轍靖固多忠  
義士如呂氏夫婦者不誠空前而絕後哉噫可風矣

以上

康熙志

### 國朝

楊氏馬海妻年二十海卒氏痛哭悲號絕粒五日不死復  
自縊有司題請建坊旌表鞏郡司馬陳公禪祉爲文以  
祭之

王氏陳啓堯妻節婦劉氏次女幼嫻母訓貞靜簡默年二

十三歲堯卒氏以身殉家人防之甚密氏遂從容自若堯  
葬後二日防者稍懈有隣邀以飯席乃乘間歸家及家人  
覺而追至則已縊死矣有司 題請建坊旌表衛學郭仕  
魁有詩挽之

郭氏路寅妻賦性端飭事舅姑孝謹家甚貧絕不露詞色  
甚至菽水不繼而婦儀不衰雖蓬戶卑陋而人罕觀其面  
年二十六夫亡四日哭聲晝夜不絕已而從容整粧投環  
以殉未時學校官師私表其廬緣是年有烈婦罷旌之例  
有司未敢題請君子於是有幸不幸之嘆焉

以上康熙志

馬氏裴保泰之妻二十于歸二十一夫故哀痛泣血死而

復蘇越二日乘間抵棺所自盡捐軀殉夫鄉里共憐之  
黎氏黃學仁之妻一聞穢語抱忿捐軀洵屬節烈有司

題請旌表

以上縣冊旌表烈婦

孝婦

吳氏路和生妻賦性端靜事姑曲盡其道姑失明周旋左  
右不整衣恪恭不敢見人有謂其家常卽褻衣無妨者氏  
曰吾心目難欺耳其孝謹蓋不愧屋漏云

康熙孝志

義士

明

路柯挺身禦寇救匿兄嫂及諸侄被害甚慘似菴郭宗臬

爲撰墓表云

韋繼善平灘堡民明正統年間酋奴乘間入境操守官牛  
魯對敵身亡繼善適飲於遠村及歸聞之義激攘臂嘆曰  
酋奴殺我長官要我等百姓何爲遂奮不顧身獨乘皮袋  
渡河追殺酋奴數人取首級而還

盧崇光小蘆塘伍卒崇正七年蒙古刀兒洪蚤夜犯邊崇  
光義憤爭先禦寇身被矢刃猶奮勇不顧酋退傷甚而亡  
官給銀營葬於原戰處去口外一里許至今墳上白茨蓊  
鬱如茂林焉

傅榜乾鹽池民季標之亂榜同子傅崇經執連架棍上城

趕賊賊已敗一賊回顧見後無繼者曰線斷矣賊衆返圍碎屍崇經頭被數刀賊謂已死捨去已而復甦

楊國祥乾鹽池民李標之亂被賊燒紅鐵細纏腰罵不絕口而死

張總篤於好善崇正十三年歲值大荒饑民餓死者不可勝計骸骨狼藉總獨捐資雇夫掘大坑各處收埋屍骸三千有餘鄉稱善人

### 國朝

吳元孝家貧於醮樓洞口結茅數椽賣烟餬口偶見車軌中遺有小包拆視之乃黃金一兩九錢候至曉不見有覓

者次日潛至南街布店見失金者與店客爭鬧不休元孝  
查詢來歷果符所拾物罄數付還一時士論高之爲足以  
風世云

以上康熙志

任宰字尙志雍正六年貿易五涼夜宿旅邸次早將行見  
其槽底有布囊盛金二百餘兩知其同店所遺因未起程  
次日遺金者倉皇來店問其數目相符卽如數與之後其  
子任翰苑入庠諸孫林立論者爲拾金不昧所致也

劉浩房不耀許臣趙世範乾隆初年河水泛漲河邊舊有  
墳墓將及衝崩浩等不惜貲財遷移義塚者數十至今傳  
爲軼事焉



倪正宗乾隆二十三三四等年歲荒伊自出粟米濟本村飢  
肚子窮乏者蘭州府增諱福嘉其善行以旌其閭曰推解  
可風

路斌生乾隆三十一二年歲值奇荒大疫並作民死者甚  
衆伊憐其屍骸暴露僱夫掩埋鄉黨稱善

乾隆二十三三四七八九以及三十等年屢值荒歉窮民乏  
食張思睿潘紹堯路斌生崔珍李作棟楊大任趙岐胡福  
呂作仁趙君璇劉騰雲梁濟江劉作舟馮朝棟路選岳蘭  
盧煥李光熙裴耀宗李成睿張克家秦世隆王選韓棟王  
槿陳大明劉興虞泰世忠李之鳳洪致王輔清王楹王必

選賦元勳趙孟勳周復禮馬福萬趙興賢霍禮李世元霍  
德呂應律董廷瑚高文耀宋會憫其桑梓或在鄉自行出  
粟周濟或在城煮粥每年連及數月全活甚衆邑侯姚棻  
勒其石於四牌樓下繼任邑侯冷文煒懸額於城隍廟曰  
存活萬命

郭彥聖字大化於雍正年值奇荒大疫餓殍盈野自率家  
僕揀骨瘞埋三年不輟鄉閭稱爲軼事

以上乾隆續志

生員馬瑜永安堡回民病篤諄囑其子歿具衣棺而葬卒  
家人弗聽葬遵回教自是爲崇於家宅舍不安其子弗得  
已啓其壙具衣棺葬之後遂寂然是亦回中之傑出者也

梁濟江監生素敦善行時值歲荒周恤貧民野有暴骨僱夫掩埋鄉人感德建坊勒碑書曰善蓋一鄉義重桑梓

梁得佐武生乾隆甲辰官兵追剿逆回道經原堡佐備芻茭糗糧以供給茂荒周恤鄰里不遺餘力鄉人建坊曰承先啟後儀型閭里

邑民詹廷隆乾隆四十九年逆回田五作亂糾合糜子灘回匪時脅廷隆爲逆廷隆與其家屬五人罵不絕口俱被慘戮事平蒙 恩賞卹其子孫

邑醫學訓科吳成友專精外科凡患瘡疔者輒捨藥敷治手到春回毫不受謝

邑民王謀爲人忠厚凡遇殯葬無力者施捨棺木二十餘年始終如一縣令王公賜額曰植德綿齡闔邑皆稱爲真樂善云

邑民王廷獻痘疹專家每遇天行出痘年隨症施藥邀請者擁集如雲甚至日晨不遑暇食闔邑嬰孩多賴以生

流寓

明

郭宗皋山東福山人嘉靖己丑進士翰林庶常進御史辛卯主考浙江得人稱最屢進宣大總督以總兵張達失利坐軍機謫戍靖魯衛杜門著書有易書禮記釋義四書舉業說意日進生徒劉騰霄高冠房鳳時南應吉路元清講說經書發明性理隆慶改元年例取戎政尋進南京兵部尚書乞休萬歷十年例賜米肉令縣官五日一問萬歷乙丑卒年八十有七

康熙公寓巡察志本傳載藝文

王學謨西安朝邑人嘉靖己丑進士任山西岢嵐兵備副

使以石州破陷軍機謫戍靖魯衛精舉業擅詩學日與生

徒薛尚志高旬董三策焦光裕等講學吟詩萬歷改元例

宥職復山西兵備

康熙公寓巡察志

彭澤號幸菴自泉蘭游學至衛讀書於法泉巖洞因有東

山八景題詠賦仙堤

詩賦志

重陳將軍善之為人相與傾倒

豪飲劇論共披肝膽

彭澤陳將軍墓表

衛庠弟子員馮景福名禧

澤仰之最久憲宗成化十七年歲在癸卯鄉試始相識於

陝藩是年澤與鄉薦

彭澤蘆溝別意序

景福構宜堂布韋菽水痛

奉嚴親澤僑寓烏蘭賦愛日軒

彭澤愛日軒賦年無可考

寒香圃五言

律一獨步橋皆景樓尋春徑眠雲洞七言絕句四別景福

七言律二

詩賦志

二十三年丁未將卒業太學至靖魯之乾

鹽池得寒疾時景福授徒於打刺赤堡往依焉疾增劇昏  
既者洽旬四體不仁者幾一月傷寒諸惡證皆見臥室污  
穢觸人不可入至夜輒語若見鬼魅且夜必有鴟至鳴其  
屋景福方同榻不少避衣不解帶寢食俱廢者幾月求醫  
則爲拜跪之稍愈將理調攝窮致心力雖天倫至親莫過  
之者病愈拜謝之景福曰何以謝爲吾爲斯道重又爲朝  
廷重而因以重於君也吾豈求報於君者哉孝宗宏治三  
年庚戌澤甲科授工部都水主事景福始卒業太學九年  
丙辰春始待次歸閏三月廿有二日澤賦短章以道意題

曰蘆溝別

彭澤蘆溝別意序

武宗正德五年陳將軍澤皆謝政歸

田澤銘陳將軍墓表

陳將軍墓表

按藝文志中黃諫遊紅山寺蘇良嗣張維祺俱屢遊靖遠此流寓之顯然者以無他蹟可考不能輯以成傳附

記於此

鄒吉方字智千江西安福縣人

按漢長沙國有安成縣隋改安成曰安復唐改安復

曰安福康熙志每卷題曰安成鄒吉方智千氏編次

安成鄒氏學脈在東廓先生

江西

通志名守益字謙之正德六年會試第一官祭酒諡文莊

前有僉憲易齋公為之父

名賢

字恢才宏治進士福建僉事

後有奉常穎泉翁為之子

名善嘉靖進士太常卿

太

史潤山翁為之孫

名德溥字汝光萬曆進士太子洗馬

理學科名一脈相繼



智千為泗山先生之元孫東廓先生六世孫溫文爾雅抱

蓄甚富壬申冬

康熙三十一年歲在壬申

隨其尊甫參軍靖郡蒞任

名永

昭未幾遂來視篆

賀福送鄒智千北上序

智千心企衛庠賀子以介

鄒吉方賀子從吾集序

無日不聚無聚不以道義相期許

送北序從

吾集

康熙藝文志

別經十有八載

吉方讀培風書院學規說銘題跋

至四十六

年已壯適以大將軍潘公命來衛協諸君子重訂衛志與

房贈君梓之孫丕耀交最善

吉方創建紅嘴園福廢寺碑記

記創建紅嘴

園福廢寺碑

藝文志

題跋培風書院贊晦齋學規說銘

同重

遊紅山寺

藝文志有七言律

自靖遠出郭馬行半月徧遊諸邊屯

采訪名勝途中記事

同過大廟弔呂將軍祠

同輓裨士峨

同 挾策北上卒業成均

送北  
上序

賀福送之以序

藝文  
志

隱逸

明

張溥太學生貌篤而心純以歲薦年未強仕遂卒業太學及歸樂於園林以花木自娛絕意仕進卒年八十有三

來錦衛庠生少孤貧刻勵勤學以悅母心母卒遂業農教子與人寡交其居近市足亦不至鄉人推重嘉靖二十年學宮以鄉評薦鄉飲賓屢護不出

以上康熙志

張問仁字子未號逸亭大蘆塘監生賦性至孝執親喪至吐血好善樂施乾隆乙酉歲大饑出粟煮粥蘆民賴以生

然却不好名蘆之南有別墅焚香讀書摩挲古今人書畫  
種柳栽花蕭然自得前史官臬蘭梁公濟纏曾表其墓云

乾隆續志

### 恩例鄉耆

明

房瑄宏治十八年以年八十遵例冠帶爲鄉耆 路瑄宏  
治十八年以年八十遵例冠帶爲鄉耆 房惇萬歷元年  
以年八十有三遵例冠帶爲鄉耆 王紀萬歷十一年以  
年七十有五遵例冠帶爲鄉耆 房鳳吮以年七十有三  
遵例冠帶爲鄉耆 焦緒以年七十有六遵例冠帶爲鄉

耆 梁聰萬歷四十七年以年八十有二遵例冠帶有鄉耆 張忍以年七十有四遵例冠帶為鄉耆 薛孟春

張從學

康熙志

國朝

恩例介賓

董廷珍

焦琴字元音

趙世範字可法係平遼將軍趙

率教曾孫廩生趙君璣父

馬行膏

李光紀

趙爾璧

字藍田

劉世勳字乃功

張陽

房寓誥字錫公

張

友伯

景花淑

楊亨

歐陽聘

劉承先

王者香察

倪正宗

饒朝寵

恩例耆賓

賈輔漢字大臣係乙酉科舉人賈希适父 王右武 紳  
楫係康熙甲子科副貢種廷璋四子 任邦典 武丕承  
字孝先 楊紹美 賈生漢 金萬福字爾錫 趙孟勳  
字子功 周有适字良士 魏獻養 王斌 馬林 董  
廷琛 胡成鼈字魁元賦性純孝壽九十有三廩生胡稽  
之父 任成輔 陳宗昭 王金庫 楊花榮 董廷瑚  
 李生瑞 吳源治 王曰瑤 哈得才 震之良 任  
友序 張一寶 武略 位榮親 張一貫 包文德  
胡有賦性孝友壽九十有四係監生胡天初祖 以上乾隆續志

乾隆五十一年大賓梁士魁卸任遊擊 介賓秦世訓告

頂武生 潘賓禹興孝 常生瑞 孫廷貴 蘇起彥生

員 以上縣册

### 仙釋

展聰本衛道士服練通神住居碧雲寺常往來於華嶽崆  
峴之間所至輒有題咏後竟不知所之

也實班丹法桑迦班丹法後居紅山寺嚴修戒行將入涅  
時前三日具饌召舊遊以別且戒其徒從曰吾於某日某  
時歸涅矣至期沐浴面西坐化屹然如生

法泉寺僧隆雲法號無盡幼即薙髮爲僧苦行數十年惟

事焚修嗾誦足跡不履城市甘守素茹淡補衲或有以美饌鮮服贈者皆不受雖夏葛冬綿不易也年近八十坐化人以爲得真如之證

以上康熙志

### 塚墓

城南六十里許曰井溝內有古墓數塚姓氏世代俱莫考  
詳

金將郭蝦蟻墓在城西南二里許小坪山頂後人耕地挖得石碑一座

王家墳在城南十里舖下有古塚世代莫詳但相傳如此云

亂古堆在城北百三十里塚近百卽古陵邱世代莫考半  
爲所發復築堡時悞掘一塚內有八卦攢頂規度殊異器  
皿誌石爲當事者匿毀餘塚亦多被水衝若捐資掩埋亦  
澤及枯骨之仁也

劉家寺一僧穴內有勅一通金銀器皿紅絹緞與時制不  
同瑪瑙數珠珍珠僧冠玉帶爲守墩者所竊其家罹禍甚  
慘

李將軍墓在城東南八里烟墩溝內嘉靖三十七年將軍  
盡忠葛峪奉勅修贈都督同知李光啓之墓

總兵吳瑛墓在城東北三十里許



平遼將軍趙率教總兵趙光遠墓俱在城東二十里許  
總兵路瑛墓在城東七里許有木石坊兩座今廢勅碑三  
通尙存

浙江平湖縣知縣王龍山墓在乾鹽池北山下

榮祿大夫潘澤溥墓在城東五里許墳院有

勅封碑三通石坊二座四傍松柏榆柳交相映護墓前有園  
池臺榭果木蔬卉時引黃流灌溉

奮威將軍王進寶墓在打刺赤十里許北山下墳院有

諭祭碑三通石坊三座榆柳嘉木環映兩傍

總兵王用予墓在城西五里許虎豹坪以上康熙志

鎮綏將軍潘育龍墓在城西虎豹坪距城五里許

總兵王性善墓在東鹽灘距城三十里許

提督王永基墓在城東十里東山之麓

副將李述泌墓在城東大壩渠距城二十里許

以上乾隆

續志

靖遠縣志卷之五

金陵陳之驥編次

武備 糧餉 戶口 田賦 風俗 物產 史傳

武備

靖遠內屏鞏固外控松蘆西抵金城北接靈武距穹廬僅隔一衣帶水外寇時乘河凍冰合其來尤不可測嘉靖十三年直薄安定隆慶元年肆掠郭城荼毒甚慘恢拓松疆以來人始帖席民剛悍而質本地逼徼塞多習鞍馬射獵世弁率英英負請纓志蹶張超乘不憚征伐昔稱西北多將材信非虛語故兵於諸鎮稱勁焉第地多隴鹵沙磧不

耐亢旱民貧鮮積貯芻糧悉仰給他方一值不登束手無  
策屯弊鹽累搜剔不易道屬士馬七千有奇歲餉以六萬  
餘計客兵不與焉邇來司農告匱民運愆期土無宿飽往  
往竄名版籍外寇式微遠遁而不敢逞官兵狃於宴安漸  
成驕情二十年前取戰之風稍稍非故矣兼之白銀廠剪  
金山亡命之徒多逃匿其中竊礦營利伺釁生亂爲腹心  
憂計惟精訓練廣儲蓄釐弊竇厲礦禁厚其生而作其氣  
誠不容爲燕雀處堂之嘻也

萬曆志

明朝兵制初改州建衛設守備都指揮統蒞衛所每冬調  
西安秦鳳臨鞏兵馬防備守禦嘉靖甲寅罷秦鳳臨鞏兵

猶集西安步軍守邊調固原騎兵防冬隆慶辛未革去防  
冬守邊官軍增置永安諸堡復設參將統馭衛所各堡寨  
然地方曠遼兵權任重朝廷特命少卿兼僉憲總理戎務  
與參將協守隸安會通三縣兵糧道隆慶六年係茹馬寺  
少卿萬歷二十二年始設道所屬安定會甯通渭三縣打  
刺赤等十五城堡東起固原西安州界西抵蘭州一條城  
北至新疆邊墻南臨安會延柔約一千餘里爲固原藩籬  
隴右門戶原設守備一員後改設參將又添設蘆塘參將  
一員永安蘆溝守備各一員額設官兵七千五百餘名火  
器萬餘倉場歲派鹽引七千五百糧一萬八千九百石草

一萬三千束京民運來銀六萬三千六百兩

本朝康熙二年裁兵糧道歸併隴右道二十五年裁隴右道  
明崇禎十六年改參將設副總兵

本朝因之

靖遠營舊設副總兵一員中軍守備一員千總一員把總  
三員馬戰兵三百三十名步戰兵一百六十名守兵一百  
名

康熙志

今制靖遠協營副總兵一員轄靖遠蘆塘永安鹽茶八營  
下馬關六營本營中軍都司一員千總一員把總二員經  
制外委四員二員隨營差委一員駐北灣一員駐打刺赤

原額馬兵二百四十五名步兵一百六十七名守兵一百一十六名嘉慶二十年裁撥黃牛舖馬兵二名步兵三名道光元年裁馬改步馬兵二十四名道光三年裁馬改步守馬步兵五名實在馬兵二百一十七名步兵一百八十五名守兵一百二十一名本營所管塘汛一十五處東路毛河洛 打刺赤 狼山 喬山 趙家崖渠 紅水川 北路糜子灘 紅柳泉 新墩兒 水泉 西路和保坪 寺兒坪 古城兒 車路溝 南路大路子 營册 蘆塘堡明設參將統領中軍千把總馬步軍丁一千三百一十九員名所管墩臺二十四座隘口二十一處有牆邊

五十里

國初設遊擊一員千總一員馬戰兵一百二十六名步戰兵三十八名守兵六十二名

康熙志

今制蘆塘營遊擊一員把總一員經制外委一員原額馬兵一百四名步兵四十二名守兵六十二名嘉慶二十年裁撥黃牛舖馬兵二名步兵二名道光元年裁馬改步兵十名道光三年裁馬步改守兵六名實在馬兵九十一名步兵四十九名守兵六十四名 本營所管塘汛七處東路小蘆塘 乾沙河 索橋河 五方寺 西路蓆茨灘

塘馬窩

鎖罕堡

營冊



永安堡明設守備一員中軍官一員操守官一員軍丁六百名官兵六百名馬八百匹火器二百六十四位杆所管墩台二十四座隘口一十二處有牆邊五十里無牆斬偏坡邊一百餘里

國朝順治二年設守備一員守兵一百五十名後撥去下馬關守兵三十五名撥去廣元守兵一十五名調赴環縣屯種守兵二名與蘭州巡撫摘撥守糧七分又調赴興屯道守兵九名止存營守兵八十一名康熙八年裁去守兵三十名添設馬戰兵十名守兵五十名

康熙志

今制永安營守備一員兼管蘆溝汎經制外委一員原額

馬步守兵一百三名內道光元年裁馬改步兵二名實在  
馬戰兵十五名步戰兵二名守兵八十六名 本營所管

塘汛九處東路中沙河 八泉要路 三岔溝 喜鵲河

口 西路八泉 小川子 三角城 裴家堡 索橋營册

糧餉

靖遠營副總兵一員月支俸薪紙燭銀三十一兩四錢五

分五釐歲支養廉糧三十八分馬十九步十九坐馬一十二匹

中軍都司一員月支俸薪紙燭銀一十一兩七錢八分三

釐歲支養廉糧十分馬六步四坐馬四匹 千總一員月支俸

薪紙燭銀四兩歲支養廉糧五分馬二步三坐馬二匹 把總

二員每員月支俸薪紙燭銀三兩歲支養廉糧四分

馬二步二

坐馬二匹 經制外委四員每員除本身馬糧外歲支養

廉步糧一分馬戰兵二百一十七名每季每名餉銀四兩

糧二石步戰兵一百八十五名每季每名餉銀三兩糧一

石五斗守兵一百二十一名每季每名餉銀二兩糧一石

蘆塘營遊擊一員月支俸薪紙燭銀一十九兩二錢七分

八釐三毫三絲三忽歲支養廉糧十五分

馬九步六

坐馬六匹

千總一員月支俸薪紙燭銀四兩歲支養廉糧五分

馬一

步二坐馬二匹 經制外委一員除本身馬糧外歲支養廉

步糧一分馬戰兵九十一名每季每名餉銀四兩糧二石

步戰兵四十九名每季每名餉銀三兩糧一石五斗守兵六十四名每季每名餉銀二兩糧一石

永安營守備一員月支俸薪紙燭銀七兩五錢五分八釐

八毫三絲三忽歲支養廉糧十分

馬四步六

坐馬四匹

經制

外委一員除本身馬糧外歲支養廉步糧一分馬戰兵十五名每季每名餉銀四兩糧二石步戰兵二名每季每名餉銀三兩糧一石五斗守兵八十一名每季每名餉銀二兩糧一石

以上營冊

以上官兵俸餉銀按季赴甘肅布政司支領糧石在本

縣廣盈倉支領

小蘆塘堡明設防守官一員統領軍兵一百三十一名火  
器六十六位杆所管墩臺九座隘口隘處有牆邊二十里  
蘆溝堡明設守備一員中軍一員坐堡一員統領軍丁九  
百七員名所管墩臺十九座隘口七處火器七百七十位  
杆

國初設守備一員馬戰兵十名守兵五十名本堡邊隘一處  
喜鵲河邊牆及水口木柵一百七十六丈五尺修補完損  
壞邊牆二十五丈未壞邊牆一百四十五丈五尺水口木柵  
一十一丈至邊五十里東接連中衛苦水邊隘岔口爲界  
西接連永安邊隘榆樹峴爲界

平灘堡明設操守官一員守兵七十二名步兵五十名

陡城堡明設操守官統領官軍六十二名火器一百六十九位杆所管墩臺四座有邊牆十里

迭烈遜堡係陡城堡換守所轄所管墩臺十二座有邊牆七十里

水泉堡屬陡城操守所轄統領軍丁一百名火器一百五十六位杆所管墩臺八座

裴家堡明設防守官一員統領軍丁一百名火器二十九位杆所管沿河邊四十里墩臺四座

哈恩吉堡明設操守官一員統領軍丁馬匹隨時增減不

等所管墩臺十三座隘口三處無牆邊三十里每歲秋冬有固原官兵來此防守萬歷年間建蘆塘修新邊後罷去國初仍設操守官康熙二十年裁去今屬永安堡

沙古堆堡明設操守官統領軍丁一百二十九名所管墩臺五座隘口二處無牆邊三十里

大廟堡明設操守官統領軍丁三百一十名每年永安中軍統領兵馬一百名於此防冬所管墩臺十一座隘口七處有牆邊十里無牆斬偏坡邊六十里

打刺赤堡明嘉靖十七年調中所千戶印信官軍戍守原額屯軍七百餘所管墩臺十七座火器二百八十位杆

乾鹽池堡明設操守官統領軍丁三百四十五員名火器  
三百餘位杆所管墩臺十座

邊牆共二萬一千六百丈計百二十里康熙三十三年

總督佛倫題請丈量不應修邊牆一萬一千三百一十六  
丈應修一萬二百八十四丈康熙四十一年黃河泛漲衝  
壞邊牆三百一十八丈

以上康熙志

### 戶口

明正統二年建衛官戶八十六軍四千七百一戶景泰六  
年中所全伍調莊浪衛 嘉靖十六年十九年二十九年  
新增招募并抽選餘丁軍八百一十五戶 隆慶三年守



備李昫又增舍人軍五十戶 萬歷六年衛及各保招募  
官軍共七千一百八十二戶

衛屬邊徼從未立丁自順治十一年懷私者條陳始議  
編設遂貽後來之患是以君子慎作俑焉

原額上丁一十一丁 中丁二百六十三丁 下丁一千  
八百七十八丁

共二千一百五十二丁各編銀不等共徵銀一千二百  
九兩二錢六分七釐六毫五絲

康熙九年招徠下丁一十四丁該徵銀六兩八錢七分四  
釐 接收鞏昌衛下丁三百三十一丁共徵銀一百六十

二兩七錢一分二釐二毫一絲四忽三微六纖 以上上  
中下共丁二千四百九十七丁共徵銀一千三百七十八  
兩八錢五分一釐八毫六絲四忽三微六纖遇閏月加銀  
一百一十二兩四錢八分九釐九毫七絲九忽二微五纖  
七塵五渺 存留本衛官俸工食雜支經費等項銀六百  
五十六兩七錢一分二厘遇閏月加銀三十五兩一錢一  
分八厘三毫三絲三忽三微三纖三塵三渺 存留內俸  
文裁充兵餉款項

吏書工食案衣家具經歷俸銀守備心紅紙張教官喂馬  
草料歲考花紅試卷科舉賓興盤纏廩糧裁官並起運兵

餉共銀七百二十二兩一錢三分九厘八毫六絲四忽三

微六纖

以上康熙志

共戶四萬一百五十戶 共男女大小口二十一萬四千六百六十六口內 大口一十二萬三千七百九十二口 小口九萬八百七十四口

道光十一年共戶三萬六千三百九十五戶 共男女大小口二十四萬八千二百三口內 大口一十五萬三千六百六十二口 小口九萬四千五百四十一口

以上縣册

### 田賦

明正統三年鞏昌府通判監收本衛糧餉勘給屯種地土

摘撥甲軍二千三百一名給地二千三百一頃指揮馮咳  
赴布政司關領牛種價銀 歲辦糧一萬三千八百六石  
草三萬七百九束地畝銀二百三十四兩景泰間中所全  
伍調去莊浪衛兼以地瘠歲辦糧八千八百九十六石七  
合五勺草二萬三千二百二十束九斤有零地畝銀一百  
四十七兩九錢七分三厘零 萬歷志

嘉靖七年大荒軍多逃竄地拋拋荒率爲接攘豪富兼併  
止徵糧七千七百有奇 萬歷志

萬歷九年通判竇爾長查勘前地稍爲調停令佃戶辦糧  
一千七百九十石有奇以敷八千八百九十六石有奇額

數徵納改貯廣盈倉

萬歷志

按萬歷志論云景泰間調去者軍也而地則存焉竇君止勘八千八百九十之數而不知原有一萬三千八百之數雖曰調停而中所糧地實無歸著當時若再加精詳不惟舊數可核亦可免軍民之爭訟僭爲籌邊者告當時糧額既減而地畝具在此亦不必問原糧之多少但能核實原額地二千三百一頃之數則軍民之困自避矣

康熙志

萬歷四十七年十月內鞏昌府監收同知廣川呂恆招來人民開墾本衛三角城糜子灘古城兒荒地引水灌溉民

沾實惠又總扣抵年例水旱田二千六百七十九頃一十畝四分二釐糧四千一百七十三石二斗四升零

賑濟貧人水旱田二百六十一頃七十四畝糧九百四十三石六斗一升八合八勺

學糧備賑田二十八頃三十六畝

呂公奉旨記名宦自記田糧石碑在舊署儀門外

三角城灘渠口以河水衝崩無常每歲費小民無數金錢一旦置諸波浪自康熙二十四年經歷司俞公璉躬親相度鑿山開洞引水灌田鳩衆督工三載告成至今民享其利永無衝決之患者皆公之賜

糜子灘渠壩提堰被河水衝激損壞於康熙四十七年內  
經歷司王公見普亦鑿礮子灣石山成洞引水入渠甚便  
次年復開一洞水之來也洶湧不竭從此渠壩永固萬世  
之利

以上康熙志

### 國朝田賦

府志康熙丁卯以前出糧額數

原額屯地二百八十八頃六十二畝九分除荒外今現在  
實熟地一千五百七十七頃一十二畝七分 實徵本色  
糧五千七百八十二石二斗五升八合地畝草價銀九十  
七兩九錢六分四忽九微九纖二塵四渺本色草八千六

百五十八束七斤七兩三錢九分零

一額外三角城等灘並各營堡及查出五方寺白草原節  
年開墾並查出隱漏水旱共地九百三十八頃八十四畝  
三分該本色糧二千七十一石九升五合四勺零一抄九  
撮六圭一粟五粒六顆

一新墾康熙十四年逆變殺傷亡丁丟遺旱荒地三十二  
頃徵本色糧三十八石三斗九升九合二抄六撮二圭四  
粟在遵例墾荒事案內報明開墾起科額外旱地二十頃  
五十畝徵本色糧二十四石五斗九升九合三勺七抄六  
撮一圭八粟五粒



一額外靖遠衛將官養廉奉文歸入正項地三頃六十三畝徵本色糧一十四石八斗二升

一額外租課地六頃四十四畝五分徵租課銀三兩八錢六分七釐

接收鞏昌衛原額屯地一百九十三頃四十畝今現在實熟地一百七十二頃五十畝徵本色屯糧八百六十二石五升地畝草價銀二十一兩五錢一分五釐八毫零

舊志康熙丙寅以來田糧額數

原額各等屯地二千二百八十八頃六十二畝九分每頃科徵糧不等共額徵本色糧八千八百四十一石二斗一

升七合五勺每石徵地畝銀一分六釐六毫二絲五忽九  
微一織四塵草一束半共地畝銀一百四十六兩九錢九  
分三釐三毫二絲二忽二微草一萬三千二百三十五束  
四兩七錢八分內除荒地七百一十一頃五十一畝二分  
實應免本色糧三千五十九石五升九合五勺地畝銀四  
十九兩三分三釐三毫一絲七忽二微七塵六渺草四千  
五百七十六束一十斤一十三兩三錢八分九厘四絲一  
忽四微五織四塵三渺 實徵本色糧數地畝銀數草數  
並與府志合 額外各項俱合 鞏昌衛實徵地糧銀數  
章束俱合

以上兩衛額內額外共實徵地二千七百五十一頃三畝五分各徵糧銀草束不等共徵本色糧八千七百九十三石五斗七升一合八勺二抄二撮四粟六顆按歲支給固原鎮屬靖遠蘆塘蘆溝永安四營堡四季官兵馬匹糧料共本色草八千六百五十八束七斤七兩三錢九分有零按歲支給四營堡馬草地畝草價並租課銀一百二十三兩三錢四分二釐八毫有零按歲起解

康熙四十八年現在徵收額數

實徵本色屯糧六千八十四石二斗三升八合草九千一百九束地畝銀一百三兩二錢二分五釐水旱糧二千一

百五十二石五斗二升接收鞏昌衛屯糧八百六十二石五斗地畝草價銀二十一兩五錢一分

以上共徵本色糧九千九十九石二斗七升內除支給四營堡兵糧並孤貧口糧六千石有奇外實在存貯廣盈倉二千餘石

一康熙五十一年清查開墾平地二十頃八十畝每畝科本色糧五升該徵本色糧一百四石 又清查出山坡地二十四頃七十畝每畝科本色糧三升該徵本色糧七十四石一斗 額外租科地六頃四十四畝五分每畝科銀六釐該徵租銀三兩八錢六分七釐 一雍正七年在

於欽奉

上諭事案內勸民開墾首報入額水地五頃四十一畝一分四釐五毫每畝科本色糧四升四合該徵本色糧二十三石八斗一升三勺八抄 又開墾首報入額旱地六頃一十二畝一分一釐三毫每畝科本色糧三升六合該徵本色糧二十二石三升六合一勺 又收乾隆二十八年首報開墾入額旱地五十六畝每畝科本色糧二升一合四勺九抄八撮五圭五粟四粒六顆該徵本色糧一石二斗三合九勺一抄九撮五粟七粒六顆 又收乾隆三十三年首報開墾入額旱地四頃九十五畝每畝科本色糧二

升一合四勺九抄八撮五圭五粟四粒六顆該徵本色糧一十石六斗四升一合七勺八抄四撮五圭二粟七粒

以上額內額外實熟共地二千七百七十七頃二十七畝七分五釐八毫 共徵本色糧八千四百七十二石五斗六升三合九勺一抄四撮三圭三粟五粒二顆 地畝租課銀一百七兩九分二釐一毫二絲三忽六微二纖五塵四渺 本色草九千一百一十束其餘原額徵糧丁徭已備載前志並賦役全書內

乾隆續志

乾隆四十年起至道光十一年止

一乾隆四十五年首報開墾的肚子入額水地一頃九十

二畝每畝科本色糧四升四合該徵本色糧八石四斗九升二合

一乾隆四十七年首報開墾瓜園兒屬康灣入額水地一十一畝每畝科本色糧四升四合該徵本色糧四斗八升四合

一乾隆五十年首報開墾閭家井灣入額旱地一十二畝每畝科本色糧二升一合五勺該徵本色糧二斗五升八合

一乾隆五十一年首報開墾鹽灘乾溝子入額旱地八十三畝每畝科本色糧二升一合五勺該徵本色糧一石七

斗八升四合五勺

一乾隆五十二年首報開墾五方寺屬頭壩河灣入額旱地三頃一畝每畝科本色糧二升一合五勺該徵本色糧六石四斗七升一合五勺

一乾隆五十五年首報開墾瓜園兒屬入額旱地六十五畝每畝科本色糧二升一合五勺該徵本色糧一石三斗九升七合五勺

一乾隆五十七年首報開墾水泉入額旱地四頃二十畝每畝科本色糧二升一合五勺該徵本色糧九石三升

一嘉慶元年首報開墾五方寺屬凍青溝入額旱地八十



五畝每畝科本色糧二升一合五勺該徵本色糧一石八斗二升七合五勺

一嘉慶四年首報開墾大小蘆塘入額旱地四十四畝每畝科本色糧二升一合五勺該徵本色糧九斗四升六合

一嘉慶五年首報開墾紅水川入額旱地八十四畝每畝科本色糧二升一合五勺該徵本色糧一石八斗六合

一嘉慶六年首報開墾陳王堡屬順稍溝入額旱地一頃一十四畝五分每畝科本色糧二升一合五勺該徵本色糧二石四斗六升一合八勺

一嘉慶八年首報開墾打刺赤入額旱地一頃五十畝每

畝科本色糧二升一合五勺該徵本色糧三石二斗二升五合

一嘉嘉十一年首報開墾米薪灘澄加盈中塢蔗茂溝入額旱地七頃八十一畝一分五釐每畝科本色糧二升一合五勺該徵本色糧一十五石二斗二升五合二勺

一嘉慶十四年首報開墾磁窰兒入額旱地六十六畝每畝科本色糧二升一合五勺該徵本色糧一石四斗一升九合

一嘉慶二十一年首報開墾中灘壩塢入額旱地一頃三分七釐每畝科本色糧二升一合五勺該徵本色糧二石

一斗五升八合一勺

一嘉慶二十二年首報開墾鎖黃川入額旱地四頃六十六畝二分每畝科本色糧二升一合五勺該徵本色糧一十石零二升三合三勺

一嘉慶二十三年首報開墾五方寺鹽灘入額旱地六頃八畝三分三釐每畝科本色糧二升一合五勺該徵本色糧一十三石七升九合一勺

一嘉慶二十四年首報開墾鹽灘屬之月河灣入額旱地四頃七十四畝六分三釐每畝科本色糧二升一合五勺該徵本色糧一十石二斗四合六勺

一道光元年首報開墾東閭門外塔兒坪發餘堡東閭門外塔兒坪入額旱地五頃一十四畝九分三釐每畝科本色糧二升一合五勺該徵本色糧一十一石七升一合一勺

一道光八年首報開墾米心樑入額旱地二十六畝二分五釐每畝科本色糧二升一合五勺該徵本色糧五斗六升四合四勺

一道光十一年首報開墾碾子灣入額旱地二頃七十九畝七分二釐每畝科本色糧二升一合五勺該徵本色糧六石一升四合

一乾隆四十六年在於欽奉

恩詔事案內豁除歷年山水衝刷地八十五頃一十六畝每畝豁本色糧三升六合二勺六抄三撮畝地銀一分六釐六毫二絲五忽九微一纖四塵草一束四分九釐七毫該豁本色糧二百八石八斗一升五合七勺地畝銀五兩一錢三分四釐本色草四百六十二束二分九釐

一乾隆六十年在於遵批移查事案內豁除雙候子等處被河水衝沒地二百四十三頃三畝四分每畝豁本色糧三升六合二勺六抄三撮地畝銀一分六厘六毫二絲五忽九微一纖四塵草一束四分九釐七毫該豁本色糧八

百八十一石三斗一升四合地畝銀一十四兩六錢五分  
四厘本色草一千三百一十九束三分二厘

一嘉慶五年在於報明等事案內豁除郭家集等處被山  
水衝塌地一百一十三頃九十三畝二分四厘每畝豁本  
色糧三升六合二勺六抄三撮地畝銀一分六厘六毫二  
絲五忽九微一纖四塵草一束四分九厘七毫豁本色糧  
四百一十三石一斗五升三合一勺地畝銀六兩八錢六  
分九厘本色草六百一十八束四分九厘  
一乾隆五十年在於奏

聞事案內豁除糜子灘等處被河水衝沒地二十二頃二十

二畝一分七釐每畝豁本色糧四升四合該豁本色糧九十七石七斗七升五合五勺現在實徵本色糧八千三十六石六斗五升三合四勺本色草六千八百二十二束二分地丁銀一千五百五十七兩二錢九釐地租銀三十五兩二錢八分五厘

以上縣冊

### 學田

糜子灘學田二十畝後澄增十畝有餘舊爲豪強佔沒雍正十一年邑侯石公諱觀查清仍歸學校每年租糧市斗兩石

培風書院學租房在東大城門內南面公館兩旁前任廳

尊王公坦捐修官舖十一間外有東西市官地居民自修舖面七十餘間並作書院膏火

乾隆續志

課稅

實徵鹽課銀一百三十七兩三錢七釐六毫九絲連閏銀

一百四十八兩七錢四分零 實徵租課銀三十五兩二

錢八分四釐八毫 實徵郭家集頭寨子打刺赤三集稅

銀四兩 實徵當稅銀一十五兩 實徵船磨十輪課銀

四兩 實徵房園地稅銀一十兩 實徵商販牲畜稅銀

四十八兩

以上康熙志

兵房每年應額

崇橋商稅銀二百七十八兩



本城畜稅正額銀四十三兩二錢 盈餘銀四十五六兩  
郭頭打刺三集畜稅正額銀四兩

牙帖稅銀五兩三錢二分

磨課正額銀四錢八分

興靖堡畜稅正額銀五十兩零

以上縣冊

滾子井自縣城由苦水堡新寨窠至滾子井庄一百五十里與中衛縣接壤以界牌梁爲界下有東西大路一條東赴鹽茶廳西由蘆溝堡路南係靖遠交界舊井卽在其旁路北係中衛交界路南地久爲中民據占開墾與靖民屢控不休乾隆二十九年縣主那公諱禮善詳請飭委候補

知州黎公諱珠會同中衛縣尊王諱臣公同查勘定明交界所有中民侵佔靖地念其開種多年仍令耕種查明照例陞科赴靖倉上納其餘荒地不許私墾夫以數十年未清之案一朝釐剔使兩縣雀角鼠牙之端自此永息而大憲深加褒獎非公正明斷曷克致此

乾隆續志

俸工

明制

指揮便月俸三十五石

同知二十六石

僉事二十四石

經歷七石

鎮撫十四石

以上俱有折色 所千戶一十六石 副千戶一十四石 所鎮撫八石 百戶七石 試百戶五石 以上俱有折色 儒學教授五石 訓導三石無折色 衛合吏二石 衛典吏所司吏一石有折色 學吏五斗無折色 以上俱在民運管支 孤貧月二斗

俸廩經費等項

明本衛歲派徵銀四百七十六兩八錢七分零

表箋銀三十兩五錢

社稷山川壇祭價銀共八兩

文廟祭價銀四十兩七錢三分

厲壇祭價銀一十一兩

鞭春銀四兩 鄉飲價銀四兩 歲貢盤費銀四十兩八

錢 儒學齋夫銀每員二十四兩 科舉盤費銀每名五

兩 計處清軍文冊銀一十五兩 孤貧布花銀每名七

錢四分三釐閏月加一分四釐 乾鹽打刺二堡地租每

歲徵銀三百八十九兩九錢四分零 廩生二十名每名

月支燈薪銀四錢 置買走遞騾馬七十頭匹易買不常

價亦不定

國朝 本衛存留官役俸食廩餼雜支經費等項

康熙十四年存留銀共六百五十六兩七錢一分二釐遇

閏加銀三十五兩一錢一分八釐三毫三絲三忽三微三  
 纖三塵三渺 四十一年連閏共銀六百五十三兩五分  
 八厘三毫零 表箋銀二十兩五錢 春秋祭祀銀四十  
 二兩五錢 文廟二十九兩各壇一十三兩五錢 守備俸薪蔬菜燭炭銀一  
 百七兩三錢今連閏共銀六十三兩一錢零 教授訓導  
 俸銀三十一兩五錢二分 齋夫工食銀一十六兩連閏  
 七十兩五錢二分 經歷俸銀四十五兩 千總俸銀六  
 十六兩七分六釐 今連閏共銀三十九兩二錢八分零  
 廩糧銀六十四兩 原額一百九十二兩今止三分之  
 一 膳夫銀一十三兩二錢二分二厘連閏一十四兩四

分二釐 歲貢赴京盤費銀二十九兩三錢六分今奉裁  
教授門子工食銀一十八兩連閏一十九兩五錢

本衛人役工食銀七十八兩今三分工食銀四十兩五錢  
九分九釐一毫六絲 經歷人役工食銀三十六兩連閏  
三十九兩 千總人役工食銀四十二兩五錢三分零  
斗級工食銀一十二兩連閏一十三兩 看監禁卒工食  
銀一十四兩四錢閏月加銀一兩 學租一十二石 廩  
生二十名每名支糧三石共糧六石 貧士五名每名支  
糧一石二斗共糧六石 培風書院租糧一十五石 本  
衛原額孤貧一十三名每名月支口糧三斗共支糧三石

九斗小建月應扣口糧一斗三升共糧三石七斗七升  
知縣一員歲額俸銀四十五兩 教諭一員歲額俸銀四  
十兩 典史一員歲額俸銀三十二兩五錢二分 廩生  
二十名歲額餼糧銀六十四兩 鄉飲歲額銀三兩 膳  
夫二名歲額銀一十三兩三錢二分 門斗三名歲額銀  
一十八兩 齋夫三名歲額銀三十六兩 舖司四名歲  
額銀二十四兩 民壯三十名歲額銀一百八十兩 馬  
快八名歲額銀一百三十四兩四錢 皂隸十六名歲額  
銀九十六兩 門子二名歲額銀一十二兩 轎傘扇夫  
七名歲額銀四十二兩 禁卒七名歲額銀四十二兩

庫子四名歲額銀二十四名 斗級四名歲額銀二十四  
兩 鍾鼓夫五名歲額銀一十二兩 典史門子一名歲  
額銀六兩 馬夫一名歲額銀六兩 皂隸四名歲額銀  
二十四兩 縣册

### 風俗

人習武藝不憚攻殺 一統志

靖遠衛舊迭烈遜一巡司耳自河套日迫攻建爲衛於外  
徼僅隔一衣帶九邊皆推其人勇猛善戰敵人號爲拾兒  
軍避之然其俗則恂恂循禮度富者務積貯緩急則出以  
助餉貧者安問里閭警則奮勇當先豈所謂勇於公戰怯



於私鬪猶存秦俗之習尚乎

鞏昌府志

靖遠雖涉邊備人多朴實淳厚衣冠禮讓皆遵古制以耕  
牧爲計以園圃爲業婚姻多不論財喪葬大率浮靡人多  
剛勁好鬪射獵是習雖處荒塞亦有尚義者成宏前人多  
殷富靖初疏改祖厲河直衝黃河自是風氣漸替城外園  
林枯廢邱墟觀風者裁察倘獲復故道萬代俯仰云

萬曆志

成化志

岡繞河環原隰平行性質尚凋務獵力學  
衛治雖沿會州故址而土著歸附會寧衛管悉各省調集  
軍士亦西安諸衛攝撥人多醇良尚禮義不事浮夸然近  
日多務末技以巧詐相競是又不可以一定例論也

萬曆志

地當邊之衝前代戎馬擾攘倥偬傍午之日劇以故人習  
戰鬪身冒矢石雖披堅執銳而捍衛牧圉若性生焉負剛  
勁尚節氣殊猷奇績出其中忠勇義俠出其中封拜接踵  
勳名炫爛迄今閭閻甲第聯蟬桑梓何其盛也乃今者却  
走馬以糞而四郊無壘八荒奠安質朴者盡力田疇穎秀  
者潛心詩禮師嚴道尊塾多執經問業之子畏法遠行邑  
鮮健訟告訐之風歲時祀先展墓不愆反本之義婚娶納  
采親迎頗端正始之道獮悍之氣久消無復金革之舊染  
寬柔之教誰施恆多善下之謙光安其居甘其食美其服  
道以先王之道誠美俗也但俗尚騎射士多關弓侯張角

勝之場率多命中英雋揚鑣奪錦而文學之士類多以風水之說自畫而隳其進取之志爲可慨也城市闐闐之地營什一者亦多利賴然而軍民雜處往往游手不生事業者不乏而士風亦日以頹靡不振是則仁里之一梗也至於吉凶慶弔往來饋遺酬答燕會各稱家有無以爲豐儉殊可尙已若夫信巫尙鬼疾病不事醫藥邊方風土習俗大抵皆然

康熙志

### 物產

五穀俱堪樹藝而黍稷爲多黍稷秦人通稱爲糜而靖遠日用多稷米而黍米差少釀酒以粟米不用秫糯黃白黑

綠各色豆俱有有蠶豆不見有小豆以地寒小麥大麥青稞豌豆稗豆皆春種六七月熟小麥雖春種顆粒甚佳作餅餠蒸煮皆宜衛人能作細麵乾之可以寄遠有大小燕麥小燕麥俗呼油麥此邊地人民所常需非本草中所載之燕麥也本草所載亦名雀麥乃唐劉夢得所云兔蔡燕麥動搖春嵐者多生郭野邱墟間子微渺細小不可食明楊慎著有論辨

亞麻亦名胡麻胡麻脂麻也此爲壁蝨胡麻一曰山胡麻邊地樹藝極多榨油充用甚廣

蕒麻一名油麻鄉材人皆呼爲麻子有大小二種小者多

和種於糜穀地內雨暘及時每莖高八九尺一科可收子  
數升人每合油麥小麥炒熟食亦可榨油大者下子稠密  
多種於水地其形比小麻細而長結子稀少可剝麻易賣  
大廟打刺赤平灘諸堡廣種其麻佳於別處

內有火麻一  
名花麻不結

子花葉可  
入藥用

蔬菜果蔬俱同他處所有而甘藍獨勝春夏所種水蘿蔔  
頗佳胡蘿蔔多黃者紅者差少西瓜亦佳甜瓜多長大者  
茄形長而小有所謂冬壺薦者蓋南北瓜之類非瓠類也  
近有鎮綏將軍園內自哈密攜帶哈密瓜子每歲栽種其  
味頗佳然亦不多菜瓜卽越瓜黃瓜卽胡瓜作王瓜者非

是壺蘆瓠瓜也亦作瓠瓢俗作葫蘆世人有以長者爲瓠  
圓者爲匏俱可食俱可鑄鏤作條晒作乾菜衛地宜圓而  
無長者老而堅者去瓢可作腰舟挈以渡河所謂中流失  
舟一壺千金者是也可作瓢別有一種厚而皮堅者味苦  
不可食以作壺瓢更適用有小而長柄者爲懸瓠細腰者  
爲蒲蘆今之所謂藥壺蘆也俱有葱韭菘芥芹苣葫蒜蘆  
芡菠梭着蓬蒿苜蒿苜蒿香時蘿野生有沙葱灰葱  
齊黎灰蘆馬齒獨帶苦蕒蒲公英之類俱有  
蘆菰柳花羊肚鹿角龍鬚薇蕨等菜出永安保地界  
梨有鵝梨乳梨雲梨木梨消梨赤梨杜梨俗稱有金瓶梨

蘇密梨長把雞腿軟兒之類大小形狀不一而多佳者香水梨卽消梨也他處不多見深秋成熟咀嚼無渣至冬春間凍釋成汁天然甘美誠珍品也有蘋婆卽奈也有巴旦杏林禽有紅白大小數種皆足稱佳果桃李不及他處雖有以不多鮮棗亦可啖但乾則瘦薄不堪用有楸子園圃中間亦有種蒲萄者有沙棗花氣芬馥本可充財用枸杞拱把成樹五月結實紅甘可食櫻桃牡丹舊無今潘府園內自固原移栽開花結實水土頗宜

果單係林檎楸子之類汁熬煉而成者剪裁方正勻薄如紙味甘酸可供賓筵亦方物中之稀奇異品也諸梨熬膏

味甘微酸俗謂能清痰降火切片曝乾名梨乾味甘美堪供賓筵

樹木花草亦同他處所有但邊地苦寒高燥林莽稀疎三春生意岑寂四野一望蕭條城南山峯巒突兀亦鮮薈蔚蒨葱之態惟城陰河干水涯頗多豐林茂樹春暮則杏雨點紅梨雲舒素桃李競芳榆柳皆媚矣而村落泉石之地亦間有錦坊綠墅焉若夫求干霄蔽日之長材則松雪諸大山所在多有無竹無蘭或云地土不宜

鎮陽生近道田野中三月間未出土時土人能識之掘取狀如山藥粗細長短不等皮帶赤黑色肉白可生噉但味



甘而澁耳切片晒乾充藥用云功力十倍肉蓯蓉出土則不堪用成輟耕祿所說大謬

灰蓬春生長成作大科如蓬蒿但葉子不甚相類土人秋間芟刈略乾掘土坑燒灰堅凝如冰蓋亦他處所作石鹼之類也發麵澣衣其利甚廣

蓆吉草叢生作大科耐旱葉似莎草麥冬苗之類而硬長中心抽莖作穗莖高二三尺勁勒白滑可作繩亦可編笠  
織蓆

紫果從俗稱也本草有牛李皂李諸名結子如五味子龍葵子之類生青及熟紫黑色取汁可染碧綠等色

紅藍花澱臙脂染作亦佳 有茜 有紫草

六畜野禽野獸亦同他處所有而羊爲最大史公云千足羊其人與千戶侯等而此地擅畜牧者百千爲羣或至數千幾萬者其毳毳皮毛爲氈爲裘爲褐爲罽爲氍毹毹毹之屬其和亦溥然以之埒千戶侯則侈矣牛馬犬豕雞鴨俱有亦間有鵝

野禽多鷓鴣鷹隼松雪等山間有白鷹雪質神俊亦奇物也然不多見有沙燕胡燕迅飛疾鳴全無翩翩呢喃之態而巢梁紫燕頗少鴻鴈七八月多南飛蓋來賓侯也三四月多北飛則旋歸時也未見宿食隴畝者至冬月則絕無

矣若江泉洲渚蘆葦叢薄之間則棲息遍野焉

野獸各堡山中有虎豹豺狼狐狸麋鹿麀麇獾兔鼠  
狼之類有青羊黃羊石羊野馬

昆蟲種類夥矣凡在胎卵濕化之中俱同他處所有但夏  
月無蒼蠅立秋後雖有亦甚少衛城內外左近絕無蠟蠹  
毒螫之物蛇虺亦少是可喜也多壁蝨黃河中出魚亦有  
蛙龜刺蝟之物

貨利則產金有銀礦亦出石青膽礬出白礬皂礬鹽鹵坭  
泥紫泥紅土白堊壤土之類寒水石朴硝石灰石煤石炭  
蓬灰出瓦器

衛地不事蠶桑無絲棉婦女不習紡績織紅鍼箭外多撚羊毛作線挑作毛鞞貨賣

以上康熙志

鹿胎 野馬皮 覆鞍氈 鹿尾 靴 白角簞 駝褐

一統志

古會州唐時貢 駝毛 褐 草履 鞍 氈 後俱罷

今所出則 羊裘 狐皮 氈 毯 毳襪 毛襪 弓

矢

康熙志

新產綿花色白絲長以之織布光澤細密蔬菜果樹較昔種植倍加又產黃菸邑人資以爲利

縣冊

傳

婁師德傳

婁師德字宗仁鄭州原武人身長八尺方口博唇學行俱美第進士調江都尉長史盧承業見其寬厚長者尊爲台輔器不用僚屬禮待托以子孫上元初爲監察御史劉審禮敗命收亡卒於洮河吐蕃首領論贊婆等自赤領操牛酒迎勞喻以國之威信開陳利害蕃相畏悅後又從軍致討高宗假朝散大夫以行有功遷殿中侍御史兼河源軍司馬并知營田事與敵戰白水澗八遇八克天授初擢左金吾將軍兼豐州都督恭勤接下孜孜不息率土屯田積穀百萬兵以饒給無轉餽和糴之費后降璽書勞之長壽

九年名爲夏官侍郎判尙書事后嘗語以師在邊必待營田公不可以劬勞憚乃復授河源積石懷遠等軍河蘭鄯廓等州檢校營田大使入遷秋官尙書爵原武縣男改左肅政御史大夫知政事璞忠自負心無適莫證聖中與王孝傑拒吐蕃於洮州敗績貶原州司馬萬歲通天二年起爲鳳閣侍郎同平章事又偕武懿宗狹仁傑分道撫定河北諸州神功元年拜納言更封譙縣子隴右諸軍大使復領營田聖歷三年突厥入寇詔爲并州長史充天兵軍大總管卒於會州年七十贈幽州都督謚曰貞喪葬往還皆給儀仗自總邊要爲將相三十年方重有度喜怒不形於

色人有忤已輒遜以自免李昭德恚爲田舍子笑曰吾不爲田舍當復何人其弟守代州辭之官教以耐事弟曰自今人有唾其面潔之乃已答曰未也潔之是違其怒止使自乾耳在夏官注選或就案閱簿拒之不止乃灑筆曰墨汗爾衣嘗薦仁傑引與同列輔政後仁傑數擠令外使后覺之一日問以師德賢乎仁傑曰爲將謹守賢則不知又問知人乎對曰臣嘗同僚未聞其知人也后曰朕用卿由師德所薦誠知人矣因出其奏仁傑大慚歎曰婁公盛德爲我所容以今觀之不逮遠矣后方臨御酷吏殘鷲人多不免獨能深懷畏避以功名始終與郝處俊相亞世稱婁

郝

章燾傳

宋史

章燾字質夫建州浦城人也始以庶父得象蔭爲將作監主簿復舉進士甲科知陳留縣以最擢提舉荆湖北路刑獄稍遷直龍圖閣知慶州方是時朝廷戒邊吏毋得外侵乃更斥葭蘆安疆等四砦予夏人使歸我永樂之人燾以謂古者諸侯有罪貶爵削地甚則六師移之今旣憚用兵宜稍取其土疆如古削地之制彼雖猖獗壤地褊小不過一再舉而勢蹙力窘矣夏人將寇環慶燾命驍將將精兵授以方略又使人置毒於牛圈瀦水中旣而虜入圍環州



其所遺將折可適潛師洪德城虜過識其母梁氏旗幟鼓譟而出斬千餘級虜經牛圈飲其水人馬多死明年除知同州紹聖初徙南京改集賢殿修撰知廣州又知渭州至即上言城瓠蘆河川據形勝以窺夏國乃以三月及熙河秦鳳環慶四路之師出瓠蘆河川築二城於石門峽江口好水河之陰二旬有二日而畢賜名平夏城靈平砦方興役虜以其衆乘我師大敗之擢樞密直學士旣而環慶鄜延河東熙河皆築城夏人聘視不敢動實自涇原始無何夏國主與其母自將數十萬圍平夏不能克一夕遁去戎母慚務面而還除龍圖閣學士夏國統軍嵬名阿理西壽

監軍妹勒督逋皆勇悍善戰竊遣折可適郭成閒以輕騎  
夜直入其帳執之盡俘其家虜馘三千餘獲牛羊十萬種  
羌震駭進端明殿學士竊在涇原四年凡置州一城砦九  
夏人自平夏之敗不復能軍屢請命乞朝貢天子赦而聽  
之乃爲寢兵徽宗即位徙知河南入見留提舉中太一宮  
遂拜同知樞密院事以老授資政殿學士中太一宮使未  
幾而卒諡曰莊閒

南宋王偁東都事略

### 郭蝦蟆傳

郭蝦蟆會州人世爲保甲射生手與兄祿大俱善射應募  
興定初

宋四世寧宗四元嘉定十年  
金八世宣宗二元興定元年

祿大以功遙授同知

平涼府事兼會州刺史進官一階

金史云賜姓延札按延札舊作顏蓋今改

夏

人攻會州祿大遙見其主兵者人馬皆金甲

舊志脫甲字今依金史補

出入陣中約二百餘步一發其中吭殪之又射一人矢

貫兩手於樹敵大駭

舊志脫敵字今依金史補入

城破

宋寧宗嘉定十三年金宣宗興

定四年

祿大蝦蟆俱被擒夏人憐其技囚之兄弟皆誓死不

屈朝聞議加優獎而未知存亡乃特遷祿大子伴牛官一

階

金史作巡尉職

以旌其忠其兄弟謀奔會自拔其鬚事覺祿大

竟為所殺蝦蟆獨得歸上思祿大之忠命復遷伴牛官一

階遙授會州軍事判官蝦蟆遙授鞏州鈐轄會言者乞獎

用祿大弟

金史作再乞獎川

遂遷蝦蟆官兩階授同知蘭州軍事

興定五年冬夏人萬餘侵定西蝦蟨敗之斬首七百獲馬

五千匹以功遷同知臨洮府事元光二年宋寧宗四元嘉定十六年金宣

宗三元元光二年夏人步騎數十萬攻鳳翔甚急元帥赤蓋合喜

以蝦蟨總領軍事從巡城壕外一人坐胡牀氣貌若蔑視

城守者合喜指蝦蟨云汝能射此人否蝦蟨測量遠近日

可蝦蟨平時發矢伺腋下甲不掩處射之無不中即特弓

矢伺坐者舉肘矢一發而斃兵退遙授平灘軍節度使金史

作遙除靜難軍節度使尋改通遠軍門節度使金史授山東四路幹可必刺穆昆按穆昆舊作

謀克今改仍遣使賞賚是年冬蝦蟨與鞏州元帥田瑞攻取會

州蝦蟨率騎兵五百皆被赭衲蔽州之南山而下夏人猝

望驚以為神城上有舉手於懸風版者蝦蟇射之手與版

俱貫凡射死數百人夏人震恐乃出降凡為所據近十年

至是復焉

金宣宗興定四年為宋寧宗嘉定十三年金宣宗元光二年為宋嘉定十六年金失會州首尾

止四年傳者特約略舉之以為近十年耳

正大初

宋四世寧宗四元嘉定十七年金九世哀宗初元正大元

田瑞據鞏州叛詔陝西行省

金史作兩行省

併力討之蝦蟇率

衆先登瑞開門突出為其弟濟所殺蝦蟇斬首五千餘級

以功遷遙授知鳳翔府事本路兵馬都總管遷元帥左都

監

舊志作元帥左都管今依金史增改

兼行蘭會洮河元帥府事

行字依金史增入

六年

金正六年

進四馬二疋就以賜之詔鄉武藝超統此馬

可充戰用朕乘此豈能盡其力仍賜金鼎一玉兔鶻一并

所遣郭倫哥等物有差

六年以下依金史增入

會哀宗遷蔡

天興二年六月

事以下錄金史

慮孤城不能保擬遷鞏昌以粘葛完展為鞏昌行

省及蔡已破

天興三年正月

完展欲安衆心城守以待嗣立者密

遣人稱蔡使者傳旨宣諭會綏德州帥汪世顯

按通鑑續編綱哀宗

天興元年冬十月金以汪世顯為鞏昌便宜總帥

知蔡凶問

蔡隋所置蔡州至金仍之元升汝寧府今

屬河南布政使司金天興三年歲在甲子為宋理宗端平元年正月初十日哀宗於蔡州閉閣自縊舊志作天興初

汪世顯知蔡已破事差三年故舍舊志而取金史

且嫉完展制已謀以兵圖之又

懼蝦鱗威望遣使約與併力使者至蝦鱗謂曰國家危急之際我輩既不能致死赴援又不能叶衆奉迎乃欲攻粘葛公廢遷幸之地上至何所歸乎汝帥若與背國家任自

爲之何及於我世顯即攻破鞏昌劫殺完展送款於元復

遣使者二十餘輩諭以禍福蝦蟆不從舊志不及完展甲

午宋理宗端平元年歲次甲午春金國已亡西州無不歸順蝦蟆獨堅

守孤城丙申歲宋理宗端平三年歲次丙申以下仍舊志冬十月大兵併力攻

金史作元兵蝦蟆度不能支集州中所有金銀銅鐵雜鑄爲炮

以擊攻者殺牛馬以食戰士又自焚廬舍積聚曰無齎寇

兵日與血戰而大兵不能卒拔及軍士死傷者衆乃命積

薪於州廡呼集家人及城中將校妻女閉諸一室將自焚

之蝦蟆之妾欲有所訴立斬以狗火既熾率將士環立火

前持滿以待下仍金史城已破猶鏖戰不息獨上大草積以門

步遠集 卷之二  
三十三  
屏自蔽發二三百矢無不中矢盡投弓劍自焚時年四十  
五城中無一人肯降者土人立祠完展字世昌泰和三年  
策論進士以蠟丸爲詔期以二年九月集大軍與上會於  
饒風關出宋不意取興元旣而不果

成化志與金史參輯

陳鎰傳

江南通志

陳鎰字有戒吳縣人永樂十年進士授御史遷湖廣副使  
歷山東浙江皆有聲宣德十年擢右副都御史鎮守陝西  
北方饑民多流移就食鎰道出大名見之疏陳其狀詔爲  
免賦役正統改元鎰言陝西用兵民困供儀派徵物料乞  
悉停免詔可巡延綏寧夏邊條奏軍民便宜多所廢置所



部六府饑請發倉賑帝從輔臣請修荒政鎰請徧行於各邊由是塞上咸有儲蓄六年春以鎰久勞於外命與王翺歲以更代七年翺調遼東鎰復出鎮歲滿當代以陝人乞留詔仍舊任時倉儲充溢有軍衛者足支十年無者直可支百年鎰以陳腐委棄可惜請每歲春秋時給官軍爲月餉不復折鈔從之九年春進右都御史鎮守如故秦中饑乞蠲租十之四已命巡視甘肅甯夏延綏邊務聽便宜處置以災沴頻仍條上撫安軍民二十四事多議行尋還理院事也先將入犯命出撫畿內事寧召還進左都御史景泰二年陝西饑軍民萬餘人願得陳公活我監司以聞帝

復命之鎰至是凡三鎮陝先後十餘年陝人戴之若父母  
每還朝必遮道擁車泣再至則歡迎數百里不絕其得軍  
民心前後撫陝者莫及也三年春召還加太子太保與王  
文並掌都察院文威嚴諸御史畏之若神鎰性寬恕少風  
裁譽望損於在陝時明年秋以疾致仕贈太保諡僖敏

明

史宣德末累遷右副都御史鎮守陝西正統六年代還七  
年尋仍出鎮進右都御史十年入理院事進左都御史景  
泰二年陝西旱饑朝廷從陝人請復遣鎰蒞鎮軍民大悅  
鎰寬厚清慎先後在陝十餘年陝人愛戴呼爲黑髯慈父  
家繪其象事之如神還朝踰年致仕卒諡僖敏裔孫太學

生震有學行諸生世治工文翰並知名於時

江南通志

郭宗臬傳

明史

郭宗臬字君弼福山人嘉靖八年進士選庶吉士尋詔與選者皆罷乃除刑部主事改御史十二年十月星隕如雨尋哀冲太子夢大同兵亂宗臬勸帝悼崇寬厚察納忠言勿專以嚴明爲治帝大怒下詔獄廷杖四十釋之歷按蘇松順天奉憲綱行部乘馬不御肩輿會廷推保定巡撫劉夔還理院事宗臬論夔薦大學士李時子諂媚無行不任風紀坐奪俸兩月尋出爲雁門兵部副使轉陝西參政遷大理少卿二十三年十月寇入萬全右衛抵廣昌列營四

十里順天巡撫朱方下獄擢宗皋右僉都御史代之寇已去宗皋言密雲最要害宜宿重兵乞勅馬蘭太平燕河三屯歲發千人以五月赴密雲有警則總兵官自將赴援居庸白楊地要兵弱遇警必待部奏不能及事請預擬借調之法令建昌三屯軍平時則協助密雲遇警則移駐居庸俱報可久之宗皋聞敵騎四十萬欲分道入奏調京營山東河南兵爲援已竟無實坐奪俸一年故事京營歲發五軍詣蘇鎮防秋宗皋請罷三軍以其犒軍銀充本鎮募兵費又請發修邊餘銀增築燕河營古北口帝疑有侵冒令罷歸聽勘既而事得白起故官巡撫大同與宣府巡撫李

仁易鎮尋進兵部右侍郎總督宣大山西軍務俺答三萬騎犯萬全左衛總兵官陳鳳副總兵官林椿與戰鷓兒嶺殺傷相當宗臬坐奪俸明年再犯大同總兵官張達及椿皆戰死宗臬與巡撫陳燿皆奪俸給事中唐禹追論死事狀因言軍悉陷乃數十年未有之大屺帝乃逮宗臬及燿各杖一百燿遂死宗臬戍陝西靖虜衛隆慶改元從戍所起刑部右侍郎改兵部協理戎政旋進南京右都御史就改兵部尙書參贊機務給事中莊國禎劾宗臬衰庸宗臬亦自以年老來去詔許之萬歷中再存問歲給廩隸十六年宗臬年九十又遣行人存問是年卒贈太子太保諡康

介 明史

趙率教傳

明史

趙率教陝西人萬歷中歷官延綏參將屢著戰功已被劾罷遼事急詔廢將蓄家丁者赴軍前立功率教受知於經略袁應泰擢副總兵興中軍天啓元年遼陽破率教棄應泰逃罪當死倖免明年王化貞棄廣甯遁關外諸城悉空率教請於經略王在普願收復前屯衛城率家丁三十八人往蒙古據其地不敢前抵中前所而止其年遊擊魯之甲以樞輔孫承宗令救難民六千至前屯且驅蒙古於郊外率教乃入城即編次難民爲兵繕雉堞招流亡軍府漸

立已而承宗令裨將陳諫以川湖士兵來助頗勁悍前屯守始固而所招流亡至五六萬擇其壯者從軍悉加精練餘給牛種大興屯田身自督課至手足胼胝承宗出關閱視大喜慰勞贈以已所乘輿且以語帝所遣較事者時帝欲悉關外情形遣中使曰隨軍奏報故承宗語之蒙古虎墩兔素爲總督王象乾所撫其部下抽扣兒者善爲盜率教乘間斬其四人招撫僉事萬有孚與率教有隙遂以故敗款事訴於象乾象乾告兵部尙書董漢儒將斬之承宗貽書漢儒言其故率教得不死時承宗分關內外爲五部以馬世龍王世欽尤世祿領中左右部而令率教與副將

孫諫領前後部部各萬五千人率教仍駐前屯四年九月承宗上其功於朝擢署都督僉事加銜總兵五年冬承宗去高第來代諸將多易置率教善視第第亦委信之六年二月蒙古以甯遠被圍乘間入犯平川三山堡率教破走之其犯中後所者又爲副將楊應乾所敗捷聞帝大喜立擢都督同知實授總兵官代楊麒鎮山海關尋論功再進右都督世廕本衛副千戶時滿桂守寧遠亦有盛名與率教深相得及甯遠被兵率教命一都司四守備將兵東援桂惡其稽緩拒不納以袁崇煥言乃令入圍旣解率教欲分功桂不許且咎其不親援兩人遂有隙帝爲下詔戒勉



而桂又與崇煥不和乃詔還令率教盡統關內外兵移鎮甯遠七年正月我

大清兵南征朝鮮率教督兵抵三岔河不敢進而止三月崇煥議修築錦州大凌河中左所三城漸圖恢復率教移鎮錦州護工役帝念其勞特加左都督五月我

大清乘土工未畢大舉來攻率教與中官紀用副將左輔朱梅等憑城固守用大炮擊頗有死傷相持二十四日圍始解時滿桂亦獲功於甯遠因稱甯錦大捷魏忠賢等蒙重賞率教但加太子少傅廕錦衣世襲千戶而忌者又譏其屯田啟釁將罷之崇禎元年九月督師王之臣訟其功乃

命留任八月移鎮永平兼轄蘇鎮八路踰月掛平遼將軍  
印再移至關內明年


大清兵由大安口南下率教急赴援三晝夜馳三百五十里  
抵三屯營總兵朱國彥不令入遂策馬而西十月四日戰  
於遵化中流矢陣亡一軍皆歿帝聞痛悼賜恤典立祠奉  
祀率教爲將廉勇待士有恩勤身奉公勞而不懈與滿桂  
並稱良將二人旣歿益無能辨邊事者國彥以崇正二年  
四月爲薊鎮中協總兵官駐三屯營十一月六日

大清兵臨城副將朱來同等挈家潛遁國彥憤榜諸人姓名  
於通衢以所積俸銀五百餘及衣服器具散給部卒冠帶

北齊楷首與妻張氏並投繯死

明史

按平遠將軍趙公本邑人傳稱陝人者係據明史探入蓋秦隴本雍州之域雖時疆界未分故仍其舊今既改革應即更正以昭其實民國十四年乙丑春季陳國鈞謹注



靖遠縣志卷之六

金陵陳之驥編次

碑記

宋

建設懷戎堡碑記

卽打刺赤

崇寧元年壬午歲承朝旨築打緇川熙河帥姚雄駐兵會州應副錢糧運使吳安憲統制官熙河郭祖德劉戒涇原喬松秦鳳劉德西築水泉正川二堡通古會三月初皆畢功打緇川賜名懷戎隸會州熙河第八將後年乙酉歲正月割隸涇原改第十五將將官張普統人馬東築通懷堡

接涇定定戎開護道壕當年八月却隸熙河復第八將懷  
戎東南曰屈吳山大神山小神山皆林木森茂峯巒聳秀  
山澗泉流數派以法泉禪寺爲額給田五十頃歲賜撥紫  
衣西南白草原通會州北有寶積山產石炭甘鐵東北去  
壽監軍一百五十里西北去馬練城八十里堡之西南百  
餘步有泉眼湧出泓澄甘冽止而爲湖不徒有玩賞之景  
民田灌溉實賴其利大觀三年己丑春廢寨主將兼領之  
安泰與是年仲冬到官布耳目備戰守庚寅春創瞻軍園  
補烽臺完城堞更寨宇爲懷戎堂以延使節置衛教塲建  
利威堂閱武習射秋閏八月與夏人分畫地界辛卯春展

將廳便管犒孟夏創寶積堂因山名之仲夏就堂之北葺  
書室白鎮靜齋蓋新制擇將深沉鎮靜果敢有爲者爲將  
副就而名焉創堡將已十年殊無銘記慮其歲久莫知始  
未安泰昔任運司日嘗董築事今復官此直叙其詳使後  
來者有所考實政和元年辛卯歲六月壬辰八日己亥巡  
檢柳世雄馮進監押杜謂唐昱部隊將段遇趙普崔恩供  
備庫副使第八將兼堡事武騎尉張安泰書

明

建設靖遠衛碑記

吉水 羅汝敬 工部侍郎

正統三年秋七月靖遠衛成先是阿台屢以其衆入犯甘

甯間復遣輕騎自迭烈遜乘冰渡河潛窺會甯以圖南寇  
諜報陝西鎮守後軍都督府同知鄭公銘右副都御史陳  
公鎰發兵追北之而諜報不已爰暨藩方僚佐議設兵於  
河上以遏寇衝事聞可之且命牧伯之敏於事者往相地  
宜以董其役於時僉都司事房貴參司使議戴弁僉憲司  
事傅吉承命以行指揮常敬各率其屬以從至則以河上  
地墊且隘惟古會州乃炎宋拒李元昊之所襟山帶河其  
勢險塞足固金湯之守以爲國西藩屏乃按圖卜吉而城  
之未幾而三門成東曰通化西曰治平南曰安遠其北樓  
曰鎮北旣而公署第宅倉廩府庫以及市井營舍次第偕



作自經始於竣事凡七閱月而就其城以步計者二千一百六十有奇於是鑄鑄有禁鐘鼓有時士馬精強部伍整肅而殘孽聞風遁逃假息朔漠矣巡撫陝西右副都御史王公文適按邊儲於河北以是城控扼要害實西土休戚所關宜述建置之由以垂永觀乃徵文刻之石夫兵凶器也故聖帝明主不得已而用之是故阪泉之戰有苗之征玃狁之伐無非爲民而已今阿台違天逆命怙惡弗悛虔劉我編氓動搖我疆場狼貪獠噬以戕我生靈非有以折衝之其流毒豈不甚於玃狁之輩耶則知是役者非得已而不已也昔南仲城彼朔方詩人咏之范仲淹城青澗史

氏書之豈有他哉亦唯攘外寇以安中夏耳諸君子負不  
世之才受聖天子非常之知迺疆圉攸寄其所以揚天威  
修武備以迅掃妖氛肅清徼塞俾關陝人士無斥埃之警  
以享太平之盛者寧不於斯役而卜之詩曰無競維人予  
於諸君子深有望於今日也姑書石以俟

建設打刺赤堡碑記

楊冕

兵備副司

打刺赤古城按志不載興廢之由或者以爲宋禦夏人之  
患所築歟是城東距西安州八十里西去靖遠七十里北  
臨魯寇衝突之地南控居民耕牧之場先是城之北有堡  
曰迭烈遜密邇雪山黃河國朝於此分布屯軍置巡檢司

衙門每歲增以戍兵蓋防河凍魯出之患也自正統成化以來魯酋數經是堡入寇中原軍民累遭荼毒本堡警懼甚嚴成化八年前鎮守參將周海暨衛之指揮使路昭等以其事計於予曰迭烈遜地僻孤城人寡難守不若打刺赤古城外則可禦魯衝內則可屯兵戍又且爲地里四達之處若以巡檢司并屯軍俱移於此不亦爲軍民之便乎予遂以其事白於巡撫都臺大夫馬公文昇鎮守太監劉公祥總戎白公玉暨藩司諸大臣皆曰然乃疏其實以聞詔允其請 命下馬公以厥事屬諸冕遂往相厥地計其徒庸而以是衛指揮同知朱勇董厥工成化九年春令參

將趙公永和來鎮是地遂得戮力一心襄成厥事城則因舊而築廢者補之闕者增之城完趙公遂名其門東曰定遠西曰得勝與凡公第倉廩市井營舍次第偕作自經始至竣事凡九閱月而就其役以工計者二千五百其城以步計者七百八十有奇其屋以間計者百五十有餘仍籍其附城空閑地畝爲屯田於是鐃鑼有禁鐘鼓有時士馬精強部伍整肅屯田耕牧可保無虞醜魯聞風莫敢延頸西望而地方以寧矣趙公謂予兵備是地宜有言以述建置之由焉余嘗稽諸載籍自古禦戎之道固以攻戰爲先尤以守備爲本况醜魯逞彼犬羊之性憑陵我民庶蹂躪

我邊疆其勢熾矣若非固城宿兵以守之彼則衝突無時  
邊將何以遏之乎故昔者南仲城朔方而獫狁之難自除  
范仲淹守青澗而契丹之暴自沮者良由是也然是城一  
建巡鎮諸公禦侮安民之功殆非小小繼自今來守是地  
者尤能心相體悉時葺屢省俾無歲久易湮之失則不負  
巡鎮諸公愛利之惠而趙公之惠亦久而不泯矣是爲記  
建設乾鹽池堡記

楊鼎

定戎砦一名乾鹽池里志不載其詳無從考證平舊壘中  
得前人所作定戎砦詩鑄始知其名也其境東通西安州  
西通打刺赤南通會甯縣北通寧夏豈宋禦夏致此砦始

隸乎夏歟元廢不治我國朝取其水草利澤止作司牧之所北彝剽掠經此出沒實緊關要地不可無兵守鎮以揚天威於沙漠也粵成化辛卯歲僉憲楊君冕籌畫此策潛消魯迹移兵屯此掘隍成壘事未卒成越九載己亥魯復由此入寇歲庚子夏憲副王君繼備呈其狀巡撫阮公勤善楊君所謀擬移兵鎮之乃曰必須相察以驗可否入冬始歷覽邊鄙豁心舒目行視故城遺址違新城一里許廣平宏廠諸泉互湧信可仍其舊公曰事貴由舊何必改作矧此規模壯麗土疆墳衍前指後畫公志先定詢謀僉同卒更其初議及公婦謀諸鎮守太監歐公賢都督白公玘

衆議相符皆忻然大舉共樂爲贊襄遂表陳其所以皇上  
明鑒萬里切於求治納公嘉謀詔特允之於是公自度量  
稱才授任分工責成士卒爭先趨赴不怠歲辛丑兵戢翟  
君廷蕙適至綱維厥務百事維心功克以濟總厥功者指  
揮使劉端分厥任者本所暨諸郡指揮朱勇等增盈故垣  
五百有奇崇高四尋加厚三尺浚隍高堞氣象雄壯南建  
虛樓以快登望因名定邊出入二圍東曰鎮彝西曰服魯  
志在柔遠以揚聲教至若神祠官廨倉場營舍咸飭宏廠  
經始於辛丑年二月落成於是年八月未踰半載告厥成  
功衆咸謂是不可以無紀翟君遣使求余爲記夫伯鯨作

城以居衆古制也今興已廢之跡創未有之業顧識見目力用心何如斯固難矣詳此地山圍平原勢若天塹非惟墳壤可築可朽便於修理亦且可耕可鑿可樵可牧裕於屯守人被六氣之用家獲作鹹之利是因民之所利而利之故民遷也如歸市然則公之是舉也既稱情乎時制又壯觀乎國家利在生民勳昭天壤又烏可泯而不傳乎故詳書以著其建作之始俾來者考焉

建設永安保碑記

許用中

永安保蓋爲戴節度王晉菴翁新命名云國初僅設一堡於河上禦寇曰迭烈遜嗣因魯犯不能守正統間復請城



之南創建靖遠衛堡之東重修打刺赤以禦之督撫關中者每每講求相度始得永安險隘之地築堡屯守夫永安東之要害凡七日大廟曰哮喘溝曰馬尾曰劉家寺兒曰大碾子曰八泉曰急三灣西之要害凡九曰小紅溝曰硝水曰紅蟒牛曰七里口曰紅柳樹曰李智墳曰李哈刺曰一碗泉曰迭烈遜卽其堡前所廢者乃裴家川跨諸要害中距河四十里許雪山枕其南劉家寺兒溝口接其北東與埤坪川白崖子亂古堆鎖黃川列竈相聯絡不斷川原訐旃草木蒼蔚古渠埧塍疇尙在塞人以小河套刺刺稱之鄰撐犁大小松山蘆塘湖諸慎番甌脫塞人目之爲套

鹵云今建以長城計三千里許名曰永安堡以金計二千有奇以穀穗計三千有餘以夫計萬餘人天險固而地利興均出節度王公西石戴公晉菴之碩畫云至贊其成則有中丞楊公南泉左兵侍郎張公元洲兵憲王君桃溪總帥呂公兩槐云自六月念一日鳩工起至十一月初三日止通計凡二十有五甲子而工告竣實際隆慶五年改元也戴節度奏之 天子制嘉乃丕續賜金幣有差節度命余紀其事余謹按龍韜文王翼編曰股肱四人主任重持難修溝塹治壁壘以備守禦又按周宣王命樊侯仲山甫築城而尹吉甫作詩送之曰王命仲山甫城彼東方又曰褒

職有闕惟仲山甫補之然則諸公之功與山甫先後一轍  
豈曰古今人之不相及哉王公名之誥石首人戴公名才  
滄洲人楊公名思忠平定州人張公名翰仁和人呂公名  
經寧夏人君名宮用成安人

建設蘆溝堡碑記

隴西楊恩 主事  
戶部

昔南仲城朔方而中原底甯營平屯金城而西羌遠遁今  
古讓美宇宙垂光非天下第一流人物疇辦此哉靖遠介  
朔方金城間逼近魯巢外則蘆塘爲其芻牧之場內則蘆  
溝爲其出沒熟道腹地屢遭荼毒當軸竊懷殷憂萬歷癸  
巳大司馬魏公具疏上請於蘆溝扼隘設堡砦屯戍卒爲

折衝禦侮計方命下之曰值西夏變故之秋越數年無有  
敢肩之者及少參鍾所劉公至甫月餘檢往牒見蘆溝建  
堡有議卽親往閱其形勝度其工程毅然身任日以靖遠  
之兵食足靖遠之供億正游二營軍馬歸回固原靈州二  
倉錢糧抵補何工不成何兵不足何食不饒劑量調停乃  
圖說於軍門李公撫臺呂公咸可其事於是鳩工聚材器  
使才能區畫周悉以提調則靖遠參將麻君濟邦以督工  
則原任參將鄧君鳳以分理庶務則千總薛君棟以收支  
糧餉則衛經歷張君澤始於萬歷丙申二月落成於是年  
二月因事呈能各奏敷功城垣高厚環堵有數樓臺壕塹

聳閣有數重門闔闔有數公署祠宇有數倉廩營房卒伍  
馬步有數井然有條炳然可述以百戶戴君鵬爲守備行  
都指揮事餘皆序功旌賞委千戶薄君崇古爲坐堡百戶  
吳君登福爲中軍分管堡務遙觀厥成是堡之建也財不  
甚費民不甚勞工不日成兵不外徙食不外增一區畫間  
屹然爲腹地保障居民宴然噫嘻然則我公亦今之南仲  
營平也已今夏四月李君時節以守備來守茲土恐歲月  
之易邁致成功之無紀將取氏名爵秩工程財貨鐫堅珉  
與是堡相永久命中軍黨君師尉坐堡王君性善俱來請  
記爲之其道如此公諱兌字澤夫直隸新城人鍾所其別

號云

建設水泉堡碑記

呂大用

先是萬歷初以水泉近永安當黃沙紅溝鎖黃等衝用築  
哨馬營伏軍五十亦古昔守戍意迄庾子歲賴我皇上天  
威掃空松穴於是北通甘涼西達洮靖東接固原尋爲三  
鎮通衢冠蓋駐節旗盾卽次兵餉之飛運星轉邊商之蟻  
攘蜂熙咸於此假道托宿迎送奔馳者苦無寧曰本道逐  
徙迭烈陡城二軍以實之夫以扼要之地而彈丸若是何  
以捍禦士卒收攝兵餉向者參戎趙公維翰目擊其事因  
白之同知呂公恆遂議所居之軍士不足以當往來之冗

繁且露居野處者大爲不便共矢訐謨會道崇院乃可其  
議卽下檄命中軍吳登泰用動大衆督其事操守趙率性  
日夜經營備粟米犒軍夫擴其舊址崇其基勢外則崇墉  
峻堞內則堂皇室庖以及綽楔環閉墀舍樓閣崔如翼如  
於公家儲備金錢之費無幾凡前之節次者轉熙者可恃  
以有待也是役也鳩工於壬子之秋落成於癸丑之夏道  
憲岳公創其基周公竟其緒若二公者其亦可以抒我聖  
天子西顧之憂矣

守備題名記

管律

靖遠衛古西羌域也面烏蘭而背黃河實關中險阻之區

在禹貢爲雍州之域按地志秦屬隴西郡漢屬金城郡東漢屬武威郡而金城仍之後魏置會甯縣西魏改縣爲州後周移其治於鳴砂城隋復爲會甯縣而屬之平涼郡唐爲西會州貞觀中以其地足食乃改爲粟州尋歸其故後又改州爲會甯郡廣德後沒於土番矣宋興恢復之置敷文縣金改敷文爲保川元遷其治於西甯縣卽今之會甯是也或華或彝或縣或州卒無定制而屏蔽關中深有賴焉則一也逮我國朝承平日久當正統之二年置靖遠衛領四千戶所修其廢城居之設守備官統重兵而任捍禦之責成化元年改守備爲參將十八年仍爲守備宏治十



五年又改爲參將不踰年復爲守備迄嘉靖癸卯歷年四十有二始無更革之變循定禮而安於常矣先後任守備者二十有九人任參將者六人均居將領而其精於韜略長於戰鬪間兼文武之才者有之或鄙柔猥劣具員而竊位者亦有之視其黜陟可爲勸可爲戒也然歲月彌遠漫無可稽嘉靖二十一年秋甯夏都指揮顏公南泉承命而來始礮石以刻先任者之名氏走書徵紀於芸莊管子律律曰地雖要扼而守之在人匪其人雖險弗險甚則與無險同矧靖遠固稱弓刀鎧冑之鄉素有文獻禮樂之俗人皆慣武藝敢戰鬥爲將於是者故易爲力也惟善於恤衆

則忠於所職而居人安矣瞻玩是碑指前人之黜陟爲後人之鑒照則南泉公亦良於用心者乎公名臣字朝卿而其功業著於時宜大書之茲不盡書特以題名云爾

參將題名記

王學謨

靖遠古爲西羌卽今會寧之故墟也北抵黃河僅二里許設居要害臨鞏重地倚以爲屏蔽自禹貢及今曆代更名不一按地志備記正統二年復修廢城設立守備以便防禦成化元年改爲參將十八年仍置守備宏治十五年又改參將未踰年復更守備溯其故蓋因邊報之緩急營伍之虛實而爲是更革不常也邇來彝勢猖獗歲時大舉靖

遠卒伍空虛原無戰備一遇警急實難控遏雖有調遣緩不及事當道識時務者疏達宸衷仍改參將所轄地方共六堡十四屯寨所統官軍凡三千員名然猶以爲事不難於守而難於創又議得北河劉公起自行陣諳練事體素稱驍將檄公以副總兵原職兼理參將事務公自下車以來卽以興利除害爲心以安內攘外爲急甫三月營伍充實士馬精強城垣邊塹卒堪保障戎伍甲兵極利戰守又慮裴家川一帶爲套部出沒要地與元戎呂公共議於督撫王戴二公因請於上乃允其奏新建城堡增置官軍沿河有牆沿牆有墩哨瞭防守無所不至且於黃河夾灘因

勢利導修築隄防以通水利居民賴以安全者公之力也  
居無何厥工告成於是以所屬官僚及衛之軍民謂公創  
關是地樹立偉績乃徵記於河汀王子學謨學謨曰地雖  
險阨守之在人嘗讀晁錯疏君不擇將以其國予敵也將  
不知兵以其卒予敵也以公之才力鎮守是地可謂君善  
於擇將將善於知兵使靖遠重鎮時享太平之利我國家  
金甌鞏固安不忘危屏蔽一方永紓西顧之憂者此其基  
也公姓劉諱齊別號北河河西永昌人幼以雄豪名當世  
其服官蒞政美難盡書姑以靖遠創設之由布置之績並  
其名勒諸石焉諸所從事等官具載碑陰

靖遠實塞倉記

保定

劉

兌

道 兵糧

予奉璽書飭邊備於靖遠畫黃河於一綫以爲限水門北望松山之寇在盼驟聞乃慨然嘆曰此不可取而有乎正統間速孛禿蘆塘湖石門剪金黑馬黃羊一帶盡屬內地景泰間莊浪守備魏榮棄此地如敝屣岳武穆曰中原之地尺寸不可棄魏榮何人百十年來當事者曾無一人剖可否何也迄今甘涼運道弗通而莊浪蘭靖犯無甯日有丈夫氣者寧無故土之思乎顧兵以禦寇食以壯兵靖遠兵寡食澁河之東南地土苦瘠極目灌莽間有一二而耕者不苦於人力則憚於外擾夫塞下田不闢則粟貴粟貴

則轉輸難且賓酋以數千烏合之衆頓禍於門巷之間沿河架梁借他境兵戍靖遠京民二運日不暇給而欲清松穴拓故疆壯軍容以資犄角豈能於正額之外而加賦乎或別有所請乎蓋無米而炊人之愚也枵腹而戰策之左也予爲朝夕圖維惟足食便焉去歲以開荒六事上直指使者復捐俸金易車牛農器籽種遴軍士且耕且守而又搜剔乾沒之蠹節縮供億之餘考計贖鍰之入未踰年而積糧料數近三千不因舊貫不事公帑倉廩成而白粲紅陳一軍之中皆有飽德奮義之氣原任守備趙相普陳命爵指揮李彥洪李雲桂皆董工事者請命其名并紀其事

因名曰實塞倉取趙營平屯田實塞之義也蓋三代而下  
得禦魯之宜養成蕃脫不耗內而善外防者君莫如漢文  
若畫禦魯之策募民實塞盡地利而得人和者臣莫若晁  
錯錯之後唯趙營平得其法襲以制諸羌而萬世欣羨不  
置口是舉也雖不能上比古人然積蓄富而士氣鼓可以  
掃松穴而復故疆以通五鎮之脈絡以成三秦之掀揭孰  
謂今人不古人若哉奈何不佞曾以大剿松酋議上各部  
院咸是之顧以有倡和之說者進撓其事嗚呼松酋以和  
愚我我以和自愚致使劉越石聞鷄而起舞撫劍而長悲  
也後之有丈夫氣者知不以予言爲河漢也已

建設學宮碑記

楊冕

兵備副使

學校治化本原有天下者不可一日而無也粵自五帝虞夏商周內外莫不有學凡鄉學飲酒春秋合樂養老勞農尊賢使能考藝選言之政至於受成獻馘訊囚之事皆出於此必擇士大夫才行克茂者爲師儒以養天下之士士所服行者仁義禮智之理所講讀者易書詩禮春秋之文所聞見者修齊治平之道日出而備諸用所行卽所知功無不盡政無不善蓋古昔帝王立學之本意如此而治化之盛有非秦漢唐宋而下所能及也洪惟盛朝稽古圖治學校之設無間內外治化之隆遠邁千古若陝西衛之



靖遠古爲西羌地舊爲會州城歷代建置不一元初遷治西甯縣卽今鞏昌府會甯縣是也正統丁巳歲復修廢城始置衛宿兵以守之時都指揮僉事房貴乃屬衛之指揮使常敬同知朱能路貴陳遵僉事馮彧葛全裴鑑連榮吳榮張正僉議衛治旣設足以奮武衛學校未建將何以育材而化俗哉遂疏於朝得允其請乃相地於衛東南鳩工掄材經管相度首之殿堂門廡次之庖廩齋舍又次則聖賢遺像罔不各臻厥度黝堊丹飾煥然一新經始於正統戊午春落成於是年冬又明年師弟員旣備由是釋菜有時絃歌有地矣先是武弁子弟不知經籍爲何事今則科

貢有人矣不識韜略爲何物今則武舉有選矣興學之驗如此成化己丑予來整飭兵備謁廟餘視殿堂齋舍年久頗有廢墜者而文昌祠尙未建焉乃命掌衛事指揮路昭輩補而葺之修而建之成化癸己參將趙公永和來鎮是地以興學爲急務增選士類幾百每勵師生益勤問學程督所司時加葺理衣冠文物爲之一變將來人材輩出公之功居多懼其久而無以考興建之由乃丐文於予以記之嗟夫學政之修否關乎時運之盛衰得人之何如耳苟得其人值其時以修其教則師道立而善人多善人多則士氣正士氣正則人材盛風化行矣靖遠昔雖爲

羌戎之地今則斯學一興人皆陶淑禮樂篤於倫理漓者  
淳薄者厚文事武備兩爲兼盡故爲臣者知所以死忠爲  
子者知所以死孝凡我士民益相砥礪濯磨思無負建學  
尊師之意而趙公鼓舞振作之惠亦傳之無窮矣後之守  
是地游是學者可不知所勉乎因其請乃次第其事俾刻  
諸石焉

重修文廟碑記

劉

耕

戶部  
郎中

惟天萬物之祖仲尼萬世之師蓋人本於祖而成於師成  
我之德與生我之德一他人之師師其人祖祖其人仲尼  
教思無窮悠久成物文德配天聖天子昭事上帝於國陽

而廟祀孔子於天下庠序禮也吾蘭漢金城郡靖遠在蘭東元昊據靈夏於地置會州浮橋於河以通甘肅國初廢之正統紀元邊臣奏其要衝乃置今衛明年於衛立廟學嘉靖乙未春觀察王公按部於衛謁廟鞠爲茂草乃用心惻謀於分守少參劉公從學分巡僉憲紀公常經衆議僉同爰仍舊貫役惟和順弗煩於齊民資惟按贖材惟河稅弗經於有司擇臨洮王同知卿總其事孫通府紹卿佐之委守備楊都僉信董其役經歷黃魁訓導田英監之指揮朱辰勞之乃移寢廟寢廟奕奕乃闢列廡列廡翼翼乃新重門重門有伉乃築官牆面堵其興數仞其崇牲有廚器

有庠講授有堂齋藏修游息有號舍計廟十楹廡東西二十有八楹門十有二楹厨庫各六楹齋十有八楹號舍六十楹靖之文武事神於斯射飲於斯征而受成於斯告訊獻馘於斯宦庶弟子咸知向學武夫篤士亦皆率化僉曰既作泮宮咸被其隆溯厥從來伊誰之功實惟觀察北平王公乃相與歌之曰我有小子觀察造之我有悍夫觀察教之作人君子壽考勞之觀察名紳字子書直隸滄洲人已丑進士

重修文廟碑記

薊州

馬汝驄

孔子之道與天地同一不朽與王化同一無疆凡鍾天地

之秀而被王化之深者孰不以興起斯文爲已任哉靖遠古爲西羌舊隸會州正統丁巳守備都指揮僉事房貴復修廢城設衛兵以防魯衛制旣立固足以威武而學校未建尤難以昭化遂疏於朝允請建學創始於正統戊午春落成於是年丁丑月風教漸開人文始著迨成化己丑參將趙公永和來守是地以興學爲已任一時衣冠文物尤極其甚迨嘉靖己未觀察王公紳按部至衛謁學見殿宇難以棲神堂號弗堪育秀爰命臨洮府同知王公卿督其事指揮朱辰勞之訓導田英監之煥然就新不數十年而圯頽猶故嘉靖三十六年冬鎮守都督僉事榆陽曹公世

忠駐兵靖遠謂學中泮池未備命官鳩工於戟門前鑿池  
其下行將引流於中揚洙泗之餘波作橋於上行將率衆  
於茲環橋門而觀聽至於先師之龕文廟之扁殿廡堂齋  
號舍庖廚以及尊經有樓興賢有坊黜堊丹飭備極壯觀  
嗚呼創建學宮本自戊午今之修葺鑿池適當其歲夫天  
道六十年而一週則默相之功天實有以啟之矣然要非  
我曹公崇重斯文之美不至此書曰惟周公克慎厥始惟  
畢公克慎厥終詩曰允矣君子展也大成公實有焉公之  
善政匪直學校爾也若三清殿關王城隍廟譙樓坊牌無  
不整飭行兵要害如平灘堡一條城路極崎嶇開拓悉爲

大道與皋蘭互相爲援其功尤可紀也予添司學政躬逢其盛故樂爲之誌其始末俾勒諸石以俟後之君子云爾  
國朝

建文廟大成殿碑記

陳寶 李一鵬 教授

大道旣肇神靈迭出羲軒而降阜風邈矣唐虞三代而後文明日啟淳澆樸散而大同畢矣使不得聖人焉以之綜貫三才廬牟六合而久安長治何以永留萬世耶蓋上天念之矣故篤生吾

聖人於以繼堯舜禹湯文武周公而以素王治萬世之天下也大哉聖人道固莫尙已是其爲天地立體爲萬物造命



爲帝王開治理爲師儒正學修以心法傳治法以學統承  
道統道德功業禮樂兵刑內聖外王文經武緯一以貫之  
矣是以聖賢出其中忠孝出其中節義廉恥出其中下至  
一夫一婦一草一木蠖飛螻動跂行啄息之倫凡有血氣  
無所逃於天地之間有固莫非聖之道所彌綸而聖化之  
所涵濡也者而往往千人之英萬人之傑生而卓犖瓌瑋  
踈蹢不可一世沐詩書之澤咀典誥之華固無事操鉛槧  
勤帖括作章句羞而學書學劍學羽籥學干戈及得其時  
則駕鵠起雄飛性地經濟天授謨猷固取諸夙具而裕如  
矣樹鴻伐著異績膚功能奏袞職可補所謂入則周公召

公而出則方叔召虎也其於

聖人之文事武備固有當乎而豈咿唔咕嚕尋行數墨苛細者所敢企及耶然則聖道之儲興扈治曷有極而聖化之陶鑄玉成蓋有在矣大哉聖道誠莫尙已乃今者

聖明在御額曰萬世師表至矣尊崇蔑有加矣而鎮綏將軍潘公卽承至意以光顯

聖道也公高明特達讀書通經涉獵史冊洞悉古今大義而持論侃侃不惑於世俗邀福之異教而惟以佩服聖道爲依歸故績茂棨戟所臨每以創建踵修

聖廟爲切務而茲則公降申生甫發祥之基也學宮圯剝風

雨弗戒有日矣掌印馬方葺理整繕間諸生因丐助於公  
公展肅而心恻之謂湫隘卑陋非所以棲神妥聖也遂毅  
然以千餘金爲倡首一時裨帥參佐將領暨守土司牧俱  
各捐俸有差資財出納則託之掌印馬營度監造則委之  
經廳王庀材鳩工金石土木操作舉興遂撤去舊制恢拓  
其址坻宏隆其棟宇松角楠椽枅栱重棼賁墉固護乎廣  
除瑣園周承夫層榮縹瓦籠瑞蚩尾騰輝自丙午二月屆  
八月雕鏤甫畢架構告竣固巍然王者之路寢法宮矣然  
赭堊未施藻纘弗加殿城堂陛猶有待也而公則殷然念  
之矣因更輸資給費而專其任於協鎮蔣公謁誠數愀事

事經心一依潘公指授之圖畫爲規式而專官監視不敢  
稍鄰疎忽焉丁亥自秋阻冬雲砌月墀甃壁廉正而五采  
章施畫棟丹楹輪奐陸離金碧翬飛矣夫然後珍閣璇櫺  
位置几筵南面黼座獨龕至聖一分東西合龕四配各二  
次分東西合龕十哲各五廟貌既新典禮依舊猗歟盛哉  
斯真可以棲聖人之神妥聖人之靈矣雖聖域賢關煌煌  
黷序落成尙有屬望而衛之官僚紳衿暨諸人士已莫不  
瞻公之功仰公之德且將子若孫雲仍來耳世世傳道不  
置矣謂柱石天家金湯徼塞勳銘旆常麟炳汗青固無藉  
下里之禱頌而公以倜儻不世出之偉人於以光顯聖道

仰佐

朝廷之風致厚培桑梓之福基而躬逢其盛者能不敬識其款實以示來許云

改建文廟大成殿碑記

大興

王見普

經歷司

於戲聖道至今日而益以光大矣蓋自漢高帝由淮南過魯祀以大牢其後人主登封巡守無不過而拜祠焉宋明以來尊禮遞加逮我

皇上車駕臨幸闕里修飭殿宇親灑宸翰匾聯崇顯復遣儒臣歲時祭奠右文崇道之德意未有如今日者也今

夫子之廟學遍於天下卽深山窮徼亦知誦法其書其在天

之靈固無乎不之也海內慕學之士一皆蔚然向風矣但所在學宮不無風雨剝落之慨此雖有事斯土者之任或亦其地紳士與有責焉靖遠舊有學宮歲久傾圮普於朔望展謁未嘗不瞻視心惻顧秩卑力微未逮也司牧馬公方爲它材繕葺鎮綏大將軍潘公按部至衛詣廟展獻諸生因爲丐助公曰舊殿湫隘非所以妥

聖神而肅觀瞻也遂毅然獨捐千餘金爲倡改建大成殿且不以普爲不才特命董理其事撤舊圖新拓基宏廠經始於丙戌春二月落成於秋八月而殿宇千霄榱桷凌雲金碧輝煌巍奐改觀而靖邑

夫子之廟學遂巋然甲於隴右矣公之斯舉固所以虔奉先  
聖然亦以宣明

國朝右文崇道之德意至其不惑於異端福果之說一惟以  
佩服

聖人之正道爲要者又公之天性高明迥出尋常士夫萬萬  
也普以位卑秩微奔走分固所宜猶思當日添厠贊序竊  
有志於

聖人之學因屢躡場屋卒業成均旣而爲二親捧一檄出丞  
山左昌邑每謁文廟未嘗不感歎思奮聞有倡爲修葺者  
罔不欣然樂助今濫竽斯地往往入廟觸景生慨而不謂

我大將軍舉此盛典辱茲佳命計此七月之間朝往而暮  
歸心思况瘁風雨弗辭一切經營相度不竭盡其愚不已  
祇以祿薄無能勉爲多助因思邇來紳士大夫凡梵宇道  
院不惜厚資創修靚飾以邀福而祈報獨於

聖廟所在漂搖愀然不顧甚且銖粒必靳靖固爲公發祥之  
地而公獨能爲梓里崇其福基廓其文運於以光聖道而  
培

國本其爲功於名教豈淺鮮哉若夫公之功在社稷德被生  
民令子賢孫笏床盈登是在當世大人先生自能言之有  
非奔走下吏所能頌萬一者也謹爲記



# 重修學宮碑記

白乃貞

粵昔聖王治世首重師儒賢臣輔治先右斯文是以漢唐  
宋明釀一代熙隆之運者莫不以興學育才爲急我國家  
布昭聖武奄有四海他務未遑遂有修學之詔天下郡邑  
奉行罔後獨我靖邑至兵憲萬公諱全下車乃議修建學  
宮於是謀之郡司馬徐公化民徐曰予志也亦予事也願  
助勦焉又謀之協鎮趙公光大僉有同心各捐俸率屬輸  
助命匠掄材鳩工興作經始於戊戌之春落成於是年之  
冬其中之頽壞者緣舊址而更新之廢棄者因先制而增  
修之未備者相地勢而補建之如殿廡廊階櫺星戟門泮

池坊碑亭祠堂齋樓閣垣牆煥然一新雕畫黝亞備極周到是役也公之心思瘁焉財力竭焉區畫相度詳且悉焉是可謂上不負君而文教誕敷矣下不負士而文氣不振矣且公之修城池繕甲兵禱雨澤贖鬻女賚貧民戢暴惡善政縷縷淪民肌髓故邑人焚祝無旣乃請於上而入名宦焉於戲是功成則聖賢之靈得公力而成安矣祀典存則公之名譽偕廟貌而俱永矣昔柳宗元道州學碑著薛伯高之勤李太白袁州學記稱祖無擇美之今靖之學頌萬公之德之功者宜與薛祖兩賢後先嗣響而凡與服其勞者皆得書名於石以誌不朽云

改修祖厲河碑記

劉龍

鞏昌之北六百里許爲靖遠衛面山背河地勢險阻所以扼魯之衝使不敢南臨鞏諸郡實藉是以爲藩蔽誠重地也城中居人無慮數萬口其地無井泉皆取給於黃河黃河自西南來去衛僅五里又有祖厲河者來自西南繞衛城而東出水苦惡不可食衛之汲黃河者必涉祖厲而後達一遇雨水泛漲則不可渡相與忍渴而守之其或乘淺旣渡而潦水驟至必阻累日而後歸其艱於水也非一日矣蒞衛者類以天造地設非人力可及蓋自正統初年置衛迄今八十餘載未有究心焉者寧夏西路參將路君天

球初以指揮使綰衛印年甫及冠銳於建立撫恤軍士而  
凡可節其勞省其費者悉爲之所事有不便去之惟恐不  
亟至於祖厲尤奮然以爲己任屬父老曰吾與爾曹世居  
茲土所不便於生者惟此祖厲之患吾欲去之使爾我子  
孫永享其逸如何衆皆曰吾人之福百世之利也敢不率  
子孫以從事量功命役截其上流去衛五里許地名紅嘴  
使北入黃河於是祖厲不經於衛其故道湮爲平地汲者  
往來徑達無所滯礙遠近稱便焉路君守本衛謹烽火練  
士馬明賞罰軍政益修人樂爲用命魯不敢犯境有雪山  
其中多隙地卒虞於魯不敢耕治鞠爲草萊君請於總制

張公世享令軍士開墾爲業歲得數千石聲譽藉甚遂有  
寧夏之擢旣去衛人思之不忘乃託鞏昌通判郭君純夫  
請文記其事予嘉君之志行其所舉措異今所謂武臣者  
將來陟元戎擁節鉞爲國家萬里長城功勒彝鼎與古名  
將同垂不朽必自此始君名瑛本衛世襲指揮使純夫爲  
予言君先世在邑曾有仕元至平章者今猶爲邑著姓因  
樂爲之記俾歸而勒之石且以告後之蒞衛者

乾鹽池察院碑記

戴 珊 提學副使

陝西靖遠衛右所千戶暨察院次第工成察院中有堂後  
有寢左右有室爲間凡二十闕前門以通除正道以馳崇

周垣以障用待臣僚之秉國憲者按察副使渾原孫君逢吉以練達之才董乃戎政大舉而細不遺以記見徵予按靖遠在靜會安諸縣之北部落有所謂乾鹽池者間於西安州打刺赤城廢自勝國曠爲牧場河冰時曾魯南人爲寇乘虛伺隙率茲取道西安州打刺赤相去四十餘里應援兩未易及先是按察僉事安岳楊君冕有憂之議近廢城增戍守工築已興不克終久之巡撫都察院上黨阮公勤宅心忠謹修明庶政而其謀邊尤樂取羣策副使今山西按察使大梁王君繼首申楊君之議公卽行邊地理人情之肯綮心目間無所遁謂修復廢城衛所右千戶所來

徙乃便謀諸鎮守太監延平歐公賢都督同知永平白公  
玘以爲然疏出允之副使洛陽翟君廷蕙承檄調度惟謹  
繼以孫君事克就緒屬右副都御史舒城鄭公巡撫陝右  
器識宏敏知利必興勸相是役恐後或曰古者爲政重民  
力節妄費故不時害義之興作春秋無善書窮邊小塹若  
察院無乃在於不得已噫不然有所治則有官吏有兵馬有  
耕牧芻粟烽埃不一而足舉息惟其人之存亡故必有待  
於中外秉憲之臣或撫或循申政教公勸懲官吏欲其守  
且爲也兵馬欲其精且強也耕牧芻粟烽埃欲其以蕃以  
積而以時也夫然守之則固征之則捷矧近戍可以併力

而衛之全師足倚爲重魯且寒心屏迹之不暇而衛與附近郡邑於是乎安矣厥惟二三憲臣不揚休命宣布聖天子阜民成俗之至意居上臨下以隆體貌以聳視聽以一心志察院又豈可少緩而不爲之興作也哉

添設學糧碑記

太原

李爵

監收

靖遠有學肇自正統初年賓貢雖拔其優而廩餼弗備此沿邊凡例也百餘年來膏薪館穀之費視造士者賢否而迭增於諸處茲缺典未舉守備劉公圖之久未就緒雙峯姚公兵備固原而控制靖遠戎務之飭聿先文教百務頓興於紀綱昭布之餘而事可義起者漸次修舉嘉靖甲子



師儒就試便謁撫巡陳公於駐邸雙翁迺進諸生於撫軍  
曰事有相須勢無偏廢者文武也操緩急振揚之機而教  
養之序確不可易方今邊圉孔棘若不暇於投戈講藝輸  
挽告勞又儲胥每稱絀乏專制闕外不無隱憂矣然敵愾  
之氣必作於親上死長之分明不待文王而興恐豪傑不  
多見於邊鄙也靖遠諸生卓犖英銳彬彬向上遠不減中  
州而作養之資近與河西異似非轉移風化一視同仁之  
政撫軍韙之允所請而下其議於衛指揮使李公寵樂以  
將事檢打刺乾鹽二堡新增地爲學田若干畝一歲徵租  
額不足者補以羨餘優等生二十人視邑學廩數每生月

有所給終茂共計六十金事上得報可教授李瑤訓導丁  
德明學生楊振南應吉輩礮石垂遠過予而問記嗚呼謀  
道不謀食諸生平日自期待何如諒不以區區廩餼爲意  
然二老責望之微權寓於此守府衛長各知所重諸生宜  
服勿失策名樹績求無愧於古人貽司教者之光始可若  
自羈於世絆而假爲溫飽計復爲富貴利達是求此適足  
爲囿耳所負於上下者豈淺鮮哉爵以鞏俸監餉其地亦  
樂觀厥成者重爲諸生求因次第其說於右以示警  
鍾所劉公加添學糧碑記

粵稽古鉅卿碩輔贊襄哲王詔辟以登上理者大都急先

發也夫何以故蓋人材國家積幹脫養不豫造不早詎能  
顯俊崇良以底定庶績康乂黎元哉此學校所由建廩餼  
所由設舊制郡邑有廩而衛學則無嘉靖間諸衛學俱有  
作與廩餼而靖遠獨遺至丁卯歲優生楊振等援例具呈  
撫臺行憲陳公在乾鹽池打刺赤地租內新廩公卽下固  
原兵議雙峯姚公於地租內每優生月給廩糶一石雙峰  
議每糧一石折銀二錢名曰燈燭銀萬歷庚辰嵩河董公  
至謂以一石糧折銀二錢用爲養賢之典薄孰甚焉因優  
生高旬等呈送命有司增銀二錢公猶不足曰以俟後之  
君子再行加添今上大夫鍾所劉公負經濟之才抱以人

事君之志專命整備是邦下車既校諸士子藝見其天姿  
筆力多有可成而陳陳生並數十三人陳銀止於四錢其菲  
藝爲何良由上解作人之難好耳夫士子蟄龍也不鼓舞  
則不能變騰武弁伏鷁也不馴養則不能奮揚矧廩餼所  
以養賢也匪特何以不激勸於是儒生廩餼加添有議武  
士聯師諸將有議通饒生陳管高民望來允升展驥足來  
坤李儒林薛啟哲李柯展東周張可化泰述古焦問明牛  
翰才等所增遂檄監收通判宋君汝登毛君墀衛印指揮  
李君彥洪趙君相普會慈宋毛二君仰而嘆曰公良厚已  
昔與人之頌子弟有誨文翁治蜀教化是先爰依岷州衛

學例每糧一石折銀八錢白萬歷丙申十二月朔始間或不敷於本衛均徭門稅流寓銀動支於事例不爲更張於董公若相印契於士子大有裨益於公意斯亦允愜猶慮夫作興不溥迺通詳三院僉可之唯學院喬公曰是議也深得造士育才之意易曰聖人養賢以及萬民管子曰人臣事君以人其斯之謂與今諸士旣荷渥厚之典當勵希賢之志文武濟藹佐哲誼登上理以終以人事君之志願不猗與是典也行菴公啟其端嵩河公增其倍至我公又倍其倍者公諱兌字澤夫鍾所其別號保定新城人由鄉進士兵備於斯是用悉載於碑以垂不朽云

重修廣盈倉碑記

邯鄲

張成教

監收

是衛肇自正統丁巳垂今百有三十餘年是爲隆慶戊辰  
余實來官於此父老告予曰自有衛以來魯實未嘗一日  
抵城下者雖然猶有慮地固無城且無井也時予奔自雲  
中衣塵且僕僕下乃卽爲申理修城鑿井不三月告成復  
思曰若芻若糧痼瘵在我視城役果孰先後哉於是履視  
倉廩不蔽風雨理芻事無寒暑露作焉且民居與場甚逼  
無歲屋不火予曰是奚可坐視也乃爲請帑金議廩於倉  
議廳於議場井於場門之傍予董若役而經歷胡耀倉吏  
張宗堯者實多其勞役成喜自今而後卽經風雨歷寒暑

值歲火不爲憂矣於是又議於指揮李君師寵增戍邏人  
焉無晝夜警之俾無患辛未歲予以謝官東歸宗堯頓首  
請曰嗟茲役是荒徼大政邊議要切胡不書以式後予惟  
茲役卽人人能爲之所可慮者役成不守卽守不慎耳不  
見若衛之人乎興一築則增一怨增一邏則多一詛乃余  
不以怨阻以詛廢且懲忽警怠日夜邏省是以歷官二載  
得道他咎不然斯城斯隍斯芻斯糧寧保無恙哉余今歸  
也如釋重負蓋談笑登車矣後我者爾其述予言以告之  
曰昔張氏云云苟後我者但有志於邊議夫誰不如我哉

重建察院公署碑記

王之陞

衛貢士

按志正統二年設立靖魯衛成化己未築東城隨建布政司以爲察院行署考其始蓋與東城並創云天啟三年先副使霍公因歲久坍塌漸至傾圮乃允闔學諸生之請將廳堂折移儒學修葺樓洞以助風氣頓致司署僅遺荆棘至天啟丙寅歷二春秋矣適藩使徐公來蒞茲土力肩邊備日圖整飭凡兵馬窳要邊塞情形與夫地方利弊無不欲次第而兼舉之因詢之父老而得希政司折毀之由恚曰此公署也何率爾議去耶不惟上司往來無駐節之所而以百有餘年之官廨一旦鞠爲塗污之場俾觀風問俗者輒抱扼腕亦大足惜矣遂授其議於監督王公仍循舊



址另構新模隨輸本道空房三楹以爲主司堂王公亦輸  
本廳空房三楹以爲司正堂廳前牌坊三楹以爲司屏門  
且捐俸鳩材躬親相度不辭經畫之勞其功不日而成堂  
構崇隆輪奐聿新大門三楹儀門一楹正堂東有茶房西  
有門子房兩廂各三楹主堂東西有耳房兩廂各三楹有  
角道有露臺有齋亭而四圍墻垣無不具備較昔之制煥  
然改觀擴而大之矣嘗聞善爲政者當爲其所不可不爲  
而不敢擅其所不得爲與輕爲其所不必爲是役也不藉  
公費不疲衆力而廢者修墜者舉卽閭里兒童亦相與稱  
快是固爲其所不容不爲者也其視夫刻舟守株而日冀

遷官釋負者可同日語哉若徐公以聖賢之學抒方召之  
略其治靖諸善狀更僕未易數如易官糧以濟莞卒精簡  
練以綰士心增蘆城以壯金湯戍索橋以嚴鎖鑰以至設  
兵防盜而在苻靖因材器使而公道彰愍船運之傷人置  
買驢頭而轉輸稱便恤差遣之苦累禁革馬牌而驛遞甦  
生嚴糾察以儆官邪惡健訟以化刁俗各行秋毫無擾四  
境寒谷皆春凡茲之類胥足以播中外而勒鼎彝者而修  
建公署特其一斑云爾靖之士大夫及諸父老皆仰徐公  
美政與王公嘉績恐其久而或湮也特記之以示不朽公  
諱雲遶由進士順天遷安縣人

集慶寺碑記

趙英

邑貢士

明正統初慮套部數南寇乃允撫部大臣之議設靖魯衛以控制之遂因古會州廢址增築爲城城中公私廨舍俱備但時序拜習禮儀而其所尙缺城東一舍許有寺曰紅山法泉乃古剝也歷代以來歲久頽敝適大慈法王弟子桑迦班丹者戒行專確時出遊住錫此地遂葺廢爲新疏洄爲通而習儀拜賀始有在矣越四十年成化乙未增廣城基離寺遂遠桑迦乃率其徒發願募材新城內擇善地一區而修建焉乃請額於上上賜名集慶且承禮部檄授其徒端竹藏卜爲寺住持然寺雖修而工多未完適陝西

都司都指揮廖公奉天子命來守是衛乃鳩材集工擇日  
起役凡若干時日於是乎佛殿僧室門廊院宇煥然畢備  
住持暨其衆咸不忘公德而恐其或泯也遂爲請記以刻  
諸石冀垂之永久而有足徵焉夫國家以儒道治天下大  
經大法亘古今充宇宙歷萬世而尊之崇之無時或息固  
天地之常經而佛氏之教與老氏亦因之而不廢者蓋以  
其化導愚蒙淺而易知近而易入耳且天下之人固有不  
孝乎親不敬乎長酗酒嗜利頑狠不馴者及觀其一履佛  
地一聽僧言乃多翻然改悔如醉而省如夢而寤則寺之  
建亦固有盆於俗而輔我國家化誘羣迷鼓舞庶類中之

一術而別爲一端也夫亦自有定論在茲不辨云

重修武安王廟碑記

趙

英

邑貢士

本廟正統間始設靖遠衛以扼賊衝時都閫房公貴適守其地乃於城隍修凌官軍安堵之餘遂率屬召工立王之廟於城東之隈當創建之初規址湫隘久則棟宇圯敝有不堪以妥神者繼都閫廖公毖來守備靖遠進謁之日睹其傾壞思欲有以新之成化丙午冬魯騎自中衛岔口入寇廖公帥將士起行間往誓於神曰賊今寇我邊方此苟無以制之彼將長驅南侵而內郡之民塗炭矣因陰欲以祈神佑焉禱畢乃鼓衆迎敵廖公當是時奮不顧身義形

於色於是乎士氣自倍以犯其鋒賊大奔潰斬禽俘獲甚多師捷而歸公乃不自有其功且曰是行也明而仗將士之力幽而賴神明之佑皆由朝廷威靈所致耳於是以作新神廟之由展築城垣之請白於鎮守太監歐總兵都督白巡撫督堂賈三公俱云可乃卜日鳩材具器廣其基東西長以引計若干丈南北闊以繩計凡若干步與夫殿廡門廚院宇之類中所宜有者俱掀而新之視舊廟蓋巍然煥然矣廟既成廖公遣百戶劉侯請記於予以記其事按祀典五祀之外凡有功德於民者斯祀之故不當祀而祀之謂之僭與非所祀而祀之謂之瀆僭固不可瀆亦不可

今武安王之廟不獨靖遠一衛祀之房廖二公祀之舉夫  
人人皆祀之何哉蓋王之在生滿腔子所存者曰丹誠曰  
忠義觀其辭強曹而歸弱劉視富貴如浮雲死生不足以  
奪其志患難不足以變其節是其一團正氣浩然剛大直  
與天地之氣相爲流通充宇宙而貫古今所以生而其發  
至剛沒而其神尤在也故不惟輔先主於千載之上以成  
三分之功抑且佑大將於千載之下以助三軍之勇然則  
王之可祀而廖公之當祀人人之所宜祀也無疑矣吁若  
廖公者亦可謂忠義之流矣不然又何心孚氣合而感通  
之速有如是夫於是乎記

重修三清宮碑記

臨海

王亮

兵糧道

靖遠古會州溯唐宋而上沿革不一自我

朝以來因之正統初年始易州爲衛遂置社稷蓋爲軍民計至善也成化戊子歲參戎劉公請設三清宮於城西南隅創建崇殿塑繪儼然逼古於今可觀已正德丁卯守戎侯公勳遊戎陳公善征西將軍路公瑛從而恢拓之又營修元帝廟於前中有聖像左天罡右河魁列十帥於殿旁塑四靈於門首越數紀以後風雨時若軍民強富壯中國之威靈外寇不敢南向者未必非神陰護之力也第歲時既久不無頽敝有失前人創建美意迨萬歷丙戌丁亥間軍



民告饑副使葉公憲參戎傅公桓監收田公選齋心宿禱  
輒有靈應郊原霑足已而嘆曰國家神道設教自不可藝  
矧茲廟址頗稱廣闊而且獻殿之功未就兩廡之敞未葺  
神其吐乎乃命衛司牧指揮同知陳繼祖中軍指揮李如  
玉吳繼祖官舍展天性牛魯殫心竭力新其敞壞飭其圻  
壇晨暮有鐘朝拜有階周圍有垣金飾聖像繪塑天神舉  
凡傾圮者悉維新之至戊子秋始告成焉蓋巍然爲一鎮  
之大觀矣爾時二氣調和五穀豐登軍民無天札之害者  
感神靈之威居多誦衆公之德澤匪淺鮮也傅公榮遷洮  
州副總兵慮後之無聞也徵予爲文以紀之以俟後之君

子云爾當時共成盛事者俱得載諸碑陰

監督呂公開田碑記

王之陞

衛貢

夫天下事天下之人爲之苟得其人卽振舉千百年已廢之制創造千百年未有之業在庸人視之方駭愕不已而彼且不狂衆議不憚艱辛一舉而足貽萬世之利垂永賴之庥勞苦功高若呂公者寧非當世之元臣也哉靖衛古西羌地也唐貞觀中以其地能產粟故名粟州厥後俗多尙武人鮮耕穫遂稱弓刀鎧冑之鄉一罹歲祲則田不能籽市無所販而百姓嗷嗷輒爲臨蒞者憂公以壬子奉命監督靖餉每憐地瘠民貧卽日切艱食之虞因而周覽四

境徧歷川原見河北三角城一帶平曠堪墾且引水有渠  
灌田有畦說者謂即漢屯田故蹟公喟然曰此沃壤也向  
爲松酋占據祇供牧樵今幸而恢復歸我版圖是天之所  
以哀我窮黎而貽茲永利也而乃棄之若擲坐令一片膏  
腴鞠爲榛莽亦大足惜矣夫安邊之道不外兵食兩者而  
足兵在亟於足食使塞下之田不闕則粟貴粟貴則轉輸  
難食之不足而漫欲士馬歡騰執俘獻馘必不得之數也  
况帑藏日絀邊儲告匱司籌者輒扼腕苦乏苟足以佐盈  
濟縮以收尺寸之益亦何憚而不爲遂上其議於兵憲盛  
公轉詳各部院俱報可公卽沿坻履畝相度經營凡淪疏

菑畚之道溝洫堤堰之宜公胥躬親指授首三角城次蛇灣寺兒灣又次古城兒等處延袤八九十里盡歸籽耨至旱地之可耕可鑿者亦無不荒度而疆理之以甲寅爲始不二載而開水田二百六十五頃旱田二千四百一十三頃共計糧四千一百三石零扣充年例以濟軍餉夫當茲錢穀稱乏之日士卒亦多黥殲矣公一舉而紅陳白餐足充廩庾一軍之中皆飽德奮義內可以生養士旅外可以制馭羌彝卽古營平金城大略何多讓焉且丙辰丁巳災荒頻仍安會以饑死者枕籍相望獨靖之力穡者猶多康食公又出其粟以助不給而靖人胥賴以全活公之造靖

也蓋千百年一僅見也古之贊大臣者曰盡力溝洫曰克勤於邦公心大臣之心事大臣之事官私禔福萬世永賴公之功詎淺鮮哉陞等皆分田治地之人食公之惠而不能報公之德安得不立祠奉祀而在在尸祝也至公之性凜冰霜仁宏覆載遠駕夫召父杜母口碑林林卽更僕未易數者懋官懋賞當自有聖天子之優詔特恩在茲何能贅公諱恆由舉人山東人

修紅山法泉寺碑記

楊冕

兵備副使

靖遠衛去城東半舍許有山曰紅山山之隅有寺曰法泉創自前代莫考其詳但據開城景雲寺碑云宋崇甯五年

嘗欽賜度牒五百紙至會州大紅山岔法泉禪寺遣僧黨  
眞巴赴西安隸下景雲而給之則知法泉爲上院而景雲  
爲下院也我大明開國兵火之餘殿廊頽圯佛像剝落基  
址蓬蒿石殿瑤室俱爲土人畜牧之籬惟石佛十餘座洞  
中風雨所不及而金碧猶存焉者正統己未僧桑迦班丹  
其性慈而淳其質沉而靜爲京師大慈法王徙西遊至法  
泉觀其山幽而林茂石冽而泉清誠修行之善地證道之  
勝境也乃爲鳩材庀工撤其卑陋廓其故址始創大佛殿  
次葺天王殿伽藍殿觀音堂以至大門僧舍棟楹榱桷一  
皆美材而又堅以磚石塗以丹雘可以聳人觀瞻於時守

備靖遠都指揮房貴本衛指揮常敬陳遵朱能路貴葛全  
馮彘吳榮裴鑑連榮張正倡率僚屬暨鄉人之好善者亦  
皆樂爲之助由是壯麗益增遠近稱爲雄剌成化丁酉都  
督白公玘經其寺因詢創建之由記載莫稽乃命掌衛事  
指揮路昭具其寺之始末索予爲記鐫於石以垂不朽夫  
西竺之教雖與吾儒異然其導人爲善之心則一也住持  
桑迦班丹守大慈法王戒恆以與人爲善之心自許是以  
舉百餘年之廢墜而重新之然後棲止有地瞻拜有像趨  
善之心油然而生矣繼而元戎白公命予急書以昭將來  
可謂好善者予因以是復之不知觀者以予言爲是否

重修迭烈遜廟碑記

劉耕

戶部  
郎中

去靖遠衛北七十里有山曰迭烈遜其上舊有神宇三楹曰眞武蓋衛爲會州時所創者神於是方實多靈異自昔稱之是故居民敬信凡遇歲之凶荒民之疾疫必禱於神有禱輒應惜其神宇隘陋不足壯觀百年以來未有宏其規制更新以大之者乃嘉靖丁酉固原遊戎黃公時值修邊備於茲因禮神廟見其祠宇僅止三楹慨然有改建增修之志遂告於所部曰眞武北方之神老氏稱爲元天上帝曰天曰帝蓋神之至尊之神必有翌衛侍從及統御指使之神今廟宇如此是謂弗備是謂弗稱是謂弗嚴何以



肅威靈而崇報禮哉特輸俸金悉力改建聞者響應協謀  
贊助不戒有孚於是鳩工掄材諏日興事首新舊殿以嚴  
儀從繼建獻殿三楹殿之東西稍南各建廟廡以居天師  
文昌二神塗以丹蘄飾以金碧繚以週垣砌以石壩前建  
大門外豎坊牌匾曰真武神廟廟前西偏建靈官祠廟後  
西向又建本境城隍之祠以是年三月內經始至十七年  
五月內落成凡所營成公調度規制宏敞視昔倍蕤廟貌  
崇嚴煥然改觀是後靈異益著人多蒙福敬信則獻水有  
金花之祥褻慢則乘馬有升危之警其昭應於公也遇敵  
輒勝若有助焉故屢立戰功超遷今職神之靈殆不可沒

也公今提兵至蘭弗忘神貺爰以增建神宇之詳及前靈顯二事屬予爲記勒之廟碑固所以敬信崇報於神又所以望將來敬信崇報之如今也予惟眞武之神凡在天下皆有祠廟而武當之官又勅建其顯靈於武當者人多見之予亦聞之則公所言靈顯之事信不誣矣因記之於石而系以銘銘曰靖遠之北古有鄉鎮其地有山曰迭烈遜其山西偏古有神宇昔之居民以奉眞武鎮旣久廢神宇猶存民到於今香火猶勤桓桓將軍築邊於此仰靈禮神於至止之慨此神宇規制弗宏乃圖更新以肅威靈遂捐已金桂材計工與作有日廟貌以崇工旣告成神顯靈異

慢則有警敬則有賜於昭神德奠茲一方有禱必應災異  
爲祥將軍事神已蒙福利銘之於碑周告來世

大廟呂將軍父子忠孝祠碑記

周 基

今上四年辛未春予奉承乏永安凡堡寨邊垣墩塘戎馬  
遍歷稽核遵職分也西北事竣東抵大廟途經邊外布置  
沿河險隘及臨沙金坪隨行官軍蹙額而相告曰此陣亡  
呂將軍父子殉國處也今詳始末方知天啟六年正月二  
十日黠魯千餘犯搶大廟前任守戎提兵堵截馳至本地  
對壘鏖戰自午至戌斬馘頗衆中軍千戶呂夢麒奮勇當  
先裹革殞命伊子應襲和陽覘父被鎗髮豎毗裂挺身入

陣衝鋒救援矢刃交加肌膚盡毀而烈烈英魂隨父俱逝  
矣一時同斃則有楊連柳伯倉張譽高應科岳天強王維  
科六人共焉是役也魯道烽息土保民安誠丹心與日月  
並光而名節同山河不朽矣荏苒五載湮沒無聞依依忠  
魂徒一原野之荒草熒熒孤嫠空泣幽閨之夜月言之傷  
心聞之酸鼻予遂拈土瞻拜非效兔死之悲請詳建祠欲  
鼓騰揚之氣耳乃具文當事期表揚雙節以慰地下忠魂  
叙呂氏喬梓死難情形甚悉及同事六人殞身時日蒙允  
其請有父死爲國子死爲親誠足風世之批旣而奉天子  
俞旨依原官加級並許其子孫陞蔭建祠塑像額曰忠孝

祠並死難六人均得俎豆廟中配享千秋余瞻拜廟貌對  
越之餘輒興感慨之懷夫公一代偉人也生能捐軀報國  
死必仗節殺魯公之舍生取義自能移孝爲忠在天之靈  
料亦有捍衛邊圉而培無疆之休者在也爰勒之於石鼓  
慷慨激烈之氣成赫奕掀揭之名呂氏父子已嘖嘖人口  
而輝煌竹帛矣其觀往事而興思鑒芳蹤而立志是猶望  
後人之勉旃

創建集慶寺韋馱殿碑記

錢塘

周惟遠

衛守備

嘗考集慶寺於明正統年舊爲古刹成化二十一年奉勅  
建於衛城東郭後緣郭民稠密邊警屢告復展地築城寺

遂在於衛城之東名集慶者遇告天祝壽郡長吏師生成  
集而爲慶賀之所溯其舊址正殿獻殿各三楹伽藍聖母  
殿各一楹山門一座規模止是年遠侵圯之餘檀那趙繼  
蘭捐助募化修造增設其規模宏廓炳爾復興歲丙辰中  
州副戎周公來鎮是邦於公事暇因顧而嘆曰凡寺院必  
有韋馱殿况茲名利何獨缺焉未建夫韋馱尊神佛教資  
其羽翼法壇賴爲主盟豈可任其不備公遂慨然有建殿  
之舉隨與監督王公併同城諸僚屬捐俸創修命官呂升  
陽等董其事於是殿宇金像莊嚴輝煌鳩工庀材極其縝  
密雕甍砌階極其堅緻棟宇丹雘欄材無不極其周詳也

則向之缺焉未修者不幾於公成勝境耶公歷宦名都歌  
棠普蔭蒞靖以來恤軍愛民地方寧謐綽乎有古良將風  
且夙佩金剛經信慈悲願証如來果智珠在握冰壺在胸  
解上乘而妙真詮尤非人所可及也是役也不月餘而厥  
功告成何神速若是歟蓋積仁爲德積德爲善積善爲神  
厥功神速公之仁公之德公之善所致也於是快而爲之  
記

重修前寺大藏法門碑記

張必巍

紅山爲靖之古刹距城十里歷代建修荒略不可復考予  
嘗搜閱斷碣殘碑因識所謂居士梁公其人者募修前寺

北倚古洞南築崇臺建立藏經樓閣七間西置山門一座  
周圍廊廡俱極高峻森秀可觀達人君子冠劍車騎往來  
其地者莫不欣然稱羨方之天台羅浮不是過焉歲辛亥  
浙西周公惟遠來牧茲土五載於茲政通人和因遊覽至  
寺仰而嘆曰此地雖無崇山峻嶺茂竹修林但見古洞巉  
巖喬木葱鬱塵氛不到清氣襲人更有泉聲下注淙淙作  
琴瑟音夜半送入枕間如聽霓裳羽衣曲若此者亦足以  
供玩賞暢幽情取之不盡而用之不竭也惜乎藏經樓閣  
背山負水眼界逼窄殊可惜也歸而謀諸耆老移山門於  
正南前築崇臺數仞上修窳橋抵山門起蓋韋馱樓閣凝



然聳立再接藏樓簷數間於是八窓洞達四天豁然登臨  
其上宛然長虹臥波複道行空俯瞰其下髣髴千巖競秀  
萬壑爭流之勢而且晝則瞻眺夜可禦侮更得乎思患預  
防以戒不虞之道耆老起而言曰善從來人因地靈地以  
人傑一經品題便成佳境我公庶不負山靈知己哉是役  
也經始於甲寅之秋落成於乙卯之春屬予爲文以載之  
於是乎記

重修法泉寺關帝殿碑記

高桂

邑貢生

乙丑秋飛天潘公代大司馬來致奠於奮威將軍王公因  
以瞻禮其先塋已復省其伯父無盡上人於法泉古刹或

有以重修泉側聖帝殿請者公慨允迺捐百餘金轉求邑  
候劉公相其成並囑鄉耆王化榮理以興工於今年仲夏  
至秋後三日告成聖像以沐棟宇以繪墻垣以聖磚瓦瓴  
甃皆以新將報命潘公遂丐予爲記夫士當伏處隴畝輟  
耕長歎時使必祈靈帝眷倖冀意外之一遇大非英雄本  
色卽一旦受知於世建高牙擁大纛以爲此日之富貴有  
默相之者無相忘則庸夫俗子無尺功寸長於世者咸得  
陰祈天佑而坐享榮寵也豈理哉矧帝德昭今古與日星  
並其代明嶽瀆同其悠久有不俟祠宇輝煌而始著其聲  
靈者安庸掠他人之通顯以爲己力而責報乎是役也公

蓋以帝忠義之德剛大之氣聞而起敬孰如望而生感之  
爲切故假廟貌以作其師宗之誠亦猶志士仁人思如帝  
之爲人者而不可見發爲詩歌文詞以寫其廉頑立懦之  
意耳公以財予以言一而已人曰公曲從其或人之請也  
又曰以其伯常住本山之故也予皆笑而不答

重建魚籃大士閣小引

三韓

馬文麟

衛守備

魚籃觀音大士閣乃前輩協鎮允吾魯公創建也閣下有  
泉懸巖噴珠錚錚之聲鏗然夏玉敲金也其泉甘而冽其  
地潔而靈邑人每值亢旱拜禱得湫甘霖立應公建閣其  
上鎮護靈湫爲我靖生民之賴匪一日矣壬午夏麟膺

簡命來守茲土公餘之暇瞻禮金容見土木之蠹蝕金碧之  
汶闔甃瓦之殘缺不禁惻然念之今歲天道亢陽歷春及  
夏人心驚惶麟忝司牧能無焦心欲焚乎遵奉撫憲痛念  
民瘼捐金禱雨麟等闔屬職官齋宿聖帝廟虔求月餘仍  
不雨因邑人請叩禱大士前微雨再叩禱再微雨三叩禱  
則大雨霑足也父老子弟憂者以喜惶者以安相與合手  
而頷大士之靈焉噫大士之靈昭昭不爽真我靖生民所  
依賴而顧令荒殘頽敗至此忍乎哉是爲捐俸重修棟楹  
甃石金像莊嚴以及左右亭軒臺枋欄杆皆煥然而更新  
之非曰佞佛亦聊以酬庇我生民之德於萬一云爾

石公增設學糧碑記

种廷璋 邑副貢

國家崇興學校作養人材廩餼之外設有學糧所以嘉惠士子者厚矣衛庠舊有學糧六十石載在監收廳署碑而十里舖城南溝三角城紅水川等處俱有學田冊籍可考但歷年久遠革廢無存嗣於康熙二十四年內奉

旨查復學糧前任涼翁劉公業已申報六石廩生支給載在會典可謂宮牆生色矣獨是靖地處在邊鄙土田沙漠稼穡維艱諸生雖隸名學宮率爲衣食所累星星升斗所濟幾何求爲肆志詩書人文蔚起曷可得乎哲翁石公來守茲土居三載善政纍纍莫可殫述而雅意斯文推崇道學

嘗喟然曰靖雖荒徼僻壤而民尚淳樸士敦廉恥猶有先  
民遺風然科第寥寥或數十年而一遇得毋寒微多而素  
封少士雖懷才奮志其如甌石無儲莫之能建何夫官其  
士而不能代爲設法以作興而成就之俾士子遂風雲之

### 志

朝廷收得人之效是誰之咎歟因查歷來學糧興廢之由與  
夫多寡之數極力搜求額外設處增添一十四石合前之  
六石共成二十石之數以嘉惠後學勒爲定例意甚盛也  
夫世之仕宦享

天祿者孰非學校中人然朝登仕版暮忘黌宮置士人於膜

外者何可勝道求其倦念作養之者蓋亦寡矣如公者奮  
跡騰揚而門第閶闔原以書香名世深知斯道之重且貴  
而拳拳至此亦誠足多也已今公以椿萱暮景斑衣情殷  
披瀝陳請奉

諭旨准以終養歸里其仁孝之心合之愛民養士之意均有  
不可湮沒者驪車將駕扳轅莫及謹泐瑣珉與召裳並垂  
不朽云

創建培風書院碑記

北平

王三錫

衛守備

古者家有塾黨有庠術有序國有學地無不教人無不學  
斯人材起而文運興

國家於以收治平之效靖遠處在西陲人尙樸質不事狙譎  
頗有前民遺意宜其文風不振歌鹿鳴而名雁塔者踵相  
接也亡何邑乘所載武科兩闈聯翩不絕文之登賢書者  
自有明以迄今茲僅得五人若奏捷南宮從未之有夫萃  
天地光岳之氣以產育英賢則無地不然豈獨恪此一隅  
與如謂材必擇地而後生其誣造化實甚錫以庚戌武榜  
由湖廣寧遠衛補守茲土蒞事之始備詢生民利病風俗  
淳漓因晰屯餘武健之餘習兼之士瘠民貧有力讀書者  
無幾此科第所以廖廓而相與因仍縱弛益無底也清夜  
自思錫亦竇孔孟書不才自棄借徑孫吳然既倖獲一符



忝爲

朝廷司牧之官則教養二事非吾之責而誰責與所愧材識庸闇綆短汲深承茲多年來輓輸疲敝饑饉薦臻瘡痍未盡起元氣未盡復之遺黎思所以撫育而安全之如古循良愛養之實政百不得一若夫崇興文學鼓勵人材區區此衷不禁三致意焉爰是謀諸紳衿長者先生購得文廟西地基一段創建書院不費公帑不需民力一切土木磚石工匠夫役悉捐薄俸以辦之竭蹶三載規模粗就敦請學行端嚴者尊之西席招示城鄉子弟有志上進無力讀書者咸得來學其中仍詳請各憲將清查拋荒地募民

開墾起科徵糧永充書院供給尤慮相沿年遠豪右奸胥  
乾沒學糧侵占學舍以養育人材之公產作勢力入己之  
私業無憑稽查何以示後業蒙憲批勒石以垂將來是役  
也豈曰沽名豈曰掠美深愧靦顏民上毫無他術以資報  
稱亦唯是爲吾力所能爲者聊以塞吾司牧之責於萬一  
云爾後之君子繼守此土果其鑒我曲衷踵事而增飭之  
使學舍不至頽敗供給不至曠缺豪右奸胥不得乾沒侵  
占至師無專設隨時代易務求學行端方者公議延請而  
尊禮之加意作興實心培植將詩書之澤陶泳旣深當必  
有破壁翬天爲山川吐氣者夫而後於

國家億萬年文明之運治平之業不無少補而錫今日之爲是役亦庶乎其不虛也夫是爲記

創建紅嘴園福廕寺碑記

安福

鄒吉方

粵稽房氏之在靖遠也其先世累有大功德於民云自明正統二年有漢中守備諱貴本廬之合肥人以軍功授寧夏指揮使復遷靖遠掌衛篆抵任未幾卽奉檄創設衛城修公廨築墩墩明年事竣又請立學校倉場驛遞百務具興辦幹有餘蓋公之練達老成舉事明敏一時邊將鮮有出其右者旣而以耄勤致政因家焉厥後族行繁昌其以文章勳猷著者後先濟美代有顯人入

國朝贈懷遠將軍諱梓者公之雲裔也以子世淳贈如其秩  
先是贈君因逆寇竊據衛城振武將軍孫公帥師問罪臨  
城下時君因標下總統哀懇再四保護閣城居民甚切民  
乃得全活邑人士至今猶能言之及退處林下蕭然有徜徉  
山水之趣因衛西距二里許地有名紅嘴子者赤巖壁  
立攀躋遠眺則盡見西北諸峯如人馬騰空出沒天際俯  
啣黃河迅流急湍烟波萬狀東望城頭鱗次烟火了了可  
數誠邦域中一大觀也贈君於是拓園結庵爲遊息宴賞  
之所巖傍有小洞遂鑿石砌臺建佛殿於其中塑孟蘭大  
士像棲之於殿之前復創小殿左右各三楹左祀三教聖

像右供如來菩薩各一尊又構重門傑閣奉以接引佛章  
馱天王各聖像傍築香積厨及兩院禪房約可十數間使  
學浮圖者得所依歸焉又爲多買店屋歲取其值以給香  
火更置田二十畝作僧供經始於

今上十八年落成於三十五年匾其額曰福蔭寺至今四十  
八年己丑蓋又十有三年矣當日宜有記而乃闕焉贈君  
之孫諱不耀者與予交最善予時適以大將軍潘公命來  
衛協諸君子重訂衛志一日飲同事於寺中予叩其故不  
耀曰創建宜有記而復闕者正有待於今日也子盍爲記  
之以誌其概予退而思佛氏之爲教也以慈悲爲法門以

功德爲接引唐宋以來珠林梵刹幾於塞滿大地媚佛者  
往往以建寺佛像爲功德若房氏之功德世被於民自足  
以不朽豈必如世俗之日事建塑以求所謂功德哉矧今  
世淳公爲時名將行將秉鉞建牙以承先世忠孝世澤不  
顯乃功德於民語曰積善之家必有餘慶予於房氏之世  
濟榮顯代有令名者信之矣遂書以復之俾勒諸瑣珉以  
垂永久云

重修文廟碑記

宋紹仁

邑舉人

邑侯姚公蒞任之二二年政通人和百廢旣興乃修泮宮敬  
教勸學邑之紳士謀立石於其廡以志不朽嗚呼學校風

俗之原也古者廣勵學官之意渺矣而興廢之義尙見於詩小雅菁莪之篇樂育才也君子長育人才天下皆喜樂之故其詩曰既見君子樂且有儀又曰既見君子我心則喜厥後學校廢而子衿興刺其詩曰青青子衿悠悠我心縱我不往子寧不嗣音蓋學者失業朋儕散處思念而相責之辭也夫學校興則咏歌以抒其喜樂之致學校廢則愀息以寓其責望之思由是觀之上之所以治下未有不興學以端起化之原下之所以事上未有不願學以徵慕化之自也輓近古法不修而生徒散處彼浮屠道士之居皆得恢宏其制金碧其觀以振耀愚氓之耳目而

孔子之廟建於郡縣一二有司率其博士弟子春秋釋奠而外莫有過而問焉偏陬下邑卑陋而傾圮者比比也嗚呼俗之不醇學之不勸其不以此也與靖遠介在邊徼前明正統間嘗廟祀

孔子廟廢不復理康熙戊子歲邑人鎮綏將軍潘公諱育龍建大成殿而未及其餘今我縣尹姚侯之至也初謁廟謂多士曰古者始入學必釋奠以禮其先師其學宮四時之祭亦釋奠皆於學無廟唐宋以來始廟祀

孔子廟之所存學之所存也堂廡卑下規制闕如甚無以稱厥旨願歲饑姑休息以養民未暇興役越明年時和歲



稔庀材鳩工百爾器備並手偕作改修東西廡各七間次  
兩齋舍各五間次鄉賢名宦忠孝東齋宿所櫺星門照壁  
東西牌坊義路禮門金聲玉振興賢育俊各門暨周圍墻  
垣由是堂廡有位生師有舍門序有基諸祠具列碧瓦參  
差黝堊丹漆舉以法故工善吏勤役乃時叙旣成舍菜以  
落之邑人某念於衆曰入是廟者願學之意可以奮然而  
興矣夫聖人可學而至我儕雖不得親炙之猶幸私涼之  
苟有其一體皆足以爲善士况

朝廷惠我賢侯倡以文教庶幾相觀而善他日肄於塾而道  
明德立可謂良材型於鄉而飲食婚喪皆中禮節歸於里

而長幼相孝慈於其家履於郊而少者扶其羸老壯者代其負荷於道路然後春秋釋菜從長官後而揖讓乎其中有以觀學之成而播流姚侯之澤於孔長也泮水之詩曰無小無大從公於邁美多材也載色載笑匪怒伊教言善誘也是曷可以無記乃叙侯修學之顛末以勒諸石凡紳士之力於是役者悉鐫名於後是役也興工於乾隆二十八年四月十三日至九月二十九日始慶落成共計需費銀一千六百餘兩後之賢士大夫踵事而更加增輝其光大學宮尤所厚望焉是爲記

建修南山魁星樓碑記

李

林

邑貢士

南山之巔近鼇形前明識者建魁樓於其上科目由此漸盛

國朝康熙初年間樓遇災蕩然無存後登甲乙科者潘先輩兄弟而外蓋寥寥無人焉孟英趙君抱雋才應選貢屢上長安不遇率同人復興舊制後有獲售者衆皆歸美於其地雖未必盡然要亦有近似者但規模已具藻采未加且其地之處也最高則其風之積也愈厚風之積也愈厚則其搖蕩也愈力樓之周圍臺垣築土爲之而未施磚石恐風雨薄蝕久而復傾也諸同人欲培其根以圖久遠惜連歲荒歉扼腕不能就蓋自壬申再造以來二十餘年矣其

所賴以觀成者豈自微歟客歲癸巳年稍豐人力漸舒復  
行募化至秋八月而盛事舉旣竹苞而松茂亦鳥革而鞶  
飛落成之餘相與登眺第見黃水千波拂人顏面雪峯萬  
笏攬我胸襟祖厲法泉映帶左右則天然畫圖掩映飛閣  
者誠吾邑之大觀也然吾於此竊尤有感焉夫神不自顯  
因人而彰倘吾黨有志之士奮其材力日益進或登賢書  
或列仕版或以文章顯或以功名著彬彬乎鼓吹休明和  
其聲以鳴

國家之盛人之傑卽地之靈也則斯樓豈非千古人文之一  
助哉

恭建城隍出入儀衛碑記

潘紹堯

靖遠屬西陲要衝由衛改縣越數十年金城湯池永作一方保障於人則爲郎官於神則爲城隍蓋治明理幽其境雖隔其理則一而每春春秋爲尊神主祭無祀之期製行轎請迎於西郊外建醮諷經追薦亡魂伊古以來著爲令典莫之或易然歷觀省會以及通都大邑於出入儀衛整齊嚴肅光輝鮮明殊可入目而吾靖獨於尊神一出一入前鳴一鑼行轎則委諸食店行戶由此以推縱陳牲醴薦馨香亦屬虛文母乃不敬實甚耶夫神效靈於人而人不敬於神其何由通微合漠精誠昭格俾幽冥無數無祀亡

魂咸脫困餒而躋之春臺耶會人趙國棟王家彥趙君璇  
陳輔高讓秦世忠等有感於此因撫其遺器訪諸父老謂  
自古儀衛之設原係文武二署班役克供厥事迄今懈弛  
久矣嗚呼古人行之而自後人廢之可乎甲午仲春閩邑  
紳士大爲整飭又恐一振旋廢恭請大邑侯那協鎮府溫  
都闡府傅叙其由來恢復舊典而諸憲僉曰吾儕奉篆來  
蒞斯土凡祈神保安禦災捍患固我封疆惟神是賴儀徵  
之文顧乃任其闕略非所以壯神威迓天庥也爰命書吏  
兵弁班役立文武會社春秋祭祀定爲常規肅靜迴避捧  
勅負印擺馬抬轎旗幟傘扇派列成行蓋舉數十年所未

能行者而今日行之猗歟休哉何其盛也夫神主祭無祀  
惟我邑侯下及士庶人等各發虔敬陳牲醴薦馨香於以  
導引善氣感召祥和生順沒霽陰陽不侵咸在於斯儀衛  
所司何必過求美備然祭享不誠則神不歆其祀儀衛弗  
降則人不生其肅或曰儀既成矣何爲銘諸石不知人情  
喜新日久生厭倘或視爲具文一朝懈弛將建議立會仰  
報神功之意仍然湮沒不傳故古人行之而自後人廢之  
則撫遺器以復古謂之告朔之餼羊也可今人行之安知  
不又自後人廢之則建會議以銘石卽以爲繼此而行者  
之嚆矢也亦無不可

邑侯冷公捐俸賑粥碑記

趙孟英

邑選貢

嘗聞天地以好生爲德而氣化參差雨暘愆期卽造物不能無不均之時所賴仁人君子至誠惻怛之念挽回補救於其間庶有以濟人事之窮而平天地之憾如我靖邑僻處邊陲生齒日繁馴良醇謹之風較厚於他縣但土瘠民貧饑饉洊臻前此者無論卽乾隆二十八九年及三十年連年亢旱田無良苗野無茂草屢業

皇恩浩蕩賑濟五月外又展賑二月好生如天之德誠爲千古所未有矣乃天時適當其困人事偏值其窮歸自遠方猶有未入清冊之戶來從異地不無流離轉徙之民兼之



嚴寒司令霜雪盈塗以致啼號時聞於耳藍縷時接於目幸於二十九年十月值我侯下車詢民疾苦得其情狀爲之惻然心傷乃仁心一動仁術卽行於中爰捐清俸爲賑粥之舉又勸諭紳衿士民之家號素封者量力捐濟蓋亦蘧伯玉耻獨爲君子之意也然不敢委之胥吏恐有侵漁之弊因於紳士中擇其精敏強幹辦事廉能者得二人焉曰州同路斌生武舉劉作舟總理其要又擇公平正直記算明通者得李作棟趙岐等數十人及本城鄉約黃琇路登任等共勸厥事俾之錢穀薪水輪流職掌出納各有攸司至食粥之口數始猶數百人繼且至於數千人人人給一

地 表 集 示 卷 之 一  
三 十 三  
籤使其炤籤領粥無得冒濫亦無得遺漏務使均沾實惠  
而斯民之窮無所歸賴以存活者莫不頌公德於無窮焉  
然猶曰蒞任之初偶一爲之也至明年歲歉如故公復捐  
俸賑粥如前行之不怠於此見民命所關雖困於數而不  
困於仁人之心雖阨於時而不阨於仁人之術將異曰變  
理陰陽調和鼎鼐之業於此直露其一斑矣邑人士課所  
以紀之予謂公固非好名者然此一片石不可以不存俾  
後之蒞茲土者有所觀感而興起焉公之德庶與斯石並  
垂不朽哉是爲記

創建敷文書院碑記

閩中 周鼎新 縣令

書院之設昉於宋盛於明至我朝稱極盛焉自都會都邑  
織鉅隨宜各成規模所以修養士類陶鑄人材法至良意  
至善也靖遠舊有培風書院屋宇偪仄諸生肄業者不能  
容多人乾隆庚子筠州彭公蒞斯邑慨然以興文教爲已  
任陋舊基之隘遂捐廉俸並釀邑諸士庶家得三千餘金  
因市馮氏故宅稍加葺理顏其名曰敷文書院而以舊院  
爲義學卽並買西市諸地基修築市肆及繞城壕塹收其  
租入以爲山長修脯並諸生肄業膏火之費其他棹橙器  
用靡不備具籍而誌之歲命紳士廉明長厚者二人董其  
事蓋煥然成一巨觀焉無何以故去其意之欲經營者方

未究也惜哉靖之士人至今有餘思焉靖本邊陲風勁氣  
肅其先往往多良將材而文學殊未顯卽我朝以來登甲  
乙榜者亦殊寥寥今自書院之更建也士爭向學戊午庚  
申連獲兩雋殆彬彬人文學藪矣夫文公化蜀以興以校  
爲先務移風易俗莫善於此思召伯者愛甘棠食其德沐  
其教念其人公道自在人心也公之去也不及返故署舊  
所龔之碑未勒而猶存諸紳士曰口爲碑何如碑爲口也  
且舊立之模今已漸欲就圯歲月旣久得毋日沿之堪虞  
乎是不可不叙而誌之時余方攝篆斯邑諸紳士丐爲文  
予因諾焉從衆志且以告後之宰斯邑者

重修西園門大路記

金陵

陳之驥

縣人

邑西五里有門曰西園門蓋前人依山河爲城建此以防禦奸究者也地當皋金安會往來四達之衝先是大路寬夷方軌並進山水歲發斷平原而爲川路以坍塌寬不能一丈行旅爲趑趄而門上舊所建閣亦因風雨摧剝棟折墻傾黯然寡色中供文昌帝君關聖帝君觀音佛三像尊不知始自何時位置舛錯余旣至邑明年邑春建議修復與邑明經盧君鉉等籌畫勸諭里民共捐多寡聽便越四月得大錢一千八百邑人安縣令楊君得質慮其其不足益之以大錢七百千自蜀輦至乃鳩工庀材疊巨

石爲路基覆以土覆其舊址復築石堦兩道以洩水蓄泥使無冲刷移園門於傍山數丈毀舊閣更爲新閣即其基而加高廣焉層宇飛翬文以丹青前後正位奉祀 文昌關聖兩帝君像爲小閣於善緣寺山遷 觀音像其上配以靈官神殿又置齋房一所園門側募僧人司香火爲久遠計工既竣盧君鋌等請記於余余惟未俗澆漓輕財好施者蓋鮮司事者復假公侵漁黠民窺其意從而阻撓之衆益解體故勸捐之舉百無一成今靖之士民咸曉然知利人事神當務之爲急破吝嗇出贏積應邑令之求其首事諸人又皆潔已勤公不屑取纖芥以便已私足以見信

於衆人而無愧遂能踴躍輸助刻期告成使利被乎一方  
澤及於數世蓋卽一事而風俗之厚好義尙廉之心皆于  
是見之矣余旣擇其尤出力者旌之匾額復列次首事及  
捐者姓名勒諸石以垂不朽且爲後之慕善者風焉是爲  
記

創修考院碑記

李榮梓

邑拔貢

乾隆二十八年邑侯陳公諱政蒞茲土連歲豐稔有尺布  
斗粟之謠舊倉盈溢公於縣治東另建小倉一所迨申詳  
後上憲勘得地近卑濕遂棄不用公捐廉填項不下數百  
金至道光初年久經坍塌置爲無用之區矣幸有邑人劉

養鵬陳希舞姚三榮者每觀棄而神悽忽臨縣試往往安  
置署中地雖狹人尙少應用等物各行戶猶能拱給比年  
來被

皇上教育之恩荷邑侯招徠之政應試者不下五六百人其  
應用等物行戶支應不給往往以弊橙破板苟且了事且  
署狹人衆擁擠而坐動輒有礙幸天晴風息猶可草草完  
場一遇風雨旣苦支絀又憂泥水應試者一心幾用其何  
以堪吾等擬將舊倉募金修葺彷彿省城貢院規模改作  
考院諸公以爲何如僉曰善遂連具稟我邑侯永公嘉其  
請又捐廉五十金以爲衆倡姚三榮等捐貲修疏募化得



金一千六百有奇即興工焉凡舊木石之可用者用之不足者補之留後地形稍高倉房三間以貯義糧其餘則改舊易新修大門龍門至公堂東西兩廊以及角門茶舍書房諸凡號板几橙無不備具其大略與省城貢院等道光七年二月興工九年四月落成縣試其中署任羅公贈聯云工先利器十餘年摩厲以須佇看今朝脫穎羽可爲儀九萬里扶搖而上都從此地登天邑紳士鄉老之領子弟而應試者見其規模恢廓莫不擊節稱善焉是舉也童子有安居構思之樂行戶無支應供給之煩業已無用之弊倉忽成掄材之勝境舉一事而三善得者三子有焉十一

年都人士欲勒諸瑱珉以誌不朽予特敘其顛末如此尙望後之生斯土而樂於爲善者踵事而增華焉則幸甚

### 公建觀瀾書院記

黨庠州序而外厥有家塾以端蒙養以厚風俗故童子勝衣而後就傳其尙焉吾鄉多族寒子弟青俊者率艱於專延師長而設館授讀之處有皆屋宇偪仄不能容多人是非公其率教之方廣其授受之地而寒家子弟勢必有逾時不學者非所以仰副

聖化也前年春有王子家寶羅子億棄子盛張子德李子有和子學禮程子學願田子汝霖等各捐其貲並募來金得

二百餘兩遂就龍祖社公地公建書院一所內講堂三間  
南北書齋六間西南偶留建奎地一院傍大門書齋三間  
其地遙峯對峙黃流在望子挺王孝廉因顏其名曰觀閣  
書院甚義舉也由是公其地者公其教俾貧窶之子皆得  
俎豆一先生而敬業樂羣庶不至有不學而墻之虞蓋塾  
也而又覺義矣後之君子有能以前人之心爲心必將維  
持調護以期永遠學校興而文風振詎非予之所深願而  
邑之所嘉賴者哉爰將首事人等暨捐貲姓氏勒名於後

1840  
1841  
1842  
1843  
1844  
1845  
1846  
1847  
1848  
1849  
1850

1851

靖遠縣志卷之七

金陵陳之驥編次

序 詩 賦

序

出宰浮山序

戶部侍郎

胡執禮

高侯河隴名士不佞自束髮時侯已雋聲清越若雷灌耳  
不佞願登龍無由也逮里中劉北河參戎回譚靖遠諸生  
每喋喋侯曰高公文章行詣卓犖人表殆非可一世者不  
佞益願登龍無由也比不佞濫竽宦籍抵都門適侯抱仕  
筴來數禩縈懷一朝得瞻巾履聆警歎退語同儕曰當今

重守令吾河隴曰者除三令不佞咸辱緩頰矣未有若高  
公無間者既而侯謁選銓曹授浮山令蓋玉產崑山下和  
氏識焉汗血霜蹄孫楊氏得牝牡驪黃外侯抱連城之璞  
而遇下和之目負追日之步而值孫楊之賞語云璞爲識  
者珍馬爲御者良信然也諸鄉士雅舉賀而索言不佞顧  
不佞於侯實所樂頌者矣浮山固唐虞澤被之餘侯驅車  
平陽過臬陶故里而訪其遺直思禹舊跡而挹泣罪之風  
侯舉浮山而噢咻桑麻之將見浮堂鳴單父之琴浮田長  
漁陽之穗浮河潤潁川之里浮民興蜀郡之歌且百里非  
侯之路百石非侯之祿而鄉官部使尤非侯之秩也淮平

之臥豈能久遮使者車哉遂書之以復諸鄉士之請云

翰林

麟

贈玉峰房先生出訓莊浪序

嘗謂赫赫之功易見而陰滋潛養之德爲難名兩澤遍天下世所共仰也而不知膚寸之雲有以致之耳目之能視聽手足之能持行人所習見也而不知元氣有以運之國家混一區宇以來內而侍御臺部外而連州歷郡大邦小邑莫不得才而其事以不廢得賢而其治以漸成人見賢才彬彬輩出皆黼黻太平之具而爲邦家之光然不知所以致此者固在乎學校有以毓之也况衛學又文武所關而邊方需用者乎夫何世之論者視學校爲不急之務而

目學官爲非用要之人甚而牧伯守令不識治教之相資  
固有挾勢而凌慢矜情以牴牾者矣於是居其職者自非  
深識卓見之士毅然以師道自任安知斯職之重且貴哉  
陝之房公玉峰由歲貢來京奉簡命教陝之莊浪衛余未  
識其爲人君之從兄江南與余爲兩都交縉紳名士頗重  
之述君履歷甚詳欲徵一言以華其行夫自人心之不古  
也戶不聞詩書絃誦之習人不敦廉恥禮讓之風國家設  
司徒以敷教於上置師儒以訓誨於下期於砥礪琢磨以  
觀成效而精神命脈實繫於此當其任者飭躬修行極力  
董率俾子弟之孝秀有所矜式斯賢者才者得以成就於



以出而佐邦國平禍亂將朝廷收養士之實用斯爲上不負君下不負已不然坐享祿養之榮而終鮮酬知之效不亦羞當世而貽儒術寡效之譏耶玉峰學力深邃道德充裕此之爲役也目能率躬誨人化荒裔之俗而入禮義之邦人文蔚起麟鳳叠興然余特以是職之不可忽者以爲告使世之爲政知賢才之出治在此而不可以不重複欲君知國家之所以任之者匪輕而尤不可以不自勉也是爲序

玉峰房先生乃吾鄉先達耆儒也相傳與金城彭幸菴先生相與契密曾同事筆研於法泉寺之僧舍厥後幸

菴登進士歷官少保而先生僅以鄉貢授教官終迄今  
滄桑變更年遠日深無從考覈其詳而先生椒聊繁衍  
爲吾鄉巨族其正派四世孫貢士榜偕從弟枋姪世泓  
孫丕文等持先生行樂一軸係先生赴闕授職時都中  
諸大老所贈也風雨侵蝕字跡破碎不復成文其年號  
僅餘冬吉旦三字秉筆者之官銜姓名止餘翰林院與  
麟頓首并撰數字耳其同贈者姓名幸有大半榜等痛  
念先人遺蹟恐再久而湮沒無傳復爲裱裝求余友鄉  
貢凌雪李君浼余另爲補錄以示子孫亦足見榜等慎  
重遺蹟仁孝之思誠可取也使後之子孫有賢達者出

觀之而奮然興起未必不在此舉而余與凌雪李君聞先生名久而仰慕者深特樂與贊襄其事第其文字之闕失僭爲相厥文義補綴成句而年代銜名所莫可考者終不敢妄加攬易亦寧爲闕疑毋爲誣罔云爾神廷璋跋

贈魏千戶侯敘

馬理

余兄伯光與邑陰陽家魏宗正遊余友高陵呂仲木太史於宗正表兄弟也宗正嘗與兄述其先人宣使公事太史亦嘗與余述其先外翁宣使公事言皆合蓋云宣使公在先朝時樹勳業於世有天子賜琉璃瓦第有升降金龍誥

函函存第廢瓦猶多存者然累經兵燹譜牒亡逸其勳爵之詳皆出於傳誦而未能悉也太史公深惜之宗正之從父益襲靖遠總旗溫官溫翁者太史公祖妣之翁也爲宣使公之孫益既襲先官屢從帥破賊於北又寧羌於西故授陞百戶老而榮襲往年平流賊有功陞千戶秩矣茲有事於西安宗正與之燕又因兄伯光而謂予曰彼儒將別宜贈以言太史與吾子言之予徐曰太史公千戶嘗有言矣理何言哉抑聞之人子以嗣服爲孝人臣以致身爲忠千戶爾之先宣使公遺烈如此今二魯跳梁於外主上方憂勤於內千戶能夙夜以忠孝爲心則上以紓九重之憂

下以紹宣使公之勳特易易耳若夫龍誥之褒賜第之寵  
安知其不猶宣使公也安知其不猶宣使公也

泮宮惜別序

曾 介

大凡人之別無有不惜之者惜之而必爲之歌詩以道其  
意亦古今之同情也况師生間恩義俱存非汎汎交遊者  
比於其別也寧愬然於懷耶陝右土公以武弁裔業吾儒  
術屢負屈場屋後膺歲薦上春官遊太學而所得益富所  
見益高慨然樂乎絃誦俎豆之委蛇而不甘心於簿書期  
會之冗雜遂持狀大曹廷試擢居優等使訓導於西蜀成  
都之郡學蓋成都之學設於臺省之下勢固難爲也而又

選一郡數邑各衛所之賢俊而聚之一官有勇者有知者有巧者有能言者有尚氣而無所撓者其才氣之美固有不同者也臨之以勢齊之以法可以使其面從而不能得其心從可以使其貌服而不能得其誠服於此而苟爲之師不其難乎王公之居此地任此職不但從事於精練勤敏之間而已日暮坐之堂上嚴其約束密其教條操其要領砥礪諸生之行檢開導諸生之心思激昂諸生之學問陶鑄諸生之文辭務絜之於高明之域而不委之庸衆之儕公之教且愛其極如此凡知者巧者強者勇者能言者自無所施其能而各成其化矣師生之恩與義不其兩盡

乎故一時人材得於親炙而成就之者無如同年趙君克用與吾舊契喻君惜之皆出自門下以魁選聯取甲第爲一代偉人其他不知名而駸駸如趙喻者又不知其幾則公於師道於是而可驗其實矣今公九載考績之京凡從遊之徒有志修進者將誰考德而問業乎將誰請疑而問難乎咸相與嘆曰公去矣吾儕失其所依歸矣可無一言以寓去思之意歟故相率繪成泮宮惜別圖而各爲聲詩以頌其德而華其行也較之傷離悼別杯酒流連以攄兒女子之態於一時可同年語哉余因公事寄於其學與王公有數月之雅且愛其子曰賢者爲青雲偉器故不吝而

道其實以弁諸羣玉之首

蘆溝別意序

總督  
彭澤

蘆溝別別友人馮景福作也景福諱禧延綏人以及尊甫從成靖遠衛因有家於是生純靜且敏十餘歲卽知向學勤讀誦雖父母禁弗能止成童補衛庠弟子員時崑山陳先生孟佐爲其庠教授嘉其志篤而勤也特器重之陳先生去乃之鳳翔從立夫張先生學立夫學博而行高性復孤介於景福則恩義曲盡若父子然立夫沒乃之吾蘭從吉夫陳先生學吉夫爲都憲婁公延爲甘州學者師景福遂相從之鳳翔幾千里之甘州幾千五百里皆裹糧徒步



未嘗以勞自惜而獨以學問有得爲喜旣而歸靖遠學日  
進行日修長者樂與爲友少者樂與爲弟子衛之武臣於  
諸庠生皆以屬臨之獨遇景福以客禮且多遣子弟從之  
者雖守鎮閩帥亦然成化至宏治累舉鄉闈弗第遂貢爲  
太學生太學規始入監者居兩月乃歸省景福入方旬日  
聞乃尊訃卽謁祭酒歸或曰稍遲之則無復他日之補矣  
景福垂涕曰豈有抱終天之痛而尙衣冠者乎遂就道時  
論高之先時余仰之甚久成化癸卯鄉試始相識於陝藩  
一見如故交三試畢聞乃堂訃遂別是年余叨與鄉薦丁  
未余將卒業太學至靖遠之乾鹽池得寒疾時景福授徒

於打刺赤堡遂依焉疾增劇暗眊者洽旬四體不仁者幾一月傷寒諸惡證並見臥室污穢觸人不可入至夜輒語若見鬼魅日夜必有鳴至鳴其屋景福方同榻不少避衣不解帶寢食俱廢者幾月求醫則爲拜跪之稍愈將理調攝窮致心力雖天倫至親莫過之者宏治庚戌余叨與甲科授工部都水主事景福始卒業太學復歷兵部事二載疎食縑袍裕如也丙辰春始待次歸余時改刑部廣東司矣嗚呼道義交游死生意契金可革石可爛此情此德蓋有終身佩之奕世誦之而不能忘况景福好學之篤向道之切持養之素克孝於親友於兄弟雖從父母兄弟亦曲

致孝友甘貧守義尤足敬慕而非特篤於友道一端而已  
又不特私惠余一人而已昔余病愈拜謝之景福曰何以  
謝爲吾爲斯道重又爲朝廷重而因以重於君也吾豈求  
報於君者哉斯言在耳百歲如新獨余愚昧學日退而行  
不加修且力微而不能問吾兄之匱乏何以報之哉何以  
報之哉况乎此別後會知在何時也又焉能已於言哉遂  
賦短章以道意題曰蘆溝別以贈庸以代渭城朝雨之唱  
情之切不計其詞之冗且弗工也時宏治丙辰閏三月廿  
有二日己巳彭澤序

惠德篇

進士

鄭 溢

張君南麓諱天敘貫陝靖遠衛世稱名族少補郡學弟子  
員行高學邁志偉器宏大有聲於時以廩額貢之天子蒞  
官茲土曰提舉董匠事舊執施子一日來謂浮泉子曰予  
司官張南麓者君曾識其爲人否乎曰識諸曰何如人曰  
隆謙以奉身崇敬以與物渾樸雅厚人也施子曰此則自  
君之所見者言之耳予請以君之所不見者言之我國家  
設匠之初也爲造舟通餉計也厥後徙造於淮以境接東  
南便於轉運而匠之居清者歲辦料銀以給有提舉者催  
科之有分署冬官者都統之年來苦於役而疲者過半矣  
且兼以部衙日責供費諸匠園轆往役焉名曰作頭其豐

產厚積足以承擔者固未必無其貧不堪命而仆於其患者真不啻叢棘之寬也南麓下車之始聞而恟曰天下之民自有公役而吾人之入官者亦自有厚祿以裕用也逞私以歛下可乎則夫作頭之立於上誠爲貪於下誠爲剝也已乃陳厥弊上之冬官雙泉陳公公可之遂革焉諸匠嘻嘻然受惠矣是可見貽惠者固陳公也而其發慮造謀仁言切聽不有南麓爲之先陳公孰從而轉移之耶德之所歸誠不可不知也南麓居官之可稱者有如此予亦匠籍之家久荷盛德淪骨洽髓矣丐辱一言以贈浮泉子聞而嘆曰久矣夫大道之隱而三代之英寥寥無聞於時也

不圖張君之至於斯夫匠役於官其弊吾知其久官役乎  
匠其事吾知其私矣君不以徇人之私則其所以自待者  
可知矣是可以觀平生之行高矣顧是非不顧利害則其  
所以爲政者可效也是可以觀生平之學邁矣利衆以宏  
績其志何偉耶損己以益人其器何宏耶夫君官不過八  
品而其所施者卽其所養者但所遇不足以大其所施誠  
足以爲君惻焉雖然天下之事觀諸理而已矣苟使無愧  
於理則奮掀揭於無前者固可錄而效尺寸以自樹者亦  
可錄若夫施爲大小又烏足論耶何也天下心一而道同  
也故小而仁一司之匠者此心大而仁天下之民者亦此

心下而格上官之非者此道則上而疏元后之聽者亦此  
道茲蓋以理論也是故以政觀君君之政小康耳以理觀  
君君不失爲輔理贊化之人予故曰施爲大小不足以議  
君也施子以爲何如曰然願登書以付南麓焉施子名經  
西溪其號也太學進士浮泉子鄭溢甫書

別房玉峯歸里序

進士  
胡忻

余自總角侍先中憲宦遊每稱崇義社友靖遠房玉峯氏  
諱鳳時家世閥閱性樸茂行高潔學問博雅甲科遺英心  
竊慕之舊矣癸未歲公由莊浪謁督學於秦省見其持已  
類秋月接人類春風蘊藉類渾金璞玉信人傑也因愴然

憶先中憲言猶在耳目徵書至以公授教韓藩夫士君子  
崛起於白屋之下一旦登紫閣坐絳帳爲藩邸師亦榮矣  
迺公之言曰宦不可以爲家而貴知足吾筮仕來迄於今  
十鱗矣仕途風况備已嘗之茲吾倦遊時也且也廬數間  
足以蔽風雨田數區足以饘朝夕執經課子足以永日偕  
友尋芳足以怡情奚必老其身於榮利之場而後足耶蓋  
其洞於世情淡於粉華達觀高致無愧古人余因是益愴  
然思先中憲知人哉庠弟子王生等感分袂之有日悵侍  
席之無期屬余爲文以贈余不佞實不能文惟述曩所見  
聞者如是且以志先中憲之知交不忘云



國朝

從吾集序

鄒吉方

安福人

歲在壬申七月望後予從家君子捧一檄驅車出章門外  
崎嶇間關殆將萬里歷吳楚宋豫之區方抵隴右未幾復  
有靖遠祝篆之役至署則數椽蕭然荒涼邊况讀書鼓歌  
皆成悶境因憶鍾嶸有言使微賤易安幽居靡困莫妙於  
詩乃回念舟中馬上族店驛亭弔古懷人悲身悼世口占  
筆述檢括成帖伏而思曰安所得天末奇逢二三知交慰  
吾於窮途逆族之中酒酣耳熟擊筑悲歌出以相質者乎  
或告予以衛庠中有賀子以介先生者其人蓋天下士也

讀等身之書意不可一博予私心企之既而邂逅相將溫  
然穆然久而卽之乃冷然相與善也於是綠樹初深黃鸝  
乍歇予潛過別業袖中出拙稿相訂遂蒙謬爲許可且約  
惠我瓊瑤又明日走奚童持數字併全集詩文若干卷翩  
然至矣予爲披對者數晨夕大都其爲文也體裁博而標  
格嚴氣味充和醇而後肆駸駸乎漢秦以上詞謠雜著慷  
慨沉着大類宋人風旨而其爲詩也五七言近體不欲使  
韋柳錢劉獨步騷壇古歌行則又蒼茫突兀險譎崎峭而  
紙上行間烟波雲委涯涘俱絕望之朗朗然如在玉山行  
矣猗歟盛哉昔人之言曰士君子必能具出世之姿者而

後可以用世故其見之於文與詩也往往不愧古人賀子  
才高而氣靜志大而節安不屑屑隨俗趨舍而獨能以一  
往之概牢絡天地鞭策古今嘲弄烟月嘯歌風雨隨情遣  
意卽成傑構異日揚於風雅鼓吹休明主持世教化行鄉  
國其卽此物此志也賀子之以從吾命篇也有旨哉以視  
夫子之蹭蹬天涯徘徊歧路憂幽孤憤積響成聲者其相  
去爲何如也耶嗟乎人生世上知己無多言念良朋感嘆  
交集因僭附數語於簡端以誌平生快遇云

送安成鄒智千北上序

賀

福

邑貢士

予自束髮受書於制舉業亦頗信折肱有年矣然獨於性

理諸家言往往把玩不置每得宋明諸先生語錄未嘗不披誦三復論其世而想見其人一日偶檢有明道錄一編讀之知爲安成鄒東廓先生要語蓋先生以大儒崛起江右爲有明理學宗仰心竊嚮往而未之逮也越壬申冬乃有西江鄒子智千隨其尊甫參軍予郡蒞任未幾遂來視篆敝邑邂逅相將傾蓋如故始知爲東廓先生六世孫對之溫文爾雅謙虛若谷退而私念曰是必其家學之淵源而乃如是也已而我兩人無日不聚無聚不以道義相期許一日智千出鄒氏學脈一編相示皆其先世語錄也予正襟受讀乃知在東廓先生則已前有僉憲易齋翁爲之

父後有奉常穎泉翁爲之子太史泗山翁爲之孫理學科  
名一脈相繼語曰莫爲之前雖美彷彿彰莫爲之後雖盛弗  
傳習千爲泗山先生元孫抱蓄甚富乃屢遭躓蹶年逾強  
仕猶汲汲走數千里外從遊薄官亦可悲矣然吾每讀其  
詩若文又皆坦易和樂醇而後肆絕無幾微不平之概見  
於篇章益以服其識趣志量誠有大過人者行將挾策北  
上卒業成均凡與智千通聲好者無不以科名卜之而予  
則否予聞道以孔孟爲宗以濂閩爲正舍此而趨捷徑卽  
幸獲顯名於當世終爲君子之所不許而况科名之在天  
下得之不得曰有命乎世稱西江爲理學名區而東廓泗

山兩先生尤極當時重望至今海內談道學者無不首推  
安成鄒氏嗚呼典型猶在先澤不遠吾於智千重有望矣  
區區科名所謂世俗悠悠又安足爲吾智千厚斯哉於其  
行也遂書以送之

明

中流祇柱賦

兵糧道

邢玠

黃河西來數千里兮貫長城而南漸激龍門之險巖兮霆  
奔而電馳氣洶湧而莫之禦兮乃折流而東下勢若萬騎  
啣枚而疾走兮將犀鋒進銳鏖戰於平野何崔巍而罕律  
兮獨砥柱乎中流儼一夫之當關兮千人辟易而不敢運

其戈矛惟崇伯子之敷土兮導泮洞而平之鑿此山以疏  
洩兮剖三門之歛巘洪波巨浪幾欲騁兮折派間度以透  
迤指孟津而逾洛汭兮逖東極於大邳苟非是以中梗兮  
何以殺天吳水伯之淫威予嘗駕方舟而遠求古蹟兮勢  
將豁心胸於浩蕩過黃老之神祠兮遡燬石之泱瀆盼擎  
天之突兀兮干雲霄而直上波汨汨其下遶兮顯神功於  
俯仰使昔懷襄之莫救兮滙四海爲一區上巢下窟之赤  
子兮殆皆戢戢以爲魚鱗斯險而慨嘆兮雖天造而地設  
微古聖之神智兮孰能成夫萬世之烈彼蜀江之灩澦兮  
差地勢之所同誦金聲於擔輿兮信物理安危之所從吁

嘯世道降兮風移而俗偷頽波汗漫兮忌剛而茹柔魚蝦  
鼓舞兮蛟龍愁豈無吾人之砥柱兮障百川之橫流

按邢少卿有中流砥柱詩題下小序甚詳卽今城西八  
里黃河中獨石是也茲篇文意顯明其爲是題無疑舊  
誌以爲黃河賦蓋誤會起句之意今改正

### 愛日軒賦

彭澤

維皇降衷兮莫先乎仁吾身從出兮本於吾親父兮生我  
兮母兮鞠我劬勞萬般兮備嘗坎坷旣保愛其肢體兮尤  
調養其性情聿尊師而取友兮庸玉吾於有成比成童而  
弱冠兮龔知孝愛况西山之日短兮寢以衰邁惜今日之



易過兮恐來日之無多縱克孝而克敬兮光陰幾何彼童  
其顏兮鶴其髮也如花斯殞兮川斯竭也矧修短之弗齊  
兮具慶能幾抱風木之永懷兮曷云能已愧子職之未盡  
兮此身何爲仰聖哲之遺蹟兮簡冊具陳景彝行以盡性  
兮吾儕有人展光嶽之英兮廊廟之器信正大之學兮高  
遠之志烏蘭僑寓兮乃構宜堂庸奉嚴親兮舞跣斑裳而  
韋其衣兮菽水其漿一刻用惜兮奚翅千金致愛致敬兮  
趁此餘陰食問寒燠兮寢問安否先意承志兮弗俟於口  
君愛此日兮日益不足親安蔗境兮日益多福餐焉彌加  
兮身焉彌康由毫而期兮殆未可量顧予昧孱兮未竭寸

草覩君篤行兮憂懷如擣爰作辭以爲贈兮尤好德之誠  
意嗟在昔乎歲月兮終於自棄幸吾君之見閔兮引手一  
援庶永錫爾類兮同愛日之乾乾

仙堤賦

彭澤

茫茫寰宇悠悠千古昔往今來乃成仰俯及我皇明肇開  
九土固阨匈奴險控彝魯居雜軍民地兼瘠鹵士少習文  
人多尙武罔襲衣冠乃眷樓櫓旣留心於橐鞬曷有意於  
籩俎匪陋顏之清樂故俗易於鄒魯武威屏障於北陲金  
城開藩於西府燉煌絕極於邊徼靈夏雄視於東阻山風  
朝暮而北颺河流日夜而東注余乃支頤竟日徘徊延佇

觀靖境之爲景也秋冬常雪春夏多風三時少雨四澤泉  
充憑決渠以灌流歲收斂以爲豐白石磊砢青嶺窮巖蕭  
苒敷茂穉稗丰茸粦麥春種芳草夏濃綠樹屯雲碧幃連  
空山花發而夏半田稼積而秋終石嘴巖積雲硤霜封雪  
山高峙於烏蘭之北虎衛環拱於通衢之中四山屹立三  
硤洞通南激水以轉磴中通流以穿墉城垣堅固雉堞高  
崇厥田惟中厥土惟紅三伏少暑四時多冬包涵春意莫  
觀秋容散飛花於雪霰撼林壑以衝風多音樂以充耳聽  
音響於絲桐塵氛常起於邊警天險頻設於域封至於烏  
蘭疊翠雪嶺堆銀屈吳春障祖厲秋風黃河古渡白草平

原大浪天險法泉地靈中流砥柱北嶺靈雲禹蹟淪胥眞  
僞莫分徒見註於遺經別怪搜奇莫得而計也其產物有  
青羊獐鹿狡兔黃羊含疑赤狐反顧白狼犛牛奔突野馬  
超驥亦有名鷹迅擊鷲鳥飛揚沙鷄振羽野鶴跳踰鴻鴈  
鳥鵲屬玉鴛鴦其中鳥獸不可殫詳若夫丹杏夏實林擒  
秋毓枸杞離離沙果郁郁白梨味美甘瓜香馥野菲沍靈  
而發榮山葱過雨而蕃青酒泉迢遞鹽池遠屬霜笛噴曉  
胡笳斷續遊兵邏沙飛騎馳逐正斜陽之半落對羣山之  
如簇當時屆於炎威雖挾纒而無燠自古惟用武之地豈  
於今而始錄至若主將閱武於鞠塲鐵騎交馳而競逐貔

貅奮馘以爭雄劍戟森羅而眩矚弓矢斯張旌旗光燭賞  
罰維公號令齊肅三軍爲之勇銳衆庶以之悅服醜酋潛  
踪塵氛竄伏撫字有方薰陶暢沃乃成君子之鄉斯絕鄙  
人之俗流芳譽之洋洋扇淳風之穆穆聽輿人之誦言乃  
家給而人足倘採菲之不遺是亦仙提之大略也

### 國朝

#### 黃河賦

問所願 邑貢士

九曲之險萬派之尊源發星宿道經崑崙顯於積石至於  
龍門秦晉於焉中分齊梁爲之襟帶旣提鎖乎淮南復關  
隘夫幽塞九州任其貫穿百川乃爲總帥此黃河之蜿蜒

大一統而莫外若夫排空瀾浪呼地滔天逝如脫兔急若  
離弦吸呼兮幾都過瞬息兮萬馬湍洶湧驚兮波變崩碎  
激兮濤懸捲銀幕於長空翻雪雹於雲際窮變化於古今  
極掀揭於天地震幽壑之潛蛟騰凌霄之上驥此黃河之  
縱橫渺衆流而獨異至於興雲致雨習坎盈科疏通有道  
導引無阿絲續既敗禹功是歌奠定兮稽人樂嬉安闕兮  
行地攸宜東西分乎高下南北定乎崇卑燕齊以開漕道  
秦趙以引鄭渠天險之邈難致地利之沃如飴罔不灌溉  
是資艱鮮是藉此黃河之潤滋聖王以之敷化乃若來自  
天上放乎地中滔滔不竭滾滾靡窮排山倒海之勢沐天

浴日之功接九霄之雲漢駕萬里之長虹志士澄清而擊  
楫英雄破浪以乘風羨詞源之浩淼欽學海之淵通浮槎  
兮人遠臨川兮道洪疇則極目縱心溯流返本知此河之  
源高如建瓴之孔敏信乎本天者之施無不宜而體無不

蘊

奮威將軍王進寶畫像歌

吳鎮

臨洮人

靖遠昔衛今縣名烏蘭山勢何崢嶸黃河如雷吼郊外靈  
氣鬱結生豪英康熙之初老溥叛秦蜀萬里連麾旌將軍  
破敵風雨快手扶日月摧纜槍阿誰下筆寫褒鄂令我拊  
髀懷鯨彭虎鬚蝟張額嶽立想見叱咤千人驚鵬鶚回頭

作顧眎英風樓下寒雲生李廣身經七十戰耿弇氣奪三  
百城殊勳千載已竹帛寵錫累世皆簪纓君不見山東出  
相山西將屠釣悠悠詎可輕

明

靖遠懷古

陝西巡府

馬文昇

陡絕孤城古會州防邊設險幾經秋地連紫塞通西夏勢  
扼黃河控上遊雉堞尙遺前代制危樓想見舊時籌巖疆  
鞏固如磐石永使羌戎職貢修

陝西學使

楊一清

邊城

漠漠窮邊路迢迢一騎塵四時長見雪五月未知春宵肝



求賢意馳驅報主身逢時今老大羞作素殮人

祖帳

楊一清

邊頭風月正無邊忽聽離歌却惘然啼鳥向人如嘆息飛  
花送酒故廻旋山城牧唱朝聞笛幕府賓閒夜鼓絃別後  
憶人渺何處夕陽高樹與雲連

午日途次有述

楊一清

浪拋佳節向長途負却湯蘭與酒蒲豈可觸邪安用艾詩  
能却敵不須符愧無鑑獻唐天子漫有人憐楚大夫猶憶  
昔年供奉日幾陪 恩宴醉 宮壺

固原兵備道

樊鵬

靖遠西山題句

靖遠時初暮臺高望獨空人應辭俎豆地卽逐沙蓬雪嶺  
陰山接黃河積石通可憐耕牧事荒草素秋中

總督

楊守禮

抵靖遠作

黃沙撲面急烽火覺心催萬馬衝雲入孤臣待月來遠紆  
明主慮還仗濟時才碌碌慚無補壯心未許灰

若苙原

楊守禮

若苙原頭春草枯提兵野宿夜相呼天邊有日心同白塞  
外多風景自殊夜鼓短長驚夢斷寒燈明滅照人孤不堪  
惆悵郵亭下數問兒童有酒無

大滂池

楊守禮

大澇池邊十數家土牆茅屋傍黃沙開樽遣興分春色擊  
節吟詩對月華彝夏有天皆雨露郊原何日足桑麻籌邊  
許國心猶壯回首長安入望賒

乾鹽池

楊守禮

途危人力倦駐節乾鹽池萬馬屯雲障孤燈照酒卮  
詩積軼多慮髮成絲寄與長安客炎寒祇自知

閱兵河上

宋賢

秋水湛遙空旌旗映日紅孤城當北面萬騎擁西風  
紫塞黃河繞青山白雪封健兒不飲馬空勞貳師功

總督

石茂華

閱兵靖遠

黃沙積裏見孤城濯濯川原鮮耨耕障接烏蘭寒氣迴河  
通積暮石雲橫昔年牧馬來魏帳今日籌邊厚甲兵入夜  
笳聲遙對酒遐陬不禁月華明

駐乾鹽池

石茂華

道路何傾側僕夫苦難馳山盡利平曠遙見古鹽池中塗  
積行潦南風胡不吹高臺存舊址短墻委水涯經營自何  
代云是宋人遺城毀恆相共達者能解題躊躇策馬去青  
草自離離

登迭烈遜臺望月

田汝穎

荒塞何年築此臺登臨偶爾一樽開風吹萬里邊塵去月

轉孤輪海嶠來靜影遙隨山隱見浮光曲逐水潌洄英雄  
千古今誰在且對良宵共寫懷

冬巡迭烈遜

董世彥

落日蕭條木葉殘黃河一片掛巒岵惟應明月關山滿轉  
向秋風鼓角寒左臂斷時通瀚海朔方城後屬樓欄依然  
古戍三陴在不見嫫姚出塞難

閱邊至靖遠忽雨

郅光先

秋日行荒塞那堪久旱嗟龍驚垂瀑布雷動漲鳴沙禾茂  
舒農望風清息暮笳神功歸造物敢謂雨隨車

靖遠行與從事諸君子

總督

高文薦

塞上秋高天氣清白雲漠漠接天平我來塞上觀雲壘九  
日登臨靖遠城俯瞰洪河忽西向誰人據策知保障魚龍  
順適蛟螭潛憩此安流幽意暢含情境外眺松山拱揖諸  
峯爲破顏黃沙歸盡颺颺穴白草萋迷虎豹關我皇德化  
超千古千羽陳階化戎魯曾兒懽呼萬騎來執牲獻醺爭  
歌舞華彝同樂雍熙年大小欣欣頌配天撫綏談笑銷烽  
燧誰謂折衝樽俎前搗來逋魯縛曠寇殲魁瞥見千人仆  
蠻彝盜賊兩不生法紀昭昭歸舜舊疆場倏爾愜人心雷  
動懽聲感慨深聖主從寬西顧慮懸知塞上掃氛禳古來  
無虞慎警戒聿求匪躬還匪懈多君况屬安攘才天子萬

年希虎拜

村居吟

浙江平湖令

王龍山

衛人

村居好村居好竹籬茅舍清溪遶山深地僻絕塵埃幽林  
盡日聞啼鳥布穀催春農事忙扶杖東郊趁天曉提籃江  
上買魚苗稚子庄前鑿池沼鷄豕鵝鴨與牛羊晚來院中  
鬧炒炒春垂楊夏芳草冬白梅秋紅蓼不須圖畫覓良工  
粧點四時景致巧鄰翁社酒頻相邀瓦鉢磁甌沉醉倒不  
須魚鳳與烹龍淡飯黃齏只要飽男婚女配不出村步步  
相隨直到老堂前鶴髮壽延長眼前曾孫離襁褓不履兜  
率宮不尋蓬萊島但得二稅完一家無煩惱是非叢中莫

去鑽名利場中不要討教兒孫休弄巧廣栽桑多種棗衣  
食足而禮義生饑寒迫兮生奸狡眼前富貴片時雲身後  
功名一芥小古今事從稽考敗者多來成者少可嘆韓彭  
不見幾惟有范張歸去早莫待一日是非生玉鎖金枷卸  
不了寫此一篇村居吟雅俗風光真可表客來問我甚生  
涯犁鋤世世傳家寶

贈慶府儀賓路彥翔長歌

按察副使

郭

紀

雲中  
人

玉門年少乘龍客日把瑤琴自怡悅靜中得趣樂無憂難  
與傍人細分說我來按部巡邊陲萍水相逢如故知公暇  
開囊彈一曲彷彿當年鐘子期一聲輕就之細聽微有聲



食葉春蠶紛蔌蔌遷喬黃鳥鳴嚶嚶一聲重獻月霜鐘驚  
曉夢鯨海三更夜浪暄龍門二月春雷動一聲疾指下忽  
然飛霹靂半江帆旆駕天風三峽波濤撞石壁一聲徐落  
花流水相縈紆日長柳絮自飄蕩風靜閒雲任卷舒調高  
絃絕情何長杳然銷盡爐中香興闌心手忽俱失趣深琴  
我渾相志羨君自是鷄羣鶴好約攜琴入臺閣上贊雍熙  
至治音要使斯世斯民共斯樂

烏蘭聳翠

路昇

白雲深處見宮嶢聳翠嵯峨萬仞高漫說三峰天外迴茲  
山突兀最雄豪

雪嶺堆銀

天公戲玉嶺頭陳靜洗巖光化作銀况有梅花同皎潔空  
山不必厭清貧

屈吳春障

翠律吳山入翠微嵐光晴滴映春暉淡煙一抹疎林曉極  
目長空疊障圍

祖厲秋風

秋到河干作意清西風嫋嫋素波生月明沙岸老漁臥惟  
聽前山落木聲

黃河古渡

峽束洪流急浪奔人呼隔岸立龍門一聲款乃衆山應影  
入斜陽畫裏存

白草平原

高原遙望俯平川白草離離鎖暮烟何處清風來遠道雪  
花飛捲舞翩躚

大浪天險

天然大浪與雲齊扼險崔巍關以西萬里塵氛清塞外詩  
留石壁幾人題

法泉地靈

層巖疊岫倚天邊路入烟霞見法泉萬斛珠璣隨地湧清

流晝夜自涓涓

中流砥柱

邢玠

衛西北五里黃河中石峯突出丹壁巋然屹立千仞峻削方正形如圭玉洪波巨濤激觸分流噴珠噉玉雷鳴鼓噪真奇觀也

屹立中流幾萬年  
嶮岫怎肯受秦鞭  
媧皇留此非無意  
爲

挽狂瀾不補天

月河晚照

兵糧道

梁

許

孟津人

河似月形周圍皆紅山掩映每夕陽倒影餘輝四射至自暮夜猶光華閃灼豁人心目

天機織出赤城霞  
煥彩騰光萬樹花  
幾纒紛紛明遠岫  
餘

輝晚送夕陽斜

東山八景

總督

彭澤

舉蘭人

彭幸菴先生自舉蘭遊學至衛讀書於法泉巖洞因有是作

石竇寒泉

幽谷雲根湧冽泉  
潺湲鳴咽幾經年  
清寒不特纓堪濯  
更喜佳音到枕邊

野橋春漲

元冥移柄付東皇  
冰泮泉清瀉石梁  
童冠欣然遊詠處  
東風盈耳奏鶯簧

巖穴書聲

鑿開一片媧皇石  
藏我青編書數厨  
幾度耕餘閑展誦  
窓

前流水亂呀唔

草亭琴趣

自雲深處草堂深洗耳宮商太古音莫笑鐘期今去遠清  
風明月自知心

巢林一枝

搆得危樓僅數椽也堪登眺也堪眠東風似識幽人趣漫  
舞飛花到眼前

方塘半畝

活水分來注小塘湛然月影與天光山翁心事常如此六  
月無風夢自涼

樵徑披雲

一曲商歌入翠微  
白衣蒼狗擔頭飛  
晚來怪底青簑濕  
帶得東山雨意歸

漁磯釣月

日映寒波萬頃秋  
晚風閑釣小灘頭  
柳條貫得金鯉去  
更問山妻有酒不

獨步橋

彭澤

溪聲入戶雜書聲  
獨木爲橋歲月更  
直是深山人不到  
風清月白自家行  
皆景樓

花近高樓樹樹紅乾坤有象萬方同芳尊一曲陽春調何處風光不眼中

尋春徑

蕭蕭一徑入幽深  
聞道春還屢去尋  
柳眼萌金梅破玉無窮天地發生心

眠雲洞

洞門不閉石床安  
雲伴人閒夢亦閒  
睡醒雲隨風雨化浮埃洗盡見青山

春日同王凌霄太守傅山雲文學飲烏蘭山寺分韻得今

字

按察使

桂繼攀



洞口同來欲柳森  
河干立馬望山陰  
爭言半偈人天眼  
須悟諸緣去住心  
鏡智隨心無盡藏  
法身妙結有情襟  
拂衣共看巖頭月  
澗底晴光自古今

監收應

王文衡

三韓人

春日烏蘭署中漫興  
綺窓粉署日長餘  
閒吏生涯數卷書  
案有名花尊有酒  
興來揮翰自如如

其二

幽窓小雨發春妍  
茗椀詩瓢靜似山  
紅嘴渡頭花事好  
明朝應泛釣魚船

前題

衛守備

周惟遠

錢塘人

五年三月宦情餘吏事於今畏簡書縱有同心花共酒故  
園芳草竟何如

其二

窓前鳥語弄春妍窓外花枝意欲仙自喜齋中無箇事且  
將詩酒寄漁船

衛牧王德溥先生新建培風書院賦詩爲頌

邑副貢

紳廷璋

蘭山峨峨河水湯湯誰司民牧政教悉彰樂只君子吾道  
其昌

厥址孔廠厥材孔良堂斯廡斯劍氣珠光樂只君子郁郁

書香

念我單寒不學斯棄慎簡師儒善莪造士樂只君子古今  
同治

維茲荒邑人文頽圯建學明倫英賢蔚起樂只君子永懷  
靡已

黃河晚眺

邑貢生

王臣

掃盡秋容夜夜風風光寥廓總難窮羣山縹緲煙霞外一  
水縱橫天地中雲臥頽沙連草白日歸寒島傍人紅我今  
醉倒莫扶去欲老河邊作釣翁

輓烈婦陳啟堯妻王氏

并引

邑貢生

賀福

烈婦王氏節婦劉氏次女也十六適陳氏未幾夫亡哀毀瀕絕屢欲自裁輒爲家人救醒幾旬日矣防者稍懈遂從容徑死嗟呼若烈婦者亦可謂舍生取義者已

一死從夫去節完事亦奇從容了志願慷慨愧鬢眉就義爲人重鍾情不自疑癡心惟我輩猶作斷腸詩

登烏蘭山絕頂

王

修

大興人

入春淑氣明白日邊城霽結伴出郊原言尋幽境憩而我愛高山劣嶺無盡勢緩步躡雲踪乘風拂長袂盤逕摩蒼穹秦川可歷睇物象迴空清下方絕微翳仙境半淪墟是處長蘚荔聖容宛自存盡日重門閉畫壁宿龍蛇丹石烟

霞麗虛閣半凝空石磴千層砌俯仰廓奇懷長嘯驚鶴唳  
寂靜聞天樂萬籟響沉細矯首語青冥今非樊籠繫

大廟弔呂將軍祠

邑貢生

李筠

當年絕塞寄長城忽報烽烟夜半驚氣壯山河父與子名  
垂今古死猶生莊嚴廟貌塵封暗凜冽神威月照明剝落  
荒碑那可讀黃流盡日振哀聲

蘆塘道上觀張將軍鏖戰碑

李筠

勳業當年異英風信不羣相看遺姓氏何處弔將軍浩氣  
凌秋日殘碑臥暮雲偶從荒塞過弔古意徒勤

過大廟弔呂將軍祠

鄒吉方

安福人

彈丸塞堡逼黃河忽報醜酋夜半過戰壘蒼茫翻地軸將  
軍慷慨奮天戈君臣大義節難泯父子同心氣不磨猶有  
荒碑祠下臥悲風淒雨號寒莎

其二

洪流浩瀚勢滔天陡絕峯巒疊障連一夜河伯忽震怒朔  
風凜凜盡冰堅久已羣酋思犯順乘閒竊發走狼烟丸堡  
孤懸如累卵將軍奮戈壯無前平生志矢安社稷肯教小  
醜肆穴穿父誓死國平吞寇子誓死父子生還一片丹心  
盟夜月粉骨豈望世人憐忠義在人心不泯當時効命有

六賢

其三

天子褒忠亟下詔作廟翼翼長城邊我來弔古訪遺蹟讀  
罷殘碑淚潸然吁嗟乎英風浩氣今雖遠猶能彷彿於長  
河之濟雪嶺之巔又奚怪乎馨香俎豆億斯萬年

輓种士莪先生

鄒吉方

安福人

詩酒當年氣最豪曾將桂籍掇名高况多才藝兼前輩豈  
但文章冠我曹賦待玉樓讖果應書傳石室志徒勞聊陳  
炙絮臨風奠感念平生涕滿袍

秋日望邊樓遠眺

邑舉人

潘祺

秋晚登樓望沿邊淨塞氛洪流翻落日亂岫入層雲遠近

疏林台高低野屋分吾儕應作賦用以紀奇聞



靖遠縣志卷之八

金陵陳之驥編次

雜說 雜記 敘錄

雜說

明

設重兵以據要地議

臨海

王

亮

兵糧道

夫靖魯為固鎮之門戶而永安為本衛之屏蔽往年添兵設將策誠良矣但邊長數百里而兵止數千人勢孤力分誠難備禦近該叅將蕭如蘭守備王從誥條陳及此本部院行道查議奉道親履其地再三籌度永安設在萬山之

中雖稱要害然離黃河三十餘里也至於塔兒灣堡近在黃河側與蘆塘湖對峙魯西駐牧其間川原平衍水草便利後或背盟心於繼集衆一遇隆冬踏冰而來易易耳往年以本堡孤懸議令歸併永安慮誠遠也職以爲當其未渡河也則吾據險可以拒其吭若其既入境也則雖用衆遽難以挫其鋒豈可令第一要衝之路而以墩軍數人守之乎今宜如參備等所議將西路遊擊移駐永安而以永安守備移駐塔兒灣二處須得勝兵三千人如遇警息互相犄角而大廟哈思吉二堡又從而左右應援則魯騎不敢窺伺而內地可保無虞矣蓋西安原係腹裏止用一操

守統數百人足矣無庸重兵坐食爲也

相機戰守議

臨海

王

亮

兵糧道

邇年套部款和邊陲無事諸營將吏遂欲恃以爲久安長治之策諱戰陣而不講職愚以爲不然天下雖安忘戰必危况日久變生能保其終不渝盟耶又可坐視其躡踐而不爲之所也往歲西寧之事可鑒矣今議以爲誠款恭順則撫賞羈縻無失其歡儻其伺隙而驕敢行侵犯當相機禦之果衆寡相懸姑堅壁以待其敝如分衆抄掠則拒險以挫其鋒露居野宿則乘夜以襲其營深入無忌則搗巢以攻其心情歸奔河則設阱以陷其騎陰霾陡起則乘上

風以火其帳戀據水草則毒上流以致其死蓋權難預定  
在臨機策之耳

勤操練以振士氣議

臨海

王

亮

兵糧道

夫兵不素練何以卽戎猶之驅士民而戰也往時兵備官  
多務養望足不履演武之庭將領官每狃宴安目不習旌  
旗之色乃操賞正額又每每挪移他用矣甲士蓋未蒙一  
分之賜也又安望三軍之競勸而威武之奮揚哉今議在  
營將吏除疑寒盛暑應與休息其餘大操一次本道與參  
將共臨之明定賞罰以示勸懲用過銀兩中軍掌印官造  
册二本一送本道一送參將營會查明白然後轉報不許

挪移隱匿亦不許乘機冒破如有積餘不妨申請動支製  
造軍器之用庶幾錢糧不致妄費而軍士有所勸懲矣志  
曰重賞之下必有勇夫又曰賞不踰時欲人速得爲善之  
利也

議協守以杜推避

臨海

王

亮

兵糧道

白喜鵲溝以至鎖黃川出地肥饒水草蕃美而羅山週遭  
數十里有黃羊野雉魯人每垂涎焉往歲魯西越界打圍  
我兵多費防禦且其機亦甚危矣邇來往往出沒其間顧  
西屬靖魯東爲寧夏中衛山中爲海刺都牧地又屬之固  
原每遇有警三路推托終難責成恐至悞事除築城設將

未敢輕議外台務於交界處所添設大臺三座每歲遇冰  
堅之時靖督撥軍守其西中衛撥軍守其東面固原撥軍  
守其中相機堵遏俾隻騎不敢渡河且分營協守亦無彼  
此推誤之患矣

議設沿河堡屯據要隘以省虛糜以消魯患疏略

隆慶三年冬在京上

兵部尙書霍思齋

高冠衛貢生

靖督乃秦隴屏翰環固藩籬西夏肩背今魯酋竇允每年  
冬乘冰結剽掠白草原郭城驛等處今秋伺隙復寇朶團  
山屈吳山等處射中遊擊哈欽勢甚猖獗深爲可慮揆厥  
由來緣地方曠遠堡寨星稀防禦疏略故也遞年雖調西

安衛官軍固原鎮守騎兵屯集靖魯名曰防冬實爲鎮守  
官取租之期西安軍士貿易之所一遇有警陽爲出應陰  
潛幽僻號捧玉盃言甚有味當軸宜玩所欲革去防冬官  
軍添築沿河堡寨廣募兵馬以爲防禦之計不則今冬復  
於塔兒灣渡河駐牧鎖黃川內至蘆溝水至香山高泉東  
西延長四五百里川原衍漫水草茂盛戀綫不出亦與套  
魯相連北則西夏之運輸不通東則環固之地方騷動南  
則會安之民無寧處之區秦隴之士無息肩之日矣是東  
有大河套而西又一小河套也藩籬弱而屏翰頽可不爲  
深長計慮乎宜於分水嶺前後所在相度要隘修築堡屯

如趙充國之屯金城范仲淹之城青澗則折衝有據而防禦不疎矣矧亂古堆裴家川一帶土地肥饒舊有墾田以沃灌之地募願耕之夫以防冬之財爲經費之費則國不費而邊陲充西安禦備之軍可免往來之勞固原防冬之兵可省虛糜之廩庶兵權歸一勢不掣肘以逸待勞以靜制動則秦隴獲息肩之休環固無西顧之慮西夏之肩背益厚而關中亦可以保百年無事矣

遵聞堂說銘

賀

福

邑貢士

先儒有言曰尊所聞則高明行所知則光大蓋聞不尊是褻視乎聞也褻視乎聞將有聞而置若罔聞安望未聞而



求所以聞耶吾見嘉言不至於耳縱有良師友之規箴於前彼方自處卑闇不遵不信以之制行其又何道之從乎夫學問之道曰欽曰虛虛則能受聞之謂也欽則能謹遵之謂也孔子曰畏聖人之言聖人往矣聖人之言在即聖人之行在也有聞而能尊斯可謂善學聖人矣或有詰予者曰聞固宜尊也尊則念茲在茲而學可成矣今子之名斯堂也易尊爲遵其義何居曰吾嘗見今之爲聞者曰吾將求售一時耳苟或售於一時又奚必其言之千古也夫不求已說之足以千古必其聞聖人之言未嘗其旨否而身體之也人而不身體乎聖言尙安得謂學哉且古人之

言也益於後世學者以其能明道且寡過也人皆曰不能明道是以不獲行道也吾則曰不能行道愈以不獲明道也余性鳩拙聞言之下未能卽徹源流反諸身焉而身之所履與予之所聞有互相考驗互相發明者往往然也今則腆顏而爲童子師矣吾遵吾聞尤望登斯堂者亦聞吾之所聞遵吾之所遵庶聞之虛者體之於實可望將來者之共進於高明光大也云爾銘曰蘭山之阿黃河之濱地云靈矣豈繫無人詩書道廢於焉逡巡賢哉王侯建學明倫曰余薄質學愧知新任耳未敢志在持循吾黨之士悉反厥身理以實踐斯文爲真不愆不忘率由先民雖不能

至惟聞是遵李之鞞鞞桃之藜藜非曰藉榮俗可還淳

學校附議

賀

福

邑貢生

昔者聖王之建學見於學記周官大司徒者其制可考也蓋民之生也莫不有五常之性而不能無氣質之偏駁故聖人設學校以教之其道則君臣父子夫婦昆弟朋友也其德則仁義禮智信也其教則易詩書禮樂也於是導以六德六行習以五禮六樂五射六儀謹其出入進退之節盛其登降周旋之容使之優柔漸漬服習而安焉故賢者日入於聖賢之域而不肖者亦得以寡過先王立教之意蓋如此教法既成人競飭厲乃考其德行道藝而興其賢

者能者以時登於王庭以備卿大夫士之選是辨論官材之法亦遂詳於此已此古人學校之大略也秦變古法而學亡漢興設立太學然郡國或闕焉唐宋時天下皆有學其法不具述明初學校之制頗爲詳明雖不得律以古法蓋亦得其意焉其制內外皆立學內則太學曰國子監外則府州縣各有學凡縣設教諭一人以董教之事訓導一人縣大者二人至四人所以分掌教之事廩膳生員二十人州若府有加焉當是時師範尊嚴規則整密諸生皆讀書齋舍中教官迪其弗明督其慵惰而時糾其弗率士既朝夕學舍朝廷遂以廩餼飼之爲設膳夫二人供其炊爨

此廩膳之所由名也厥後學徒日聚而廩粟有數於是又設增廣附學之名俾食於其家其攻習講誦一於學舍教官之訓誨無二也此明學之制大略也每學頒發五經大全四書大全中庸疏義資治通鑑綱目性理大全士各治一經以天下中人多不責人以難也其穎慧者自博通五經以及諸史百家中材一下亦必研貫一經與四書並通鑑性理此明初諸士所讀之書也明初用人首重保舉其次則學校科目最輕學校者貢士也其法每縣二歲貢一人州若府加密焉當貢於二十人中擇一人於年逾四十者蓋倣古人四十而仕之義先論行誼亦倣古鄉舉里選

之法然後試以經義取稱而已論定具禮儀貢之京師朝廷俱送太學仍課其業使之德益進禮益明然後次第送於吏部以時選用焉此明初貢士之大略也其後士習猥薄囂恣傲長教官庸委失職規則敗壞於是諸生不復執經問難集列齋舍矣既不居於學宮遂以所食之粟歸之於家膳夫亦無所用並其工食而分之於是學舍不聞誦讀之聲而師生不相聚督此學制所由廢也明初貢士最稱得人行之漸久不能無弊乃至請託納賄援黨徇私於是所貢之士率不堪用而公論不平謹譁道路當事者忿心扼腕而無以處此遂設輪貢法輪貢法於法本至公然

以二十人食廩之先後序定臨期依次貢之苟冒倖進之弊一時頓絕俗論頗以爲公然而一切敘進臧否無擇積歷多載畢躋老耄賢者不得及時有所建立而不肖亦得出身朝廷以其衰老悉充教官之職其以稍壯願入監者天下歲不過數人自是以歲貢爲矜恤老生恩例不復視爲用人之途矣雖則設選拔之名亦以其貢而例輕之終不得與科目齒也此貢士之法所由廢也明初士大夫皆修潔當官効用措置不苟豈非六經之理有以啟沃者深而古今成敗得失之故素所昭晰然歟要之學校端則士風日培士風培而天下安且治是以不能無望於有心世

道者耳因於志學校簡末而述其大略如此

讀培風書院學規說銘題跋

安福 鄒吉方

余每舟過彭蠡未嘗不維纜匡廬山下信步走白鹿洞謁紫陽書院登其堂觀其禮器遺跡悠然想見其爲人往往低徊留之而不忍去慨自科舉之習日敝以記誦時文揣摩成熟爲速化之術甚且不知性理諸書爲何物總由師不必授之於弟子弟子亦不必受之於師嗚呼聖賢性與天道之微旨或幾乎息矣余友賀子悔齋關隴有道士也篤學力行而惟以啟誘後學樂育人才爲己任歲甲戌北平王公三錫以進士來守是邦念風化之日頽也思有以



培養之乃構培風書院聞先生名造廬敦請延主院事先  
生急其先務不屑屑以時文揣摩相期獨揭紫陽夫子學  
規條款以及宋明諸先生格言懿訓榜之齋壁以示諸生  
又自爲銘說灑灑數千言皆所以發明古昔聖賢立教之  
至意凡在門下士必欲使之預淑其身心始而勉焉久之  
習而安焉於以紹紫陽之高風而培聖化於無窮不於先  
生重有賴耶余於先生素稱畏友別經十有八載偶復萍  
聚執手道生平歡甚一日坐余於書院出是編以相証余  
披誦再四如午夜聞鐘惺夢爲醒益以佩服先生聞道之  
早信道之篤豈僅爲關隴有道士乎哉彼假館而受業於

先生之門者讀是書而能體聖賢之道也其於風化所關豈淺鮮哉敬題數言於簡末以俟後之君子云

樂琴軒記

樗齋

琴無故不徹蓋君子所樂也何爲而樂乎樂其爲衆樂之權輿古而且文者也夫琴之制肇自羲農以之修身理性以之通神明之德則其爲古也可知矣矧其爲器也廣狹象尊卑方圓法天地五絃以合五行二絃以合君臣則其爲文也又可見焉惜乎去古既遠其器雖存而得其音之妙者鮮豈非繇世之知而好者寡邪使知其趣而好之則其爲樂豈佐驩悅聽者所可比論哉於戲先王之樂世不

得聞也久矣粵自周室既衰樂教浸廢而溺音迭興是以  
鄭音好濫淫志宋音燕女溺志衛音趨數煩志齊音教辟  
驕志而君子不能無所耻焉故孔子自衛反魯一嘗正之  
及魯益衰大師亞飯之徒莫不逾河蹈海以去亂秦漢以  
來又有所謂箏笛琵琶之聲繼作人之趨而好者日甚益  
信聽古樂者惟恐其臥聽今樂者至不知倦豈虛語哉及  
乎契丹女眞鞞韃之有江北而帝中國也又重以本俗之  
聲音而就中原之字義作爲樂歌被之管絃其爲淫聲綺  
語尤有甚於桑間濮上者漸漬人之肌膚骨髓而不能去  
奈何好之者優伶滿前旦夕歌呼淋漓以爲矜夸咸謂人

莫已若然殊不知人生惟但若此而已則亦何難之有哉  
且人之所以謂之人者果何如哉余方恆以是爲嘆一日  
藩府儀賓路昇彥翔出其樂琴軒卷求記余豈能文者也  
將何言然以彥翔有受教之地脫去流俗能以古音自好  
又惡得已於言蓋彥翔雖襲其累世綺紈而幼能有志於  
學聖賢之道凡聲色狗馬一無所留意及入王門又蒙賢  
王殿下之所教誨望其成人也深責其進學也切出入之  
際所近無非賢士大夫所談無非仁義忠信其於優伶女  
寵不使之一接乎目故其德性之薰陶氣質之涵養出乎  
流輩之酣淫放逸者萬萬焉經史之餘嘗學琴於善其事

者後凡遇人有秋毫所長則不憚請益期於必盡底蘊而後已侍親之暇撫弄之聲聞於戶外數年以來其習之也久得之也深故嗜之篤而樂之無斁焉每好天良夜宴坐之頃竒弄欲發清風滿軒明月在庭抑揚徐疾宮徵間作其音采采然粲粲然猶鸞鳳和鳴而羣葩敷榮斯時也雖南面王樂未足以喻其自得之妙曾謂向所言箏笛琵琶而可以彷彿其萬一哉雖然余猶有所勗焉琴也者所謂禁止於邪以正人心者而凡音之起由人心生故也不聞昔有客鼓琴蔡邕聞而去之以其有殺聲由心動於中而聲乃不可掩若此可畏之甚也彥翔能體乎此於人所不

見不聞之時苟或惰慢之氣邪僻之思一有潛滋暗長於  
隱微之中則必發見於聲音之表尙當深加省察而謹於  
其獨雖一息之間務使常存此心不至放失求以漸進乎  
亞聖之樂可也其益勉哉他日一過軒中焚海外之清芳  
煮廬生之月團聽其鼓秋鴻離騷之曲洗滌俗耳尙能屬  
管城爲彥翔賦之

又

清意逸者

人處富貴之地而能樂古人之樂者世不多見何哉富而  
易以淫貴而易以驕求其樂天循理而托物以爲禁戒者  
非讀書之廣有道之深其孰能與於此哉余東床客路昇

彥翔扁其私室曰樂琴軒者正謂此也且琴之爲物制器  
尙象允合天地之妙人之體道視則不出規矩之中故以  
琴名軒取其謹也以軒名室取其敬也謹而敬敬而謹非  
知樂天循理不出規矩之中者能乎雖然琴之制固有在  
而其所樂者爲何如昔孔子曲肱而枕之樂亦在其中矣  
顏子一簞食一瓢飲在陋巷人不堪其憂回也不改其樂  
是聖賢樂天盡性而無毫髮人欲之間也厥後若陶潛之  
賞菊周子之愛蓮右軍觀鵝蔣詒修竹是數子者所趨不  
同其趣則一無非各以其所樂者而樂之耳彥翔其樂於  
琴者豈無其故哉夫琴者禁也使人禁其邪思必得性情

之正然後可以正襟危坐撫陽春白雪之調操梅花騷些之章則日與文人士夫儼然在心目間神交氣感心曠神怡其樂何如耳其視恃富貴而驕淫於時者大不侔矣况琴之趣雖孔子之聖不免於施教子賤之賢不免於治民不然何太古熙皞之風亦以是尙矧子東床路彥翔出自勳襲自過子門見其諄諄雅飭而以文學嗜好從容典雅動作不苟既嘗以葩經受教而又念德無常師主善爲師遂學琴於名人而深契其流水高山之志且又不徒以琴爲可樂而所樂者在於操存省察敬慎不替不覺至於心廣體胖晬面盎背雖古聖賢君子之所樂可庶幾同日而



語矣每於退食之頃惟琴是心而怠惰之氣不設焉憩息之際惟心是琴而放僻之思不萌焉若然此樂又何如哉傳曰靡不有初鮮克有終彥翔甚不可作於前而忽於後以起人街玉求售之論特以是勉焉

誌銘

明

陳將軍墓表略

督總軍門 彭澤

公諱善字敬菴幼聰穎岐嶷言動不羣長即卓然自奮親賢友善志存忠孝比襲廢遂老於兵事而才足以濟之成化戊子以征滿四功陞署副千戶壬辰以都口功實授千

戶丁酉以撫按推選軍政掌衛鎮撫折獄明慎政令肅然  
上下稱服至闔城無敢鬪鬩竊盜者宏治戊申以野鵝溝  
功陞實授正千戶已酉以蘭州大浪口功陞本衛指揮僉  
事階明威將軍前諸陞擢其發謀倡衆主帥以下得其指  
授協贊而成功者人所共服也庚戌舉選軍政掌衛事兼  
管屯局歷兩考者十年勤能公敏事無不舉人鮮怨言辛  
酉北魯寇邊公率衆捍禦有功事聞有綵緞白金之賞甲  
子用總制務戶部尙書古單奏公薦陞署都指揮僉事提  
調固靖環蘭寧夏中衛等處邊備公感激知遇誓以死報  
忠言確論爲秦公信而避之竭力邊防魯患以息未幾復

奉勅守備固原等處己丑以例實授正德丙寅魯復犯邊以總制右都御史石淙楊公薦奉勅充固靖環蘭等處遊擊將軍公益展才猷愈嚴紀律將士樂爲用而邊人賴之事寧復勅守備靖魯地方公以鄉衛發用薦致榮顯威惠並用人咸得之己巳冬誥封昭勇將軍追贈乃考如其官庚午慶潘宗室寘鏞搆亂總制楊公復薦公改守固原以爲備上可之奉勅之任益修戰具邊人恃以無恐事平公歎曰爲國效忠臣子之心何有紀極其如景逼桑榆精力減耗不克軍務之勞何上章乞致仕詔許之憶昔予爲舉子時常之烏蘭公傾蓋如故交予亦重公之爲人相與傾

倒豪飲劇論共披肝膽嗣後公之勛名愈著而余亦與甲  
科叨竊至此其間音問往復必以忠孝廉節相激昂迄今  
白首皆謝政公喜余歸田遣次子嘗問勞於蘭方期握手  
以敘生平詎意止於是哉銘曰樹勳於國貽謀於家文武  
衣冠爲桑梓華龍章屢錫鳳誥申嘉餘慶未艾芳譽無涯  
烏蘭之東鬱葱者葭豐碑再銘匪諛而夸

贈都督同知李公墓誌銘

侍郎 郭宗臬

公諱光啟字顯之其先永平之樂亭人始祖彬永樂間以  
靖難功授大同前衛百戶傳高祖忠調陝西靖遠衛曾祖  
玉祖傑俱以百戶終父諱英則自百戶屢立戰功陞指揮

僉事授明威將軍謀勇著聞奉命以都指揮統涼州分番  
兵既卒至嘉靖辛卯勅諭公襲指揮僉事公生而穎敏既  
長體幹魁梧騎射絕倫迨入官痛明威公事業方興天不  
假年銳志樹立務光前烈持已行政頤若不羣己亥以巡  
按御史薦擢河州守備河州界在羌魯初有大魯卒犯公  
以一旅過其衝不得入終公之任魯不復來羌彝尤懾服  
莫敢逞癸卯進固原東路遊擊將軍馭下以嚴期於振作  
羣小不便誣公以事勘者主先入不得白竟坐罷庚戌魯  
犯密雲朝廷搜戰將總督尙書王公巡撫都御史鮑公交  
章薦壬子起授神樞營佐遊擊將軍癸卯擢五軍營左參

立 卷之二十一 年 一三二  
將凡司營務者罔不薦公或曰謀勇素孚或曰出衆之才  
聲稱譁然都人爭識之乙卯二月出補宣府中路參將謂  
茲要害非公不可也到官月餘魯大至公率兵出戰勢寡  
不能支衆潰魯執公至一墩下謂墩者曰以貨來贖公奮  
拳抵魯面目者二罵曰曾敢辱我魯怒遂及於難是歲四  
月二十三日也總督撫按以聞 朝廷嘉公忠烈贈都督  
同知立祠死所歲時祭享廕一子世襲正千戶公子二長  
寵襲指揮僉事次宰廕正千戶寵卜戊午十月二十九日  
葬公於煙墩溝祖塋請余銘余自庚戌來戍靖遠公方家  
居相與歲餘意氣莫逆頗知公公雖不深於書而言論識

見每能出人意表其事親之孝與其家政及所以處鄉黨  
姻婭者咸可稱述殆所謂天姿暗合者歟死生之際亦難  
矣公慷慨從容若是非卓有定見諒不能也此不可與卒  
中鋒敵而斃者同論焉真無忝於聖天子殊恩矣銘曰赫  
赫明威有遺其志續乃考服嘉此賢嗣發軔西陲鷹揚隼  
鷲歷試偏裨矢心盡瘁帝曰蓋臣要害是裨值數之奇一  
戰而躡可生勿生綱常以植帝又曰忠恤茲死事爵以賞  
之孫子是施嗣以祀之永昭其義死也無難甘死不易古  
有段熲庶幾爾類馬革裹骸萬里而至爰瘞於斯后土無

愧

提舉張公墓表略

王大有

邑貢士

公諱天敘號南麓自幼業儒宏治乙卯督學副使楊公一  
清選補衛學生綴詞爲文弗畔於理專治尚書得其奧旨  
家雖貧甚而且夕誦讀不止事父母必具甘鮮遇弟妹怡  
怡恐有忤在閨闈雖如琴瑟與子侄恩常勝義人竊視  
之殊不見一怒谷一厲語性雖雅不嗜飲對客亦爲歡移  
日人有餽以財者必心誌不忘以圖後報旣而五試棘圍  
不第丁亥歲督學副使唐公龍以廩額貢其藝於禮部策  
名國學後庚子歲授山東衛河提舉爲工部員外封公祖  
齋官屬殫心厥職於漕埶敢者必易以堅緻之舳封公每



稱以老成有才幹繼員外萬公汝楫至薦其才於兵備王公亦以忠厚誠篤取之而公益退讓恪職民有訟獄者辨其枉直決之不使留宿在任五年明試於朝者三俱賜勅獎諭簡留未嘗一被落除至乙巳歲願乞骸骨歸縉紳先生及屬民皆固留少俟公乃勇於歸去及祖行郊餞贈以惠德之詞其深得人心足徵矣

贈昭勇將軍鶴山張公諱世勳墓表

延論

穆皇帝執象初年歲在丁卯維時北魯狂恃天驕昧於天憲靖遠以絕塞孤城當魯松山一面歲杪防弛魯得襲我不備從迭烈遜踏冰而南荼毒中土鶴山公提三十餘卒

勇先諸將與賊戰於大灣口鏖戰窮日魯衆我寡矢盡鐵折時總兵郭某者畏勢猖獗應援不前公遂誓心曰大丈夫世受君恩爲國捍衛裹尸馬革吾願足矣何至愛生而貽喪敗之辱哉復奮壁爭戰死焉制府戴公以其事聞於朝廷天子憫其忠義贈爲昭勇將軍用以幽慰英靈明勵將士長孫應熊懇事久泯傳乃託以表厥窀穸延論子曰士君子處身園闔間事之成敗天也至出其身爲國家靖難則聲稱著焉愚讀秦掌故疇昔以英勇名彝鼎者未易縑指數大都樹節輸忠爲係朝廷一臂重至於輕兵邀敵單騎入壘則尤所表著焉者彼其時不計一身之利害遂

爾摧突厥之師下回紇之拜者豈盡人力哉則默有相之  
者在也將軍以孤軍當醜魯之萬緬想其時悲笳四起腥  
穢周環既乏樵蘇復絕應援固宜其不能以身兌矣倘徼  
有一時天幸而豺狼奮氣不幾於鄉詰者名垂天壤勳埒  
太常哉君子固不以天之未植而遂使忠猷泯泯於世也  
雖然天固無負公矣崑山不生燕石騏驥不產駑駘公雖  
玉碎而蘭孫若應熊者方箕裘世業爲一時忠勇冠又諸  
子童孫竹立蘭馥他日必有繼乃祖之英猷登壇大拜者  
天詎負公哉愚不敏謹次第其事爲公表厥盛猷以俟它  
日採之國史垂不朽焉至於子姓孫名厥志備矣固無容

瑣贅也

百戶魏君墓碣銘

上以官爵縻天下英銳之氣有材行膂力者皆思奮以效於時不肯與草木同朽故雖父死於前子死於後而不悔也魏百戶本謙陝西三原留里人起家甚微當洪武中祖興兒塏集四川成都府軍後調南京龍虎左衛正統初乃調靖魯衛左所祖亡父載墳伍編總甲成化四年妖賊滿四亂乃隨劉參將往征之奮勇當先死於陣而百戶補其伍念父之陣亡也遂日夜不甘寢食乃時閑騎射滋務韜略於是或敗胡於雪山或破羌於岷州繼而獲級於大浪

口陞總旗繼而獲級於小鹽池諸火山地乃陞百戶正德  
四年胡入套隨葛指揮赴榆林定邊營以追胡是時胡衆  
而我師遠救不敵胡射中君三矢歸而亡則君者豈徒爲  
朝廷金帛之賚官爵之故而殞其身哉其志可悲矣君沒  
之後長子榮襲其職是時權宦用事而天下諸司剝民以  
奉之遂使流賊僭號橫行遍天下七年榮被欽調隨總兵  
仇公征河南山東湖廣江西南京過楊子江至於狼山得  
八級生擒一賊遂陞千戶矣然百戶之志不亦滋有光哉  
可無憾於九泉矣百戶諱益構祖母之外家侄也故予得  
聞其詳而著之於石且爲之銘曰天下無事文臣貴天下

有事武臣良嗚呼有天下者將使文臣貴乎將使武臣良乎今觀魏百戶父之烈於百戶又何憾焉其有聞於天下者宜也高陵呂柟撰

國朝

榮祿大夫掛印鎮守漢羌興安等處地方總兵官都督同

知趙公墓誌

宣城秦仁管  
兵糧道

公烏蘭胄裔也諱光瑞字虹洲譜系營平後歷唐而宋而明籍在薊陽正統間公太始祖諱源志矢守邊授戶侯職聿來斯土衍及太高祖諱昇及太曾祖諱汝義勇獲捷陞授揮帥曾祖諱鑾祖諱相普字雪菴生公考伯仲有五長

率性承世襲懷遠將軍次率教由武科特授三韓經略名  
播青史三率正博物君子遙授登仕郎四率統少亡五卽  
公之考率倫字盡五孝友著家才技無雙以武科居二帥  
廕揮帥元配李氏乃誕公甫七歲李氏溘逝復娶王氏貞  
慈靜慎撫育公身愛惜保護奚啻掌珠朝提夕撕令公負  
笈從師以玉成之已亥之歲公考捐館母王氏即欲偕亡  
斯時也公未弱冠跪啼苦解始免及公襲爵後凡一言一  
行惟奉母命母喜公喜母憂公憂母持乎節公持乎孝苦  
守數載公握衛篆端嚴廉敏當道知爲大成器授朔方都  
閫時公日讀古兵籍學萬人敵敬以事上卑以自牧軍中

復有大樹之號庚辰中州有叛者總制孫公加公漢羌營  
副帥振旅滅醜績紀太常癸未闖逆大變誤爲賊執於帳  
公慷慨不屈欲爲盡節又念母養未終嗣子未立權遁於  
山吸露殮霞保身事母欲終餘年乙酉

皇清開國總制孟公廣搜名宿耳公素行三徵之公始出仍  
握副帥符協南安總鎮范公剿滅賀逆收服武都地方誅  
首惡散脅從秋毫無犯焉丁亥義驅武逆戊子秉節洮陽  
適逢兩河逆猖大叛公率親丁百騎馳救南安以府城爲  
重地必先保此而餘境可徐拯之故燭機於十日之前列  
身於萬陣之中大戰七日滅此而後安是以隴山勅石至



今不朽一祀間恢復皋蘭允吾武安西涼張掖酒泉六郡  
夜枕戈晝提戟躬環甲冑公未嘗一日不戰戰未嘗一日  
不勝已丑晉公爲先鋒絕流渡河施奇謀破勁敵解蒲坂  
之難扶五老之危撲火桑泉義歸李相恢復萬泉湯山安  
戍滎河市野之間戶祝家誦在在奉公像焉彼時立勳名  
者固多而公獨爲首稱庚寅誅劉逆數千獲金萬餘毫不  
入私囊悉餉諸兵

上嘉之於辛卯歲命公秉鉞興元時方饑兵民未炊公食不  
安遂教兵爲農習營平世業而兵民之食咸裕且負戶而  
汲定西鄉之波析骸而炊息南楚之烟才莫加德莫大焉

壬辰晉公都督同知公益勵忠勇出潛天潛地之略破板  
塲塞生擒巨魁孫守金逆宗朱敬鑿不振

皇靈癸巳越秦之楚攻賀劉二逆而烽燧益息是年春子興  
隆生公喜吾無內顧之憂矣甲午楚寇數萬觸白土關公  
率輕騎數百疾馳決戰衆寡不敵士卒稍有傷亡公憤氣  
填胸曰吾受 國恩以來四十一大戰何嘗少有挫失今  
爲小醜所傷吾何用生爲雖母老矣幼子可娛晨昏他何  
念哉遂引塵柄刺喉絕吭而終時六月二十九日寅時也  
公年三十有九妻呂氏子興隆甫週歲一女歸吳參戎之  
季嗣移公柩之家越壬寅仲春二十日葬公於南阜平山

祖塋之地公母率公子持公行狀求余爲銘余謹按其概而誌之銘曰惟岳降神誕生元輔乃忠乃孝克文克武以身許國皇祚斯篤其生也榮若獲熊虎其死也哀若失恃怙刊石勒銘永傳終古

榮祿大夫舊威將軍世襲二等精奇尼哈番諡忠勇王公

墓誌銘

大學士王 熙

康熙二十有四年歲次乙丑秋八月癸卯

諡封榮祿大夫舊威將軍管陝西提督事顯吾王公薨於固原之官署時陝督希公馳奏以聞

上悼甚余聞而爲黯傷者久之旣而長君總戎用予次君侍

衛用賓皆以至情請假治喪故事武臣無奔喪例

上憫其孝思曲允所請旋遣一价持輦昌王郡丞家棟所撰  
行狀走都門而請余曰不孝用予等獲罪於天而致先大  
人之不享遐齡也生不能侍養於朝夕歿不獲訣別於易  
簣雖椎心泣血而已莫贖矣今於丙寅二月朔日卜葬於  
固原馬營水屈吳山之北不孝等薄德涼才固不足以表  
揚先人勛業敢丐燕許大筆用昭來茲願余素不能文然  
忝職綸扉既心志其戰功於平時及其來都又面晤其丰  
采於一日義不可以不文辭者於是不揣鄙陋爲之誌而  
系以銘焉將軍諱進寶字顯吾靖遠籍固原人也先世皆

不仕而多有隱德其孝友仁讓之行雅爲閭里所稱慕自  
其曾大王父而下以將軍貴追贈悉如其官將軍生而英  
姿魁梧精騎射慨然有志當世方我

朝定鼎之初將軍年甫弱冠卽從總督孟公西討叛徇屢立  
奇功 題敘守備職銜歲乙未巨寇李定國竊據滇黔

命將討之時將軍爲經略右標提督非熊張公部將獨統  
前鋒及帥次十萬谿當諸道咽喉懸崖千仞攻戰難施將  
軍攀援而上直搗其穴賊衆潰奔我兵得以長驅直入用  
大臣疏薦授將軍爲經略標營遊擊繼而張公提督全滇  
值西彝狂逞奉 命改提甘肅公以將軍素諳邊情時海

魯恣睢命將軍率師敗之總督莫公疏表其功陞洪水營  
參將洪水逼近魯巢至是不敢窺視迺詣 京輸款乞住  
牧大草灘地

廷議遺親臣驗覘形勢兼命督撫提鎮僉議可否將軍力持  
不可並議城於單于城故址於是諸大臣執奏復 命遂  
改名永固陞將軍爲副總戎駐節於此以彈壓焉至今無  
復敢飲馬城窟明年

詔將軍馳驛陞見備問邊情及守禦要略將軍指陳詳悉一  
皆稱 旨特授西寧總兵賜刀馬弓矢胄鎧將軍銜命赴  
任忽報逆藩吳三桂反未幾王輔臣亦以叛聞是時賊勢

猖獗惟湟中恃將軍以無恐將軍具疏請計間而蘭州已陷卽統兵直抵黃河昏暮從蔡家灣默禱誓師以皮袋冒險暗渡孤軍深入至新城而休焉明日抵臯蘭營於醜尾山賊兵更翻迎敵將軍身先士卒屢戰屢捷遂拔安定復金縣乘雪夜以破臨洮蘭州之外援已絕賊計無所出然後納款請降而天水南安亦相繼投誠定西大將軍與靖逆張公以將軍威望素著會議移駐秦州以當要隘川逆王屏藩吳之茂據西和禮縣進寇秦州將軍整兵大敗賊衆爰陞陝西提督方欲夾剿平涼會通渭告急將軍率精甲千餘疾趨救之卽復通渭收靜寧逆黨之臂指旣絕而

平涼望風歸正矣然各處逆孽復大聚樂門將軍亟往攻之逆衆大潰奔入漢中隴右悉已蕩平捷書入 告特晉奮威將軍阿思哈尼哈番之秩適賊犯寶雞將軍卽率師前進命冢君潛襲利橋由連雲棧取鳳縣直抵武關又遣冢君率健卒抄出武曲舖以攻其後賊腹背受敵夜半破關遂直趨漢中賊衆狼狽逃遁撫逆將皆長跪請降漢興一路皆平

皇上眷念膚功 御書龍飛二大字唐詩手卷一帙遣大臣就營賜之復 勅命會兵恢取保寧平定四川將軍揮戈一指奮朝天關取廣元拔昭化分將前進乘勢連拔四營



將軍親奪浮橋直逼保寧城下冢君斬門而入逆帥王屏  
藩勢迫自縊偽將軍吳之茂等自縛乞降隨遣仲君暨偏  
裨分道四出全川傳檄而定矣是役也冢君奮勇克奏大  
助

特授四川松藩總兵道內大臣賜將軍彤弓駿馬會將軍疾  
作改冢君爲固原總兵率師進剿旣而川賊乘機復叛將  
軍特奉 密旨鎮守巴蜀隨即力疾馳赴保寧剿撫兼施  
賊黨悉平奉 詔

陛見欽使郊迎及拜覲 御前 賜坐 賜茶  
溫諭褒嘉謁 陵之後晨夕入侍

皇上親臨賜宴笑語竟口君臣之間藹如父子且

太皇太后 皇太子俱 賜宴慰問

陛辭又遣閣臣等供帳祖道 殊恩異數有加無已可謂曠  
世之遭逢矣夫何昊天不弔而不佑將軍永其天年耶將  
軍生於丙寅年五月初十日丑時薨於乙丑年八月十五  
日未時享年六十歲元配孫氏 誥封一品夫人男五人  
長用子鎮守甘肅總兵官左都督世襲拖沙喇哈番孫夫  
人出娶李氏原任波羅營副將斗菴李公女

誥封一品夫人故次用賓 御前侍衛副配繆夫人出娶張  
氏原任廣西柳州參將海龍張公女次用佐繆夫人出次

用卿側室劉出次用相側室何出俱幼未娶女二長適原  
任陝西提督諡忠愍東海陳公子世琳廕精奇尼哈番繆  
夫人出次許字巡撫貴州都察院兼兵部尙書鶴鳴慕公  
子側室堅出孫三人長珏次玠俱用予出嗚呼將軍  
自壯歲從戎受知 兩朝其百戰殊勛固已載青史銘太  
常矣余何能盡道其詳不過體二君愛親至情聊誌其大

略云銘曰

皇清天造啟運無疆篤生名世佐命劬勩猗歟將軍起家戎  
行虎鬚燕頤鵬舉鷹揚提戈靖亂

天討用張恩威並著春雨秋霜膚功旣懋

陞觀 宸光 溫綸勞問飲食笙簧彤弓寶馬疊頒

尙方階晉師保爵埒侯王誰其比之臨淮汾陽乙丑之秋太

白掩芒訃音 上聞 聖主悲愴

賜祭 賜葬 賜諡 賜坊生榮死哀今古無雙佳城卜兆

阡碑輝煌翁仲列峙松楸鬱蒼家聲濟美世澤永昌鐫銘

壙石傳信流芳

馥若高先生墓表

賀 福 邑貢

先生姓高氏諱桂字馥若處士抑之公之子也其先自郟陽縣來家於靖高曾祖父之墓在兩處者先生俱自爲文以記之矣茲庚辰正月晦日爲先生沒週年之忌日也其

子屬予書於墓石以表生平予幼辱先生之知後又以其子三薰女妻子長子履謙道義之契婚媾之好敢以不文辭所恨吾靖屬邊鄙詩書禮樂之化習焉者寡卽習而能稍明其義者又不獲顯當世是以道德文學之光反掩抑於弓矢刀劍之習無信從者予又何以表先生哉雖然先生自有不爲世顯晦者烏可以不傳先生少喪父生有異稟讀書過目成誦領慈幃畫荻訓不啻若嚴君焉甫十歲卽能文每作必出自性靈不屑拾人牙慧語年十四卽於鬻序有聲時因有神童之目自是其年益進其文益雄屢試冠軍靖固多才士從無一人出其右者嘗語子弟曰汝

立身集 卷之二  
等讀書止辨得熟記時賢文子便爲能事吾自幼時讀一文即擬作一文務期出奇制勝無一字一意雷同乃安其生平刻苦爲文若此又嘗嘆今世科舉速化之學皆以通今學古爲迂人益巧法益弊相與標剝竊攘以壞爛熟軟之詞爲工而古聖先賢之言直士梗矣以故先生之於學其理必究濂洛關閩之精微其文必追班馬韓蘇之沉雄自弱冠後無科不試無試不暢發胸中之奇而卒不獲一售直至知非之年僅以明經薦於鄉於戲誰謂科舉之能得士哉先生自是廢舉業不爲而爲古文詞詩酒縱橫著作盈笥靖內外壽序輓章悉於先生受裁焉且恣覽乎諸

子百家之書雖歷象堪輿家言無不窮究奧蘊戊寅春先生謂予曰吾祖父塋之在東園門內者地逼窄無餘步可扞舍此而遠卜宅兆又恐後世子孫並忘吾祖父之葬處是塋東岡吾已粗相一地去祖塋咫尺異日當爲我商之卽今先生之壽域也於戲豈知甫一歲而先生卽厭絕塵世不少留也耶吾靖無眞能讀書者將奉誰爲典型也耶以先生之才德學問而偃蹇終身以明經老邊鄙小子又誰以詩書爲榮而肯力學也耶噫先生之沒吾道之衰也予又何以表先生哉孺人折氏長先生五歲幼閑內則治家儉而有禮今髮蒼蒼視茫茫拮据弗遑教子孫無墜先

生家聲先生亦可瞑目矣生子三伯三薰農隱仲三聘廩  
生季三顧廩生三薰娶路氏早逝生女二長適洮州衛掌  
印守備吳堊子源淵次卽予長媳也繼娶丁氏生子一曰  
曙三聘娶張氏早逝生女一未字繼娶張氏生子一曰曙  
女一幼三顧娶吳氏生子一曰暉今觀先生之子孫繼起  
螽斯千億篤祐無疆或者天之光顯有道不於其身於其  
後昆庶可以勸後之力學修德者

### 祭文

祭李中軍魏千戶文

臨海

王

亮

兵糧道

萬歷庚寅冬十月日遣官致祭曰維靈夙抱奇略世篤忠



猷奉檄援洮率衆奮矛手殪逆魯斬首六級擊死無算羣  
酉兩泣寧河再戰困寇乞歸大帥失策冒雨窮追二將先  
鋒鏃無虛發自辰至午矢盡力竭固原騎士棄甲而奔二  
將激烈誓以身殉戰能奮勇爲家孝子誓不避難爲國忠  
臣余忝同憲感爾忠貞撫几而慟有淚如澗捐俸建祠表  
爾忠魂爰陳絮酒侑以無言爾靈有知庶幾格歆爲厲殺  
賊以報國恩

祭李中軍魏千戶文

延安蕭如蘭參將

萬歷庚寅之秋中軍指揮李如玉把總千戶魏承勳西征  
沒於王事靈還故井欽差分守靖魯等處參將蕭如蘭聊

具牲醴庶品之儀取八月日布奠抒衷爰託告於茲文辭  
曰曩余承命來歷茲土余握重兵二子分屬夫余二子腹  
心也二子余手足也余與二子分則上下誼則一體二子  
竭力練兵頗有敢戰之氣篤志爲國略無怯敵之心比從  
事西征也奮勇當先屢有戰功奈何主將驕敵冒雨窮追  
二子激烈竟以身厄勢不能敵鑿戰而亡嗟乎謀略襲人  
兮國士無雙甲兵震魯兮韓范同芳赤心報國兮日月爭  
光委命鋒鏑兮鬼神悽愴失我長城兮余將誰依喪我肩  
背兮余何不泣皇明賞功兮爾當爲一青史垂名兮萬古  
弗替曠俛仰其何惡兮縱碎首而無愧亘士卒其誦聲兮

雖敘身而不悔白日其忽不淹兮俄而及乎崦嵫少微芒  
掩而靡光兮菊渝節而殞枝空瀛鳥之泐寥兮紛鶴怨而  
鳳哭余豈不知彭殤之有數兮雖中年猶謂之蹙仰高漢  
之茫茫兮聽哀雁之嘈嘈傷父妻之欒欒兮植風雨之瀟  
瀟悽旅魂之營營兮共夜烏之啾啾灑雙淚之浪浪兮隨  
東派而悠悠桂酒椒漿我其瀉兮靈乎不昧來歆格兮

公祭韓學博先生文

嗚呼吾師乃目空萬有吐棄一切不沾沾錙銖之義男兒  
而顧一氈遠塞爲造化小兒顛倒痛何如耶嗚呼吾師聰  
穎天授略觀大義讀書不死章句之奇才子而顧爲習所

掩動與願違徒令人悲教之難行而俗之難易也痛何如耶嗚呼向使吾師而趨亦猶夫人之趨也志亦猶夫人之志也才亦猶夫人之才學亦猶夫人之學也生寄死歸人道之常亦無足異奈何俗尚而既頹靡矣方思得一奇節異行者迴狂瀾障百川如吾師者非其人歟而困頓顛躓抑又何耶慨象齒之焚身雖有哲人亦役役於中而不悟如吾師者又豈多得者歟豈不可久其身以廉頑立懦砥柱中流耶况吾靖屬邊鄙人不知學即有志詩書者讀書亦止隨書讀耳得吾師曠達巨眼踴躍逸才可以起衰振靡俾久閉之天荒於焉大闢顧不幸哉奈何人稍知學而

天奪長吉使之修文地下嗚呼天之奪吾師也豈惟吾師  
之不幸哉抑亦邊城二三子者之不幸也非惟二三子之  
不幸抑亦邊城風俗教化之不幸也嗚呼痛哉然吾儕更  
有憾於彼蒼者以其窮吾師也不自吾師始也憶其先師  
大噉啣公學富五車筆底光芒萬丈儒林宗之以爲有司  
馬子長風終其身不獲一第所著噉啣草行世至今讀之  
博大沉雄古宕奇絕未嘗不嘆造物之難信而悲賢士之  
不遇也及吾師早歌鹿鳴一時踔厲風發可以雄視千古  
橫駕中原矣識者謂天之報施有道不於其身或於其後  
孰意公車屢上又螻屈於南官之試兩仕寒氈不獲滿志

遂願焉豈非天哉然吾儕小子正於此見吾師之不可及何也窮通遇也人不能不隨遇以欣戚吾師雖極窮而無怨尤生死命也人不能不隨命爲轉移吾師雖臨死而無瞻戀以故易簣之日羣弟子環視而立欲聽一言以永訣吾師曰吾生平之行俱在也吾心如是往日如是今日復如是莫非命也尙何言哉嗚呼吾師其以萬難委曲之心處天下無可如何之事故不泣涕之而愬置之耶洵天地間烈丈夫之所爲彼癡情悲戀語刺刺不休者其爲高下又何如哉今旅櫬將歸羣弟子哀慕不忘一觴薄奠不禁臨風而悲悼者痛吾師自此逝而吾師之志行與才學亦

復誰能繼響者嗚呼哀哉伏惟尙饗

公祭邑侯周仲延先生文

嗚呼天不憐吾靖人而使親禮學校體恤民隱之循良不  
得以壽終是何如痛耶雖然生寄死歸古今不免不得以  
壽終而或以官沒藉俸錢以斂棺不致朝捐館而暮懸罄  
猶可言也卽不得壽不得官或得沒於慈母之側哭泣永  
訣告以不得終養之故徒爲空言以慰母心是猶不幸中  
幸之也奈何以情長義長之君子竟四十九歲而終以愛  
國愛家之君子竟解組四載兩袖清風而終以克孝克弟  
不忘桑梓之君子竟遠離鄉井於數千里之外使弱息哀

哀撫柩而終嗚呼天道不僭常與善人若我公者可謂善人非耶而天使之若此誰復敢以善名耶向使我公於泣政之初嚴刑峻法豈不能完逋徵欠希餘潤以肥身家縱無端註誤何至久羈荒塞竟鬱鬱以身殉不知者以爲我公才實不逮詎知殘民自利公從不以之爲心豈肯以之見諸事哉是以官而能罷而死死而蕭條淒楚於四顧無親之地由今思之我公之所以愛我人者皆我人之所以累我公者也嗚呼時當輓近愛人如已者百不得一孰若公之愛人不知自愛而反自陷其身於顛沛瑣尾而不顧是何如痛耶然此皆我人食公之德思公之至不能置而



爲如此之咽嗚至若我公之所以自處者初不以是爲憾  
公曠達人也曠達則無我無我則於人世財賄塵埃華靡  
直以塗泥視之公又樂善人也樂善則無倦無倦則不以  
家貧而毀行不以時違而改節故雖身謝軒冕而獻棊賦  
詩卒無躄跼攢眉之狀見一高士焉開襟暢飲不辭更殘  
與燭炮也見一窮民焉觸目心側不啻解衣與推食也此  
蓋於死生得失之關洞若觀火不欲以渺茫之身與造化  
爭勝負隨氣運爲推遷非與勉強期月之間苟以求名道  
事過時遷而終不免芥蒂於懷者比凡此皆我公不高我  
人之福也而忍忘哉方今令長君待銖兵曹行將建牙擁

燾爲祈父之爪牙綏帶輕裘膺長城之重寄諸君頭角  
斲然皆千里家駒異日麟閣鳳掖任其所至而乃父未遂之  
志賴以光顯或者天之報施善人不於其身於其後歟今  
於旅櫬之歸不禁泣下沾襟臨風而感悼者蓋以天奪善  
人是天不憐吾靖人也自此以後欲求親禮學校體恤民  
隱如我公者恐斷斷乎不可得也恐斷斷乎不可得也嗚  
呼是何如痛耶

侯母杜孺人節略引

安福鄒永昭參軍

嘗謂天壤間丈夫殉忠女子殉節炳炳烺烺與日月爭光  
不可磨滅者固矣雖然出於一時之激烈而鼎鑊有所不

辭刀鋸有所不顧求臣於此實百不得一乃若從容就義  
顛沛流離歷百折而不同而卒之不免者似又不無少間  
焉惟夫女子亦然以身殉夫及爾同死其貞烈之性未嘗  
不自足千古而更有茹荼飲冰履艱蹈危金石之操久而  
彌篤霜雪之姿嚴而愈秀其視一時之痛心疾首緣情捐  
生者爲何如也予讀侯母杜孺人節略而未嘗不三致嘆  
焉孺人爲會州衛庠侯君康侯之配今庠生侯爾謹之母  
也侯君讀書砥行鬱鬱賣志以歿孺人稱未亡時年甫廿  
七呼天誓殉自絕者數矣已而撫諸孤泣曰汝曹累我死  
易立孤難於是孤幃弔影子燈對夜黽勉有無經營况瘁

荻畫熊和教養兼至雖艱難困苦險阻備嘗晏如淡如閱  
數十年如一日然當寒風暑雨鷄鳴昧旦又未嘗不淚漬  
枕席也今爾謹方用文章取科名邀

錫命以顯孺人而孺人享壽七旬有一竟從夫子於地下矣  
嗚呼生有令名死且不朽鄉黨宗族咸高孺人節上諸

當事當事大人先生皆曰闡幽芳勵末俗誠有司責也孺  
人例得 旌其請於

朝爲泉壤光寵於是賢士大夫亦樂得相與詠歌而稱述之  
予忝職斯地且與爾謹爲聲氣交因附數語於簡端以俟  
後之操彤管者

祭節孝路母陳孺人文

晉江許 青副將

嗚呼以余觀於孺人雖謂賢於古之忠臣義士可也間嘗  
流連史冊見士君子膺人宗社值時危事去之秋倉皇急  
遽力難支而計無所出圖一死以謝責於天下後世雖其  
捐生慷慨視畏死希榮者固判若霄壤然較之奠危巢於  
將傾收狂瀾於既潰其艱苦思維當自有間矣嗚呼孺人  
秉性純淑年二十七而稱未亡人堂上有白頭二親膝下  
有藐爾弱孤孺人不憚勞悴紡績以供甘旨謂孤文石曰  
爾早失所怙予今者守志茹苦所賴以振此家聲者惟爾  
是望也日爲之考其課程絕其遊戲不殊乎柳母之和丸

孟母之斷機也無何天災流行饑饉薦至有以改適勸者  
孺人誓天斷髮之死靡他糠稗充腹不使二老有饑餒之  
嗟嗚呼孺人之志若松柏凌霜百折不回雖造化亦難得  
而奪也頃之公姑以天年相繼卒孺人以熒熒嫠婦而當  
此大故哀毀骨立雖家徒壁立而勉其葬祭必如禮先是  
當藁砧甫逝之曰孺人痛泣絕粒願從夫子於地下死而  
復甦者至再賴姑及母勸解得止今文石君以一經拜獻  
明庭靖之子弟遊其門者皆成佳士而要非孺人茹荼畫  
荻之教不至此世徒見孺人之志堅金石乃爲門閭中之  
貞婦孝媳抑知其以母兼父教子成立爲天壤間之奇烈

哉宜乎衛紳士恐孺人之節久而弗彰也相聚而請旌表以光彰潛德耳噫嘻生而貞靜死亦明爽不媿綱常有光泉壤嗚呼哀哉伏維尙饗

晉江許 青副將

學博問四可先生墓表

先生諱所願字四可其先西安府白水縣人因其祖家於靖遠先生由是爲靖遠衛人矣公父習之公諱學以歲薦授鄆縣教諭未蒞任卒於途次遂厝於白水祖營之傍先生居恆誦讀不屑屑於章句嘗謂今之學者華者涉獵若驚簡者束縛桎梏求其斟經酌雅於聖賢性理之精鮮有尙焉其爲人也粥粥溫溫外通而內介里閭宴遊不以三

尺子而簡吾之禮至若事關名教雖王公鉅卿不肯爲之  
稍紕故烏蘭僻在荒徼猶多彬彬雅之儒激節之彥然不問  
可知爲先生之門人也年四十而成歲進士重繭詣京  
師會詔罷廷試而歸越十年禮部奏請復行先生以第  
四名選補臨澧府之金縣教諭先生曰吾志未酬其亦可  
以施吾教何患道之不行耶設教條準繩約身先力行士  
咸稱便卽以朔望瞻禮

先師舉行會課事歷三年如一日暇則進弟子員而訓之曰  
士不先氣質而專尙文學華而不實也立身不知忠孝而  
徒矜才能未而非本也其何以副



聖天子旁求之意爲之講朱陸之異同日雖殊途而無殊造  
論程張之敬禮日有異名而無異心其他考訂經傳綜覈  
古今皆擴大道之榛蕪探諸儒之心法豈今日司鐸者坐  
擁皋比斤斤技藝之未所得而論哉金之多土方藉先生  
爲楷模不意竟沒於官時年七十有三矣配孺人朱氏生  
二子長禮配朱氏次美配李氏二女長配衛庠生吳槐次  
未適嗚呼先生之積德實學闡往開來天何不弔而不使  
之侍講經筵隨幸辟雍不則古所稱五更三老於先生何  
讓焉其門人賀福等懼先生之德弗彰請予爲之序次予  
何敢以武人辭不敏爲之詞曰瞻南山之聳峙兮先生之

德同其嵯峨矚黃河之浩蕩兮先生之文同其瀾波嗟師  
道之陵替兮對苜蓿以悲歌唯先生之秉教兮汲汲乎以  
性學爲切磋愚者奮而智者化兮視古蘇湖之風爲如何  
雖然先生縱不興於其身兮而必於其子孫二三子毋致  
嘆於天道之蹉跎

雜記

東晉西秦乞伏國仁隴西鮮卑人父司繁降秦苻堅以爲南  
單于鎮勇士川司繁卒國仁代鎮苻堅南伐徵國仁從軍  
以國仁叔父步頽鎮勇士堅寇晉敗歸步頽叛堅使國仁  
討之國仁遂與步頽合據隴右晉太元十年秋九月自稱

大都督大將軍秦河二州牧建元建義十二年春三月秦王登以國仁爲苑川王立三年

乾歸國仁弟爲仁卒子公府幼衆推乾歸爲河南王改元太初遷都金城太元十四年春正月秦王登命爲河南王隆安四年春正月遷都於苑川夏六月秦遣其將姚碩德來伐乾歸大敗降秦西秦中絕義熙五年長子熾磐起兵叛秦乾歸聞之自秦逃歸命熾磐鎮苑川自率衆徙都度堅山秋九月復稱爲秦王改元更始六年復都苑川自是攻秦略陽南安隴西皆克之八年春徙都譚郊六月爲兄子公府所弒立二十四年

熾磐乾歸長子義熙五年乾歸復稱爲秦王及遇害熾磐襲位稱河南王改元永康宋永初元年改元建宏立子慕末爲太子立十六年慕末熾磐第二子熾磐卒慕末襲位改元永宏宋元嘉七爲年北涼所迫東徙上邽爲夏人所拒留保於南安八年春正月夏主赫連定起兵伐秦遣將韋伐攻南安慕末出降尋殺之其國遂亡立三年

涼王李軌初爲武威司馬煬帝大業十三年薛舉起兵金城軌與同郡曹克謀曰薛舉必來侵暴郡官庸怯勢不能禦吾輩豈可束手並妻奴爲人所擄邪不若相與拒之保據河西以待天下之變衆以爲然遂相與拜軌奉以爲主軌

乃令安修仁集諸部自結民間豪傑共起兵稱河西大涼王置官屬尋攻張掖燉煌西平抱罕皆克之盡有河西五郡之地武德元年唐高祖立爲涼王十一月自稱帝武德二年唐遣安興貴襲軌殺之其國遂亡

宋夏李繼遷拓跋氏元魏之後也自唐貞觀有銀夏等州之地唐末賜姓李祖仁福長興二年爲唐定南節度使仁福卒子彝超嗣彝超卒彝嗣殷彝殷卒彝興嗣彝興卒子克叡嗣克叡卒子繼筠嗣繼筠卒弟繼捧代領其衆宋太宗太平興國七年與繼遷入朝獻銀夏綏宥四州未幾繼遷與其黨數十人復叛奔地斤澤由是從者曰衆遂據夏州

東南三百里至道三年繼遷請降太宗以爲定南節度使  
錫姓名趙保吉立二十二年

李德明保吉子也旣嗣屢表歸款復奉誓表景德二年眞  
宗乃遣使授德明檢校太師兼侍中充定南節度使明道  
元年封德明爲夏主尋卒立二十九年

李元昊更名曩霄德明子也德明卒元昊嗣位明道元年  
仁宗遣揚吉授元昊三使封西平王景祐四年殺其叔父  
山遇稱帝於夏州仁宗削賜姓官爵慶歷四年上誓表於  
宋宋復册爲夏國王立十五年

李諒祚元昊子也時方期歲養於父母族訛龐訛龐因以

三大將分治國政慶歷八年仁宗册爲夏國王立十九年  
李秉常諒祚子諒祚卒秉常遂嗣治平四年英宗遣劉航  
封夏國王立十九年

李乾順秉常子秉常卒乾順嗣元祐元年宋遣穆衍往弔  
祭尋遣使封爲夏國王順立五十一年

李仁孝乾順子旣嗣建元大慶立十四年

李純祐仁孝子旣嗣改元天慶後爲李安全所廢立十三  
年

李安全崇宋孫越王仁友子也廢純祐自立改元應天嘉  
定二年降於蒙古立五年

李遵頊安全族子也安全卒遵頊遂立改元光定嘉定十年蒙古圍興州遵頊出奔西涼嘉定十六年傳國與子德旺自號上皇立十二年

李德旺遵頊子既立改元乾定時蒙古入夏城邑多降德旺憂悴而卒立三年

李晚德旺從子也德旺卒國人立之寶慶三年蒙古鐵木眞盡克夏城邑其民穿鑿土石以避鋒鏑免者百無一二白骨蔽野夏主力屈出降其國遂亡立一年

### 永安保設驛事由

先是嘎爾日反叛沿邊設立驛站自中衛大澗壩至沙圪



堆一百二十里安一驛自沙古堆至蘆塘一百二十里安  
一驛康熙三十六年正月內內閣官杏閱站道寫遠議將  
沙古堆一驛移置蘆溝堡遂於永安堡設立一驛不設驛  
丞一切驛務俱令汎守武職兼管

額設馬三十四匹每日每匹給草料銀八分五釐每年共該  
支銀九百一十八兩

夫一十五名半本半折雙月在中衛古水倉支糧一石單  
月在臨鞏布政司領銀一兩每一年共支糧九十石銀九  
兩

外備修補馬房置買鞍冠鞦轡鋤刀藥材等項及過往官

員廩給口糧每年按季共額銀一百九十二兩七錢八毫  
俱在臨鞏布政司支領其驛內一應往來文移銷算冊籍  
俱於寧夏中衛廳造報 康熙四十六年駐劄西寧喇嘛  
商南多爾濟疏

奏改移塘驛遂將中衛所屬大澇壩蘆溝永安蘆塘永泰五  
驛那去中衛口外長流水三塘永安設爾驛屬中衛廳兼  
管營盤永安設一驛屬三眼井守備兼管餘兩驛俱裁去  
自移驛口外沿邊各驛俱裁去

康熙三十一年內因嘎爾旦反叛沿邊設立驛塘每一塘  
設筆帖式二員撥什庫二名馬匹俱屬臨鞏不衝州縣驛

馬充用草料俱係本州縣差人經理

安御塘地方所在

沙圪堆安設秦州驛馬一十五匹 永安堡安設伏羌縣  
驛馬一十五匹平涼府靈臺縣驛馬四匹哈思吉安設伏  
羌縣驛馬一十五匹

四十年內奉

旨將御塘筆帖式撥什庫俱撤回

勅令永安營守備兼管御塘事務稽查文報遲速及馬匹肥  
瘦四十七年裁去

康熙志

四  
五  
六  
七  
八  
九  
十

一  
二  
三  
四  
五  
六  
七  
八  
九  
十

昔袁崧云史之難也煩而不整俗而不典書不實錄文不勝  
質修志何獨不然我 邑侯陳公具史才三長用以修志

恢如也公餘搜往牒緝舊帙抉擇精當去取謹嚴伏閱之如  
登天祿校太乙焉靖志續者至再一經燕許鑪鞴而大備

公蓋以良吏爲良史與且哀資付梓爲邑人倡其學識宏才  
幹果如是而敷政優優亦可概見吁可以傳矣

道光十三年九月中澣吉日

邑拔貢生盧鋌謹跋

韓昌黎云記事者必提其要纂言者必鈎其元本此以脩志  
爲尤當如我

邑侯陳公鴻才卓識其補輯也博採廣搜重訂舊帙丹鉛塗  
乙擇精語詳若不煩繩削而自合倣之王芳鈎沉顏師古匡  
謬朱等濫竽讐校深相佩欽脫稿鋟梓燦若列眉則志也而  
進於史矣君子謂立言不朽

道光歲次癸巳仲冬中澣

邑貢生師朱謹跋

道光十有四載歲在甲午暮春之初吾邑新誌告成是役也  
我

陳公董其事亦序其事吾見序次簡該筆力高卓知我公  
以建康巨族聲名文物舊號名宿政餘之暇留心舊誌閱刪  
成家信乎秣陵江乘名儒洵吾邑之幸也向非我公取舊  
誌而總裁之卽有一線穿成之名手如尹公五涼距靖數百  
里亦何暇取舊誌而遍閱之吾因之有感矣昔召伯循行南  
國以布文王之政或舍甘棠之下後人思其德誌不忘也夫  
有美弗傳後將莫繼是舉也謂爲吾邑之新誌焉可卽謂爲  
我公之甘棠焉亦無不可

邑廩生王作肅謹跋

四一四



道光壬辰暮春之初邑侯陳公諭閣學生曰邑誌關勸懲鉅  
典也靖舊誌繁冗且乾隆丁酉迄今幾六十載之事蹟未經  
登錄爾諸生其務博採吾其重修之杰輩奉此訪諸耆英暨  
素所耳食目睹者略輯數頁呈閱公取精弃粕竝刪增舊乘  
條貫而縷晰焉藻鑑明權衡當洵燕許手筆也書成以校讐  
之役命杰輩夙願獲償詎非幸歟爰不揆謬陋以美厥功之  
成云

邑學生張鈺杰謹跋

重脩靖遠縣志跋

邑侯陳公爲政以勤慎爲主事不妄作有作必成往歲煮粥賑饑及脩葺武廟皆命榮司其事指授規則遵而行之罔弗便壬辰冬公重脩邑志又以校讐之役命榮自維弁鄙少文未能窺測萬一竊見公治事稍暇卽秉燭命筆案頭史籍鱗次考據辨証不殫再三其勤其慎與爲政無以異蓋公經濟蘊蓄者深識宏而心虛故其見諸行事皆如此刻甫竣而公以憂去官嗚乎良司牧之不久留吾人之不幸也然不去於方脩之時而去於事竣之日天殆特以公資吾人而成此盛舉也者則不幸之中又有深幸焉邑太學生姚三榮謹跋

義糧 道光五年靖邑士民捐輸

甘肅蘭州道楊公翼武

華陰人

捐輸倉斗小麥糧五十石

官職

甘肅蘭州府桂公明

旂人

捐輸倉斗小麥糧五十石

靖遠縣知縣永公銓

旂人

捐輸倉斗小麥糧三百石

靖遠縣典史周公森

紹興人

捐輸倉斗小麥糧二十石

倉正

監生

姚三榮

倉副

馬綱

闔城士庶

李崇德

捐輸倉斗粟米糧一百五十石

畢爾德

捐輸倉斗粟米糧一百石

高登

嶽 岱

同捐輸倉斗粟米糧一百五十石

滕浩遠

捐輸倉斗粟米糧一百石

高賢才

捐輸倉斗粟米糧五十石

蘇有孝

捐輸倉斗粟米糧五十石

馬吉

捐輸倉斗粟米糧五十石

裴聰

捐輸倉斗粟米糧五十石

木商行

捐輸倉斗粟米糧五十石

梭布行

捐輸倉斗粟米糧五十石

李大品

捐輸倉斗粟米糧四十五石

羅儒

捐輸倉斗粟米糧三十石

滕繼義

捐輸倉斗小麥糧三十石

紙馬 行

捐輸倉斗小麥糧三十石

劉永興

捐輸倉斗粟米糧二十五石

房萬貞

捐輸倉斗粟米糧二十五石

劉扶信

捐輸倉斗粟米糧二十五石

蘇有恒

捐輸倉斗小麥糧十五石

范殿甲

捐輸倉斗小麥糧十五石

魏天秩

荀元章

王培亨

賀儒

白蕙

趙申錫

劉佐相

李福魁

粟米

粟米

以上每名捐輸倉斗小麥糧一十二石

焦才 劉玠 秦維藩 馮得喜

以上每名捐輸倉斗粟米糧一十石

葉生春 捐輸倉斗小麥糧八石 李占魁

馬得榮 馬國順 馬得全

以上每名捐輸倉斗粟米糧六石

蘇可喜 粟米 杜占富 李蔚 各捐小麥糧五石

蘇登魁 捐倉斗粟米三石 張永和 郭毓祥

盧璉 賀佳運 賀章 李全

王盡職 楊發 賀天相 康萬春

任忠 劉正誼 李世彥 何功

田種書

景星

蘆琦

劉家珍

張維信

張永泰

李柱

何俊

火永泰

葉佑

安文興

馬生芝

馬生福

哈有才

馬杰

哈有順

馬福

哈光秀

以上每名捐輸倉斗粟米糶二石

何學禮

畢鳳圖

高彥興

馬海蛟

馬生禮

馬智

拜永

馬桂

高登科

楊存仁

張世貴

楊大成

哈有成

拜升

以上每名捐輸倉斗粟米糧一石

四鄉士庶

劉士達

大廟

捐輸倉斗小麥糧三百石

劉重連

鎖罕頭

捐輸倉斗粟米糧一百石

王希安

大蘆塘

捐輸倉斗小麥糧八十石

李萬謂

論馬川

捐輸倉斗小麥糧八十五

瓜園鹽灘民

捐輸倉斗粟米糧七十石二斗

王永清

平灘堡

捐輸倉斗小麥糧五十石

王永春

平灘堡

捐輸倉斗粟米糧五十石

胡文燭

打刺赤

捐輸倉斗粟米糧五十石



周 璫 五方寺

捐輸倉斗小麥糧五十石

王家 憲平灘堡

捐輸倉斗粟米糧五十石

唐進才 論馬川

捐輸倉斗粟米糧五十石

哈思吉民

捐輸倉斗粟米糧五十石

齊簫韶 乾鹽池

捐輸倉斗粟米糧四十石

高文炳 白圪苔

捐輸倉斗粟米糧四十石

尙思遠 乾鹽池

捐輸倉斗粟米糧四十石

張世榮 紅水川

捐輸倉斗小麥糧三十石

王鳳鳴 減灘子

捐輸倉斗粟米糧二十七石三斗

賈繼柱 湯家坡

捐輸倉斗小麥糧二十五石

趙興昌

扇馬原

捐輸倉斗粟米糧二十五石

李廷棟

永安堡

捐輸倉斗粟米糧二十五石

趙進善

十八庄

捐輸倉斗粟米糧二十五石

蒙生杰

桶都原

捐輸倉斗粟米糧二十五石

武有常

論古村

捐輸倉斗小麥糧二十四石五斗

杜世顯

論古村

捐輸倉斗小麥糧二十四石五斗

萬全

床子灘

捐輸倉斗小麥糧二十四石

魏鎮

蛇灣

捐輸倉斗粟米糧二十三石六斗

田述昇

永六隊

捐輸倉斗小麥糧二十三石

雒可揚

下蔣家灘

捐輸倉斗粟米糧二十石

劉希鵬

聶左所

捐輸倉斗小麥糧二十石

馬之美

小塘蘆

捐輸倉斗粟米糧二十石

邵進梅

論馬川

捐輸倉斗小麥糧二十石

膠泥崖民

捐輸倉斗粟米糧二十石

尚登科

水泉堡

捐輸倉斗小麥糧二十石

洪大桂

永安堡

捐輸倉斗小麥糧一十八石

秦三義

李家寨

捐輸倉斗小麥糧一十七石

韋述矩

永六隊

捐輸倉斗小麥糧一十六石

宋勤

大廟

張翬

大廟

趙斌

大廟

邊文照

永六隊  
以上小麥

薛扶謙

論古村

孫大榮

若笠原

劉彥傑

湯家坡

陡城

以上米粟

以上每名捐輸倉斗二色糧一十五石

張自俊

永六隊

捐輸倉斗小麥糧一十四石五斗

林吉秀

中路子

捐輸倉斗粟米糧一十四石五斗

趙棟

十八庄

捐輸倉斗小麥糧一十四石

李含春

劉家寨  
小麥

葉柱

下中所

卜永盈

論古村

高正元

紅堡子

李世亨

庠子灘

以上米粟

以上每名捐輸倉斗二色糧一十三石

李良榮

鹽灘

包有忠

中園子

李成得

中灘

滕繼述

鹽灘

以上每名捐輸倉斗粟米糧一十二石

雷喜珠 古城子

張天喜 種田溝 粟米

于勉 論古村

韓法蒔 論古村

梁正邦 左所

李登 科陳王堡 玉

孫玉恒 大深溝

張宗堯 小四甲 應泰

陳啟堯 論古村

張希孟 論古村

捐輸倉斗粟米糧一十一石九斗

田生書 水線六 捐倉斗糧一十一石 小麥

捐輸倉斗粟米糧一十石三斗

荀占超 打刺赤 牛中選 打刺赤

劉守和 小四甲 李發才 小四甲

張榮邦 小五甲 張登寧 小五甲

常可仕 興靖堡 田繼 旺法武 陳王堡 以上粟米

樊登相 白屹蒼 樊登甲 白屹蒼

薛扶正 論古村 張希武 論古村

恒興泰 論古村 馬纏嘴民 以上小麥

以上每名捐輸倉斗二色糧一十石

武尙統

大廟

趙永祥

永安堡

周桂吉

論古村

鄧永祥

永安堡

武世招

大廟

張寧邦

郭家集

辛美

大廟

王進喜

論古村

曹汗禮

永安堡

張遂

永安堡

張仲述

永安堡

高世勤

大廟

以上每名捐輸倉斗粟米糧九石

張廷儉

永六隊

捐輸倉斗粟米糧八石九斗

王治

大廟

王永和

苦水堡

李良栢

鹽灘

白鳳儀

北灣

于天池

中灘

高尙潤

上右所

龔萬

玉

大廟

以上小麥

以上每名捐輸倉斗二色糧八石

郭可榮

永六隊

韋大壽

永六隊

李應昌

永六隊  
以上小麥

張華

下右所  
粟米

以上捐輸倉斗二色糧七石五斗

捐輸倉斗粟米糧七

朱嗣宗

蘆溝堡

王作漢

蘆溝堡  
石四斗

王記

大廟

陳杰

于家原  
小麥

田生梅

永六隊

陳義祥

永六隊

李漢祥

劉家寨

樊榮

劉家寨

樊應希

劉家寨

王大本

陳王堡

張世俊

陳王堡

何君連

高原

秦守業

高原

以上每名捐輸倉斗粟米糧七石

賀君良

梁小寨

王廷富

大廟

李愷

北灣

以上每名捐輸倉斗小麥糧六石五斗

張漢喜

屎子灘

李良直

照灘

李良廷

照灘

連五魁

梁小寨

王彥學

于家原

陳居鳳

于家原

趙登高

興靖堡

杜輔朝

李家寨

張愛

永安堡

李義

大廟  
上小麥

以

王文魁

屎子灘

樊庫西

劉家寨

張孝勤

郭家集

王廷桂

大廟

安起鳳

下右所

王利

上中所

王希舞

中灘

李登龍

打刺赤

張棟

小紅溝

馬可卷

論古村

竇生發

永安堡

許宗善

永安堡

武才

永安堡

王勤

永安堡

孫栢佐

大廟

王懋

大廟

劉占科

大廟



武經榜 大廟

路曾賢 大廟

金治 大廟

吳明學 大廟

劉文輝 床子灘

樊孝敬 床子灘 上粟米 以

以上每名捐輸倉斗二色糧六石

王希禹 中灘

捐輸倉斗粟米糶五石六斗

楊生潤 蘆溝堡 粟米

李煥 蘆溝堡

楊積功 蘆溝堡

朱嗣文 蘆溝堡

高聯登 蘆溝堡

以上小麥

以上每名捐輸倉斗二色糧五石五斗五升

王廷美 大廟 粟米

張聰 于家原

董滿學 床子灘

楊在枝 論古村

雷聯弼 古城子 以上小麥

以上每名捐輸倉斗二色糧五石五斗

宋信成 大蘆子

捐輸倉斗小麥糧五石四斗

田玉英 永六隊

捐輸倉斗粟米糧五石三斗

葉生蘭 大白草

捐輸倉斗小麥糧五石二斗

詹廷泰 床子灘

滕法生 高崖子

李學才 于家原

王思明 郭家集

杜鳳鳴 李家寨

李守妙 小四甲

劉守和 小四甲

李棟 論古村  
以上小麥

路得盈 大廟

王官 大廟

王好謙 論古村

路玉帶 論古村

張舉祿 論古村

田效峻 減灘子

閔敏道 打刺赤

楊如琦 打刺赤

張重 陳王堡

王大保 陳王堡

王進滿 陳王堡

韋宏良 郭家集

牛中儉 打刺赤

魏萬邦

黑城子

馮永清

劉家寨

魏萬盛

黑城子

李有吾

郭家集

段明喜

聶家原

張子重

論古村

張子悅

論古村

艾宗賢

小白左

常子儀

小白左

張寶

小白後

魏相藥

黑城子

楊永福

黑城子  
以上粟米

以上每名捐輸倉斗二色糧五石

田重鼎

永六隊

捐輸倉斗粟米糧四石七斗

宋清全

大蘆子

捐輸倉斗小麥糧四石六斗

張之滿

華小白後

捐輸倉斗粟米糧四石六斗

王一爵

論古村

張存富

論古村

王林

論古村

辛克重

論古村

以上每名捐輸倉斗粟米糧四石五斗

韋述愷 永六隊

薛國法 永六隊

韋大陸 永六隊

張燕 康子灘

王世法 于家原

金滿 大廟

劉成儒 以上中所麥

五福興 論古村

吳鼎 大廟

金世治 大廟

田玉仲 永六隊 以上小麥

韋大文 永六隊

以上每名捐輸倉斗二色糧四石一斗

樊可忠 劉家寨

段良棟 論古村

李維藩 大廟

秦守教 李家寨

新興當 論古村

宋起 論古村

劉家陞 大廟

田玉春 永六隊

陳永盈 永六隊

張良寬 郭家集

洪秦 永安堡

王順 大廟

王可居 大白草原

趙繼全 大白草原

李緒 論古村

金世前 大廟

馬好政 大廟

曹彥典 安安堡

時玉成 上中所

武許 大廟

郭祿 永安堡

張守誠 大廟

周吉 大廟

田生桂 永六隊

趙世泰 大廟

武明 大廟

武登閣 小白後

梁進修 大廟

李維棟 大廟

王進義 十八庄

李懷 大廟

王桂 大廟

楊永珍 中路子

朱耀宗 大廟

張朝品 大廟

宋揚 大廟

段良才 論古村 以上

以上每名捐輸倉斗二色糧四石

長盛德

張春元

劉隆嶽

楊吉祥

朱嗣重

高殿科

韓天寶

馮進善

尙其忠

張守謙

徐克明

徐克繼

周良棟

羅連

徐克振

李全

以上蘆溝堡

以上每名捐輸倉斗粟米糧三石七斗

房玉敏

大羊營 捐倉斗小麥糧三石六斗

王有良

中灘 捐倉斗粟米麥糧三石六斗

劉仲祥

發四庄

張仲林

發餘堡 以上小麥

梁喜得

小白後所

劉文輝

床子灘

于佑

論古村

楊菊

論古村 以上粟米

以上每名捐輸倉斗二色糧三石五斗

劉登位

古城子 捐倉斗小麥糧三石三斗

邊文時

永六隊 捐倉斗粟米三石一斗

張蓮善

鹽灘

周孔吉

論古村

王好能

論古村

張如乾

鹽灘

楊得寶

于家原

張聰

永安堡 以上小麥

李學起 于家原

惠天傑 于家原

楊得功 于家原

張世孟 于家原

侯一庫 永六隊

劉存福 大廟

郭世舉 高原

張玉權 論古村

王大才 陳王堡

王大任 陳王堡

蘇萬春 郭家集

維玉圖 下蔣家灘

張登普 發餘堡

馬柱清 永安堡

馬守宗 高原

路曾明 大廟 以上粟米

宋維直 減灘子

段良漢 論古村

田仲領 永六隊

高步 發四庄

馬玉清 永安堡

田萬學 于家原

王廷儀 十八庄

以上每名捐輸倉斗二色糧三石

惠守珍 白後所捐輸倉斗小麥糧二十九石

陳世恩 于家原 小麥

李春華 論古村

陳世奇 于家原 小麥

楊連 大廟

田仲元 減灘子

樊生有 上蔣家灘

張滿 永安堡

卜言榮 論古村

田種金 減子灘

馬本 大廟

田仲魁 減灘子

雷喜珠 古城子

張繼明 發四庄

金顯名 論古村

雷作鼎 古城子

楊孟春 大廟

張明儒 減灘子

萬法年 大廟

姚杰 添子墩

劉五招 大廟

張念祖 于家原

馬正玉 永安堡

陳時忠 于家原

賀爾成 大廟

李琴芳 大廟

賀清 大廟

張法祖 郭家集

楊萬秀 于家原

高爾祿 于家原

張永清 大廟



吳彥 大廟

馬揚 大廟

席萬堂 郭家集

樊如林 于家原

惠天位 于家原

雄可教 下蔣家灘

金世藥 大廟

王科達 大廟 以上粟米

以上每名捐輸倉斗二色糧二石五斗

曹漢連 永六隊

張進甲 永隊六

曹發盈 永六隊

郭芳 永六隊

韋大滿 永六隊

韋大統 永六隊

以上每名捐輸倉斗粟米糧二石四斗

王愷 中灘

丁忠冉 論古村

李桐 古城子

以上每名捐輸倉斗粟米糧二石三斗

蘇萬春

馬生福

馬生翠

韋宏連 以上郭家集

以上每名捐輸倉斗粟米糧二石二斗

張映斗

發餘堡

王高明

永六隊

余作鵬

論古村

盧萬連

小羊營

滕繼派

鹽灘

姜學壽

小羊營

田種安

減灘子

姜學勇

小羊營

楊玉春

床子灘

宋維直

減灘子

滕懷舉

古城子

李世維

添子壕

滕繼彩

古城子

朱天信

梁小寨

狄滿懷

打刺赤

李天倉

梁小寨

王廷梁

減灘子

趙良奇

花兒岔

張光榮

劉家寨

王大保

陳王堡

李之支

高原

翟正甲

十八庄

楊愷春

郭家集

柴耀芳

古澇堤

馮俊

馮家園

全復英

高原

李學賢

于家原

李世全	高原	楊薰	論古村	王冉	于家原	張進才	大廟	楊莫	論古村	高世崇	發餘堡	武榮	永安堡	黎克敏	論古村	張仲任	永安堡	張育修	論古村
柴遇春	古澇填	王玉	于家原	楊悅生	論古村	卜永祿	論古村	趙連	永六隊	蕭林	永安堡	楊萬福	論古村	劉漢智	永安堡	秦永偉	論古村	韓文成	永六隊
惠天福	于家原	師彥法	李家寨	樊世輔	于家原	高如林	發餘堡	陳珍	永安堡	卜永立	論古村	洪慶	永安堡	杜生茂	論古村	唐中宰	發餘堡	王重舉	永安堡

清... 義... 上三

以上每名捐輸倉斗粟米糧二石

王化 徐會 徐克念 徐克利

徐棟 徐克繩 張春成 朱嗣科

朱嗣雍 任士法 王誼 宋君維

梁正林 劉成法 劉寬 以上蘆溝堡

以上每名捐輸倉斗粟米糧一石八斗五升

李之明 梁小寨糧一石八斗 丁繼舜 打刺赤 張世孝 陳王堡

士大正 陳王堡 馬興善 發四庄 劉萬才 于家原

王彥魁 于家原 汪世全 李家集 王會連 陳王堡

王進義 打刺赤 張成信 于家原 于寬 論古村

于魁 論古村

孫光珠 永安堡

王懷春 發餘堡

孫致本 永安堡

張萬步 永安堡

武良恕 永安堡

以上每名捐輸倉斗粟米糧一石五斗

王世昌 永安堡 捐粟米糧

王進貴 永安堡

韋宏賢 郭家集

張儉 永堡安

于信 論古村

寶忠 永安堡

張存蘭 永安堡

洪亮 永安堡

田滿祿 古城子

艾宗賢 小白左 捐粟米糧

員思勤 永安堡 捐粟米糧

田種耕 永安堡

何永倉 小白左

張守成 于家原

武忠 永安堡

張之會 永安堡

寶生財 永安堡

張讓 永安堡

杜信 永安堡

田玉福

永六隊

路夫學

小白左

以上每名捐輸倉斗粟米糧一石一斗

侯尹章

高原

張永祿

大廟

趙潤

永安堡

成之秀

大廟

李清桂

論古村

金梅

大廟

沈官

論古村

薛重鼎

大廟

王一興

論古村

萬倉

大廟

趙聰

論古村

周從德

大廟

鄧華

永安堡

馬存緒

大廟

蘇成敖

永安堡

樊章

大廟

曹愛

永安堡

馬從悅

大廟

鄒一美

永安堡

馬存林

大廟

張萬選

永安堡

金顯清

論古村

劉位祿

永安堡

史福

廟大

蕭恕 永安堡

宋成連 發四庄

竇生文 永安堡

朴進海 論古村

高得愛 發餘堡

趙鶴林 永安堡

高琢 發四庄

張賢 永安堡

李吉 永六隊

王進學 平灘堡

王普 發四庄

張文義 論古村

唐仲裕 發餘堡

孫天福 永安堡

齊萬穩 發四庄

唐峯景 發餘堡

張記 永安堡

齊萬多 發四庄

王滿盈 永六隊

張樹 床子灘

張登知 發餘堡

苟仲茂 永安堡

李海 發四庄

張一海 論古村

鄧順 永安堡

高一寧 發四庄

林永孝 永安堡

馬仲明 永安堡

王進富 平灘堡

石生寶 中路子

義淑

十五

馬彥 床子灘

武爾義 平灘堡

滕繼唐 古城子

張起孔 中路子

李應宣 打刺赤

白尙祿 打刺赤

王穎 劉家寨

張會元 劉家寨

張思蘭 高原

維海圖 下蔣家灘

冉繼榮 平灘堡

李得明 減灘子

王建勳 平灘堡

路進道 打刺赤

吳世堂 梁小寨

柴希順 十八庄

李萬順 十八庄

張成信 陳王堡

孫邁祖 于家原

喬夫信 劉家寨

李卓 床子灘

劉文科 平灘堡

滕繼閏 古城子

王依靜 梁小寨

聶敬謀 梁小寨

李天樹 梁小寨

周宗華 劉家寨

維家駒 下蔣家灘

劉印 郭家集

師貞 李家寨



王進宣	中灘	何大成	高原	李學經	于家原
楊復能	上中所	張世孝	于家原	喬善元	劉家寨
李秀	劉家寨	張彥芹	郭家集	陳世廷	高原
李可春	于家原	惠天邦	于家原	維可壯	下蔣家灘
雷作肅	高原	馮世忠	劉家寨	徐登運	李家寨
師會	李家寨	王國良	高原	李板俊	于原家
劉守寶	高原	党明堂	于家原	白世全	海都原
蔣子重	上中所	馮均士	小白左	永泰王	論古村
白成位	海都原	長生王	論古村	馬重清	永安堡
成興公	論古村	張林	永安堡	楊忠	劉家寨

陳祥 永安堡

張玉 永安堡

杜重 永安堡

洪聰 永安堡

馬可禮 論古村

馬士聰 永安堡

洪宣 永安堡

張敏 永安堡

以上每名捐輸倉斗粟米糧一石

田仲周 員漢得 田仲弼 韋大儒

劉法盛 韋王氏 以上永六隊

以上每名捐輸倉斗粟米糧九石

崔鳳儀 中路子 楊克法 郭家集 馬生林 郭家集

以上每名捐輸倉斗粟米糧八石

李版詔 梁小寨 陳栢 永六隊 馬士杰 小白左

張克寶 小白左

陳顯 小白左

段存堯 小白左

以上每名捐輸倉斗粟米糧七石

李良俊

鹽灘 捐粟米糧六石五斗

呂思旺 呂小堡

呂建教

呂小堡

呂永 呂小堡

黃登法 白左

以上每名捐輸倉斗粟米糧六斗

王一會

梁小寨

范吉壽 論古村

楊希聖 平灘堡

唐高

減灘子

馬彥 床子灘

張起明 中路子

王家魁

平灘堡

李天敏 梁小寨

楊登嶽 平灘堡

常放

減灘子

張正 減灘子

劉繼龍 古城子

張起林

中路子

王進俊 平灘堡

雒可教 下蔣家灘

劉家寨

十一

李裕泰

劉家寨

聶守升

梁小寨

狄順清

打刺赤

劉開泰

北灣

呂明順

打刺赤

李永成

平灘堡

蒙鳳岐

添子壕

王得化

平灘堡

吳世會

梁小寨

武爾仁

平灘堡

尹大寬

高原

周敬朋

劉家寨

張思林

高原

楊守華

于家原

維可顧

下蔣家灘

王彥潤

于家原

全應良

高原

秦百祥

李家寨

武爾賢

平灘堡

席萬多

郭家集

李學富

于家原

王舉鵬

高原

唐滿榮

高原

徐登選

李家寨

趙京良

于家原

武士宣

平灘堡

維騰圖

下蔣家灘

李之範

高原

馬生桐

郭家集

李天蘭

于家原

趙登才 于家原

郭世寶 高原

劉起孟 沙溝

何大有 高原

懷興德 論古村

劉起正 沙溝

王宗華 高原

新盛福 論古村

夏吉慶 沙溝

周復賢 高原

何慶道 高原

王興祖 郭家集

杜興烈 論古村

張應通 永安堡

陳世柱 高原

陸萬有 論古村

劉文江 沙溝

鄧謨 論古村

陳世照 高原

張之有 論古村

杜保娃 李家寨

杜興詩 永六隊

王宗賢 永安堡

杜桂 論古村

王育才 永安堡

朱明 論古村

馬月中 永安堡

沈奕 論古村

劉位祿 永安堡

王宜儒 論古村

洪愛	趙進禮	范玉	杜生才	鄒生來	楊作岱	趙萬珠	王一品	韋大標	杜守興
永安堡	論古村	永安堡	論古村	永安堡	論古村	永安堡	論古村	永安堡	論古村
馬得福	韓宗禮	杜蒲	田成唐	馬文才	杜萬盈	劉漢成	王懷仁	張允安	陳學登
論古村	永安堡	論古村	永安堡	論古村	永安堡	論古村	永安堡	論古村	高原
豆生浩	田成煩	韓法盈	韓宗庫	高願	員含貴	張存信	楊官	鄧永福	馬忠魁
永安堡	永六隊	永安堡	永六隊	永安堡	永六隊	永安堡	論古村	永安堡	永安原

韓守炳 論古村

劉伯壽 永安堡

張進德 永安堡

孫光玉 永安永

張福 永安堡

郭應梅 永安堡

許宗學 永安堡

張倉 永安堡

路一珠 發四庄

杜舉 永安

劉士奇 發四庄

許宗堂 永安堡

朱尙倉 永安堡

以上每名捐輸倉斗粟米糧五斗

張重才 永六隊

李生旺 論古村

正三保 小白左

呂萬宣 呂小堡

金世柱 大羊營

呂萬林 呂小堡

以上每名捐輸倉斗粟米糧四斗

張進福 永六隊

薛國治 永六隊

王發明 永六隊

張寬

永六隊

王可有

永隊六

田仲懷

永六隊

韋大孝

永六隊

王廷演

減灘子 捐二斗

以上每名捐輸倉斗粟米糧三斗


通計共貯義糧倉斗二色糧五千五百五十石五斗內

倉斗小麥糧一千九百九十二石九斗

倉斗粟米糧二千五百五十七石六斗



打拉池縣丞志



光緒三十四年

671.66  
107.78

新修打拉池縣丞志

打拉池縣丞設有光緒元年全無舊志遺存存奉

上憲議頒二十七條飭令遵照訪編閱數月而始成其於條目中所未

載及載而未全者委屬無從採訪是役也乃直生陳希魁訓導謝

文俊原生楊希賢為編次附生趙子紳魏宗文楊文舒為採訪附生

陳德俊陳祖虞陳重德董元朝為騰錄茲撰數言而弁帙首

光緒三十四年秋九月海城縣打拉池縣丞廖丙文謹識

一建置

肇昌府志前明正統元年始設靖遠軍民府衛立乾盛池打拉池

兵備楊光撰記打拉池堡城周三里三分前明成化九年秋勾奴首沙

隴西安定會軍秦安通渭伏羌及還我兵遊擊之次年巡府馬文昇奏請

打拉池堡以靖遠巡檢司帶兵移成於此尋罷

國朝同治元年八月回匪馮兆元自下馬關北順二年十月回匪花三帶賊

肆劫城陷毀殆盡嗣後回匪漸次蕩平拾叁年陝甘總督左奏請以

為靈州縣打拉池堡改為打拉池縣海城縣設丞分駐原委准於分駐之

城設署著軍機處併歸海城縣知縣之責估工約需銀九萬兩上以

一併設迄今係居民房舍除前明遺存外均係新建

一原城界址

其北至侯家山下六十里界連中街由東至西為廣田南至北為縱此廣則柒拾里  
縱則柒拾五里

一山

鷓鴣山在東八十里高約五里大約十里乃池邊往來由上經過車行大路最為池境門戶

屈吳山在兩十里高約五里與池邊乃池會往來由山南經過行路亦為池境門戶其間山泉  
派而流其山連大白草原東會四大小神山上有廟至兩年連六月作會附近居民皆往焚香相傳  
屈吳二姓所居故名原與周王志勇公孫王馬堂供奉亮山之鍾靈已志勇公孫志誠吳夜渡  
黃河而吳遂三柱由北較首說者謂山名屈吳非預為之說云

寶積山俗名磁窑先在北四十里上有真武廟下有泉水石窩白登晏則規造粗  
磁窑石可制作磁窑出石灰出鐵後有大小石溝產金東北往連副團山

副團山在北或拾里山下多泉東五里昔時青沙硯外冠山鎮黃川花要路又三里青石  
山下有泉名渴于水相傳其地每於秋明時時噴噴曉障若城角重樓女樓煥然可  
觀日出則沒俗云此處似有寶藏焉

谷龍山在北六十里高約里餘大約十餘里山頭有霖雨寺寺中馬將軍往往降神  
訓世異常顯應寺前有沙河河道兩岸皆山與池海中街半路交通此山靠西二十  
里有賀家山

賀家山在北四十里高約里餘大約十里餘與谷龍山車路交通並可達靖遠界

石龍山在北六十里高約里餘大約十里餘與谷龍山車路相通並可達靖界

侯家山在北七十里高約二里餘大約二十餘里池街往來小路須由此山騎行而過

首龍山在南八十里高約里餘大約五里山下有車路與會海交通

龍鳳山在北八里高約五里大約十餘里上有祖師各廟廟上石縫生梅花潤有泉  
流居民引以灌田並產金炭合久廢地

黃家山在北肆拾里高約廿里大約二十餘里池街往來小路須由此山騎行而過山  
出有泉相傳羊食之內不程程皮張較美與他山之草大勝

官園子沙河在西五里山水暴漲即盈河山水退河水隨涸後項各河皆然  
其源出自境西拾里會屬楊家崖灣順而西流經由池屬奴額子起歷馬家

大清狼山馬家牛家坪會屬小水堡直連池屬以西二十五里之毛河洛堡出境入  
會界約共百里地勢平行為池境海往來交通車行大路

趙家崖渠又名紅水川沙河在南柒拾里其源出自境外三十里會屬邊溝順  
而東流經由池屬紅底下尚家規地狹窄狹僅可容騎流是趙家崖渠起東行九重  
至劉家井出境入海界地勢平行為池會海往來交通車行大路

寒水泉沙河在北四十五里其源出自境外西為灣庄流至寒水泉起北二十  
里歷蒼龍山下西北至白虎塔出境入靖衛界轉至磁窑先會連界四環曲折  
約共三百里地勢多不平行為池街靖山火交通騎行小路

一關梁

石橋關在東六十里乃池海山夾交通騎行小路又為海城關道昔日駐有防兵  
今則無之最為池境門戶外則關梁兵防無之

一水利

南水一道在東五里灌地百餘畝其源出自馬家山麓道光二年經牛中選順其  
水勢引挖溝道二三里溝中安以穴餘寬石槽上以石板蓋之而掩以上因其在沙  
河南岸故題名曰南泉

北泉三道在東五里灌地十餘頃其源有出自馬家山麓有出自東東面而西流  
道光二年經牛中選採其水脈引挖溝道各有三四里溝中安以穴餘寬石槽上以石板  
蓋之而掩以上因其在沙河北岸故題名曰北泉修此南北共四泉費金三萬灌耕地  
皆昔日砂礫不毛之土相傳古有東泉清潤灌田無可考証或以是泉廢地而充  
溝改修未可知也

大渠因泉下相連兩池在池屬許水由泉底流出無如地勢低窪上池小引灌開元寺  
地三拾餘畝池較大引灌池屬地三頃上下餘水任其噴流入河下段會屬小水渠

於河中截流灌田揣其形勢遙遠於上段非泉同出一源此乃古遺留自原水利起自何時真可考究相傳西泉注則為湖引則灌田殆即此歟

一鹽法

鹽池在東五十里乾鹽池堡西邊數里舊有鹽水一池其源出自該堡三十五里大賀家潘居民先築池盛水將地整平到成泥地而以池水均勻洒之隔夜鹽生而味微苦名曰苦鹽歲約出鹽拾餘萬斤本地土著販往同平一帶銷售向由平涼道署派員收厘光緒二十三年由省派員改抽統捐此外境屬無產鹽之區茶馬無之

一物產

池屬山馬土寒歲僅產市斗小麥千餘石莞豆百石糜谷千餘石被麥蕎麥各數百石牧養各羊不下萬隻其餘別項糧食以及於棉桑菓之類均與土性不宜即小菜僅種葡萄白菜黃瓜茄子等項餘皆不出有水經行之處栽植楊柳成林約在四千株上下

一貢賦

原由海城縣撥賦項三六款又撥歸更名地肆項肆拾捌畝又原由昔遠縣撥歸屯地壹百壹拾肆畝陸拾五畝畝分玖厘以上三共收更名屯地壹百壹拾玖畝四十九畝畝分九厘每歲額徵地丁正項銀陸拾貳兩八錢壹分五厘耗羨銀九兩肆錢貳分貳厘倉斗小麥正項銀二百四拾八石肆斗四升三合八勺耗羨銀三十柒石叁斗肆升六合六勺

一祀典

池堡舊城前經賊焚毀殆盡其城之內外尚有開帝廟城隍廟昭忠祠火神廟送子娘娘廟龍王廟東嶽廟雲宮廟總地方次第稍為修復又現今初等小學堂乃昔日之書院中設孔聖文昌座位地方官於春秋二季備牲禮祭之不頒公家費用

一職官

縣丞黃梅莊安徽人光緒元年任兵燹之後才道之民漸次歸來辦理善後頗著勤勞

房壯敬西安人光緒三年任

張家駒安徽人光緒五年任

朱世楷廣西人光緒十三年任

李成林順天人光緒十四年任

朱世楷光緒十五年復任二十一年五月初海州作亂已執縣官勢甚猖獗武舉董彥樸聞風隨春遠逃眾官紛紛隨走獨軍功楊生海島孝先入堡

幫同朱公守禦堡牆土築完止又餘幸不久賊氛平息未渡前來卒得保全地方厥功頗偉

行昌順天旂人光緒二十肆年任

喻增榮湖南人光緒二十六年任

沈廷序湖南人光緒二十七年任

朱世楷光緒二十八年又復任

彭煦賢湖南長沙縣人光緒三十年任

廖丙文湖南巴陵縣人光緒三十一年任

一塚墓

浙江平湖縣知縣王兆山墓在乾鹽池北山下

順天山河縣知縣牛中選墓在池東十里西馬山北坡院有石坊一座

太子太保奮威將軍忠勇公王連寶與其妻一品夫人孫氏合墓在池東十里西馬山北坡院有

諭以碑文四道欽賜造葬碑文神道碑銘各壹道石坊三座翁仲諸獸現今坊多倒塌其

曾祖父墓祿大夫王佐有曾祖母一品夫人李氏

祖父墓祿大夫王儒祖母一品夫人余氏

父墓祿大夫王尚禮母一品夫人葉氏墓皆在池東十里南岸虎形山坡院有

這封三代碑文三道王連寶將軍出身功著碑文直石坊三座翁仲諸獸現今坊多倒塌

一風俗

這封三代碑文三道王連寶將軍出身功著碑文直石坊三座翁仲諸獸現今坊多倒塌

池邑地係邊境橫由靖至海大路習尚儉樸喜山度吊往來錯道酬答無會  
各稱其家之有無以為豐畝耕牧居多好關健訟流移棲處盜賊最易潛藏  
龍鳳山石橋關黃家凹等處往往有持刀禦劫是必密偵嚴捕於其隱伏  
庶可遏其猖獗也奇慶平安

一肥封

王佐有以曾孫王進寶贈祭祿大夫妻李氏贈一品夫人

王儒以孫王進寶贈祭祿大夫妻余氏贈一品夫人

王尚禮以子王進寶贈祭祿大夫妻王氏贈一品夫人

王進寶妻孫氏贈一品夫人

王用子妻李氏贈一品夫人

一恩蔭

王用省以父奮威將軍王進寶功  
欽賜侍衛

王廷字子三以祖奮威將軍王進寶功

欽賜侍衛授山東即墨營參將

王珍以祖奮威將軍王進寶功

欽賞守備歷官海國營參將

王正以祖奮威將軍王進寶功

欽賞子恩蔭官固原提標營遊擊乾隆間

王水以五世祖奮威將軍王進寶功世襲一等子爵任廣西提標遊擊

王承勳以六世祖奮威將軍王進寶功世襲一等子爵任四川德功協副將

王親垣以七世祖奮威將軍王進寶功世襲一等子爵官神木協副將

王親陞以父王承勳官四川德功協副將恩蔭從六品

王錫以八世祖奮威將軍王進寶功世襲一等子爵官乾清門侍衛

王錫以父王親垣官神木協副將恩蔭從六品授江西吉安衛千總

一選舉

王舉張舉張文林父子同榜中式咸豐年間文林以文挑得補通渭縣教諭  
原生張榮之子孫也若履年間張振邑人誣控縣令認真詳辦發流山末後其子  
舉其孫文林同榜中式鄉老以為人虧天不虧至今傳為美談

一貢生

苟有教前任白水縣教諭 牛克明歷署化平廳教諭訓導 陳希魁

附貢生謝文俊現署徽縣教諭 楊文華 陳作賓

一武舉

牛中英道光壬午科 牛中魁道光戊子科 牛坤道光壬辰科

劉邦寧道光甲戌科 董彥樞光緒己丑科

恩科

一節婦

常氏武舉牛大知妻年二十六歲夫亡遺下中魁甫二歲  
中選甫一歲氏翁因哭子喪明氏盡心事奉翁姑撫養二十  
後中魁得中嘉慶戊子科武舉中選得中嘉慶癸酉科文  
舉官順天山河縣知縣氏蒙

誌表七十餘歲卒

劉氏伯世英之妻年十二歲夫亡膏年夫志浩首完自享壽六十四年

張氏周秀之妻年二十歲夫亡貞靜自守撫孤成立有司以苦

節堪嘉請蒙建坊旌表為十餘歲卒

周氏李學之妻年三十歲夫亡守節撫子教道克承家

孫官至遊擊銜儘先副將

欽賞給三品封典等事亦自有七百年

張氏楊萬廷之妻年三十二歲夫亡守節歷難義方訓子後以書香傳家子文華貢生孫希賢廩生志頗氏撫育教成

閩氏陳國政之妻年十七歲夫亡夫志貞守撫任繼嗣存敬夙著問里欽羨時已年近五旬現存

一星現星殞日月食

乾隆三年十一月二十四日地大震有聲或震或止相繼一月或光緒五年正西慧星出現久則光激如月光緒五年正西慧星出現尾長丈餘十餘日而沒二十年正東慧星出現二十六年正月朔日日食望日月食三十年十一月十二日申時火星落於正北落後紅光普照數刻火氣猶凝漸漸而散三十三年正東慧星出現尾長五六尺半月而沒

版

乾隆二十三四兩年大旱斗米白金三兩蒙發帑土賑濟全活甚多二十五年七月恭西北天赤直貫天心中有白氣如根松林至明始散三十八年六月本堡水雹大如李滑落地尺餘數日不消蒙蠲免四十二年地丁正銀四十九年四月照茶廳送回由五作亂蒙遠縣床子灘回逆同攻本堡並靖城甚急靖城回逆亦有內應者該縣黃家駒用此史乘爾漢計多擒之餘賊喪胆而遁官軍追至狼山擊賊之田五中鎗死是年九月蒙蠲免正耗銀糧五十九年蒙蠲免天正歷年民欠銀糧草末嘉慶元年銀糧蒙分作三年次第輪免嘉慶四年川匪作亂甘省被賊滋擾各州縣本

年及帶征乾隆六十年嘉慶元二三年銀糧草末全行

豁免其隣近賊氛各州縣寬免十分之二三嘉慶十五年大旱斗米白金二兩四錢十六年大疫死亡過半貧民賣妻鬻子相繼不絕十八年田土化為鼠食苗過半二十四年蒙蠲免甘省有歷年民欠銀糧道光七年西域送回張格兩滋事甘省兵差過境各州縣本年銀糧蒙全行豁免其辦濟軍食各州縣銀糧蠲免十分之六五年以前通省舊欠銀糧蒙全行蠲免

一方言

池屬土語稱曾祖父曰太爺曾祖母曰太祖母父曰爺爺祖母曰奶奶父曰爺母曰媽伯叔曰爸爸來去曰來來爾遊曰閑浪請客曰照客閑談曰扯沫觀看曰照至於詞調字音與各府州縣雖有畧異然亦不甚相遠

一戶口

池屬只居民五百一戶計三千七十六丁口內男大九百八十四丁小七百五丁女大八百四口女小五百八十三口

一倉儲

池屬社穀由地方捐自光緒初間每年春放秋收加二行息款倉正倉副經理一年一換必須報費紳方可充當截至光緒三十三年底止倉儲倉社社糧五百五十三石七斗四升九合可

一度支

縣丞一員歲支俸銀四十兩門子馬夫各一名皂隸六名歲共支銀四十六兩池街及乾益池二驛共設站夫七名歲共支工食銀七十六兩六錢以上共總歲支銀一百六十四兩六錢

一釐稅

池街於光緒十七年設土釐分卡由靖遠釐局派司巡二人經理以土藥每斤三錢六分抽收釐稅每年約在百餘兩及數十兩不等於三十二年改收統捐以土藥百斤十一兩五錢抽收釐稅每年約在千餘兩及數百兩不等三十四年又設羊隻皮張釐卡亦由靖遠釐局派司巡二人經理以張皮二百四十斤為一担照章抽收釐稅每年約在三百兩上下原無定額

一 農畜

池屬之民皆安耕盤春二月種小麥莠豆五六月收秋六月種糜穀為麥九十月收惟人烟稀少鄉間並無稍大市鎮僅池街有小小舖商十數家光緒三十四年於池街設立工藝二處招雇匠工二人試做毛毯口袋各租物因費本過多而中其農畜二收暫實難於開辦

一 礦產

池屬以北相頭皇許之龍鳳山產金產炭咸豐年間民人採之頗旺近有試探者深挖之因為水多所阻今久廢弛

一 巡警

池街於光緒三十二年設巡警一局巡兵十名乾鹽池堡設巡警一局巡兵三名各分派地段日夜輪流站守如有失事惟該巡兵是問各派正副巡長管理而舊日保甲早已停辦

一 學堂

池街於光緒三十二年設初等小學堂一處係因舊有百泉書院一座尚存泥修破壞小房數間稍為補修改設常年經費的款尚止壽有六十金不敷之數全恃隨時設法籌給教習一員員司二員學生三十名而試院向來無之

一 物產

五穀皆屬地宜而黍稷為多黍稷黍地通稱為糜而池地志稷米黍米不成黃白黑綠豆俱有其地高寒小麥大麥青稞豌豆豌豆俱當春種六七月間成熟有大小燕麥小燕麥俗云油麥人民日用所常需非本草中所載之燕麥也本草所載亦名雀麥多生於郊野即墟間人不可食明楊慎著有論辨粟香香種植高處不宜

一 疆域

廣七十里橫七十五里烏道一百里東至狼山二十里至甘鹽池五十里西至城一百四十里至固原三百四十里南至會寧縣白崖子三十里至會寧縣三百四十里至鞏昌五百二十里西至會寧縣小水堡十里至毛河洛二十里至靖遠縣七十里至蘭州三百三十里北至西島灣三十里至會寧馬圈沙河八十里至中衛縣二百四十里近至京師三千八百里

一 山川

龍鳳山在堡北八里山勢聳秀石岩重疊景有春梅二月開花上有無量祖師大殿磨針樓土地祠東有老君廟下有靈官殿各有碑記此山岬岬嵯峨實池境蟠結鍾靈之勝槩也

出吳山在南三十里形勢秀麗林木茂盛時有嵐光霧障不日即雨上有白馬將軍殿顯神廟祈雨即應相傳屈吳二姓所居故名屈吳厥後王忠勇公降生馬營水蓋此山之靈鍾也甲寅之變忠勇公誓志滅吳夜渡黃河而吳遂由此投首說者謂山名屈吳殆預為之識云

神木山在東三十里山有林木潤出甘泉古有哈家壩引此水以灌鹽池今久廢

荆園山在北二十里東五里青砂現又三里青石崖下有泉曰渴  
子水相傳其地每黎明時晴嵐曉暎若城郭重樓女牆煥然  
可觀日出則沒俗云此處似有寶藏焉  
蒼龍山在北六十里羣山環抱五嶺聳峙高有大佛殿傍有齊  
天大聖樓上有無量殿東有聖廟西有青馬將軍廟外有  
山神土地祠二十七年重修由青馬將軍齋天大聖感應有靈  
祈雨時疾無一不應驗實一方之福神也

一忠烈

明劉育英武舉劉邦卒廖生雷波國民守城於同治三年正月  
初五日賊勢猖獗力攻城陷罵賊不屈而死廖生呂蒙第附生  
呂朝鳳附勇張雅南附樹壇路道遵康武生牛星楊永  
秀附生劉邦祀雷潤城陷後復協力禦賊難而亡

一碑文  
奮威將軍王進寶出身功勞碑文一道

其文曰

從來英雄豪傑建不拔之業者其生也不偶其出也不厚王公  
進寶祖先業農及寶生初少懷偉畧壯抱雄心正欲捍衛

王家郭沂海氛適當

龍飛五年西涼初逆犯順果敢一試奮勇先鋒磨厲以須破賊成功蒙題  
守備萬仞初登後越數載雲霄調征總兵督統張公其人出其胆  
智協力同心幸遠天佑渺然殿影大破石萬溪惟君乃建首功先  
登鐵鎖橋小醜望風奔奔一日鋒推無敵功成百戰百勝當世稱雄  
旨命遊鋒軍中傑出無過斯人改轉臨光廣提督鎮標中營後轉鎮

南全省飛雄城或遇奇莫其功勳肘金跨玉定南封功康侯偉以獨  
步才能謀畧超越出類絕羣其風一脈昌隆後昆麟趾振振蘭蕙  
芳芳祖龍之脈流注于孫無窮無極禱萬斯靈訝其過美其功美  
其除之隆不能不壯英雄之氣而勒為後世之不朽云  
賜進士出身戶部都給事漢南峭陽通家侍生黃結清頓首拜  
撰康熙三十年李春勒石

追封奮威將軍王進寶三代碑文三道

其一

制曰典朝開創之業端藉元勳良臣輔弼之才寶貴世德式遵令  
典用沛洪恩爾王佐有乃奮威將軍管陝西平涼提督事三等  
精奇尼哈番王進寶之曾祖父源遠流長本深枝茂蓋精德於  
乃躬致於祥於奕世曾孫有慶惟爾之休茲以草恩贈爾為榮祿大夫  
於戲一德交于近天休而為至數傳始大荷帝眷之方來尚其欽承式  
佑爾後

制曰德隆宗社於開國為崇功恩及層闈於承家為異數庸庸寵命  
以著殊休爾乃奮威將軍王進寶曾祖母李氏慶行曾孫徽流四世  
宣闡培德乃啟後人湖水木之深長用恩榮之遠被茲以草恩贈爾為  
一品夫人於戲微音迺後嗣而克昌寵既赫然保融於至數傳之  
永遠服此休補

其二

制曰胎厥孫謀忠蓋綿世傳之澤絕其祖武恩榮昭上帝之休忠厚之道  
攸存激勸之實斯在爾王德乃奮威將軍王進寶之祖父爾有胎謀

以啟乃孫傳至再世克勤王家褒寵之恩宜及大父茲以章恩贈  
爾為崇祿大夫於戲再世而昌無忘貽德之報崇階晉用昭寵錫  
之思奕代垂休九原如在

制曰孝子之念王母情無異於慈暉興朝之獎勞臣息並隆於祖且爰沛  
此封之命用慰報本之懷爾乃奮威將軍王進寶祖母余氏爾有貽恩  
止於再世乃孫襲慶績懋國家嘉爾淑儀宜褒褒寵茲以章恩  
贈爾為一品夫人於戲章服式賁沛介錫於垂綸綸符寵頒保昌隆  
於百模永永家慶以文幽靈

其三道

制曰父有令德子職務在顯揚廷著賢勞國典必先推錫用申新命以  
衣前休爾王尚禮乃奮威將軍王進寶之父持身有道迪于成石  
嘉子懋績之位爾爾傳家之嗣爰褒義訓用肯恩崇茲以章恩  
贈爾為崇祿大夫於戲幸行式敦澤流青史之光教孝作忠崇耀  
紫綸之色永浩厥後蓋庇昌隆

制曰國之最重者惟是忠蓋之臣家所由興者賴有賢良之母特頒  
恩命用慰子情爾乃奮威將軍王進寶之母王氏慈能育子教可  
傳家念茲靖共之猷實本恩勤之訓母德既著涯典宜加茲以章恩  
贈爾為一品夫人於戲爾爵用以榮親褒忠因之教孝錫隆恩於  
不虛表美譽於來茲欽服寵綸用光泉壤

均係康熙二十四年秋七月立石

誥初奮威將軍左都督管陝西平涼提督事三等精奇尼哈番加十一級

贈太子太保謀忠勇王進寶碑文二道

其一道

制曰朕惟人臣授律中權策勳天室非忠無以立節非勇無以圖功

故狗國忘身者志堅於金石執訊獲讒者氣厲於風霜冠危於蓬蓬  
陽由之絳靖邦家彼賴辰在斯人爾王進寶樸誠自植驍果超羣自來  
髮從戎久居邊徼招攜緣遠厥有成勛是用書勞盟府建節西窺迨  
滇寇弄兵涇原煽禍忠義奮發投杖東馳涉險濟師裂此誓衆遂收金  
城下天水伏莽肅清叛人自靡靡城以而無風塵之警誓死乃撤道襄斜規  
收洋風雄草船而浮江水走棧道以賊武制賊騎宵飛妖氛旦掃漢興  
一路望風吐款遂薄關中馳驅電驚取彼渠首聚而殲旃傳檄而定三川  
者爾之力也爾有立懼之威制敵之智疏勳方面其與為二而又素夫  
貞克輸忱烟兵間半苦不忘君父洎御旆獻凱乘輿入朝畫接從容宴  
登稠疊遺還舊鎮三命滋共古所云不二心之臣庶罷之士爾殆兼之庶  
無慚色天不厭算遠以疾殞已命所司易名加典同錫文於石以甄明  
風烈嗚呼惟懋嘉乃功用為錫乃寵爾其不昧尚克承水

其二道

制曰鞠躬盡瘁人臣奉職之敬耐德哀庸朝廷勸忠之直蓋情共既昭  
其大則哀榮必厚厥終爾奮威將軍王進寶性行忠良才猷練達  
膺疆場之重寄奮戎身以前驅克情冠氣銷奸盟於伏莽兼資彈  
壓作安地於干城詎意積勞遽成水逝死終之謂世亦馳榮之典宜頒特  
沛鴻綸拜加寵秩茲贈爾為太子太保崇祿大夫於戲位崇百秩弘敷紫  
誥之華寵渥九原永作黃墟之育幽靈不昧臣典式承

御製祭奮威將軍王進寶碑文三道

其一道

帝遣內閣侍讀學士傅繼祖祭曰朕惟國家削平僭亂終靖疆隅必藉無  
二之愛臣以成不再舉之業生則任干城之寄歿則施泉壤之榮嗚茲  
殊勳宜頒異數爾王進寶奮跡行間忠誠自矢分旄陝右勇畧彌



章當逆順之過陵值邊陲之孔棘爾後把而厲將士過賊始於方張秣馬而渡河流振軍威於有赫遂乃蘭山雷埽榆谷風馳飭虎旅以無詳誓妖氣之盡滅隴坻既定野清伏莽之奸蜀道長驅地扼建瓴之勢錦江涌漢遂折狂瀾劍閣連秦全消毒霧時投醪以饗士甘苦惟均亦聚米而知兵正奇女用殺敵則威其果庶幾降則示以腹心用能克樹豐功存膺龐命總元戎於西土賜嘉譔於中朝柳邑勞臣錫旅驚而作鎮金城宿將籌甸粟以安邊正塞上之威行忽中軍之星殞春言成績彌珍中情嗚呼百戰云徂殺醜激戎行之氣九原不返壯猷垂策府之光國典崇崇聖而靈克荷

其二道

帝道內閣侍讀學士傅繼祖祭曰朕惟邊防既靖宜忘禦侮之警爰思即之有加特出解庸之與爾王進賢才謀兼勇志矢精誠既氣鼓一軍之威先聲奪賊之胆有進無退父子披堅其道同趨山川失險握中權以副勝俾西顧以無虞維舍雖捐勛名未泯於歲丹願寵命臣于休榮更進其官朝廷賜典性既備盡矣故冰

其三道

帝道內閣侍讀學士傅繼祖祭曰名垂竹帛人既往而猶存功在封疆禮屢加而未已爾王進賢行忠保國奮武乘機推捷冠於金城一軍宵濟揚征塵於褒谷千里凡封兵精而節制偏俊地險而成功倍速懷偉績益沛殊恩於威懾肅肅泉蒸分在列朝三命宅室增崇

誥封學士大夫奮威將軍世襲二等精奇尼哈番諡忠勇王進賢公墓誌銘

一道

具文曰

富公亮於固原之官署時陝督布公馳奏以聞

上悼其全關而為黜傷者久之既而長君總戎用予次君侍衛用扇皆以至情請假治喪故事武臣無奔喪例

上憫其孝思曲允所請旋遣一介持單昌王邸冰家練所撰行壯走都門而請余曰不孝用予等獲罪於天而致先大人不幸遂齡也生不能侍養於朝夕歿不獲訣別於易首雖惟心泣血而已其情矣今於丙寅二月初日卜葬於固原馬營水曲島山之北不孝等薄德涼才固不足以表揚先人勤業敢乞燕許大筆用昭來茲願余素不能文然忝職翰苑既志其戰功於平時及其來都又面晤其丰采於一日義不可以不文辭者於是不得不揣鄙陋為之誌而系以銘焉將軍諱進賢字顯吾靖遠籍固原人也先世皆不仕而多有陰德其孝友仁讓之行推為閭里所矜慕自其曾大父而下以將軍貴追贈未如其官將軍生而英姿魁梧精射射慨然有志當世方我

朝定鼎之初將軍年甫弱冠即從總督孟公西討拔細奴立奇功 題額守備衛城乙未巨寇李定國竊據滇黔 命將討之時將軍為總督右標提督非熊張公部將獨統前鋒及師次十萬鎔當諸道咽喉總督千休以戰難施將軍攀援而上直搗其穴賊泉湧奔我軍得以長驅直入用大疏為後村軍為經界標營遊擊繼而張公提督全滇值西彝狂逞奉 命改提甘肅公以將軍素諳邊情時海曹恣睢全將軍帥師敗之總督莫公疏表其功陞洪營泰將洪水通近粵界至是不敢窺視迺詣 京輸款乞任牧大草灘地

廷議遣親臣驗現形勢兼命督撫提鎮會議可否將軍力持不可並議城於單于城故址於是諸大臣執奏復 命遂改名永固陞將軍為副總戎駐節於此以彈壓焉至今無復敢飲馬城窟明年詔將軍馳驅 陞見備問邊情及守禦要畧將軍指陳詳悉一皆稱

旨特授西海總兵賜刀馬弓矢曾獲將軍命赴任忽報逆藩吳三桂反未幾王輔臣亦叛嗣是時賊勢猖獗惟溫中特將軍以無恐將軍具疏請計問而蘭州已陷即統兵直抵黃河昏暮從蔡家灣然禧營帥以及袋背險將渡軍深入至新城而休焉明日抵皋蘭營於龍尾山賊兵更相迎敵將軍身先士卒屢戰屢捷遂拔安定復金縣乘雪夜以破臨洮蘭州之外援已絕賊計無所出然後納款請降而天水南安亦相繼投城定西大將軍與靖逆張公以將軍威望素著會

賊移駐秦州以書要臨川逆王屏藩吳之茂據西和禮縣進寇秦州將軍整兵大收賊衆爰陞陝西提督方欲夾勦平涼會通渭告急將軍率精甲千餘疾趨救之即復通渭收靜寧逆黨之臂指既絕而平涼望風歸順矣其不處逆孽復大聚樂門將軍出往攻之逆衆大潰奔入漢中隴石寇以蕩平後書入告特旨奮威將軍阿恩哈尼哈番之秩通賊犯寶雞將軍即率師前進命家君潛襲利橋遂由連雲棧取鳳縣直抵武關又遣家君率健卒抄出武曲舖以攻其後賊人膽背受敵夜半破關遂直趨漢中賊衆狼狽逃遁將皆長跪請降漢興一路皆平

皇上眷念膚功却書龍飛二大字唐詩手卷一帙遠來臣就聖賜之復初命會兵恢復保安平定四川將軍揮戈一指奮朝天關取廣元拔昭化分府前進乘勢連拔四營將軍親奪浮橋直逼保安城下家君斬門而入逆帥王屏藩勢迫自縊偽將軍吳之茂等自縛請降隨遣仲君暨偽裨分道四出全川傳檄而定矣是役也家君奮勇克奏大勦 特授四川松潘總兵遣內大臣賜將軍彤弓駿馬會將軍疾作改家君為回原總兵率師進勦既而川賊乘機復叛將軍特奉

密旨鎮守巴蜀隨即力疾馳赴保寧勦撫兼施賊黨悉平奉詔陛見欽使郊迎及拜觀 却前賜座賜茶溫諭褒嘉甚

陵之後辰夕入侍 皇上親臨賜暑天語竟日君臣之間藹如父子且大皇太后皇太子俱賜宴慰問陞辭又遣閣臣等供帳祖送殊恩異哉有加無已可謂曠世之遭逢矣夫何昊天不弔而不佑將軍水其天年耶將軍生於丙寅年五月初十日且時亮於己丑年八月十五日未時享年六十歲元配孫氏 誥封一品夫人男五長用子鎮守甘肅總兵官左都督世襲拖沙刺哈番孫夫人出娶李氏原任波羅營副將斗蒼李公女

誥封一品夫人用竊 御前侍衛副配孫夫人出娶張氏原任廣西四川參將海龍張公文次用佐繆夫人出次用卿側室劉出次用相側室何出俱初未娶七二長適原任陝西提督謚忠愍東海陳公子世琳孫精奇呢哈番親夫人出次許字巡撫貴州都察院兼兵部尚書鶴鳴慕公子側室堅出孫三長孫次玘次玘俱用子出嗚呼將軍自壯歲從戎受知 兩朝其百戰殊勩固已載青史銘太常矣余何能盡述其詳不遇體二君愛親至情聊誌其大畧云銘曰

皇帝天造啟運無疆篤生名世佐命勳猷猗歟將軍起家戎行虎膽燕翎擊鷹揚提戈靖亂 天討用張恩威並濟春而秋而膚功既壯陞九宸光溢綸勞副飲食笙簧彤弓寶馬垂矚尚方階晉師保尚增侯王誰其比之臨淮汾陽已且之秋太白掩苒訃音 上聞 聖主悲愴 賜祭賜葬賜諡賜坊生榮死哀今古無雙佳城永兆行碑輝煌翁仲列峙松楸鬱鬱人家聲濟美世澤永昌銘壙石傳信流芳

賜進士出身光祿大夫太子太傅吏部尚書文華殿大學士四級長洲宋得宜拜撰 欽賜追葬奮威將軍忠勇府君碑記一道 其文曰

嘻甚矣君思之遠也念我皇考府君自定苑奉舉學魯後由洪水身移水

名聲見印現荷褒嘉拔之傳伍中除西宜總鎮此忠勇府君特選知通之始也此開漢之變也忠勇府君曰荷 朝廷奉養數十年且不以次謀切連摧微臣正感奮無地茲復得見 天子而不以下位愚不肖破格晉崇秩非臣所能上報在位王事多艱亦惟此一腔熱血傾注於疆場間已耳其下金城裴兆陽定關隴進漢興破保宜諸蹟悉載宋相國所撰墓誌銘中茲不替但已而既平不謂劇勞疾作疏州奉

旨仰久鎮岩疆勞績素著進勳四川復奏捷功地方初定倚任方深覽奉以病請告請辭懇切着回國原任所調理據卿子王用子甫稟面奏稱松潘內地情願隨征効力等語卿僚官兵着王用子暫行統領駐劄保宜進勳雲貴之時隨征前進兵部知道欽此回國甫五月而諱於二逆復叛時奉 密諭卿以智勇雄才難於俸養眷風翔軍旅應鎮巖疆實者秦者用兵卿雖竭忠勇平先將士恢復郡邑掃除逆氛厥功懋焉繼以漢興尚為賊據蜀有未入版圖靖寇安民實資良將卿受命專征分道而進漢中定而雲棧路通保宜為漢地授首朕心時切褒嘉尚係事平權叙因卿以戎務積勞屢求調攝故曲體守臣遂其所請傳回原原暫就醫藥今念各路大兵進取滇黔四川重地必須宿望重臣若中

綽屢況川東餘孽復行狂逞勳撫兼施尤為急務卿即整頓兵馬速赴保宜鎮守益展謀猷折衝固圉使全蜀蕩平副朕倚任之意顯爵爵庸國家自有曠典卿其加意勿忽特諭銀此爰即抱病馳赴餘孽患平訪佐舉薦為壽曰將軍其天授與何遠近險易虛實象審一

一若，在肩睫間而衝渡池流鑽裝地隘往往出而不測趨所不意因根於敵轉客為主孰與將軍招降釋俘一不妄殺即在寇讎咸相愛戴稱為仁義之師孰與將軍兵及雪飛矢石而注將軍每戰身先卸甲

而馳如入無人之境其生平並無一敗孰與將軍忠勇府君曰而若武臣倘邀尺寸功切莫作矜嘉態死此皆 朝廷威福而與若不過適逢其會耳夫何力之與有而爾稱賀為即如涉險備危此皆倣倣於不可問之天倘平濟而擊一夫守險雖良平鳥用之至已易生民被逆骨從塗炭已久一旦被執不啻釜底遊魂又何患概為屠戮而殘民以逞也且州之鳥伏波曰男兒當死於沙場以馬革裹屍而還岳武穆曰武官不怕死夫敵王所愾義不貪生此我輩本等分內事獨幸於鋒鏑交加中死不能傷我寸膚此豈我輩所易為力與凡此皆 朝廷威福若或有特異行使不期然者三子謀為推異不亦誣乎於是諸將佐唯唯而此也染霖藩平凱旋進次奉 詔馳驛陛見 上賜於乾清宮親燕以和蘭康親王與國舅公及大學士勒明兩相陪坐一時王公將相

天威不遠咫尺 上復命將軍前跪曰再前更前至 御座 上賜賜三爵曰將軍其盡飲此今天下昇平皆爾之力朕其以是勞之將軍跪飲謝 恩畢因叩叩進三爵曰小醜跳梁如神如鬼臣率師征以國體字每思若得而食之不厭仗 君之威傳逆寇滅臣得保全首領以生還何等榮幸又安敢介為天功以為己有乎 上大悅為之連飲訖仍賜 國龍御衣一襲黃鞍鞵為一乘比送駕幸海甸 上緩轡顧問二十餘里曰將軍其還歸哉陝西地方重大朕惟將軍是賴忠勇府君下馬叩辭不覺下淚奏云臣草茅疏賤並且定矣此者叩離 龍馭不知何日尚能得見 天顏否 上慰之曰將軍其勿悲卿外臣例不請安朕今列卿於內大臣班卿若憶朕可預疏以聞朕即准來京親謁復賜內大臣朝衣一襲嗚呼今憶忠勇府君之言誰謂遂成永辭 聖明之誠與此歸適不

有用于拜調鎮晉陽之命而前往矣尋府君疾作疏辭 上不允期除病劇復疏辭奉 旨卿長才偉畧久鎮巖疆矢志忠貞勞績茂

若以賢重任正當辦理着照舊供職不必以病求罷著伊子總兵官王用予速往省侍該衙門通選醫官一員馳送前往加調理副朕眷注之意該部知道欽此不肖用予歸省未旬日而調征甘肅之命下兵部府君疾稍痊論不肖用予曰甘肅通商海狂彝出入無常朝廷以此巨任畀爾吾重恐爾之不克擔荷也然寬猛交施恩威並濟合是其業從爾其往哉不肖用予再拜而敬對曰

皇上今免歸省旋命移鎮甘肅以相去匪遙得以朝發夕至而侍我父故也今父疾

未愈而何敢輕違膝下以炫耀赴任馬府君曰朝廷邊疆緊要忠孝

何能兩全我命在天爾勿慮我代爾具疏謝恩爾速往就鳴呼誰謂此

時遂是我入于水訣之秋哉不肖用予到涼未期月而府君病革乃

伏枕傷鶴辭謝 聖恩語竟而竟界云臣病危在旦夕 君恩未

報從此水隔 天顏當惡感世瞻望 胡庭不勝嗚咽奉 旨御忠誠

素著勳勞優長自問任以來殫心保國統帥進勦奮勇當先副勝

運籌殲除賊寇迅通志定屢奏膚功重鎮嚴疆方深倚畀覽奏悲

疾危篤矜切朕懷遠所奏知道了該部知道欽此既竟總督有疏聞

奉 旨將軍王進賢性為貞忠夫心報國威望素重勇畧兼優奮

力率先征勦賊寇邊防戎務籌畫周詳久鎮嚴疆勳猷著著恭省重地

共濟艱危倚任方殷登遐忽聞朕心深為矜惻應得恩卹着從優議奏

該部知道時不肖用予在涼聞計寸肝摧裂深恨一官斃繁窮瘁邊

度父死之謂何而臨終易箒不能身親其事予職既虧臣道安在爰

其疏力辭奉 旨王用予准暫假治喪事竣速赴原任該部知道欽

此喪事既竣不肖用予限於成命爰回五涼而大宗伯以應照定例按其

品級給與全塋之價並一次致祭銀兩遣官請文致祭今奉 旨着從優議

奏其應否與謚并從優加祭之處統候

界洋界

聖裁奉 旨依議選與他堪加祭二次欽此而大司空以志勇府君係一品應

照定例該全塋銀五百兩碑價銀三百五十兩照會甘肅布政司親身察驗

給發本家自行造立碑仍將給過銀兩數目報明戶部銷算可也等因

靖遠衙門從司庫領出於康熙二十五年丙寅春三月初八日遷工刻石而與工

馬嗜甚矣 君恩之渥也夫 君恩起其渥為人臣子者或敢忘從事而漫

無所經心則輕衰朝廷之曠典庶幾國帑之隆頌在茲我府君之罪戾

矣惡用不肖為哉但用予汎守天山而用賢遠遠侍 帝制川佐用

御用相俱在暨年未諸經營不肖用予為之駭食不遑甯慮維我戎

務之暇意度心匠凡尺寸矩矱摹繪式圖厥成但不能親其地並其重

今按圖索驥字係閉門造車出門合數一就羅星而無一之或踰予子之

重白定省無人遊子塞垣片雲天遠為為之私甚難其已爰憑陳下情願

懇陳或奉 旨王用予以母老請休情詞懇切准以原官解任終養

該部知道欽此爰解旋歸里門一以得朝夕侍奉慈暉一以得心手指畫早

生之願足矣盡矣此

聖天子推心置腹曲體下情廣推錫類之宏慈茲思又何遜則不肖用予於丁卯

夏五月十三日抵閩里未及登堂先詣靈室進請此作而檢所推繫恭奉多

誦閣不符規例幸矣用予歸尚未晚也夫以

朝廷溢格之優崇而但付之漠不關心三三子作之手不肖歸如云蘇則收乃

事而貽後悔如之何其可及也自此迷日馳驟而稍工所手親天機剪刈其所

有餘增蓋其所不足不敢或過而於踰分之嫌不敢不及而隱 大君之賜凡高

卑上下而背方隅無一非不肖用予心出入也者乃於是秋七月二十四日暨立前

後小石坊元月十九日暨立中大石坊於戊辰春二月二十八日立翁仲及諸石獸

等類而工竣焉茲因刊諸正作並諸與同事者姓名於碑陰乃遂忠勇府君先

後嬰疾之巔末並屢遷 綸音獎飾之隆春特授世襲三等精奇尼哈番

淮集十次忠勇府君亮例不肖用子嫡長水襲以用予原授世襲把沙刺  
哈香計殺烏二等精奇尼哈香准世襲十一次喜甚矣 君思之涯也其於忠  
勇府君生則極其寵榮及則極其軫恤而茲孫其子孫者復極其厚且以爲忠  
勇府君後世之子若孫食天祿而享子華庶當思府君忠勇身親百戰血濺  
肩鳩刀致元無有二者昭格天心感乎

忠勇府君

聖天子思異數復享及後人俾之子孫孫長享勿替尚其推原報本蓋勵忠貞世  
報 國恩永光家聲雖不能步先人之徽猷抑亦勿負 朝廷之世澤俾之  
謂之曰奮威將軍其有後嗣我忠勇府君必將含笑九京元且不朽其或  
會頌不振暴自甘則是淵谷之繩不可以陵洪濟當與恒落落葉同腐壤  
則亦已矣如之何其無思

崇棟木夫左都督世襲二等精奇尼哈香鎮守陝西甘肅等處地方掛印  
總兵合原官於養不肖男用子稽首謹識同不肖男侍衛用賓不肖男用  
佐用卯用相孫男珏珪珽立石

建設打喇亦堡碑記一道

其文曰

楊寬 兵備

打喇亦古城按志不載興廢之由或者以爲宋禦夏人之患所築歟是城東  
以西安州八十里西去靖遠七十里北臨魯冠衝突之地南控居民耕牧焉  
是城之北有堡曰迭烈密通雪山黃河國朝於此分布屯兵置巡檢司衙  
門每歲增以戍兵蓋防河凍魯出之患也自正統成化以來魯酋數經是  
堡入寇中原軍民累遭荼毒本堡營壘具屢成化八年前鎮守恭將  
周海暨衛之指揮使路昭等以其事計於予曰迭烈密地僻城孤人寡難守  
不若打喇亦古城外則可禦魯酋內則可屯兵戍又且爲地里四達之處  
若以巡檢司并屯軍俱移於此不亦爲軍民之便乎予遂以其事白於

撫都臺大夫馬公文昇鎮守大監劉公祥總戎白公玉登藩司諸大臣皆  
曰然乃疏其實以聞詔允其請 命下馬公以原事屬請寬遂往相原地

計其徒庸而以是衛指揮同知朱勇董原二成化九年春令恭將趙公永和  
來鎮是地遂得戮力一心襄成厥事城則因舊而築廢者補之闕者增之城  
完趙公遂名其門東曰定遠西曰得勝與凡公策倉庫市井營舍次第  
借作自經始至竣事凡九閱月而就其後以二計者二千五百其城以步計者  
七百八十有奇其屋以間計者百五十有餘仍藉其附城空閑地畝爲屯田於

是錫鑄有禁鐘鼓有時士馬精強部伍整肅屯田耕牧可保無虞醜魯則風  
莫敢犯頭西望而地方以寧矣趙公謂予兵備是地宜有言以述建置之由焉余  
嘗稽諸載籍自古禦戎之道固以攻爲先尤以守備爲本况龍曾逞彼犬羊  
一之性憑陵我民庶蹂躪我邊疆其勢熾矣若非固城宿兵以守之彼則衝突  
無時邊將何以過之乎故昔者南仲城朔方而獵狝之難自除范仲淹守青  
湖而契丹之暴自沮者良由是之無是城一建巡鎮諸公禦侮安民之功殆非  
小小繼自今來守是地者尤能心相體悉時葺屢省俾無歲久易湮之失則  
不負巡鎮諸公愛利之惠而趙公之惠亦久而不泯矣是爲記

建設乾鹽池堡碑記一道

其文曰

楊鼎

乾鹽池一名乾鹽池里志不載其詳無從考証平昔壘中得前人所作定戎  
若詩錫始知其名也其境東通西安州西通打喇亦南通會寧縣北通寧夏  
豈不禦夏致此若始隸于夏歟元廢不治我國朝取其水草利澤作司營  
所北與鞏界經此出沒實繫關要地不可無兵守鎮以揚天威於沙漠也事成化年  
卯歲余憲楊君寬籌畫此策潛消魯寇此地極險成軍事未卒成越  
九載已矣魯復由此入寇歲糜于夏憲劉王君繼備星其狀巡撫阮公勤善揚  
君所謀擬移兵鎮之乃曰必須相察以驗可否入冬始應覽見邊鄙密心舒目

行視改城道北建新城一里許廣平宏厥諸泉互湧信可仍其舊公曰事  
貴由舊何必改作州此規棋壯麗土疆墳衍前指後畫公志先定詢謀僉  
率更其初議及公歸謀諸鎮守太監段公賢都督白公理衆議相守皆忻  
然大舉共樂為贊襄遂表陳其所以皇上明鑒萬里切於求治納公嘉謀  
詔特允之於是公自度量稱才授任分工責成士卒爭先趨赴不怠歲辛丑兵  
憲崔君廷憲適至細維厥務百事維功克以濟總厥功者指揮使劉端分  
原任者本所豈諸郡指揮朱勇等增盈故垣五百有奇崇高四尋加厚三  
尺浚隍高堞氣象雄壯南建虛樓以快登望因名定邊出入二關東曰鎮  
桑西曰服曹志在柔遠以揚聲教至若神祠官廨倉場營舍咸飭宏厥經  
始於辛丑年二月落成於是年八月未踰半載告厥成功衆咸謂是不  
可以無祀聖君遣使求余為記夫伯鯨作城以居衆古制也今興已廢之  
跡創未有之業顧識見日月用心何如斯固難矣詳此地山園平原  
勢若天堑非惟墳壤可築可於便於修埋亦且可耕可墾可樵可牧於屯  
守人被六氣之用家獲作賦之利是因民之所利而利之故民遷也如歸市  
然則公之是舉也既稱情乎時制又壯觀乎國家利在生民與照天壤久焉可  
民而不傳乎故詳書以著其建作之始俾來者有考焉

三十年十一月信錄

封面	-2
书名	-1
1	1
2	2
3	3
4	4
5	5
6	6
7	7
8	8
9	9
10	10
11	11
12	12
13	13
14	14
15	15
16	16
17	17
18	18
19	19
20	20
21	21
22	22
23	23
24	24
25	25
26	26
27	27
28	28
29	29
30	30
31	31
32	32
33	33
34	34
35	35
36	36
37	37
38	38
39	39
40	40
41	41
42	42
43	43
44	44
45	45
46	46
47	47
48	48
49	49
50	50
51	51
52	52
53	53
54	54
55	55
56	56
57	57
58	58

59	59
60	60
61	61
62	62
63	63
64	64
65	65
66	66
67	67
68	68
69	69
70	70
71	71
72	72
73	73
74	74
75	75
76	76
77	77
78	78
79	79
80	80
81	81
82	82
83	83
84	84
85	85
86	86
87	87
88	88
89	89
90	90
91	91
92	92
93	93
94	94
95	95
96	96
97	97
98	98
99	99
100	100
101	101
102	102
103	103
104	104
105	105
106	106
107	107
108	108
109	109
110	110
111	111
112	112
113	113
114	114
115	115
116	116
117	117
118	118
119	119



120 120  
121 121  
122 122  
123 123  
124 124  
125 125  
126 126  
127 127  
128 128  
129 129  
130 130  
131 131  
132 132  
133 133  
134 134  
135 135  
136 136  
137 137  
138 138  
139 139  
140 140  
141 141  
142 142  
143 143  
144 144  
145 145  
146 146  
147 147  
148 148  
149 149  
150 150  
151 151  
152 152  
153 153  
154 154  
155 155  
156 156  
157 157  
158 158  
159 159  
160 160  
161 161  
162 162  
163 163  
164 164  
165 165  
166 166  
167 167  
168 168  
169 169  
170 170  
171 171  
172 172  
173 173  
174 174  
175 175  
176 176  
177 177  
178 178  
179 179  
180 180

181 181  
182 182  
183 183  
184 184  
185 185  
186 186  
187 187  
188 188  
189 189  
190 190  
191 191  
192 192  
193 193  
194 194  
195 195  
196 196  
197 197  
198 198  
199 199  
200 200  
201 201  
202 202  
203 203  
204 204  
205 205  
206 206  
207 207  
208 208  
209 209  
210 210  
211 211  
212 212  
213 213  
214 214  
215 215  
216 216  
217 217  
218 218  
219 219  
220 220  
221 221  
222 222  
223 223  
224 224  
225 225  
226 226  
227 227  
228 228  
229 229  
230 230  
231 231  
232 232  
233 233  
234 234  
235 235  
236 236  
237 237  
238 238  
239 239  
240 240  
241 241

242 242  
243 243  
244 244  
245 245  
246 246  
247 247  
248 248  
249 249  
250 250  
251 251  
252 252  
253 253  
254 254  
255 255  
256 256  
257 257  
258 258  
259 259  
260 260  
261 261  
262 262  
263 263  
264 264  
265 265  
266 266  
267 267  
268 268  
269 269  
270 270  
271 271  
272 272  
273 273  
274 274  
275 275  
276 276  
277 277  
278 278  
279 279  
280 280  
281 281  
282 282  
283 283  
284 284  
285 285  
286 286  
287 287  
288 288  
289 289  
290 290  
291 291  
292 292  
293 293  
294 294  
295 295  
296 296  
297 297  
298 298  
299 299  
300 300  
301 301  
302 302

303 303  
304 304  
305 305  
306 306  
307 307  
308 308  
309 309  
310 310  
311 311  
312 312  
313 313  
314 314  
315 315  
316 316  
317 317  
318 318  
319 319  
320 320  
321 321  
322 322  
323 323  
324 324  
325 325  
326 326  
327 327  
328 328  
329 329  
330 330  
331 331  
332 332  
333 333  
334 334  
335 335  
336 336  
337 337  
338 338  
339 339  
340 340  
341 341  
342 342  
343 343  
344 344  
345 345  
346 346  
347 347  
348 348  
349 349  
350 350  
351 351  
352 352  
353 353  
354 354  
355 355  
356 356  
357 357  
358 358  
359 359  
360 360  
361 361  
362 362  
363 363

364 364  
365 365  
366 366  
367 367  
368 368  
369 369  
370 370  
371 371  
372 372  
373 373  
374 374  
375 375  
376 376  
377 377  
378 378  
379 379  
380 380  
381 381  
382 382  
383 383  
384 384  
385 385  
386 386  
387 387  
388 388  
389 389  
390 390  
391 391  
392 392  
393 393  
394 394  
395 395  
396 396  
397 397  
398 398  
399 399  
400 400  
401 401  
402 402  
403 403  
404 404  
405 405  
406 406  
407 407  
408 408  
409 409  
410 410  
411 411  
412 412  
413 413  
414 414  
415 415  
416 416  
417 417  
418 418  
419 419  
420 420  
421 421  
422 422  
423 423  
424 424

425 425  
426 426  
427 427  
428 428  
429 429  
430 430  
431 431  
432 432  
433 433  
434 434  
435 435  
436 436  
437 437  
438 438  
439 439  
440 440  
441 441  
442 442  
443 443  
444 444  
445 445  
446 446  
447 447  
448 448  
449 449  
450 450  
451 451  
452 452  
453 453  
454 454  
455 455  
456 456  
457 457  
458 458  
459 459  
460 460  
461 461  
462 462  
463 463  
464 464  
465 465  
466 466  
467 467  
468 468  
469 469  
470 470  
471 471  
472 472  
473 473  
474 474  
475 475  
476 476  
477 477  
478 478  
479 479  
480 480  
481 481  
482 482  
483 483  
484 484  
485 485

486 486  
487 487  
488 488  
489 489  
490 490  
491 491  
492 492  
493 493  
494 494  
495 495  
496 496  
497 497  
498 498  
499 499  
500 500  
501 501  
502 502  
503 503  
504 504  
505 505  
506 506  
507 507  
508 508  
509 509  
510 510  
511 511  
512 512  
513 513  
514 514  
515 515  
516 516  
517 517  
518 518  
519 519  
520 520  
521 521  
522 522  
523 523  
524 524  
525 525  
526 526  
527 527  
528 528  
529 529  
530 530  
531 531  
532 532